

宋 薛居正 等撰

留五代史

卷一三二至卷一五〇(傳志)第 六 册

華 書 局

中

舊五代史卷一百三十二

世襲列傳第一

臣」,今從歐陽史改正。(影庫本粘籤)光啓二年〔1〕,王行瑜殺朱政於京師,李昌符擁兵於岐下,詔茂 坡,以功爲神策軍指揮使。朱玫之亂,唐僖宗再幸興元,文通扈蹕山南,論功第一,遷檢校 兵於岐下,鄭畋,原本作「鄭攻」,今從新唐書改正。(影庫本粘籤) 畋遣文通以本軍敗尚讓之衆於龍尾 師,屯於奉天,文通時隸本軍爲市巡,累遷至隊長。黃巢犯闕,博野軍留於鳳翔,時鄭畋理 貞與陳佩等討之。三年,誅昌符,車駕還京,以茂貞爲鳳翔節度使,加檢校太尉、兼侍中、隴 西郡王。 太保、同平章事、洋蓬壁等州節度使,賜姓,名茂貞,僖宗親爲製字曰正臣。正臣,原本作「尹 李茂貞,本姓宋,名文通,深州博野人。祖鐸,父端。 唐乾符中,鎭州有博野軍,宿衞京

韶以 等相徐彥若鎭興元,茂貞違詔,表其假子繼徽爲留後,堅請旄鉞,昭宗不得已而授之。 大順二年,觀軍容使楊復恭得罪,奔山南,與楊守亮據興元叛,茂貞與王行瑜討平之。

世襲列傳第一

燙, 使, 中尉 張球, 韋 能 附 覲, 昭 麗 調 詔 留其假 原本作品 茂貞 了, 遂 弟 度 西 發 京 報 爲 軍 詔 र्यत 師 恃 報 旅 重 牧伯,朝 「張璋」,今從通鑑改正。(影庫本粘籤) 谿 震 朋 子 勳 日:「 遂 太原 繼 黨, 恐, 爲 師 (三)、 恣横,擅兵 相 鵬 未 天 軍 朝 延不 门茂 宿 表先至, 越境,為茂貞 (子御 李 政於是隳焉。 旅 衞 芝 貞 周 能 樓 事 潼 聽 刨 制。 窺 待之, 已許 崔昭 等謝 閻 吾 何, 珪 大 則 緯 之。 所 也 王 頗 與藩 臣 抗 昭宗性 珂, 之邪說,復沮 敗。 千 奏議言其 表 茂貞 朝 不 臣圖 請 茂貞 政, 洋州節 可 殺 嚴 [英俊,不任其逼, 一之,朝廷命 追 宰 兵不 、乘勝進 始萌問鼎之志矣。 改。」 過者,茂貞 相 其 度使楊守忠、 韋 ·解, (事,表 昭 乾 屯三橋,京 勢將指闕,抗言讓 度 寧二年五 柏, 昭度 卽 李 出 欲 谿 自 章論 鳳州 等 以謝 加討 師大震, 月, 股 無 既而逐涇原節度使張球白之、 懷。 相 刺 列,辭旨 天下, 伐。 茂貞 業, 史滿存, 又 能之罪,誅 乾 土 不可置之台司,恐亂 與王行 移 請 寧初, 庶 示 授王 É 奔 遜,姦邪 皆奪據其地,奏 珙 散, 瑜 於 珙 命宰 韓 天 河 河 臣 ;者因之 建 中 **乃**誅 杜 稱 節 及 兵 度 讓

昭宗登 輯 京 繼 師 時 承 晟 後 文 泊 唐 如 門 武 太 車 皇 樓 駕 原 避亂, 實 幸 L 一表,請 至, 鳳 翔,昭宗 令捧 吾 討 町 以 _ 日都將李 日... 鎭 方 以 略 太 寧 制 之。 雲 原 鄸 軍 輔 案: 繼 未 新唐書 是歲 至, 鵬 與景宣 鐢 七 及通鑑俱作李筠, 興不 月, 中 可 太原之師 尉 輒 駱 動 全 肸 群史韓建 瓘 至 與諸王 因燔 河中, 傳 燒 亦作李筠, 固 繼 東 守大 市 鵬 與 內 中 争 惟 夜 卿 尉 大 傳作李

之佛 雲乃 宗 岐。 茂貞 下 守樓 與 樓 者 茂貞 還宮 [奏云:「若太原盡殄邪、岐,必入 扈 下,繼 人懼,斬 是月, 蹕 都 繼鵬 將李 鵬率衆攻雲。 繼 武 卽 鵬、繼晟,上表待罪,昭宗原之,武皇曰:「不誅茂貞,關輔無由 皇至渭北, 君慶衞昭宗出 縱 火攻宮門。昭宗 昭宗 遣 副 路夏門,駐華嚴寺。 憑軒慰諭,繼鵬彎弧大呼,矢拂御衣,中樓桷。 使王壤 召 關輔,京師 語王謀其所向,李雲奏曰:「事急矣,請且幸臣營。」 奉表行 在 憂未艾也。」乃詔武皇與茂貞和。 晡晚, 昭宗以武皇爲行營都統, 出幸南山之莎城, 駐於石門山 寧謐。」時附 侍臣掖昭 進討外 及行瑜

請雪。 庫本 去, 茂貞 -粘籤) 明年 因 此 光化 出乘之, 長安大內盡 治禁軍 五 中, 月,制授茂貞 官軍 加茂貞尙 ·於闕 大敗。 爲 下,如茂貞違韶, 丘 東川 書令、岐王,令其子 墟 矣。 車駕 節度使。 倉 四 卒 年,昭宗復命宰臣 出幸 卽討之。 仍命通王、覃王 華州 繼筠 茂貞 茂貞 以兵宿 之衆因 孫屋統 、懼,將赴鎭。 覃王,原本作「潭王」,今從新、舊唐書改正。(影 衞 軍進討,韓建諫止,令茂貞上 犯京師,焚燒宮闕,大掠 王 一師至 興平, 夜自驚潰, 坊市 而

武

全班

師,茂貞

忽望驕

横

如故

翔, 圍守。 茂貞遂與全海 天復元 三年,茂貞 年十月 矯 ?,梁祖 山南諸州盡爲王建所陷,涇、原、秦、隴、邠、鄜、延、 詔 微 兵天 攻同、華,勢 下, 將討 逼 梁祖 京 師 宰 + 相 崔裔 月六 召梁祖 日 機筠 引 與中尉韓全海数昭宗幸鳳 四 鎭 之兵 夏皆降於汴。 屯岐下, 茂貞獨 重 溝 複

世

竭,彦琦 茂貞 茂貞 善 茂貞 謀 以心腹之任,易姓李氏,齒于諸子。 據 使 茂 地 不 以賜 () 貞 事 變, 孤 而 (與王建會兵於太原, 志圖 城, 自 仍 鼠 杰 坐 母: 請使甘州以通回鶻,往復二載, 茂貞 不 | 樂問 舊 一, 垂 形, 爲 內外援絕,乃請 內 ·托,通鑑作「餺飥」,蓋當時俗語聲之轉也,今仍其舊。(影庫本粘籤)與爾和解。」遂致上下服之。 母 季 終, 外 翅 多智數, 親至其家, 交,以 訊 進 持 不 茂貞 目 管鑰 振,懼梁祖 封 妻爲 同光二年夏四月薨, 秦王 書賀 哀毁幾滅性,聞者嘉之。 軍旅之事,一經耳目,無忘之者。 者, 皇 去其 一,所 之。 亦 后, 車駕還京,求和於汴,卽斬韓全誨等二十人首級送於梁祖 復討,請落尙書令,許之。 賜詔 後昭宗西幸,梁祖迎駕,攻逼岐下者累年,及昭宗東還,長圍方解。 呼爲司空太保,與夫細柳、大樹之威名,蓋 、爪牙, 及聞莊宗入洛, 鳴鞘掌扇, 美玉、名馬相繼而至, 興復, 敕不名。 熟寢經宿 竟無成功。 年六十九。 叉以 宣 一詞令, 懼 而還。 但 茂貞 不自安,方上 御 所獲萬計, 茂貞疆土危蹙,不遂僭竊之志,但開岐王 軍整衆,都無 諡 宿望耆老, 軍 日忠敬。 士有 性至寬, 如王者之制, 案九國志李彥琦傅:彥琦本姓楊氏,鳳 茂貞賴之。(舊五代史考異)及梁祖 鬭 表 而 稱臣, 特 子從職嗣 紀律,當食則造庖廚,往往席 有部將符道昭者, 人或告其 訴者,茂貞曰:「喫令公一椀 加 優 然尚行昭宗之正 尋遣其子 相 禮 遠矣。 対に無し。 {永 樂大典卷一 繼孍 及疾 大軍之後, 及莊 來 翔 宗平梁, 一朔焉 李茂貞 自是兵 建號, 府庫空 萬三百 遣中 詔

揮使。 極,繼 軍府 度使。 節度使。 體之文,是降寵光,以隆敦敍,俾煥承家之美, 促 轉 馬,乞以 『從』。」自 九月,敕 前 「承嗣」, 令 渾 事 爲隙 赴 應 事 封 必接使。 今據文改正。(影庫本粘籤) 闕。 ,韶起復,授鳳翔節度、管內觀察處置等使。 及唐莊宗平梁,茂貞令從曮入覲,制加從曮兼中書令。 天復中,自秦王府行軍司馬、檢校太傅出爲涇州兩使留後。 岐王 從職 曰:「李從職等世聯宗屬,任重藩宣,慶善有 長 ,上表論救,事雖不允,時議嘉之。 及唐末帝 從嚴 興元年,明宗有事 爲帥, 秦王,累食邑至一萬五千戶,食實封一千五百戶。 四 年 至華下,聞內難歸鎭。 末帝許之。 起兵於岐下, 正月,蜀平,繼岌命部署王衍一行東下,至岐, 加開 於南郊,從職入覲,禮畢,移鎭汴州。 清泰 盡 (府儀同三司、檢校太尉、兼侍中, 取從職家財器仗,以 初,即以 明宗詔誅 從職復爲 天成元年五月,制落 貴崇猶子之規, 重厚,從曮以軍民不擾,重厚之力也,不以 稱,忠勤 三年九月,以 鳳翔 助 軍 節 有(云)。 湛著。 度使,仍封 宜於 俄而茂貞薨,遺奏權 少帝 起復,加檢校太師。 魏王繼岌伐蜀, 監軍使柴重厚 四鎭北庭行軍、彰義軍節 茂貞 『職』、『昶』、『照』 四年,復入覲,改 旣預 末帝發離 嗣位, 秦國 | 專承制 維城之列, 公。 加守太保。 岐城,吏民扣 承制, 不與符印, 晉高 韶充供軍 宜 知 天平 上改稱 原本作 其年 新定 鳳翔 祖 軍 開

從

職,茂貞之長子也。

未冠,授諮議參軍,賜緋魚袋,

尋遷領彭州副使、鳳翔衙內都指

世

運三年冬,卒於鎭,年四十九。

借寇之言, 宮,時以爲 過,未嘗笞責。 前後二紀,每花繁月朗,必陳勝會以賞之,客有因於酒者,雖吐茵墮幘而無厭色。 從嚴少敏悟,善筆札,性柔和,無節操。 佞。 情<u></u>寇,原本作「借冠」,詳其文義,當是用後漢書寇恂傅願復借<u>寇君</u>一年之事,今改正。(影庫本粘籤)良 先人汧、隴之間,有田千頃,竹千畝,恐奪民利,不令理之,致岐陽父老再陳 但進退開雅,慕士大夫之所爲,有請謁者,無賢不肖皆盡其敬。 當莊宗新有天下,因入覲,獻寶裝針珥於皇后 鎭於岐山 左右或有

且多髯,二人坐又相接,而魏使在下,服因曰:「二使車一妍一醜,何不相嘲以爲樂事。」魏博使恃少俊,先起曰:「今日不幸 與水草大王接席。」 至中書令,世謂之「六令公」。 子永吉,歷數鎭行軍司馬。永樂大典卷一萬三百九十。 秦鳳 使徐起應曰:「水草大王不敢承命,然吾子容貌如此,又坐次相接,得非水草大王夫人耶?」 在坐 性情好戲,爲鳳翔節度,因生辰,隣道持賀禮,使畢至。有魏博使少年如美婦人,秦鳳使矬陋 五代史補: 李孍,岐王之子,昆仲間第六,官

有以也。

遣代兄從曮爲涇州兩使留後,朝廷尋加節制。 從昶,茂貞之第二子也。 十餘歲,署本道中軍使。 天成中,明宗卽位,改鎭三峯,累官至檢校太 後唐同光中,茂貞疾, 從昶年十五, 皆笑。

軍。 會郊 統軍,原 天大禮,表請入覲,以恩加檢校太傅。 本作「維軍」,今從通鑑改正。(影庫本粘籤) 未幾,出 俄有代歸闕,授左驍衞上將軍,改 鎭 許田 在 鎭 三年。 淸 泰 中,復 ん 右 龍 、爲右 武統

武 統 軍 , 再 遷左 龍 武統軍。 晉 天福三年多,卒於官,時年四 + 贈 太 尉

歸。 從昶 ,以文翰爲賞,曾無虛日。 從 昶 凡歷三鎭,無尤政可褒,無苛 生於紈綺 ,少習華侈 復 以逸遊讌樂爲務,而 為信釋氏,時岐下 法可 貶,人用 音律圖 有僧 安之,亦將門之令嗣 畫 阿闍梨, 無 不 通之。 通 \mathcal{H} 也 天竺語, 然 性 好 、談笑, 爲士人所 喜接

弟 照,歷隴州 刺史、諸衞大將軍,卒。 永樂大典卷一萬三百九十。

考異引 縣,時 軍。 之 居 遂 無 歸 重 於梁, 何, 鳳 茂 逾 唐餘錄 有 翔 年, 勳,茂貞之從弟也。 遷 也, 民 改 以 云 金 太子 縋 名 茂 吾 棗強民 城 勳 E 周 將 彝,署元 太傅致仕。 而 兵 欲擊梁祖, 屯岐 軍, 出,茂勳 副 山,梁祖 帥 王 唐末,爲鳳翔都將,茂貞 誤中茂勳。 瓚 府 納之而 同光中, (將兵 行 以 軍 於於 不 羸 司 嗇 疑。 馬。 景店,瓚令分 師 復名茂勳。 傳聞之異詞 誘 之, 開平 日 命孔 I, 其民 中,爲 也, 天成初, 屯西 勍潛 表爲鄜州節 附職於此。 竊 河陽 一率勁 寒, 一一一般,以 節 (舊五代史考異) 以疾卒於洛陽 莊宗 渡使, 兵 木 襲 度使,累官 檐 予 擊 擊 從 而 郎州, 茂 梁祖 敗 勳 之, 賴 至兼侍中。 盡俘 伐鎭 左右救 踣 降 {永 樂大典 於 為 州 其 地, 左 家, 至 卷 衞 圍 一僅死。 条通鑑 棗強 上將 茂 萬三 勳

世

百九十。

子以 萬 引酶史與永樂大典同,今無別本可校,姑仍其舊。(影庫本粘籤) 効用 位 萬 字,今據通鑑增入。(影庫本粘籤) 弒 興 王 瘫 興、 爲 一,以其子允韜權典留後。 州 昭 兇暴 宗 敬璋騎將,昆弟俱有戰功。 莊宗定河洛, 於 高 萬 萬 劉 本 萬 金皆爲 金 茂貞 知 興, 而失士心。 軍 俊 因會縱兵攻萬子,殺之,歸款於汴。 公守同州 、繼徽與西川王建之師會於岐陽,以圖 河西人。 泂 帥。 西自王 萬 及萬 以拒之。 興 又,崇本爲汴人所攻。 祖君佐,鄜延節度判官。 來 一行瑜敗 金卒,梁祖 朝, 典劉 永樂大典卷五千五百三十八。 天祐五年多,敬障卒(七), 預郊禮 後,郡邑皆爲李茂貞之所 知俊合兵攻收 邠州 以萬 陪位 節度使楊崇本者, 興 一,旣 兼彰武、 崇本爲汴人所攻,以上下文義求之,疑有舛誤。 還鎭 鄉、坊、丹、延 梁祖 父懷遷,都押衙。 六年二月,萬子 保大 復 興復, 以 萬 以 崇本以其 茂貞之假子 興 兩 強據, 舊爵授之。 皆 等州, 鎭 爲 陳兵 了, 累 鄜 以 延 葬 加 梁祖 其將 愛將劉萬子爲 關 招 萬興與弟萬金俱有 敬璋, 至 輔, 也, 撫 同光三年十二月,卒於 太師 胡敬 乃分 使, 梁祖 號李繼徽 將佐皆 四 璋為節 中 鄜 遣將 州 延, 書 鄜 爲 合,封 考册: 集於 原 王 度使, 延 本 重師 梁祖 府元 鎭 帥, 脫 葬 武 北 龜 延 所, 以 萬 萬 守 旣

鎭。 龍武統軍,未幾,授滑州節度使。 清泰二年八月,卒於任,年四十二。詔贈太師。 | 韜自理所奔喪。 | 天成初,起復檢校太傅,充延州節度使。 堂於其地,梁祖許之,仍詔禮部侍郎薛廷珪撰文以賜之,其廟至今在焉。 靈武,且圖牧圉之地。 五千五百三十八。 司空,充保大軍內外馬步軍指揮使。 |知俊遁去。|梁祖嘉之,自是累加官至中書令,封潁川郡王。||遜亦善於爲理,部民請立生祠 太尉、同平章事。開平中,梁將劉知俊自同州叛歸鳳翔,李茂貞以地褊不能容,乃借兵以窺 太傅、同平章事。 泳樂大典卷一萬八千一百二十七。 韓遜,本靈州之列校也。會唐季之亂,因據有其地,朝廷乃授以節鉞。 洗,遜之子也。 貞明四年春,靈武將軍尚貽敏等上言,洙已服闋,乞落起復。 遜卒,三軍推爲留後,梁末帝聞之,起復正授靈武節度使、特進、 知俊乃帥邪、岐、秦、涇之師數萬攻遜於靈州,遜極力以拒之,久之, 唐同光中,檢校太保,充保大軍兩使留後。 長興元年,移鎭邢州,頃之,爲右 真明初,遜卒於 梁初,累加檢校 梁末帝令中 萬興卒,允

介韜,字審機。

初仕梁朝,起家授同州別駕,尋加檢校右僕射,改金紫光祿大夫、檢校

七四五

檢校

泳樂大 弟 |澄,__ 雄 部 加 警涼 階。」 內 商 原本作「第登」,今從歐陽史改正。(影庫本粘籤) 不 (英 乃授洙開府 等 卷三千六百七十五。 安,乃遣 、幸臣 州 觀 奏日:「舊例 察處 使 上 置 儀 一表請 度支、 同三司。 帥 藩鎭落起復,如先人已是一品階,卽 於 温 朝 池 唐莊宗 権 廷公,明宗 稅等使(亞), 明宗累加官爵。 爲 朔方軍 命前 仍遣 磁 節度 福 州 領 刺 觀 兵 史 天 察留後。 萬 康 成 人赴鎮 與 四 福 (加爵; 爲 年 朔方 夏, 是歲, **|**洙卒, 其後 泂 如 有 未 西 是 靈 等 列 朝 武 軍 校 廷 品階, 李賓 節 遂受代 以其 度 靈 卽 威

授仁 巢有 夏州 尉、 五代史考異) 歐陽史增入。(影庫本粘籤) 等 兼侍 作亂, 功, 福 李仁 仁福 檢 || |宗 中 校 福 爲 彝昌 固 一世爲 司空, 守月 賜姓 夏 年, 州 遇 充定難 害,時 夏州 節度 餘,梁援 故 思諫卒,三軍立其子 仁福 同 使, 牙將,本拓拔氏之族也。 仁福 平 軍節 廣 亦 軍 事。 至, 以 明 爲蕃部 度 之亂 李爲氏。 使。 德 |仁||福 威 指揮 唐 遁 未 自梁貞明 彝昌為 僖宗 幾, 去, 使, 思恭卒,弟 梁祖 後 本 在 唐 留 州 蜀 喜之, 唐乾符中, 武 後 , 軍 龍德及後唐同光中, 皇 詔 吏迎 思諫繼之。 尋起復,正 遣 以 超授 思恭為京 大 立 將 檢 有 周 校 福 拓拔 德 |梁|開 太保 授 爲 威 城 旄 思恭, 帥 西北: 會 平 鉞 邠 太保, 元 累官至 其 收 年,授思 年 案 : 鳳 復都 年 原本 24 **歐陽** 之 月 春 檢校太師、 師 脫 統 史作 牙 諫 梁 保」字,今據 五 預 思 萬 將 檢 旭 敬。へ 降 高 校 破 同 攻 制 宗 太 黄 雓 **養**

益

中書令,封朔方王。 長興四年三月,卒於鎭。 其年追封號王。 子彝超嗣。 永樂大典卷一萬八千

一百三十三。

鎭,仍降詔諭之云: 從進爲夏州留後。 「臣疾已甚,已委彝超權知軍州事,乞降眞命。」明宗聞之,遂以彝超爲延州留後,以延帥安 彝超, 仁福之次子也。 朝廷慮不從命,詔邠州節度使藥彥稠、宮苑使安從益等率師援送從進赴 歷本州左都押牙、防遏使,仁福卒,三軍立爲帥,矯爲仁福奏云:

超 脫「纔」字,今從冊府元龜增入。(影庫本粘籤) 有後之慶,宜及於子孫。 遠 俱行,忠孝兼著。 已除 邇 無 夷狄之風 人成安。 輕 延州節度觀察留後,便勒赴任。 重,常赦所不原者,并公私债負、殘欠稅物,一切並放; 委仗方深,凋殞何速,忽窺所奏(10),深愴予懷。 了,少識朝廷之命,旣乍當於移易,宜普示於渥恩。應夏、<

。

。<b 當本朝播越之後,及先皇興復之初,爰及眇躬,益全大節,統臨有術, 但以彼藩地處窮邊,每資經略, 厥子年纔弱冠, 未歷艱難,或虧駕御之方, 定啓姦邪之便。 但夏、銀、綏、宥等州,最居邊遠, 不朽之功,既存於社稷; 兼自刺 史、指揮使、押衙 **久屬**亂離,多 年纔弱冠,原本 其李彝

世

鄭

已下,皆勒依舊,各與改轉官資。

歸朝 彦稠 足爲鑒戒;彼或要全身之福,則允韜、從嚴可作規繩。 校之內,親要之間,幸彼幼沖,恣其熒惑,遂成騷動,致累生靈。 契丹,偷延旦夕;或則依憑党項,竊據山河。不稟除移,唯謀旅拒,纔興討伐,已見覆 又若王都之貪上谷,止谷,原本作「上客」,今據文改正。(影庫本粘籤)李賓之吝朔方,或則結構 如李從曮之守岐、隴,疆土極寬,高允韜之鎭鄜、延,甲兵亦衆。 部領馬步兵士五萬人騎,送安從進赴任,從命者秋毫勿犯,違命者全族必誅,先令 何必廣引古今,方明利害,祇陳近事,聊諭將來。 股 自總萬幾,惟弘一德,內安華夏,外撫戎夷,先旣懷之以恩,後必示之以信。 從嚴則見鎭大梁,允韜則尋除鉅鹿,次及昆仲,並建節旄,下至將僚,悉分符竹。 犯 無赦云 彼或要覆族之殃,則王都、李賓 股設 兩途,爾宜自擇。 咸能識時知變,舉族 今特差邠州節度使 或慮 薬 將 且.

武,爲僕聞天子,乞容改圖。」時又四面党項部族萬餘騎,薄其糧運,而野無獨牧,關輔之人, 明宗遣閣門使蘇 秋 其年 七月, 夏四 彝超昆仲登城謂從進日"「孤 [月,彝超上言:「奉韶授延州留後,已迎受恩命,緣三軍百姓擁隔,未放赴任。」 繼彥齎詔促之二一。 五月,安從進領軍至城下,彝超不受代,從進 弱小鎭, 不勞王師攻取, 虚 煩國家 銄 運, 駐 得之不 軍 以攻

蕃部殺掠,死者甚衆。明宗聞之,乃命 運 節度使, 斗 栗朿藥, 旣而修貢如初。 **朿藁,原本作「朿膏」,今據文改正。(影庫本粘籤)** 清泰二年, 班師。彝超亦上表謝罪,乃授彝超檢校司徒,充定難軍 卒於鎭。 弟彝興襲其位。 動計數千, 窮民泣血,無所控訴, 泳樂大典卷一萬八千一百三十三。 復爲

州,彝興 彝興 制 興爲契丹 嗣 兼 位, 軍推爲留後,唐末帝聞之,正授定難軍節度使。 贈 中書令,封 爲之出師,駐於延州之北境,旣而聞守貞 太師,追封 <u>彝興,本名彝殷,宋受命之初,以犯廟諱故改之。</u> 加檢校太師。 押送到闕,骨肉二百 西 南 西 面招討使。 夏王。 平王。 八年秋,彝興弟綏州 皇 子光叡繼 一朝建隆 漢乾祐元年春,加兼 餘口,朝廷以 其位,其後事 元年春,制 刺 [彝興之故,繫送本道斬之。 史彝敏與其黨作亂, 加 被圍,乃收軍而退。周 具皇朝日 守太尉, 徐侍中。 晉天福初,加檢校太尉、同平章 是歲,李守貞叛於河中,潛使人構之, 始改名彝興。 彝超旣卒, 時彝興爲夏州行軍司 唇。 永樂大典卷 爲彝興所逐二,彝敏 顯德中,累加 乾德 一萬八千一百三十三。 開運元年春,詔 五 年 秋, 至守太傅、 卒於鎭。 少帝 以彝 奔延

校勘記

光啓 世 酁 列 原 僔 作「光 第 化 」,據殿本 校 勘 記 改。 按王行瑜殺朱政係唐僖宗光啓二年事,見通鑑卷二五 光化

爲昭宗年號。

(11)逐涇原節度使 「逐」原作「遂」,據殿本、劉本改。

西門 重逐 彭本、盧本同。 殿本、劉本、通鑑卷二五九作西門君遂。

(1) 王骧 殿本同。劉本、彭本作王環。

(至)特加優禮 「特」原作「持」,據殿本、劉本改。

[台] 以助軍須 「須」原作「頒」,據殿本、劉本改。

(中) 敬璋卒 「卒」原作「平」,據殿本、 劉本改。 舊五代史考異云:「案:『卒』原本訛『平』,今據文改

E

(云) 請帥於朝廷 「帥」原作「師」,據殿本、劉本改。

いたし 温 池 殿本、劉本同。 彭本、盧本卷九一康福 傳作「鹽池」。

(10) 忽窺所奏 「奏」原作「秦」,據殿本、劉本改。

蘇 繼 彦 殿本、 劉本同。 本書卷四四唐明宗紀、卷四七唐末帝紀、卷七七晉高祖紀、冊府卷四三

九作蘇繼顏。

(III) 爲彝興所逐 「逐」原作「遂」,據殿本、劉本改。

舊五代史卷一百三十三

世襲列傳第二

州,加 汴之賈人李七郎,梁祖以李七郎爲子,賜姓,名友讓。梁祖嘗見季興於僕隸中,其耳面稍異, 氏稍不能 集,井邑不完,季興招葺離散,流民歸復,梁祖 宿州 而竟 命友讓養之爲子。 事,遷潁州防禦使,梁祖令復姓高氏,擢爲荆南兵馬留後。 、迎昭宗歸京,以<u>季興爲迎鑾毅勇功臣、檢校大司空、行宋州</u> 鳳翔,原本作「龍翔」,今據通鑑改正。(影庫本粘籤) 高 不章事。 季興,字貽孫,陝州硤石人也。 制焉,因就 荆南舊無外壘,季興始城之,遂厚斂於民,招聚亡命, 梁祖以季興爲牙將,漸能騎射。 封渤海 王。 嘗攻襄州,爲孔勍所敗 本名季昌,及後唐莊宗卽位,避其廟諱 衆議欲班師,獨季興諫止之,語在梁祖紀中。 嘉之,乃授節鉞。 唐天復中,昭宗在岐下, 刺史。從梁祖平靑州 荆州自唐乾符之後,兵火互 梁開平中, 自後僭臣於吳、蜀,梁 梁祖 改焉。 破雷彦恭於朗 圍鳳翔 幼隷於 改 旣 知 日

及莊宗定天下,季興來朝於洛陽,加兼中書令,時論多請留之,郭崇韜以方推信義於華

世

得河 夏,請 興師 宗遇禍,季興盡邀取之。明宗卽位,復請變、峽爲屬郡,初俞其請,後朝 錯。」案: 病脚 本作「南興」,今據十國春秋改正。(影庫本粘籤) 有 言,稱已令子 萬八千三百一十一。 1.南,對勳臣誇手抄春秋;又豎手指云:『我於指頭上得天下。』如此則功在一人, 收復三州,又遣襄州節度使劉訓總兵圍荆南,以問其罪,屬霖潦, 時梁朝舊軍多爲季興所誘,由是兵衆漸多,跋扈之志堅矣。 且 氣 放歸藩 |遊獵旬日不迴,中外之情, 其何以堪, 吾高枕無憂矣。 」 乃增築 ",季 弟權知郡事,請不除刺史。不臣之狀旣形,詔削奪其官爵。 其子從誨嗣立,累表謝罪,請修職貢。由是復季興官爵, 興促程而去。 至襄州, 魏王繼岌平蜀,盡選其寶貨浮江 酒酣,謂孔勍曰:「是行有二錯: 荆南,謂賓佐曰:「新主 明年,册拜南 而下,船至 諡日武信。 班師。 西面羅城,備禦敵之 來朝 廷除刺史,季興上 天成初,命西方 三年冬, 平王。 錯, 峽口 永樂大典卷 臣 百 放 南平,原 會莊 佐 戰方 鄴 興 何

諫之,季興不從。 牙 內 都指 從 揮 初仕 使,領濠州 |梁, 天成三年冬,季興薨,從誨乃上表謝罪,復修職貢。明宗嘉之,尋命起復, 歷殿前控鶴都頭、鞍轡庫副使、左軍巡使、如京使、左千 刺 史,改 歸州 刺 史,累官 至檢校太傅。 初, 季興之將叛也, 牛大將軍、荆南 從誨

從誨 習騎 原,間道遣使奉貢,密有祈請,言俟車駕定河、汴,願賜郢州爲屬郡,漢祖依違之。及入汴, 避 加守尚書令,從誨上章固讓,朝廷遣使敦勉,竟不受其命。 授 叉自 羅紈,衣布素,飮食節儉,以禳灾咎。 天福 刑南節度使、兼侍中。 退避, 射,敢 [契丹奔太原,去非皆從之。 漢乾祐元年冬十一月,以疾薨於位。案: 致貢,求踐前言,漢高祖不從。從誨怒,率州兵攻郢州,旬日,爲刺史尹實所敗,自是朝 子保融嗣,位至荆南節度使、守太傅、中書令,封南平王。 其諸將之倚任者,則有王保義。 中,加守中書令。 原本脫「退」字,今從無府元龜改正。(影庫本粘籤) 寵祿故也。及契丹入汴,漢高祖起義於太 從誨東通於吳,西通於蜀,皆利其供軍財貨而已。末年,以鎮星在翼、軫之分,乃釋 · 關擊。劉仁恭之子守奇善射,唯去非許以爲能。守奇以兄守光奪父位,亡入契丹, 六年,襄州安從進反,王師攻討,從海饋軍食以助焉,詔書褒美,尋 長興三年,加檢校太尉。 莊宗之伐燕也,守奇從周德威引軍前進,師次涿州,刺史姜 保養本姓劉,名去非,幽州人。 尋令人術託襄州安審琦,請歸朝待罪,朝廷亦開納 歐陽史作十月。(舊五代史考異) 應順中,封南平王。清泰初,加檢校太師。 時有術士言從誨年命有厄,宜退 皇朝建隆元年秋卒。 少爲縣吏, 韶贈尚書令,諡曰 粗 暴無行, 諡日

世襲列傳第二

行戦 行敢 歸高 後, 也。 必從之。 以去非為河陽 季興, 遙 登陴固守, 公家於梁, (拜, 即 乾祐 爲行軍 開 元年夏,高從誨 門迎 去非 素有君臣之分,宜往依之,介福萬 司馬, 行 呼行敢 降。 軍 ·司馬。 仍改易姓名。 徳威 日:「河東小劉郎領軍來爲父除兇,爾何敢拒 害其功,密告脏宗,言守奇心不可保。 奏爲武泰軍節度留後, 時謝彦章移去非爲郢州刺史。及莊宗平河、洛, 自是|季||與父子倚爲腹心,凡守藩規畫,出兵方略, ·全矣。」 守奇乃奔梁,梁以<u>守</u>奇爲 依前 開南行軍司馬,加檢校太尉。 莊宗召守奇還計事,行 一」守奇冤胄勞之, 去非 不宜 滄 乃棄 州 郡 留 往

覲, 卒,太 勗 卒於江陵。 月。(舊五代史考異) 百三十九 祖 見,季 保勗, 命 中書令,封南平王。 季興 季興之幼子也 興 爲用 永樂大典卷一 則 五代史補: 南 是歲,荆門之地不爲高氏所 怒自 留 後。 解, 初,季興嘗從梁太祖出征,引軍早發,至逆族,未曉, 到 萬八千一百一十一。 高季興, 未 故荆 幾, 會武陵土豪雷彥恭作亂, 本陵州陝 人目之爲「萬事休 鍾愛尤甚, 人二。 季興在世時, 有, 爲太祖 則「萬 季興 神將, 皇 (破之, 朝 事 出爲郢州防禦使。 或因事 建隆 休」之言, 遂以 功授 有嫗秉燭迎門, 四 感怒, 年 開南節 春 풆 卒。 先 時期南 鉞。 左右不敢竊 兆 具禮甚厚。 案 莊宗 也。 成汭征 歐陽 定 永樂大典 天 史作三 鄂州 Т, 季興 視, 季興 疑 年十一 卷 不 唯保 首入 利 \overline{I} 而 而

五

此

白是

季興怨憤

以以

兵襲取

復州之監利、玉沙二縣,命震草奏,請以江爲界。

震叉曰:「不可,

若然則師必至矣,

非大王

耶,所以不 之,對曰:「妾適夢有人叩關,呼曰:『速起,速起,有裂土王來。』及起, 敢褻慢爾。」季興喜,及來荆南, 竟至封 Ŧ 高從誨, 季興之庶子而處長, 盥嗽畢, 秉燭開門, 爲性寬厚, 而君子奄至, 雖士人不如也。 得非所謂王者 天成

自 中 後馳去。 季興叛 旣而岸欲崩, 旦軍敗,攜之而竄,遇夜,悞入深澗中。 ,從誨力諫之,不從。 張氏且驚起,呼季與曰:「妾適夢大山崩而壓妾身,有神人披金甲執戈以手托之, 及季興卒,朝廷知從誨忠,使嗣,亦封南平王。 時張氏方姙行遲,季興恐爲所累,俟其寢酣,以劍刺岸邊, 初,季興之事梁也、每行軍, **遂**免。」季興聞 常以愛姬張氏 欲壓殺之,然

之,謂必

生貴子,遂挈之行,後生從誨。

梁震,

蜀郡人。

有才略,登第後寓江陵,

高季興素聞其名,欲任爲判官 [三]。

矣。 震 將 可,謂季與曰:「大王本梁朝, 恥之,然難於拒,恐禍及,因謂季與曰:「本山野鄙夫也, 無 加 、奇而許之,自是震出入門下,稱前進士而已。 害之心,宜深慮焉。」季興不從。 與今上世稱 及至,莊宗果欲留之,樞密郭崇韜切諫,以爲不可:「天下既定,四方諸侯 血戰二十年, 同光中,莊宗得天下,季興懼而入覲, 非有意於爵祿,若公不以孤陋, 卒爲今上所滅,神器大寶雖 令陪軍 歸其手, 時幕客皆贊成, 中末議, 恐餘 怒未息, 但白衣從事可 震獨以爲不 觀其舊 雖 相 繼

稱慶,然 行,則 天下解 不過子弟與將 體矣。」莊宗遂令季興歸。 吏耳,惟季與能躬自入觀,可謂尊獎王室者也。 行已浹旬,莊宗易慮, 遽以詔命襄州節度劉訓伺便囚之。 禮待不聞加等,反欲留縻之, 何以來遠 時季興至襄州 臣, 恐 就館 此 事

曲 而 心動 趫 健 者數百人南走。 謂吏曰:「吾方寸擾亂,得非朝 至鳳 林關 ,已昏黑,於是斬關而去。 廷 使 人追 而 殺吾耶 į 梁先輩之言中矣,與其住而生,不若去而 旣 而 是 夜三 更, 向之急遞果至 裏州, 劉訓 死。 料 其 逐 〈去遠不 棄輜重 可 ,與部 追

從之, 之利也。」季興怒,卒使爲之。 處士。 休矣。 恨未見得其便耳。 出戰,震復諫曰:「大王何不思之甚耶 果班師。 從誨 爲大王 見召,皆跨黃牛直抵廳事前下,呼從誨不以官閥, 甘前席,用里煙霞憶共眠。」 蓋以寫其高尚之趣也(至)。 計者,莫若致書於主帥,且以牛酒爲獻,然後上表自刻,如此則庶幾可保矣。 震之裨贊、皆此類也。 若大王不幸,或得一 旣而 奏發,未幾,朝廷遣夏魯奇、房知温等領兵來伐。 į 泊季與卒,子從誨繼立,震以從誨生於富貴,恐相知不深,遂辭居於龍山 戰勝,則朝廷徵兵於四方,其誰不欲仗順而起, 且朝廷禮樂征伐之所自出,兵雖小而勢實大, 但郞君而已(图)。 末年尤好篇詠, 季興登城望之,見其兵少,喜, 加以 以 取大王之土地耶 不然,則非僕之所知 四方諸侯各以相 與僧齊己友善, ! 吞 I別業, 如 也。 此則 胎之詩 欲開 志 季興 自號 社 稷 但 城

口:「陳

砚

軍 洪 亂, 邵 州 ·司馬 |響| 始 旋 馬殷,字霸圖,許州鄢陵人也。 應募從 張佶爲 潭、 軍 ,犒勞將士,誅害建峯者數十人,自爲留後。 桂 等州 軍。 帥 ·(云), 初, 時殿方統 隨 建峯 孫儒 虚 兵 渡淮,陷廣 ||有||湖南之地,遂自爲||潭帥。 文邓 州 案 通鑑作扶溝人,歐陽史從薛史。 陵。 信曰:「吾才不及馬殷。」 及儒敗於宣州, 久之,朝廷命爲湖 頃 之,建峯爲部下所殺,潭 殷 隨別將 少爲木工,及蔡賊秦宗權作 即牒殷付以 劉 南 建峯 節 度使,遂 軍 一過江 府 事 西, 有潭 推 殷自 連

衡 七 州 之 地

|唐 天復中, 楊行密急攻江夏,杜洪求援於荆南,成汭舉舟師援之。時禮朗節度使 遭朗,原

本作「澧闐」,今從通鑑改正。(影庫本粘籤) **彦恭東連行密,斷江、嶺行商之路,殷與高季興合勢攻彦恭於澧期。** 雷彦恭乘汭出師,襲取荆州,載其寶貨,焚毁州 數年,擒之,盡有其地, 城而

乃以張佶爲朗州節度使,由是兵力雄盛。

時年七十八。案:歐陽史作長興元年,殷卒,年七十九。(舊五代史考異)明宗聞之,廢朝三日,諡曰武穆。 脩職貢,復授太師、兼尙書令、楚王。天成初,加守尙書令。長興二年十一月十日,薨於位, 富盛,窮極奢侈,貢奉朝廷不過茶數萬斤而已。於中原賣茶之利,歲百萬計。唐同光初,首 之。又自鑄鉛鐵錢,凡天下商賈所齎寶貨入其境者,祇以土產鉛鐵博易之無餘,遂致一方 有文苑學士之號,知詔令之名,總制二十餘州,自署官吏,征賦不供,民間採茶,並抑而買 制置靜江、武平、寧遠等軍事,皆從之。旣封楚王,仍請依唐諸王行臺故事,署置天官幕府, 太師、兼中書令,封楚王。又上章請依唐秦王故事,乃加天策上將軍之號。又請官位內添 子希聲嗣 殿於梁貞明中, 貞明,原本脫「明」字,今據文增入。(影庫本粘籤) 為時姑息,所求皆允,累官至守

偶然哉。 及貴,因謁衡山 初,殷微時,隱隱見神人侍側,因默記 永樂大典卷一萬八千一百二十八。 廟,觀廟中神人塑像,宛如微時所見者。 案:以下原本殘闕。 默記,原本作「默託」,今據文改正。(影庫本粘籤)其形像。 則知人之貴者, 必有陰物護之, 豈

郁安得取: 節度判官李莊 僚屬, |範以 數,以郁資吾霸 柱。 秋」,今據歐陽史及通鑑改正。 **貪且僭,常以所居之井不甚淸澈,思所以澄汰之,乃用銀葉護其四方,自內至外皆然,** 其子希範 文,馬希廣、希導傳全篇俱佚 也,故莊宗得以媒藥。 武穆不決,禍 希範自言漢伏波將軍援之後,故鑄銅柱以繼之。 於是擢從事有 此耶 入覲,莊宗以希範年少易激發,因其敷奏敏速,乃撫其背曰:「國 武安軍節度巡官孟玄暉、容管節度推官劉昭禹等十八人,並爲學士。 !」希範居常嫉郁,忽聞莊宗 晉 天 福 昭順 節 業,故欲間之耳! 度掌書記李松年、鎮南軍節度掌書記衞 在朝夕,因使誣告郁謀反而族滅之。 軍 才行者, 自後陰晦中見郁,後竟爲所患爾。 節度判官徐收、澧州觀察判 授江 (舊五代史考異) 有若都統判官李鐸、靜江府節 若梁朝 五代史補: 南諸道都統, 罷王彥章兵權 言, 深以爲然。 高郁爲武穆王謀臣,莊宗素聞其名,及有天下, 官彭繼英、 自是軍中之政,往往失序,識者痛之。 也。 又加天策上將 職、 及歸, **蓋**遭此: 馬希範,武穆之嫡子,性奢侈, 度判官潘迅、武安軍節度判官拓拔坦、都統掌書 昭順 江南觀察判官廖圖 軍 告武穆請誅之, 計,必至破滅,今汝誅郁,正落其彀中, 觀察支使彭繼勳、武平軍節度推官蕭 永樂大典卷八千二百二十一。 人皆言馬家社稷必爲高郁 軍。 其餘列校,自袁友恭、張少敵等各以次授 谿州 、昭順軍 武穆笑曰:「主上 謂之「拓裏」, 洞蠻彭 觀察判官徐中 嗣位 初, 未幾, 且欲離間之。 士愁 郁與武穆 一爭戰 所取,今有子 其奉養過差, 乞依 雅 福 案: 銖 愼 靜 故事置 天 俱 記 勿言 乃 桂管 以起行陣 Т, 原 ΊĽ 會 李皐 府 本訛 銘 此 武 如 也。 觀 掌 天 皆 穆 傅 能 於 此 (策府 察推 鎭南 此 用 王 有 士 銅 郁 希 機 闙 類 高 使

官

德而逐之。 用,文昭以 對,乃曰:「如 發!」文昭笑曰:「此所謂禪機也,夫人宜答弟子是彭家女,馬家婦,是則通其理矣,何怒之有乎!」 夫人素負才智,恥不 氏,封秦國夫人,常往城北報恩寺燒香。 而愧謝之。 冷,花謝 日: 沒世而名不稱, 可失,願大王急圖之。」希範本無遠略,加以興作府署未畢,不忍棄去,遂寢思僅之謀。 守,正忠臣義士奮發之時,使馳檄四方,引軍直趨京師,驅契丹,天子反正, 以爲契丹推奉, 「何歸之速也?」 漢宮秋。」文昭覽之大驚,曰:「文德有此作用,吾但以寢陋而輕之,乃不如南宮小兒却能知賢耶!」於是始召文德 其寢陋,未曾禮待,文德由是窮悴。 居無何,秦國夫人彭氏薨,文昭傷悼,乃命有文學者各撰挽詞〔九〕,文德亦獻十餘篇,其一聯云:「月沉 未幾,承制 此則妾所謂無見性也。」於是慚赧數日。 欣然當之矣。 今遭逢擾攘,不能立功於天下, 夫人曰:「今日好沒興, 授水部員外郎,充融州刺史。 丁思僅素有才略,爲馬氏騎將。 時僧魁謂之長老,問曰:「夫人誰家婦女?」 有南宅王子者,素重士,延於門下,其後文昭知之,亦兼怒王宅, 被箇老禿賊問妾是誰家婦女〔八〕,且大凡婦女皆不善之辭, 反顧戀數間屋子乎! 文德晚尤好著述,乃撰大唐新纂十三卷,多名人遺事, 石文德,連州人。 以希範受契丹册命, 誠可痛也。」 形質矬陋, 然後凱還, 彭氏大怒,索檐子疾驅而 自是思僅常快快。 好學,尤工詩。 思僅不勝其憤, 如此則齊桓、晉文不足數矣。 深恥之, 因

霸國時,

屢獻詩:

求

能

欲庭辱文

湘浦

何,東境山崩,湧出丹砂,委積如丘陵,於是收而用之。

契丹南侵,聞其事,

以爲希範非常人,

遽使册爲尙父。

希範

得册、

謂希範日

:「今朝

廷失

時不

謂所親曰:「古人疾

文昭王夫人彭

歸,

文昭

整

安得對妾

而

初,教令既下,主者以丹砂非卒致之物,相顧

愛色。

居無

一支謁見,將升殿,但覺丹砂之氣,藹然襲人,其費用也皆此類。

莫不大與土木,以建與府庭(+),其最爲壯麗者卽有九龍、金華等殿。殿之成也,用丹砂塗其壁,凡用數十萬斤石,每

僚

任。

詞雖不工,

事

木 之,因 玷,論 士,以 手,紫府 重 片木,夾却一枝花。」皐大驚 延於家。 所 在諸 或可采, 同 文,且速敏,今日之事,若能文不加點,爲一 荷項係獄,將檟楚 日:「何仲舉 著詣府、 以 公間 退 者以 **皐爲學士之首**,且執政 及出 仲舉 物 時以 m 瑞卿能歌、每歲武 爲 尤爲 ,求見之禮 阜有知 爲 仙 安與張杭、 貺, , 又爲全、 乃詩家之高逸 詩 多聞許之。 虚 輕 日:「無 温 其 茂 人之鑒。 焉。 頭。 可乎 竹惟 衡二州刺史。 必 江文蔚俱遊其門。 _ . . 李皐 錢 或有言於學曰:「此子雖丱,能爲詩, 秦王 先 將乞樊知客 者 通 穆王生辰,必歌于筵上。 何仲舉 獨 、因自爲脫 彬 大悅,稱賞不已, 柄,而 名 也,諸官見 歐 推許之, 恥 紙。有掌客吏,衆謂 陽 以 ||彬, 衡 仲舉自以出於。鼻之門下, 先是, 賄 營道 名 進, 枷,延上廳與之抗禮, 往往對 取 山 人。 紙 及其東薦也, 舍,其餘奴岳 湖南 竟不與。 生毛不 人。 篇以自述,吾當貸汝。」仲舉援筆 美姿容,年十三,俊邁絕倫。 故 衆吟秋日晚望詩 尤多詩人, 世 「爲縣吏、至彬特好 爲通。」因 樊知客,好賄,陰 舉上第。 旣 時湖南自舊管七郡外,又加武陵、 而 ,乃間氣 公舉數百人, 樊氏怒, 其最顯者有沈彬、廖凝、 往往間 難策名-而 自是 及 落 歸, 日::「 爾。」故仲舉感鼻之見知 魄 仲舉始銳意 立成,希明 擲名紙於地 遇文昭 街 使 中 樹 學,工于 人謂彬 朝, 市 獨 迎 以 歌 髙 事鼻未嘗暫懈 仲舉為 馬氏 時家貧,輸稅不及限,李臯爲 鳥歸 姬 而 詞賦。 府 曰:「足下之來,非 就 成, 酒 曰:「豈吏人之子 承 學。 深 徒,無 擅場, 制, 察之(10)。」 日 野, 劉昭禹、 馬氏之有 天成 似 岳陽, 依 所 雲傍斜 卒 ,鼻感悅, 唐太宗 不 玉 |仲||衆 中, 尚額、 狎。 - 能自奮 來 是九 湖南 入洛 投 皐聞 陽 因 徒然 欲干 有 故 獄, 過 齊己、 厂獻詩 歌 州, 遂 事, 也, 遠 遽 Ĺ 也,實欲 謁 至 拋 加 時秦王爲 Щ 日 瑞卿 彬作九州歌以授瑞 王 於天 家 召 於 引 彬 虚 營道 一侯耶 中之 去 名節 而 將 用 碧雲 以 策 就 者,慕其 希 問 願 府置十 足 徒, 枷 日 未 河 其 族 章 亦 扣 南 怒之, 幾, 用 致 彬 終 知 ൬ 旬 地 म 身, 尹 才 與之 八學 汝有 深 乃 始 仲 纏 憐 , 75 攜 尤 m 恨 嘆 舉 離 逐 而 無

卿

完至

時

使歌之,

實欲

感動

武

穆。

旣而

廝

徒負養皆能自奮,

我

貧而

至

此耶

.

計

無

所

出

思

欲

S 鼠 入

鄰道

但

未有

所

向

居

無

何

,聞西蜀

圖

綱

將

發

,彬遂謀入蜀,

且私

謂

瑞卿

日

::「吾以于

謁不

遂

居

於

汝

未

由

仍

以

衡

也

彬

雅

唐末

罹

畫

夜

不

居

淸

要。

其

半

以

路

日

君

於

姜

幾

可

趸,

不

至

偃

窮

餓

日

日

|偃

詩

大抵

務

「若須

拁

對 ? 起,顧 無 範 之,州縣 擁 昭王之嗣位也,聞其名,召于府,使於報慈寺住持。 對最爲親切。 永州, 幾 以 曰:「無懼 老再拜曰:"「和尙佛之徒也,佛不遺衆生願,大王崇重,要與和尙相見,輒不應召,竄入山林,於是和尙卽得 統二二, 希範 |因問之日:「吾于富 入州二三。 窮,及薨也, 、堅乞歸山,文昭 」節曰:「馬 同母弟希廣爲天策府都尉,撫御尤非所長。 無勞擾,而 會文昭薨乃 雖失其蹤,或有相謂曰:「且深山之中,衆鳥何故而鳴,又聲韻 詔賜 戦 當移去。」言訖,虎啣二子趨出穴,至行之所感也如 高郁 洪道知之,乃引徒弟數輩轉徙入深山中,得一岩, 止於四十九。 既有旋風隊,軍 馬數百匹,鼻爲謝 僧洪道,不知何許人。 和 知不可留, ||來!| ·倘忍不爲之開慈憫耶!」洪道於是始點頭曰:「如此則吾爲汝行矣。」 及至府, 貴固 其後不 一希廣 無 遺恨,但不知者壽爾,吾師以爲何如?」報慈曰:「大王無憂,當與佛齊年。」 先是,希範常嫉高郁之爲人,因莊宗言而殺之,至是方臨江 乃許焉。 亦 亦有偃月營,何 知 所終。 驚日:「高郁 表,百餘字後,思 通內外學, 其後竟不知所終。 初, 李臯 死久矣,大王勿妄言。」而希範 .患耶。」鼻欣然下筆云:「尋當偃月之營,擺作旋風之隊。」 與弟節俱在湖南幕下, 意 道行尤高, 洪不應命,文昭堅欲致之,督責州縣 大校張少敵變之,建議請立希廣庶兄武陵帥希導, 心艱澀。 時節在側 大爲時· 此 洪道之入岩也, **遂且止息**。 馬希範 優逸,得非和尚在彼耶?」試轉,果得之於岩 人所重。 節亦有文學。 皐 顧 m 謂 之 日 然離舊居抵於山岩下, 常重一僧,號報慈長老, 自鼻出,是夕遂卒。 天福 見一虎在穴乳二子, :「嘗聞 中,居於 同光初, 觀競渡,置 · 憂懼, 馬 衡 有 馬氏 州 計 旋 石羊 無 風 酒 文昭以 泛酸, 武 則衆鳥千 所 未及飲,而 馬希 能入定觀人休咎。希 穆王 且曰:「希蕚處 徒弟大駭, 鎭 出, 表 希範喜,以 Щi .計矣,而 範 遂 率五 谷 授 或 如 成、論 卒,判 ·萬和鳴 湖南 [師待之。 何 Ħ, 七十 得 希範 為享壽 官 洪道 州縣 所。 馬氏 者 諸 長負 李阜 忽驚 而 À 事 道 以 文 未 父 拱 此 都 肥 與 隨

怒,往 野, 擊之。 黨竊 亂, 先是 通, 氣,觀 童謠 爲樂。 不睦 緇衣引羣僧 于郊外,而 [:「汝輩 怒,竟不從少敵之謀, 百 俄有 所 城城 ,以至國亡,失孔懷之義也; 云:「鞭打馬,走不暇。」未幾,果爲邊鎬 其所爲,必不爲都尉之下,加之在武陵,九溪蠻 往偶 姓奔竄,死于溝壑 以 擒 有 可瓊 中街 童 國 亦 何 語 支解李臯。 希蔓囚之於衡陽,又自立。 謠 長 覩 知 |念「實勝如來」,謂之禳災。 吏謝廷擇者,本帳 曰:「此 道 久也, 云 希導衆盛 ,且先大王 佝 種 湖南 **造書制** 槐 何 う其 自是湖南大亂 嫡 者十 城 ,恐懼,夜送旗鼓乞降,希導大喜,於是兼 少 爲都 庶之云 郭 、柳卽無十一二,至是內外 敵 ,有燕會,唯 好 有 度無 尉,俱 下廝養,有容貌, 長街, 八九,至是議 平。 草 미 鞋 奈何, 爲嫡嗣, ,未逾年 竟栽 若明 未數日 者,遠行 「用兵守門,以防他虞,今與我等 頃之,府廨火起,人忽 公必 柳 所滅。 遂辭不出。 者始悟。 樹 不立之, , 江 而 所 立都 不 國滅, 希導素寵嬖之〔四 南遺袁州 用、蓋 栽 初,鎬嘗爲僧,以覘砌南,尤善弄鈸,每侵晨必弄鈸行乞, 槐, 尉, 通好,往來甚歡, 變皆 蓋長街者,通 刦 百 未幾, 當妙設: 百姓 如少敵之言。 用老婢兒可乎 姓 刺 種 遠行 史邊鎬 奔 柳、無復 紛擾,猶 希蕚果以 方略 簱 可 奔竄之象也 無 內 瓊之衆長驅 乘其亂 以 每筵 外之路 人槐矣。 念 _ . . 若不 齊列之 事 初 制 武陵反, 誦 武陵, ,希蕚之來 會 之聲 得立, 只 領兵來伐,希崇度不 少 何 也; 叉居 是 敵 皆 辱之甚耶 未 而 使帖 槌芒織草 命廷擇 日 引 人夜間. 槐 輟 馬 必引蠻軍 洞 希導 者, 也, 然不 國 其 憩 溪蠻 希廣 家之事, 預 爲 希廣 好織草 _! 旣 鞋。」 動 坐, 言懷 數 素奉 立 一爲亂, 如 刀り 以 路 其 此 可, 人無 弟 諸 全軍 不 齊 佛,聞 能 也 鞋, 官甚有 不 進, 希崇 治 少 敵, 不 幸爲思之。」 長 可 敵 付 國 似 然則 之,計 少皆 拘 優之, 遂之長沙 逐降。 因 事, ; 親 槌芒之聲, 以 衆怒 在 不 校 社 遇 下 數 誦 許 栽 無 稷 城 渚。 與 之。 良有 途 先是 昢 槐 可 法矣。」 所 往往 李皐 僚 咄 瓊 出 於是 縊 蓋 聞 變 吏 未 以 忽怒 擲起 縱 幾 於郊 希廣 長沙 與 兄弟 也 乃被 使 而 臯 其 衆 國 迻 能 酒

愈

日

稱逸人。 爲,但 君」聞偃名,因兩境交兵,請與偃鬭,偃欣然而往。 兆 鈸以度門之高 江州之命,始悟曰:「印缺一角,蓋偏裨之象也,團練副使,不亦宜乎!」時人異之。 日 大雅生。」 員外郎,爲洪州連昌縣令,未幾,又遷江州團練使。 母,欲不興其可得乎!」於是厚加存恤,仍遣使召凝,任爲從事。 王 位,九溪蠻叛,命偃率兵討之,爲流矢所傷,死於蠻中。 勢未及止,偃自後奮戈一擊墮地,因生擒之,自是其名愈振。 時」武穆王在位,見其衆盛,恐難制,欲盡誅之。或者曰:「大王姓馬,而廖來歸,廖者料也, 詩名,偃蹻勇絕倫, ,雖賓友謁見,出露其首與之談笑,其簡率如此。 ,舉家三百餘 ,其可殺之乎 [欲滅吾族矣,若戀土不去,禍且及矣。」於是領其族暨部等三千餘人,具鎧仗號令而後行,章不敢 偃能於馬上挺身而立,取溼衣振奮而服之,以示輕捷。 因曰:「如此、裴說乃劫墳賊耳!」聞者笑之。 Ţ . 口,受王分食解衣之賜,雖盡死未足以上報,況一子乎!望大王勿以爲念。」 」武穆喜,遂善待。 及來湖南,士庶頗有識之者。 由是豪横, 逐 爲鄉里所憚。 仍制下以凝爲永州刺史,圖爲行軍司馬,偃爲天策府列校口古,仍賜莊宅于衡山 江南命功臣鐘章爲虔州刺史〇吾, 凝爲人不羈,好恢諧, 雲猛能用鎗,見偃瘦小,心輕之,馳騎而刺偃,垂及之,偃佯落馬,雲猛 先是,髮嘗夢人以印授之,拜捧之際,其印缺其一角,凝不能測。 廖氏,虔州贛縣人。 在江州,盛暑,嘗患體燥, 凶信至, 故武穆王終世不爲隣境所輕者, 至希範薨,國亂,爲江南所滅, 希範使人報其母張氏, 荆南高季與次子,忘其名, 有子三人, 管覽裴說經杜工部墓詩曰:「擬 乃以一大桶盛冷水, 伯日圖,仲日偃, 深嫉之, 馬得料其勢必肥, 張氏不哭,謂其使曰:「爲妾謝大 於是圖與凝 管親軍雲猛都,謂之「雲猛 偃之力焉。 希範聞而嘆曰:「廖氏 逐 遷 金 陂 , 季 逐 坐于其間, Ė 等議 鑿孤 |疑 遂奔湖南 至其子希範嗣 唐主授以 實國家大興之 八墳破, 曰:「觀章 圖、凝皆有 或至終 及授 有此 重 水 自 教 部 所 CB

世襲列傳第二

帛說 襲潭州。 燒殆盡,乞移使府於朗州,從之。 城東走,進達、敬眞遂入據其城。 其年多十月三日,與其節度副使王進達、行軍司馬何敬眞、都指揮使周行逢等同領舟師以 旄鉞云,景未之許。 軍留後,光惠署言爲副使。 誘武陵谿洞諸蠻,欲合勢以攻朗州。 時周廣順二年秋也。 劉 九日,攻拔益陽寨,殺淮軍數千人。十三日,至潭州城下。 本朗州之牙將也。 時邊鎬據湖南, 言既立,北則遣使奉表於周太祖,東亦上章於江南李景,求正授 初,馬氏舉族爲江南所俘,朗州無帥,衆乃推列校馬光惠爲武 旣而光惠躭荒僭侈,軍情不附,遂行廢黜,以言代光惠爲留 韶升朗州爲大都督府,在潭州之上。 言乃遣牙將張崇嗣奉表於周太祖,且言潭州兵戈之後,焚 邊鎬,原本作「逮鎬」,今從通鑑改正。(影庫本粘籤)潛遣人齎金 會李景降僞詔,徵言赴金陵,言懼,不從僞命,以 是夕,邊鎬領其部衆棄

與淮賊通連,差指揮使鄭珓部領兵士,欲倂當道,鄭珓爲軍衆所執,奔入武陵,劉言尋爲諸 幾,言遣何敬眞帥軍南擊廣賊,敬眞失律,奔歸潭州,爲王進逵所殺。其年秋,進逵奏:「劉言 周行逢領集州 集州,原本作「佳州」,今從宋史改正。(影庫本粘籤) **【安、靜江等軍事。 又以王進逵爲武安軍節度使,何敬眞爲靜江軍節度使,並檢校太尉。以** 廣順三年春正月,制以言爲檢校太師、同平章事、朗州大都督,充武平軍節度使,制置 刺史,充武安軍節度行軍司馬。 未

害,朝廷乃正授進

達朗州節制

軍 一所廢, 臣已至 朝州 安撫 訖。 周太祖韶劉言宜勒歸私第二也,委王進達取便安置。 言尋遇

侍中。 盡爲王土矣。 其子保權爲帥。 江南界。 本粘籤)節度使,權知潭州軍府事,加檢校太尉。三年春正月,世宗將伐淮甸,詔進逵率 周行逢至朗州,斬叔嗣於市。 以襲朗州。 顯德元年秋,制以武安軍節度副使周行逢爲鄂州 自是潭、朗之地,遂爲行逢所有。 二月,進逵準詔而 進達聞之,倍道先入武陵,叔嗣遽攻其城,進達敗,爲叔嗣所殺。 永樂大典卷九千九十九。 未幾,朗軍亂,求救於朝廷。 行,仍遣部將潘叔嗣領兵五千爲先鋒。 其年秋七月,制以行逢爲朗州大都督,充武平軍節度使,加 皇朝建隆初,就加中書令。 及王師平定荆、湖,保權入朝,由是湖湘之地 鄂州、原本作「郁州」,今據東都事略改正。(影 行及鄂州界, 四年,行逢卒,三 遣人詣潭 叔嗣 兵人 軍立 州 迴 請 庫

爲 贼羣聚,大者攻州郡,小者剽閭里,董昌聚衆,恣橫於杭、越之間, 杭州八縣, 每縣召募千人 一都,時謂之「杭州八都」,以遏黃巢之衝要。時有劉漢宏者,聚徒據越州, 潛」,今從新唐書改正。(影庫本粘籤)鎭將董昌爲部校。屬天下喪亂,黃巢寇嶺表,江、淮之盜 錢鏐,杭州臨安縣人。少拳勇,喜任俠,以解仇報怨爲事。 唐乾符中,事 於潛 自稱節度使, 於潛,

政委鏐,率八都之士進攻越州,誅漢宏, 攻收鄰郡; 潤州牙將薛朗逐其節度使周寶,自稱留後。 迴戈攻潤州, 擒薛朗 唐僖宗 小在蜀, 江、浙平,董昌爲浙東節 韶董昌討伐, 昌以 軍

使、越州刺史,表鏐代己爲杭州刺史。

徐綰叛, 度使。 海、鎭東兩藩節制。 王,年號大聖,僞命鏐爲兩浙都將。 治所,朝廷以鏐爲鎭海軍節度,仍移潤州軍額於杭州爲治所,又立威勝軍於越州,董昌爲節 千里,繆常率師以爲防捍,孫儒據宣州,不敢侵江、浙,由是鏐勳名日著。 久之,李鋋終不至 率師掩至城下,鏐激厲軍士,一戰敗之,生擒徐綰,田頵遁走。 |兩浙,累爲||鏐所敗,亦爲||行密侵盜數州,而||鄒所部止一十三州而已。||天復中,||鏐大將||許再思、 |兩浙士庶拜章,請以||鏐兼||杭、||越二鎭,朝廷不能制, 西將士破越州,擒昌以獻,朝廷嘉其功,賜鏐鐵券,又除宰臣王溥爲威勝軍節度使 1100。而 唐景福中,朝廷以李鋋爲浙江 昌漸驕貴, 徐牟, 原本作「徐綬」,今從九國志改正。(影庫本粘籤) 自言身應符讖, |鏐旣兼兩鎮,精兵三萬,而<u>楊行密連歲興戎,攻蘇、</u>湖、潤等州,欲兼丼 又爲祆人王百藝所誑,僭稱尊號,乃於越州自稱羅平 西道鎮海 鏐不受命,以狀聞,唐昭宗命鏐討昌。 軍節度使。 因而授之,改威勝軍爲鎮東,鏐乃兼鎮 引宣州節度使田頵謀襲杭州。 時孫儒、楊行密交亂, 乾寧四年,鏐 淮海 煙塵數 田頵等 率 國

一個學校學的學校里與造第舍,窮極壯麗,歲時遊於里中,車徒雄盛,萬夫羅列。 其父寬每聞

鄒至,走竄避之,鄒即 今爲十三州主,三面受敵,與人爭利,恐禍及吾家,所以不忍見汝。」鏐泣謝之。 徒步訪寬,請言其故。 寬曰:「吾家世田漁爲事, 未嘗有貴達如此,

崇韜之意,曲爲鏐陳情,崇韜僶俛從之。鏐乃以鎭海、鎭東軍節度使名目授其子元瓘,自稱 吳越國王,命所居日宮殿,府署日朝廷,其參佐稱臣,僭大朝百僚之號,但不改年號而已。爲 有國王之號,而九州之內亦無此事。」郭崇韜尤不容其僭,而樞密承旨段徊,姦倖用事,能移 臣咸言:「玉簡金字,唯至尊一人,錢鏐人臣,不可。又本朝以來,除四夷遠藩,羈縻册拜,或 越國王,賜玉册、金印。 國王。 一個於唐昭宗朝,位至太師、中書令、本郡王,食邑二萬戶。梁祖革命,以繆爲尚父、吳越 梁末帝時,加諸道兵馬元帥。 。一初,莊宗至洛陽,鏐厚陳貢奉,求爲國王,及玉册詔下,有司詳議,羣 同光中(三),爲天下兵馬都元帥、尙父、守尙書令,封吳

等上表陳敍。時准寇攻逼荆南,明宗疑其同惡,因降詔詰之,元瓘等復遣使自淮南間道上 及迴,使副韓政具述其事,重誨因削謬元帥、尚父、國王之號,以太師致仕。久之,其子元瓘 作「鳥」,今改正。(影庫本粘籤) 凉,重誨怒其無禮。 制册,加封爵於新羅、渤海,海中夷落亦皆遣使行封册焉 明宗卽位之初,安重誨用事,繆嘗與重誨書,云「吳越國王謹致書于某官執事」,不敍暄 屬供奉官鳥昭遇使於兩浙, 每以朝廷事私於吳人,仍目鏐爲殿下,自稱臣,謁鏐行舞蹈之禮。 鳥昭遇,原本作「馬昭遇」,考歐陽史、通鑑、十國春秋俱

之疇庸,獲忝眞王之列壤,恆積滿盈之懼,豫懷燕翼之憂。蓋以恩禮殊尤,寵榮亢極, 弟曰:「汝等諸子,須記斯言:老父起自諸都,早平多難,素推忠勇,實効辛勤,遂蒙聖主 先;赤豹黃羆,不在諸方之後。雲臺寫像,盟府書勳,戮力本朝,一心體國。 鐘鏤鼎。 之初,已封茅土。兩殄稽山之僭僞,頻叨鳳韶之褒崇,賜鐵券而礪岳帶河,藏淸廟 臣等鯉庭 名品旣逾於五等,春秋將及於八旬,不諱之談,爾當靜聽。 一自爲厲階, 竊念臣父天下兵馬都元帥、吳越國王臣鏐,爰自乾符之歲,便立功勞,至於天復 歷事列聖,竭誠累朝,罄臣節以無虧,荷君恩而益重。楚茅吳柚,常居羣后之 鯉庭,原本作「釐庭」,今據文改正。(影庫本粘籤)灑袂,鴈序書紳,中心藏之,敬聞命 更尋覆轍。老身猶健,且作國王之呼,嗣子承家, 而況手殲妖亂,親觀興亡, 但守藩臣之分。」 常誠臣兄 而銘

歲,伏蒙莊宗皇帝遙降玉册、金印,恩加曲阜營丘,顯自大朝,來封小國,遂有強名之改 補,實無干紀之包藏。 臣父王,未嘗隨例。 頃 以濟陰歸邸,梁苑稱尊,所在英雄,遞相傲斆,互起投龜之詬,皆興逐鹿之謀,唯 從微至著,悉蒙天子之絲綸,啓土封王,自守諸侯之土宇。 兼使人徐筠等進貢之時,禮儀有失,尚蒙赦宥,未置典刑,敢不 。乙酉

世

投杖責躬,負荆請罪。且爽爲臣之禮,誠乖事上之儀,夙夜包羞,寢食俱廢,捧詔而神魂

戰慄,拜章而芒刺交丼。

蛟龍,誓平讎隙。今則訓齊樓櫓,淬礪戈疑,決副天威,冀明臣節。 末端由,布在衆多,寧煩觀縷,彼旣人而無禮,此亦和而不同。 改正。(影庫本粘籤) 纔僅於數年,諒非脣齒之邦,眞謂腹心之疾。今奉詔書責問,合陳本 連疆畛,久結仇讎,交惡尋盟,十翻九覆,縱敵已逾於三紀,弭兵 新之路行門,將功補過,捨短從長,矧茲近代相持,豈足玄機遠料。且臣本道,與淮南雖 成 經年方達,天高而瀝懇難通。伏乞聖慈,曲行明命。凌霜益翠,始知松柏之心,異日 於梯航,混車書而表率,如虧奉職,自有陰誅。今春已具表章,未蒙便賜俞允,地遠而 於汎海,繼有飛章,陳父子之丹誠,高懸皎日;展君臣之大義,上指圓穹。 其將修貢賦 大, 儻王師之問罪, 願率衆以齊攻, 必致先登, 庶觀後効。 橫秋雕鶚, 祇待指呼, 陳乞奏謝以聞 (功,方顯忠貞之節。臣元瓘等無任感激祈恩戰懼依投之至。 伏以皇帝陛下,濬哲文思,含弘光大,智周萬物,日闢四方,既容能改之非,許降自 近知侵軼荆門,乖張 謹遣急脚,間道奉絹表 **弭兵**,原本作「弦兵」,今據文 伏以臣父王鏐,已 躍 匣

明宗嘉之,乃降制復授鏐天下兵馬都元帥、尙父、吳越國王。未幾,又詔賜上表不名。案伍代

恩,俾當縟禮,其錢鏐宜賜不名。

朝,於梁室,莊宗中興以來,每來揚帆越海,貢奉無闕,故中朝亦以此善之。 嘗戲爲詩,言繆微時騎牛操挺之事,繆亦怡然不怒,其通恕也如此。。繆雖季年荒恣,然自唐 學書,好吟咏。江東有羅隱者,有詩名,聞於海內,依鏐爲參佐。繆嘗與隱唱和,隱好譏諷, . 中羅刹石,悉起臺榭,廣郡郭周三十里,邑屋之繁會,江山之雕麗,實江南之勝槪也。 **缪在杭州垂四十年,窮奢極貴。錢塘江舊日海潮逼州城,鏐大庀工徒,鑿石填江,又**平

開平中,浙民上言,請爲醫立生祠,梁太祖許之,令翰林學士李琪 李琪,原本作「李琦」,今從通鑑改 其節制署而後奏。左右前後皆兒孫甥姪,軒陛服飾,比於王者,兩浙里俗咸曰「海龍王」。梁 之。迨於晚歲,方愛人下士,留心理道,數十年間,時甚歸美。繆尤恃崇盛,分兩浙爲數鎮, 倚剛烈。時有儒士謁於主帥,已進刺矣,見<u></u>鏐稍怠,寥怒,投之羅刹江,及典謁者將召,寥詐 其優崇,宜令所司定諡,以王禮葬,仍賜神道碑。」諡曰武肅。繆初事董昌,時年甫壯室,性 王錢鏐,累朝元老,當代勳賢,位已極於人臣,名素高於簡册,贈典旣無其官爵,易名宜示 云:「客已拂衣去矣。」及爲帥時,有人獻詩云:「一條江水檻前流。」 露不悅,以爲譏己,尋害 鏐以長興三年三月二十八日薨,年八十一。制曰:「故天下兵馬都元帥、尙父、吳越國

卷

萬八千一百二十五

正。(影· 庫本粘籤) 撰生祠堂碑以賜之,至今蒸黎饗之,子孫保之,斯亦近代之名王也。 永樂大典

|鏐徧召諸子問之曰:「誰能爲吾爲田氏之壻者?」例有難色,時元瓘年十六,進曰:「唯大王 裨校許再思等爲亂,構宣州節度使田頵,頵領兵奄至,鏐擊敗再思,與頵 元瓘,鏐第五子也。 起家爲鹽鐵發運巡官,表授尙書金部郎中,賜金紫。 通和 。頵要盟於鏐, 天復中,本州

鏐旣年高,欲立嗣,召諸子使各論功,請讓於元瓘。 後唐同光初, 梁貞明四年夏,鏐大舉伐吳,以元瓘爲水戰諸軍都指揮使。戰棹抵東洲,吳人以舟師 之命。」由是就親於宣州 元帥、尙父、守尙書令、吳越國王,及鏐爲太師致仕,元瓘累貢章疏,乞復舊號,唐明宗許之。 元瓘爲火筏順風揚灰以坌之,白晝如霧,吳師迷方,遂敗之,擒軍使彭彦章 以功奏授鎭海軍節度副使、檢校司徒。梁末,遷淸海軍節度使、檢校太傅、同平章事 唐天祐初,承制累遷檢校尚書左僕射、內牙將指揮使,數年之間,伐叛禦寇,大著勳績。 今從九國志增入。(影庫本粘籤),
井軍校七十餘人,得戰艦四百隻。 吳人知不可校,通好於 加檢校太師、兼中書令、鎭東等軍節度觀察處置等使。 及鏐病篤,召將吏謂之曰:「余病不起, 時鏐自爲天下兵馬都 彭彦章, 拒 原本脫

災,焚之一空,乃移於他所,其燄皆隨而發焉,元瓘因驚悸發狂,以是歲八月二 **篚於前,謂元瓘曰:「三軍言爾可奉,領取此。」鏐薨,遂襲父位** 爲册以賜之。前代玉册,册夷王有之,僞梁時欲厚於繆,首爲式例,故因 僭營造,甚於其父,故有回祿之災焉。 五十五歲。 年,封吳越國王。 命戶部侍郞張文寶授兼尙書令。 大敗,以功加守太師 儀同三司、守太尉。 人士皆傳之。子|佐爲嗣。 唐 佐,字玄酤,元瓘薨,遂襲其位。 長興四年,遣將作監李鏻 世 諡日文學。 五年,加天下兵馬元帥。 時以建安爲淮寇所攻, 漢高祖入汴,佐首獻琛費,表率東道,漢祖嘉之,授諸道兵馬都元帥。 元瓘幼聰敏,長於撫馭,臨戎十五年,決事 永樂大典卷四千六百九十二。 清泰初,封吳王。 二年,封越王。 原本脫「李鏻」二字,今據通鑑增入。(影庫本粘籤)起復元瓘官爵, 晉天福末,制授檢校太師、兼中書令、吳越王, 元瓘有詩千篇,編其尤者三百篇, 六年,授天下兵馬都元帥。 授東南 面兵馬都元帥, 神速, 天福 佐尋遣舟師 其年夏有疾,秋府署 而 七七三 元年, 命日錦樓集, 爲軍民所附, 不改。 十四四 賜金印。 進討,准人 俄授開府 日薨,年

浙中

仍篆

兒皆愚懦,恐不能爲爾帥,與爾輩決矣,帥當自擇。」將吏號泣言曰:「大令公有軍功,多賢行

!」繆曰:「此渠定堪否?」曰:「衆等願奉賢帥。」卽出符鑰數

仁孝,已領

兩鎭,王何苦言及此!

僕馬,處事齷齪,多如此類。 佐幼好書,性温恭,能爲五七言詩,凡官屬遇雪月佳景,必同宴賞,由此士人歸心。 佐居列土凡七年,境內豐阜,祖父三世皆爲元帥,時以爲榮。 亦有丞相已下名籍,而祿給甚薄,罕能自濟,每朝廷降吏,則去其僞官,或與會則公府助 羣藩之冠。|佐有子|县,年五歲,未任庶務,乃以其弟|倧襲位。 然航海所入,歲貢百萬,王人一至,所遺至廣,故朝廷寵之,爲 永樂大典卷四千六百九十二。 漢初,以疾卒於位,諡曰忠獻。 其班品 以

籤 大典卷四千六百九十二。 別館,以甲士援送,幽於錦軍, 進思率甲士三百大躁,突入衙署,信闔戶以拒之,左右與之格鬭,盡爲進思所殺,遂遷條於 宿將舊勳,不甚優禮。 立倧異母弟俶爲帥。 l保,性明敏嚴毅,未立時,常以

佐性寬善,疑掌兵權者難制,及代

佐為帥, 大將胡進思頗不平之,乃密與親軍謀去倧。 其年夏四月,進思疽發背而卒,越人快之,以爲陰靈之誅逆也。泳樂 錦軍,疑當作「衣錦軍」,考冊府元龜引薛史亦作「錦軍」,今仍其舊。(影庫本粘 漢祖入汴之歲,十二月, 以禮 法 繩下,

之,時漢乾祐元年正月十五日也。 俶,元瓘之子,倧之異母弟也。 其年八月,始授檢校太師、兼中書令,充鎭海鎭東等軍節 **倧旣爲軍校所幽,時俶爲温州刺史,** 衆以無帥,遂迎立

耶! 除。 州,故云三千里也 動以萬計,醫人皆辭不受。 之。」鏐曰:「吾起自行伍,跨有方面,富貴足矣,但得兩眼見物,爲鬼不亦快乎!」 針,無不效者。 收,慮人恐踏破汝錢。」昭師笑曰:「汝錢欲踏破,須是牛卽可。」繆喜,以爲社稷堅牢之義。 者,通於術數,居兩浙,大爲錢塘錢鏐所禮,謂之國師。 上後,大興府署,版築斤斧之聲,畫夜不絕,士卒怨嗟,或有中夜潛用白土大書於門曰:「沒了期, **侵早起,** 復加天下兵馬大元帥,其後事具皇朝日曆。 度使、東南面兵馬都元帥。 碧浪亭, 見欣然,遠命書吏亦以白土書數字於其側曰:「沒了期,春衣纔罷又冬衣。」時人以爲神輔, **俶年屬丑爲牛,可謂牛踏錢而破矣。** 史臣曰:自唐末亂離,海內分割,荆、湖、江、浙,各據一方,翼子貽孫,多歷年所。 契盈對日 公司:「可謂三千里外一條水,十二時中兩度潮。」時人謂之佳對。 時潮水初滿, **愛聞,召而使觀之,醫人曰:「可治,然大王非常人,息殆天與之,若醫,是違天理也〔三〕,恐無益於壽,幸思** 舟楫輻輳, 明年,鏐卒。 望之不見其首尾。 周廣順中, 僧契盈,閩中人。 **錢鏐末年惠雙目,有醫人不知所從來,自云累世醫內外障眼,** 累官至守尚書令、中書令、吳越國王。 王喜曰:「吳越地去京師三千餘里 一旦謁鏐,有宮中小兒嬉於側,墜下錢數十文, 謬見; 泳樂大典卷四千六百九十二。 通內外學,性尤敏速。 旣 時江南未通,兩浙貢賦自海路而至靑 廣順初,遊戲錢塘,一 而下手,莫不應手豁然。 後至曾孫椒、舉族 () 自是怨嗟頓息矣。 五代史補: 而誰知一水之利有如 皇朝建隆初, 旦,陪吳越王 錢鏐封吳越國 入朝,因而 抵暮歸。」鏐 謂之日:「**速** 寥喜, 其術善於用

所賜

11

遊

僧昭

國

夫如

一七七六

之節,與荆楚、湖湘不侔矣。 征,一矢不亡,二方俱服。 是者何也?蓋値諸夏多艱,王風不競故也。洎皇宋之撫運也,因則、陵之肇亂,命王師以有 如是者何也?蓋屬大統有歸,人寰允洽故也。 遂使瑤琨篠簜,咸遵作貢之文; 江、漢、濉、潭,盡鼓朝宗之浪。 夫 唯錢氏之守炕、越,逾八十年,蓋事大勤王

泳樂大典卷五千五百三十八。

校勘記

(二) 保勗季興之幼子也 殿本、 劉本同。 歐陽史卷六九高季興傳作從海第十子。 按從誨長子名保

勳,次保正、保融,名內均有「保」字,當從歐陽史。

陵州陝人 上文高季興傳作陝州硤石人。 膨本同。 殿本、劉本作陝州陝人,五代史補卷二、舊五代史考異作陵州陝右人,本卷

欲任爲判官 「任」原作「仕」,據殿本、劉本、舊五代史考異、五代史補卷四改。

但郎君而已 「郎君」原作「充召」,據五代史補卷四改。

寫其高尙之趣 「寫」字原無,據殿本、舊五代史考異、五代史補卷四補。

公 洪鄂潭桂等州 「桂」原作「柱」,據殿本、劉本改。

(4) 建興府庭 「興」原作「康」,據殿本、劉本、五代史補卷三改。

- 2 禿賊 原作「禿兵」,據五代史補卷三改。
- (元) 有文學者 「文學」原作「學文」,據舊五代史考異、五代史補卷三改。
- 8 希明府一察之 「希」原作「章」,據舊五代史考異、五代史補卷二改。
- =湖南 原作「江南」,據五代史補卷四改。
- \cong 拱擁 入州 劉本、舊五代史考異、五代史補卷三同。 影庫本粘籤云:「『拱擁』,疑當作『鬨擁』,考

五代史補諸本俱作『拱擁』,今姑仍其舊。」

「爲」原作「皆」,據舊五代史考異、五代史補卷四改。

爲言懷也

- 希夢 原作「希範」,據舊五代史考異、五代史補卷四改。
- 三 命功臣鐘章爲虔州刺史 「命」原作「名」,據舊五代史考異、五代史補卷四改。
- 公公 湖南 原作「江南」,據舊五代史考異、五代史補卷四改。
- 글 偃爲天策府列校 「爲」原作「以」,據五代史補卷四改。
- - -Œ 一授旄鉞 「正」原作「止」,據殿本、劉本改。
- 会选 勒歸 私第 「勒」原作「勤」,據殿本、劉本改。
- 응 王溥 殿 本、劉本同。 新唐書卷 六王摶傳、通鑑卷二六〇均作王摶。
- \cong 同 世 光中 製 列 傳 中 第 」 原 作「申」,據殿本、劉本改。 校 勘 記

(III) 自新之路 「路」原作「恕」,據劉本改。

(三) 違天理也 「理」原作「地」,據舊五代史考異、五代史補卷二改。

(三) 吳越 原作「吳國」,據五代史補卷五改。按錢氏國號吳越。

CIED 契盈對日 云:「汁國春秋有此四字。」 四字原無,據五代史補卷五補。 按五代史補此四字係顧廣圻所校補,

其下有批注

舊五代史卷一百三十四

僭偽列傳第一

廬 廬州刺史。 自募百餘人,皆虓勇無行者,殺都將,自權州兵,郡將即以符印付之而去,朝廷因正授行密 徒步奏事,如期而復。案北夢強言云:鄭繁管典楊行密爲本州步奏官〔〕〕。光啓初,秦宗權擾淮右, 一壽,郡將募能致戰擒賊者,計級賞之,行密以膽力應募,往必有獲,得補爲隊長。 楊行密,廬州人。 少孤貧,有膂力,日行三百里。 唐中和之亂,天子幸蜀,郡將遣行密 行密乃 頻寇

陷,行密以軍萬人奄至。 先遣將秦稠以兵三千人助師鐸攻陷廣陵,高駢署師鐸爲行軍司馬。 高郵起兵以襲廣陵,爲用之所却,乃乞師於宣州秦彥,且言事克之日,願以揚州帥之。 屬渡江,入揚州軍府,自稱節度使。 光啓三年,揚州節度使高駢失政,委任妖人呂用之輩。 畢師鐸之入廣陵也,呂用之出奔於外,至是委質於行密。 初,揚州未陷,呂用之詐爲高駢檄,徵兵於廬州,及城 牙將畢師鐸懼爲用之所譖, 未幾,秦彥率大衆幷家 行密攻

廣陵,營於大明寺,秦、畢出兵以攻行密之營,短兵纔接,行密僞遁,秦、畢之兵爭入其栅,以 取金帛,行密發伏兵以擊之,秦、畢大敗,退走其壁,自是不復 出 戰

閱兵,用之在側,謂用之曰:「僕射許此輩銀,何負心也!」遽命斬於三橋之下,夷其族。 自東塘行了,與儒軍合,自是西門之外,復爲敵境矣。初,呂用之遇行密於天長,給行密曰: 儒以衆萬人自淮西奄至,還據外寨,行密輜重牛羊軍食未入城者,皆爲儒所有。 改正。《影庫本粘籤》行密入廣陵,輦外寨之粟以食饑民,即日米價減至三千。 中食盡,米斗四十千,居人相陷略盡。十月,城陷,秦、畢走東塘, 「用之有白金五千鋌〔〕,瘞於所居之廡下,寇平之日,願備將士倡樓一醉之資。」至是,行密 其年九月,秦、畢害高駢於幽所,少長皆死,同坎瘞於道院北 垣下。 東塘、原本作「東 行密攻圍 。十一月,蔡賊孫 唐」,今從新唐書 時秦、畢來 爾急, 城

禮廷範,及聞李蹯之行,悖然有拒命意。 淮南,與行密結盟,尋遣行軍司馬李璠權知淮南留後,令都將郭言以兵援送。 之心,酌其兵勢未 行密旣有廣陵,遣使至大梁,陳歸附之意。是時,梁祖兼領淮南,乃遣牙將張廷範使於 可圖也,乃追李蹯等還,案通鑑: 廷範懼,易衣夜遁,遇梁祖於宋州,備言行密不軌 李璠至盱眙, 行密發兵襲之,郭言力戰得免。 行密初則 與薛史

文德元年正月,孫儒殺秦彦、畢師鐸於高郵,引軍襲廣陵,下之,儒自稱節度使,行密收

異。(舊五代史考異)

即表行密爲淮南留後

其 休息 兵 蠢 江、潍疾疫,師人多死,儒亦臥病,爲部 人豢養於府第, 戈 順 衆 得孫儒 利 '競起,八州之內,鞠爲荒榛,圜幅數百里,人煙斷 元年,行密危蹙,率衆夜遁,出據宣州,儒復入揚州。 乾 歸於廬江 政 寧二年,行密 事 之衆。 龍紀 寬簡,百姓 十 一 元年,孫儒出攻宣州, 厚其衣食,驅之即 自光啓末,高駢失守之後,行密與畢師鐸、秦彥、孫儒遞相窺圖,六七年中, 盡有 月,梁祖 便之,蒐兵練將,以圖霸道。 淮 南之地, 遣大將龐師古自潁上渡淮,討孫儒之亂, 戰,靡不爭先。 昭宗乃降 行密 下所執,送於行密,殺之。行密自宣城長驅入於廣陵, 乘虛襲據揚州, 制 授行密准 甲胄皆以黑繒飾之,命曰「黑雲都」。 所得孫儒之衆,皆淮西之驍果也,選五千 絕。 行密既供孫儒,乃招合遺散,與民 南節 二年, 北通時溥, 度副 乃蒐練兵甲以攻行密, 大使知節度事、管內營 孫儒 師古引兵深入淮甸 引兵復攻行 屬

田 H 柱 觀 或 察處置等使、開府儀同三司、檢校太傳、司 、弘農郡王,食邑三千戶,食實封 一百戶 中 書門下平章事、兼揚州大都督府長 史(智)、

使 將 未明 | 求救於梁。 晰, 瑾 几 興 附識 年, 承 於此。(舊五代史考異) 嗣皆位 梁祖 梁祖遣朱友恭率步騎萬人渡江,取便討伐。 平克、鄆, 至方伯 朱瑾 案九國志: 是歲,行 及沙陁將李承嗣、 行密 密縱兵 承制授朱瑾 侵掠 鄰部, 泰寧軍 史嚴等皆奔淮南,行密待之優厚,任以爲 節度使,李承嗣 兩 浙 行密先令都將瞿章據黃州 錢鏐、江西 振 武軍節度使。此云位至方伯,似 鍾 傳、 鄂 州杜洪 及梁 、皆遣

僭

拔武昌寨,擒瞿章幷淮軍三千餘人,獲馬五百疋,淮夷大恐。 師 諸軍僅得北 襲汴軍,汴軍大敗,師古死之。葛從周聞師古之敗,自濠梁班師〔三,至淠河,爲淮人所乘, 、自霍丘渡淮,遺龐師古率大軍營於淸口。 至,卽棄郡南渡,固守武昌寨。 行密遣將馬珣以精兵五千助之,友恭與杜洪大破其衆,遂 准人決堰縱水,流潦大至。又令朱瑾率勁兵以 八月,梁祖遣葛從周領步騎萬

擒節度 所倂。 +-追至 壽之境,淮 密遣將王景仁帥師二萬 輔 光化二年,行密北侵,遣張歸厚禦之而退〔8〕。天復三年,青州王師範叛,乞師於淮南, |使||杜洪,戮於||揚州市,梁之戍兵數千人亦陷焉。 唐 三年,行密以疾卒於廣陵。 ,殺數千人,進取密州。 人遁去。 二年正月,進攻壽州,淮人閉壁不出,大掠而還。 以援之,攻討密州。 天祐元年十一月,淮人攻光州,梁祖 及其子渭僭號, 七月、梁祖大破師範及景仁之衆、景仁遁還、 偽追尊爲太祖武皇帝 其後,江西鍾傳、 是月,行密攻陷鄂州, 率軍抵霍丘,略於廬、 宣州 田頵俱爲行密 永樂大典卷六千五

忍,不能御下。 渥 ,字奉天,行密長子也。 天祐五年六月,渥爲顯所殺,顯將納款於梁,遂自稱留後,委別將徐温握兵 行密卒,渥遂襲僞位,自稱吳王,委軍 政於大將張願。渥性猜

居無何,温復殺顯,立行密次子渭爲主。 及渭僭號,僞追尊爲景帝。 永樂大典卷六千五十一。

兵柄於上流,其子知訓等於揚州居以秉政,凡十餘年。 委於徐温。 天祐十六年爲武義元年。 泳樂大典卷六千五十一。 渭,渥之弟也。 時溫爲鎭海軍節度、內外馬步軍都指揮使,乃於上元縣置昇州,盛開幕 案:、歐陽史及通鑑皆作隆演,惟薛史作渭,詳見通鑑考異。(舊五代史考異)旣立,政事咸 **澗以温爲大丞相、都督中外諸軍事。** 温乃册渭爲天子, 渭僭號凡三年而卒,諡爲<u>惠</u> 國號大吳, 府, 改 自 唐

嗣 時崇韜欲陳舟師下峽,爲平吳之策,會崇韜旣誅,洛城有變, 有同箋表。明年八月,又遣其司農卿盧蘋貢方物,及獻貞簡太后珍玩,莊宗命左藏庫使王 居敏、通事舍人張朗等以名馬報之。 ·稱藩,無足與之抗禮,來偵國情,不如辭絕。」乃館其使,不受所貢,遣之。 ,溥復遣使修好,安重誨 遷都於洛陽。十二月,溥遣使章景來朝,稱「大吳國主致書上大唐皇帝」, 溥,行密幼子也。 初封丹陽王,渭卒,徐温乃推溥爲主,復僭僞號。唐同光元年,莊宗平 安重誨,原本作「仲誨」,今從通鑑及歐陽史改正。(影庫本粘籤) 郭崇韜之平 西川也,淮 淮人聞之, 人大懼,將 去僞號, 比屋 一相慶。 奏日:「 唐天成二年十 其辭旨卑遜, 稱藩於唐。 明宗纂 楊溥旣

僧

之。 塘,錢鏐危急,遣其子元琛修好於行密。 之,每歲命以大斧科柳,謂之「斫楊頭」。 未幾,類果班 然「亡」上加「草」爲芒(も),下加「心」爲忘,右加「邑」爲邙,左加「心」爲忙,其令不通(六), 會。」羅隱取「于」字上加「雨」爲舞雩,下加「皿」爲盤盂,左加「玉」爲玗玉,右加「邑」爲邘地。 令,取一字,四面 遺使候錢鏐起居,鏐厚待之。 至 周顯德中,李景聞周師渡淮,盧其爲變, 使人盡殺之。 事,襲封齊王,僞加九錫。 |溥遜位, 徐温卒, 溥自是服羽衣,習辟穀之術,年餘以幽死。 師。 凡四十七年而亡。 .被圍而不失其本晉,因曰:「『其』字上加『草』爲萁菜,下加『石』爲碁子,左加『玉』爲琪玉, 追封爲齊王。 先是,行密與逐勢力相敵,其爲忿怒,雖水火之不若也。 將行,復與之小飲,時羅隱、皮日休在坐,意以顧之師無能爲也,且欲譏之。 晉天福二年,溥不得已遜位於昪。 温之養子李昪代温佐輔,秉政數年,位至太尉、中書令、錄尙書 至是,以元暸通婚,二境漸睦,穿眼、斫頭之論始 元琛風神俊邁,行密見之甚喜,因以其女妻之,遽命頵罷兵。 泳樂大典卷六千五十一。 昇又遷其族於海陵,吳人謂其居爲永寧宮。 自唐大順二年,行密始有淮南之地, 五代史補: 行密嘗命以大索爲錢貫, 昇遷溥於潤州,築丹陽宮以處 楊行密常命宣州刺史田頵領兵圍錢 谎 合坐皆嘻笑之, 使者取「亡」字畿錢鏐必亡。 號曰「穿錢眼」。 初, 類之圍城也,嘗 右 使大慚 於是日休為 加『月』爲期 m |繆| 去。

行密起兵於廬州,漸至軍校。 李昪,本海州人,僞吳大丞相徐温之養子也。 唐末,青州王師範爲梁祖所圍,乞師於淮南,楊行密發兵赴 温字敦美,亦海州人,初從淮南節度使楊

虜,温 温 時爲 愛其慧點印,遂育爲己子,名日知誥 小將,亦預其行。 師次靑之南鄙,師範已敗, 淮兵大掠而還。 **昪時幼穉**, 爲温所

使、 州 主 無 籤 史, 鎭 本脱「用」字, 檢 使 知 · 無主 節 何, 刺 乃大 鎭 太 顥殺渥, 度 .史、檢校司徒。 軍管內 知訓 本 海 站 事, 將亂,不如有所立,徐圖其事。」、嚴然之,乃立渥弟潤爲帥。 州 理 軍節度、浙江 初,行密卒,其子渥嗣,會左衞 一郡廨, 今從九國志增入。(影庫本粘籤) 温州刺史,充本州團練觀察使。 以昇 爲 專 水陸 大將 練使。 欲歸命於梁。 爲鎭 馬步軍 温 朱瑾 表 温留廣陵,遣昪知州事 + 海 一西道 移其府於 所殺 五 軍 都 年, 節 觀察等使。 軍使,兼寧國軍節度、宣勮池等州 温謂顯曰:「此去梁國,往復三千里,不月餘事不成, 度 知訓 温以昪代知政事 副使、 金陵,偽授温昇州 授准南 行潤 加同中書平章事, 十二年八月,温出鎮 左衞,原本作「位衞」,今從十國 行 州 0 八年,宣州叛,温與都將柴再用討平之, 軍 刺 副 是歲,唐天祐五年也。 史, 使、內外馬步軍 明年,温册楊渭爲天子, 大 |潤||州, 都督府長史,充鎭海軍節度 充淮南行 原本作「澗州」,今從歐陽史改正。(影庫本粘 潤州, 觀察使。 都指 春秋 以其子 軍司馬、 改 温尋殺顥, 七年, 揮使,通判軍府 正。(影· 時昇爲温 僭稱 知訓 內外馬步都指揮 丁母 庫本 大吳,改唐天 知 粘籤) 渭偽授温 副大使(lo 屬郡昇州 憂, 政事 軍 柴再用,原 起復授 都指揮 國 事 , [未有 加 刺

庙

+

六年爲

武

義

元

尹 鎭 國, 丹陽王溥 主 遺命諸 海 楊氏主祭而已。 寧國 + 海王, 八 等軍節度、宣歙池等州管內營田 於潤州,以其年六月十八日卽爲位,改元爲順義。 年,渭死,温聞之,自金陵馳歸揚州,夜入廣陵,議有所立。 葛亮之事,温厲聲曰:「若楊氏無男,有女當立矣,無得異議。」由 食邑一萬戶,實封五百戶。偽順義七年改乾貞元年,即後唐天成二年。 温累官至竭忠定難建國功臣、大丞相、都督中外諸軍事(11)、諸道都統、 觀察等使、開府儀同三司、守太師、中書令、 自是温父子愈盛, 中外共專其 或有 是羣心乃定, 希温旨,言及蜀先 其年十 金陵 逐迎

僞 乃 以 尙 本粘 昪 守 月二十三日,温卒,僞贈大元帥,追封齊王,諡 吳天 册楊溥爲讓皇,其册文曰:「受禪老臣知誥,謹上册皇帝爲高思元 太尉 揚 書 出 州 鎭 事 昪 其 年 金陵,) 留 前 祚 爲 中 東 夢温負登 三年,楊 鎭 書令、宣城公。 以金陵 都 金 尋 陵,以其子 封 昇開 溥 東海王。 為齊國 山,逾月温卒,昪乃爲授輔政 遜位 國依 於昪,國 景總政 昇自平朱瑾之亂,遂執 齊、梁故 封昇爲齊王,乃追 至清 泰二年改天祚元年, 號 於揚州。 事,用 大齊,改元爲昇元, 徐玠為 未幾, 諡温爲忠武王,廟號太祖 日忠武 齊國 興邦功臣,知內外左右事、開府儀同三司、 僞 與政。 加昪九錫,建 右丞 建都 天祚,原本作「天福」,今從十國春 天成 相,宋齊丘爲 於金陵,時 四年,僞吳改 天子旌 弘古譲 晉氏 左丞 旗, |昇又 太和 皇」云。 天福二 改 相, 進位 金 以 元 陵 **秋** 改正。(影庫 年也。昇 太 爲 爲 仍以其 謀主。 尉、錄 西

子遙領平盧軍節度使,遷於海陵。

祖。 所敗,死於大庾嶺北,故昪指之以爲遠祖。因還姓李氏,始改名昪,國號大唐,尊徐温爲義 南、嶺南、黔中、江南四道節度採訪等使。隣至廣陵,大募兵甲,有窺圖江左之意,後爲官軍 昇僭位凡七年,子景立。 泳樂大典卷一萬三百九十一。 昪自云唐玄宗第六子永王璘之裔,唐天寶末,安祿山連陷兩京,玄宗幸蜀,詔以**璘**爲山

約,兄弟相繼。」景僭號之後,屬中原多事,北土亂離,雄據一方,行餘一紀。其地東暨衢、婺, 央。昇卒,乃襲僞位,改元爲保大(li)。以仲弟遂爲皇太弟,季弟達爲齊王,仍於父柩前設盟 最爲強盛公言。 又嘗遣使私路北戎,俾爲中國之患,自固偷安之計。案南唐書云: 奧丹遣二使來告 南及五嶺,西至湖湘,北據長淮,凡三十餘州,廣袤數千里,盡爲其所有,近代僭竊之地, 曰:「晉少主逆命背約,自貽廢黜,吾主欲與唐繼先世之好,將册君爲中原主。」嗣主曰:「孤守江、淮,社稷已固,與梁、宋阻 **黄龍出殿之西楹,矯首內向,如窺伺狀。**烈祖驚起,使人偵之,顧見玄宗方倚楹而立,遣人候上動靜,於是立嫡之意遂 若爾主不忘先好,惠賜行人,受賜多矣,其他不敢拜命之辱。」 景,本名璟,及將臣於周,以犯廟諱,故改之。昇之長子也,案鈞磯立談云:烈祖一日畫寢,夢

周顯德二年多,世宗始議南征,以宰臣李穀爲前軍都部署。是多,周師圍壽春。

世宗 滁 於世宗,乞爲附庸之國,仍歲貢百萬之數,又進金銀器幣及犒軍牛酒。未幾,又遣其臣孫晟 迥 自 往 一崇質 州 ,世宗親征淮甸,大敗淮寇於正陽,遂進攻壽州。 變,唯留 江南,取 未之許。 等奉表 滁州,原本作「涂州」,今從歐陽史改正。(影庫本粘籤) 景聞之大懼, 遣其臣鍾謨、李德明等奉表 偏 本國 師 時李 ,修貢,且言:「景願割濠、壽、泗、楚、光、海等六州之地,隸於大朝,乞罷攻討。 製千 表 ·德明等見周師急攻壽春,慮不能保,乃奏云:「寬臣等五日之誅, 章,舉 園守壽春而 江 [北諸州,盡獻於大朝。」世宗許其行,久之,德明等不至,乃權議 尋又今上敗何延錫於渦口,擒皇甫暉於 容臣等

書: 正 於迎鑾 十月, 累遣使修貢,亦不失外臣之禮焉 爲 腏 比 界, 亦 諸 不 月,改元 州 JU 世 仍歲貢 年春,世宗 至窮兵黷 唯盧、 宗 將 復 交泰。 議 臨 地 濟 舒 征 准 遣 江 武。 斬 數 再 甸 (III) ° 其臣陳覺 黄 沒駕南 , + 覺 連 ·萬 下濠、 聞 四 景聞之, 征 郡 命 世宗許之,乃還京。 奉表 未 忻 泗二郡,進 三月,大敗江南援軍於紫金山,尋下壽州,乃命班師。 然, 下, 陳情, 自 世宗 卽遣 謂 亡在朝夕, 且順世宗之旨焉。 人過江 因謂 攻楚州。 覺日:「江 取景 自是景始行大朝正朔, 乃 明 表,以廬、舒、蘄、黄等四 欲謀 年 南 春 國主若 傳位其世子, 使稱 正 覺至, 月,拔之,遂移幸揚州, 能以 世宗召對 江北之地 |章稱唐 於 藩於周 州 御 盡 來 國主臣景, 歸 上,乞畫 於我,則 是時 是歲冬 駐 案南唐 大軍 江

僭 傌 列 傳 第

幾而 矣。 功,愼. **仞青山,壓低氣字;頭上之一輪紅日,燒盡風雲。** 耶!」乃惠以數稱。 此殆數日。 窮悴,朝夕不能度。 怒,是夜收融投於江,自是與謀者惟齊丘而已。 舉杯爲令曰:「雪下紛紛,便是白起。」齊丘曰:「着屐過街,必須雍齒。」 矣。」遂引軍渡江,盡誅朱瑾之黨。 昇善,因謂昇曰:「知訓驕倨,不可大用,殆必有損足焚巢之患。 曆。 令、都統。 江南遂爲昇所有。 汝於兄弟中有大功者耶。」卽日用異爲左僕射,知政事,以代知訓。 勿辭 永樂大典卷一 皇朝建隆二年夏,景以疾卒於金陵,時年四十六。 初,昇既蓄異志,且欲諷動僚屬。 也。」昇聞之釋然,遂行,至潤州,未幾知訓果爲朱瑾所殺。 及出居金陵,以嫡子知訓爲丞相,昇爲潤州節度。 隣房有散樂女尙幼,問齊丘曰::「秀才何以數日不出?」齊丘以實告,女歎曰::「此甚小事, 時姚洞天爲淮南騎將,素好士,齊丘欲謁之,且襲空無備紙筆之費,計無所出,但於逆旅杜門而 萬三百九十一。 齊丘用市紙筆,為詩詠以投洞天,其略曰:「某學武無成,攻文失志, 先是,江南童謠云:「東海鯉魚飛上天。」東海即徐之望也,李者鯉也,蓋言李昪一 後解甲去備,以待徐温。 雪天大會,酒酣,出一令,須借雪取古人名, 五代史補: 加以天步凌遲,皇綱廢絕,四海淵黑,中原血紅,挹飛蒼走黃之辨,有 宋齊丘,豫章人。 李昪,本爲徐温所養,温殺張鎬〔三, 温至,且喜且怒,謂昪曰:「猶幸汝在潤州, 昇始爲宣州,忽得潤州, 宣州 父嘗在鍾傳幕下,齊丘素落魄,父卒,家計蕩盡, 去江都遠,難爲應, 是夜, 融意欲挫昇等,遽曰:「明朝日出,爭奈蕭何。」 昇善於 撫御, 以其子煜襲僞位,其後事具皇家日 江都亂, 仍詞理通貫。 內外之心翕然而 火光互天, 昇望之曰:「宋公之言 甚快快, |潤||州 歲華蹭蹬, 權出於己, 方隔 將白温 時齊丘、徐融 身事蹉跎。 水 辭之。 不然吾家大事 秀才何吝 歸之, 爾, 自稱 旦自温 有 大丞 宋齊丘 故 急 胸 家起 徐 則 在坐, 網、中 『中之萬 言相示 温 可 坐, 昇大 素與 已在 卒 將 以 而 昪 Ĭ 如 未 去 爲

君

來事不 葬,掘 BIJ 裙 陵 人及燒 容 宜 進 之,使其自愧 出 云:「金翅 延請賓客,而 功,遂至將相,乃上表以散樂女爲 云 成之。」 業於鍾 士。 人也。 鬼沒 足 「其爲誠 及 地 釋氏 邊鎬 同。 煉 神之機。」洞 未 國 素有 動 Щ 僧 庭瑞 及丈餘,又得石槨,上有篆文 主大笑。 ※ 整萬 數 **鬘**從今日白,花似去年 果報,且 之下湖南 身 庭 先令女僕與之相見 才辨 而 塺 爺 曰:「雷擊之木,恐 有 自 熙載視之安然 端 :古柏 每來無不 月、銀 天怒其 江 人 問 顯德 也,後主 目 南 爲饑寒兩字。」 可百餘尺,一 河 「吾師莫有 國 中 言大,不即接見。 主 轉浪洗乾坤。」 升堂入室,與 政政 以 聞其名,召歸 亂 一或調 威 非祥,不宜爲 妻, 紅。 師 國 且 沈彬,宜春人。 志 以報宿 禮 洞 爲迅 主 戲,或歐擊,或加 /四字云 願 之。 豔冶隨朝露, 天始憫之, **猶晏然不以** 女僕等 否? 武穆 雷所擊,仆 金陵,令爲 齊丘 然 惠,許之。 棺。」 寡 無 魔 沈彬之 雜 人固 覊檢,飲 窘急,乃更其啓,翌日復至,其略曰:「有生不 而壯之,欲辟之在 漸 處。 能爲歌 彬 介意。 馨香逐 加 於地 縣宰, 欲口之。」謙光對 怒曰:「吾命汝,安得違之耶 僞主 以 以 /椰」, 爭 韓熙 拯 酒 ,詩格高 一晚風 奪 如 知之,雖 救。 自 |彬 其 靴笏, 常 旦,因賞花, 載 辭不 成 制 國 仕: 徐温聞其名, 四片。 度大 逸、應 何須對 江南, 就 幕 怒,以 主 無 逐授 府,以 無 日 不 小 以 進 曲 [1七]:「老僧 與 其大臣, 官至 零落,然後始知 命 士不 禁 盘 其有 棺 金 謙 之欣 制, ,然後熙載 Ī 部 光賦 一諸行侍 召至門下。 第, 相 郞 足 _ 然 而叉於諸 疾, 稱 中 不 逐遊 詩 無 致仕 欲 ,遂葬之, 鄓 庭瑞 謂 他 因 遂 始緩步 長沙。 直 (금 강 강 子 容。」 願 爲 年 旷 指 及昇之有 庭瑞 懼 內 所諷 其 如 但 中 八十 彬 過, 遂 晚年不 會武 而 得 日一此 無生,爲 畤 尤 由 如 詩云:「」 出 鵝 Ň 嗜 九 是 因 教, 江南 穆 異焉 生 鵝 習以 命 往 報 方霸 四隻 天 初 人不 卒 待 來 鼈 也, 擁納對芳 所以 竟 詔 爲 女僕 衡 腿 彬 若爲鬼。」又 國 角 秘 齊 盡 賜 湘 僧 旣 艦 主 此 爲 丘 獻 百 謙 吾 間 致 常以 復 長 棺。 頌 圖 以 光 仕,營 也 兩 佐 德 以 有 一,汝 從 金 及 稱 詩 賜 由 重 醫 每 命

本粘籤) 王 字信通 知, 汪審知傳,永樂大典僅存一條,今考冊府元驅所引薛史,考其事蹟,前後排比成篇,謹附識于此。(影庫 光州 固始 人。 父恁, 世爲農民。 册府元龜卷二百一十九。 唐廣明中, 黄巢 犯

汀, 蔡賊秦宗權以緒爲光州 江 自稱刺 准 盗賊蜂起,有賊帥王緒者, 史。 緒多疑忌, 刺 部將有出己之右者皆誅之。 史,尋遺兵攻之,緒率衆渡江,所在剽掠, 自稱將 軍,陷固始縣 潮與豪首數輩共殺緒,其衆求 審知兄潮, 時爲縣佐, 自南康轉 至閩中, 緒 署爲 帥, 軍 入臨 Ē 乃

奉潮爲 刑牲 留。 潮因 歃 帥 血爲盟,植劍於前,祝曰:「拜此劍動者爲將軍。」 引兵圍彥若,歲餘克之,又平狼山賊帥薛蘊,兵鋒 時泉州 刺史廖彦若爲政貪暴,軍民苦之,聞潮爲理整 至潮拜,劍躍 日 盛。 肅,耆老乃奉牛 唐光啓二年, 於地, 衆以爲神 福建 酒, 遮道 觀 異, 察使

陳嚴 爲節度、 食盡,乃斬 表潮爲泉州 福建管內觀察使, 暉 而降, 刺 由是盡 史。 大順中,嚴卒,子壻范暉自稱留後,潮遺審知將兵攻之, 審 有閩、嶺五 知 爲副 州之地。 册府元龜卷二百二十三。 潮 即表其事 , 昭宗 歪} 因 審知德政碑作詔授潮節 |建威武軍於 踰年, 福 州 度,累加 城中

檢校右僕射,無審知爲副事。(舊五代史考異)

休, 命 審 審知 知 爲 知 觀 軍 祭副 府事 使, 有過, 十二月丁未,潮薨,審知以讓其兄審邽, 潮麵加 捶撻, 審知 無怨色。 潮寢疾, 案:汪羅知德政碑作仲兄審邦,此作 含其子 延興、 延虹 延豐、

列

第

爵邑。 至登萊抵岸,往復頗有風水之患,漂沒者十四五。 戶,食質封一百戶。(舊五代史考異) 授金紫光祿大夫、右僕射、本軍節度使,又改光祿大夫、檢校司空,轉特進、檢校司徒,又轉檢校太保、琅邪郡王,食邑四千 朝開國,累加中書令,封閩王。 **大典卷一萬四千五百三十六。** 審邽、當以碑爲正。(舊五代史考異) 册府元龜卷二百三十二。 唐末,爲威武軍節度、福建觀察使,累遷檢校太保,封瑯琊 審邽以審知有功,辭不受。 是時,楊氏據江、淮, 案王審知德政碑云:潮付公以戎族,仍具表奏,尋加刑部尚書、威武軍留後,俄 故閩中與中國隔 後唐莊宗卽位,遣使奉貢 審知自稱福建留後,表於朝廷。 越, 審知每 制 歲 朝貢, 加 郡王。 功臣 汎 進 海

册府元龜卷二百一十九。 十年間, 審 知 起自隴 境晏然。 一畝,以至富貴,每以節儉自處,選任良吏,省刑惜費, 册府元龜卷二百二十九。 同光元年, 審知卒, 子延翰嗣, 輕徭薄斂, 爲弟延鈞所殺。 與民休息,

泰二年,遇弑。子昶嗣。 卷二百一十九。 延鈞,審知 未幾,自稱帝,國號大閩, 次子。 後唐長興三年,上言吳越國王錢鏐薨,乞封爲吳越王,不報。 册府元龜卷二百一 改元龍啓, 然猶稱藩於朝廷。 册府元龜卷二百二十二。 册 府 清 元龜

子繼 恭 昶, 稱節度使,晉祖乃下制封昶爲閩王。 嗣爲位,朝廷因授昶福建節度使。 晉天福三年, 遣使貢奉至闕(12), 册府元龜卷二百三十二。 改元通大, 止稱閩王。 後遇弑。 都知

少子延義嗣口也。姗府元龜卷二百一十九。

|啓中 之。 識 所滅 敢隱,盡以告之。 開基業也; 來是三王 **莢樹,因其下築壇,爲朝禮之所,其後丹成沖虛而去。** 事 其地,遂爲福建觀察使。 ,輒改 有僧 過 爛柯道士徐景玄,因於壇東北隅取土,獲其詞,曰:「樹枯不用伐,壇壞不須結。不滿一千年,自有系孫列。」又曰:「後 亂 延養,嗣僞位,改元永隆,在位六年遇弑。 潮 審知制 ,爲其將連重遇所殺,王氏之族遂滅。 册府远龜卷二百一十九。 上藍 與審知兩世耳。 ,潮水蕩禍殃。 巖 者 逢 度,僭稱大閩,改元龍啓,其後爲子刺殺。 二乍間,謂陳巖逢王潮未幾而亡,土地爲其所有也;代代封圓疆,謂潮與審知也,代代蓋兩 上藍 通 於術數,動 曰:「老僧觀王潮與福建有緣, 至其弟審知立〔回〕,雖天下多事,猶能修其職貢,朝廷嘉之,封閩王。 巖逢二乍間,未免有銷亡。 初,王潮嘗假道於洪州,時鍾傳爲洪州節度使,以王潮若得福建,境土相接, 皆先知,大爲鍾所重。 五代史補: 先是, 王潮之來福建也,值連帥陳嚴卒,子婿范暉自稱留後,潮攻拔之,盡有 子孫依吾道,代代封閩疆。」 議者以為:潮蕩禍殃,謂王潮除其禍 梁朝有王霸者,即王氏之遠祖,爲道士。 必變,彼時作 因入 |翻嘗云::「吾之子孫,當有王於此方者。」乃自爲讖,藏之於地。 、謁,察傳詞氣,驚曰:「令公何故起惡意,是欲殺王潮 兄延政,自稱帝於福州,晉開運三年,爲李景 好世界。 令公宜加禮厚待, 居於福州之怡山時,愛二皂 審知卒,子延鈞嗣〔三〕,無 改元永隆。 若必殺之, 必爲己患, 世之稱,明封 延義不恤 令公之福去 否? 陰欲誅 唐光 傳 患以 不 政

僭

彈 天,徐寅 {賦。 中爲王審知推官。 人任 使人齎 藝中得所撰表章,於是收爲與奔者,俱械而送。 以用矣。」即日戒閹者不得引接,徐寅坐是終身止於祕書正字。 落。」未幾,有人得其本示太原者,武皇見而大怒。 是福州果爲餞氏所有,入腹之讖始應。 延巍爲連重遇所殺,諸將爭立,江南乘其時命查文徽領兵伐之,經年不 矣。」於是傳加以援送。 在閩中,亦遺 歎曰:「羊者楊也,腹者福也,得非[福州之患, 福州官屬,恐禍及,一旦亡去,將奔江南,乃間道謁爲。 畤 一篇可矣。」乃索筆爲詩曰:「衙鼓侵人急,西傾日欲斜。 梁祖與太原 金帛往遺之,號 ,指斥先帝,今聞在彼中,何以容之?」 使回,具以告,審知曰:「如此則主上欲殺徐寅爾,今殺則未敢奉詔, 使至,遽召其使問曰:「徐寅在否? 旦饋之魚,時滔方與徐寅對談,遂請爲代謝牋。 日「送供」,且問國之休咎。 爲讎敵,武皇眇一 及 (審知之嗣位也,楊行密方盛,常有吞東南之志氣。 蓋國之興衰,皆冥數先定矣。 目,而又出自沙陀部落,寅欲曲媚梁祖 不在楊行密而在錢氏乎?今內外將更無姓錢者,必爲子孫後世之憂矣。」 爲臨刑,詞色不撓,且曰:「嵇康之將死也, 」使不敢隱,以無恙對,莊宗因慘然曰:「汝歸語王審知,父母之讎,不 及莊宗之滅梁也, 使回,上藍以十字爲報,其詞曰:「不怕羊入屋,只怕錢入腹。」 經數日,爲且與草投江南表。 黄泉無旅店,今夜宿誰家?」聞者莫不傷之。 江爲, 寅援筆而成, 其略曰:「銜諸斷索, 四方諸侯以爲唐室復興, 能下。 徐寅, 建州人。 審知居常變之, 會兩浙救兵至, 登第歸 ,故詞及之, 工於詩。 閩中, 其 顧日影而彈琴, 人未出境,遭邊吏所擒, 乾祐中,福州 云:「一眼匈 途徑大梁, 因其先人嘗爲上藍所 文徽腹背受敵 **簭**琛爲慶者相繼。 才從羊續懸來; 因獻太祖 奴, 王氏國 吾今琴則不 ,遂大敗。 望英威 黃滔,在閩 審知 亂 但不 遊大梁 王審 知, ,有故 仍 可 得之 而 暇 於 自 至 乃 可 同 知 膽

列在瑪盤,便到馮驢食處。」時人大稱之。

後,以僞易僞,逾六十年。 終則竊効於尉佗,與夫穴蜂井蛙,亦何相遠哉!五紀之亡,蓋其幸也。 朔以來庭,如是則長江之險,又何足以恃哉!審知僻據一隅,僅將數世,始則可方於吳芮, 史臣曰: 昔唐祚横流, 異方割據, 行密以高材捷足啓之於前, 李昪以履霜堅冰得之於 泪有周興薄伐之師,皇上示懷柔之德,而乃走梯航而入貢,奉**正** 永樂大典卷六千八百四

校勘記

鄭綮嘗典楊行密爲本州步奏官 殿本、劉本同。 北夢斑言卷七作「唐相國鄭繁,雖有詩名,本無

[11] 秦畢 「畢」原作「軍」,據殿本、劉本改。

廊廟之望。

嘗典廬州,吳王楊行密爲本州步奏官。」

[m] 白金五千鋌 「鋌」原作「挺」,據殿本、劉本改。

(11) 揚州大都督府 「督」字原無,據殿本、劉本補。

(五) 濠梁 原作「濛梁」,據殿本、劉本改。

行密北侵遣張歸厚禦之而退 「北侵遺」三字原無,據殿本、劉本補。 「行密」下原有注文「案以

僞列傳第一 校勘記

傮

一七九五

下有闕文」,今刪。

(4) 亡上加草爲芒 「加」字原無,據殿本、舊五代史考異、五代史補卷 補。

(公) 其令不通 「其令」下原有「必」字,據五代史補卷一删

(4) 愛其慧點 「慧」原作「惠」,據殿本、劉本改。

3 偽授温 昇州大都督府長史充鎮海軍節度副 大使 「温」字原無,據彭梭補。「度」原作「都」,據殿

本、劉本、彭校改。

(11) 都督中外諸軍事 「事」原作「使」,據殿本、劉本改。

(III) 保大 原作「保太」,據殿本、劉本、通鑑卷二八三改。

強盛 原作「疆盛」,據殿本、劉本改。 影庫本批校云:「『彊』訛『疆』。」

(四) 將議濟江 「江」原作「北」,據殿本、劉本改。

呈 張鎬 舊五代史考異、五代史補卷三同。 殿本、 劉本作張顥。 影庫本粘籤云:「張鎬, 通鑑作張

鼠,考五代史補前後俱作"鎬」,今姑仍其舊。」

会 諸行侍郎 殿本、劉本、舊五代史考異、五代史補卷五同。 影庫本粘籤云:「諸行侍郎, 似有舛

誤,考:六國春秋亦作『諸行』,今仍其舊。」

云 吾師莫有志願否寡人固欲□之謙光對曰 十六字原無。 據五代史補卷五補。「欲」字下空一格、 記

今作□,示有闕文。

(13) 遺使買奉 「使」原作「奉」,據殿本、劉本、冊府卷二三二改。

(15) 延羲嗣 「延羲」原作「延義」,彭本同,據殿本、劉本、冊府卷二一九改。 本卷下文 延羲嗣偽位

句中「延羲」同。

(110) 弟審知立 「弟」原作「子」,據殿本、本卷正文改。

CIII) 子延鈞嗣 「子」原作「弟」,據殿本、劉本、本卷正文、紫藤書屋本五代史補卷二改。

舊五代史卷 一百三十五

僭偽列傳第二

使李可舉。 原。武皇遇之甚厚,賜田宅以處之,出爲壽陽鎭將,從征吐渾。 千人討平之,匡威壯其才,復使爲帳中爪牙,令將兵戍蔚州。兵士以過期不代,思歸流怨, 稍遷裨校。仁恭志大氣豪,自言嘗夢大佛幡出於指端,或云年四十九當領旄節。此言頻泄, 可圖之狀,願得步騎萬人,卽指期可取,武皇從之。洎仁恭舉兵,屢不剋捷。 會李匡儔奪兄位,戍軍擁仁恭為帥,欲攻幽州,比至居庸關,爲府兵所敗,仁恭挈族奔於太 燕帥李匡威惡之,不欲令典軍,改爲府掾,出爲景城令。屬瀛州軍亂,殺郡守,仁恭募白丁 全忠之攻易、定也,別將于晏圍易州,累月不能拔,仁恭穴地道以陷之,軍中號曰「劉盜頭」, 劉守光,深州樂壽人也。其父仁恭,初隨父晟客於范陽,晟以軍吏補新興鎮將,事節度 李可舉,原本作「斯舉」,今從新唐書改正。(影庫本粘籤)仁恭幼多智機,數陳力於軍中。 十二月,破燕軍於威塞,進拔嬀州,收居庸。二十 仁恭數進畫於蓋寓,言幽州

唐乾寧元年十一月,武皇親征匡儔。

列 傳

腹心燕留德等十餘人分典軍政,武皇乃還。二年七月,武皇討王行瑜,師於渭北,上章請授 晉,恆懼討伐,募兵練衆,常無虛月。 恭。 九月五日,次安塞軍。 九日,渡木瓜澗,木瓜澗,原本作「木梳澗」,考通鑑、歐陽史及薛史唐武皇紀 使人, 晉之戍兵在燕者皆拘之, 復以厚利誘晉之驍將, 由是亡命者衆矣。 八月, 武皇討仁 復徵兵於仁恭,數月之間,使車結轍,仁恭辭旨不遜。武皇以書讓之,仁恭覽書嫚駡, 李存信攻魏州,徵兵於燕,仁恭託以契丹入寇,俟敵退聽命。 仁恭節鉞。九月,天子以仁恭爲檢校司空、幽州盧龍軍節度使。三年,羅弘信背盟,武皇遣 六日,匡儔棄城而遁,武皇令李存審與仁恭入城撫勞,封府庫,即以仁恭爲幽州節度使, 因表仁恭加平章事。仁恭又遣使於武皇,自陳邊將擅興之罪,武皇以書報之。仁恭旣絕於 俱作「木瓜」,今改正。(影庫本粘籤)大爲燕軍所敗,死傷大半。 既而仁恭告捷於梁祖、梁祖聞之喜, 四年七月,武皇聞克、郿俱陷, 拘其

要長安本色耳。何以累章見阻,爲吾言之。」其悖戾如此。仁恭兵鋒益盛,每戰多捷、以爲 後,請節鉞於朝。昭宗怒其擅興,不時與之。會中使至范陽,仁恭私之曰:「旄節 光化元年三月,令其長子襲滄州,盧彦威委城而遁,遂兼有滄、景、德三郡,以守文爲留 吾自有,但

一年正月,仁恭率幽、滄步騎十萬,號三十萬,將兼併魏博、鎭定。師次貝州,一鼓而拔,

天贊,遂有吞噬河朔之志。

累年。 訛「鄭」,今據歐陽史改正。(舊五代史秀異) 晉將周德威將兵出飛狐,仁恭復脩好於晉 橋, 里,殭屍磁地,敗旗折戟,纍纍於路。與人又邀擊於東境,燕軍復敗。 入魏州 發,燕軍大敗。 無 左,袁象先設伏於內黃淸水之右。 此 鼠鼠 恭 少長皆屠之,清水爲之不流。 乃卑辭厚禮乞師於晉,武皇遣兵逼邢、洛以應之。 兵圍 [輩,次擴紹威。」

守文與單可及率漁陽精甲五萬,夾淸水而上。 僞不勝,徐退,燕人追躡,至於內黃,思安步兵成列, |
汴人乘勝攻滄州,仁恭率師援之,營於乾寧軍。 與質 魏州,聞汴軍在內黃,戒其子守文曰:「李思安怯懦,汝之智勇,比之十倍,當先參 德倫、李暉出擊賊營。 是夜,仁恭燒營遁走, 汴人長驅追擊, 臨陣斬單可及,守文單騎僅免,五萬之衆無生還者。 羅紹威求援於汴,汴將李思安、葛從周赴之,思安 思安逆戰於繁陽城, 十月,汴人陷瀛、鄭二州, 汴將氏叔琮逆戰,燕軍逗撓,退保瓦 繁陽,原本作「鄱陽」,今從通鑑改正。(影庫本 迴擊之。 思安設伏於內黃清水之 燕人將引退,左右 時葛從周 仁恭自是垂翅不 自魏至長河 率邢、洛之衆 案:鄭,原本 屯內黃。 ·振者 伏兵

閱衆,得二十萬,進至瓦橋,汴人深溝高壘以攻滄州,內外阻絕,仁恭不能合戰,城中大饑 日「定霸都」,士人黥其臂,文日「一心事主」。 十五已上、七十已下,各自備兵糧以從軍,閭里爲之一 天祐三年七月,梁祖自將兵攻滄州, 營於長蘆。 繇是燕、薊人士例 空。 仁恭師徒屢喪,乃酷法盡發部內男子 部內男子無貴賤, 多黥涅,或伏竄 並 而死。 一黥其面,文 仁恭

案:原本作「馬都」,今據薛史列傳改正。(舊五代史考異)以兵三萬來會。 十二月,合晉師以攻潞州,降丁 ,相篡啖,析骸而爨,丸土而食,轉死骨立者十之六七。 自七月至十月,仁恭遣使求援於 前後百餘輩, 武皇乃徵兵於燕, 仁恭遣都將李溥夏侯景、監軍張居翰、書記馬郁等,

道。 文,亦沿其誤,殊乖史體,今姑仍原文而駁正於此。(舊五代史考異)又禁江表茶商,自擷山中草葉爲茶, 黑) 鑿穴 以藏之,藏畢即殺匠石以滅其口。 案莊子,石乃匠者之名,詞家引用泛作工匠解者非,乃紀事之 令部內行使, 盡斂銅錢於大安山巓, 又招聚緇黃,「招聚緇黃」句,原本作「紫黃」,今改正。(影庫本粘籤)合仙丹,講求法要。又以墐泥作錢, 會,乃解滄州之圍 邀厚利。 守光,謫而不齒 幽州西有名山曰大安山,仁恭乃於其上盛飾館宇,僭擬宮掖,聚室女豔婦,窮極侈麗。 是時,天子播遷,中原多故,仁恭嘯傲膩門,志意盈滿,師道士王若訥,祈長生羽化之 改山名爲大恩山。仁恭有嬖妾曰羅氏,美姿色,其子守光烝之,事洩,仁恭怒,笞 案:銅錢,原本作「銅鎛」,引用錯謬,今據歐陽史改正。(舊五代史考 以

大安山。 帥兵來援,登城拒守。汴軍旣退,守光乃自爲幽州節度,令其部將李小喜、元行欽將兵攻 几 年四月,汴將李思安以急兵攻幽州,營於石子河,仁恭在大安山,城中無備,守光自 仁恭遣兵拒戰,爲小喜所敗,乃擄仁恭歸幽州,囚於別室。 仁恭左右,迨至婢媵,

與守光不協者畢誅之。 已推 被擒 雞蘇,爲守文所敗。 直十千,軍士食人,百姓食墐土,驢馬相遇, 延祚力窮,以城降於守光,守文尋亦遇害 同,今仍其舊。(影庫本粘籤) 守文子延祚爲帥,守光攜守文於城下,攻圍累月。 ,滄兵失帥自潰。 自古豈有子 ·讎父者,吾家生此梟獍,吾生不如死。」即率滄、德之師討之。 旣而 單馬立於陣場,泣諭於衆曰:「勿殺吾弟!」時守光驍將元行欽識之, 守光乃縶兄於別室,圍以叢 其兄守文在滄州,聞父被囚,聚兵大哭,諭之曰:「哀哀父母,生我劬 (字文詐悲,「詐悲」二字,與上下文義似有複互,考冊府元龜所引薛史與永樂大典 食其鬃尾,士人出入,多爲強者屠殺。 棘,乘勝進攻滄州 城中乏食,米斗直三萬,人首一 滄州賓佐孫鶴、呂克 守光逆戰 級亦 於

自滄州 兵完賦,義聲馳於天下,諸侯自然推戴。今若恃兵與險,未見良圖。」守光不悅。 場(二)、地形 爲 君以爲 鐵 刷翻 日、王 守光性本庸昧,以父兄失勢,謂天所助,淫虐滋甚,每刑人必以鐵籠盛之,薪火四逼,又 城 何 破,即歸于守光,薛史兼采諸家傳錄,未及改從畫一 剔 如?」賓佐有孫鶴者, 、雖險,勢不可支,甲兵雖多,守恐不暇,縱能 人面 西有抖、汾之患,北有契丹之虞, 嘗衣赭黃袍,顧謂將吏曰:「當今海內四分五裂, 上文已云滄州賓佐孫鶴,此又云賓佐有孫鶴者,前後語氣,似覺參差。 乘時 也,謹 觀釁,專待薄人, |附識于此。(影庫本粘籤) 却敵,未免生憂。 彼若結黨連衡, 吾欲南面 骨鯁方略之士也,率 王 一但拊 以朝 上 及梁軍據 天下, 愛民,補 侵我疆 蓋孫鶴 諸

送梁祖,言:「臣被晉王等推臣爲尙父,堅辭不獲,又難拒違。 正。(影庫本粘籤)同遣使奉册,推守光爲尙父,以稔其惡。守光不悟,謂藩鎭畏己,仍以諸鎭狀 **彥璋等使於燕,册守光爲河北道採訪使。** 北道都統,則持、鎭之叛,不足平殄矣。」梁祖知其詐,優答之。仍命閤門使王瞳、供奉官史 昭義節度使李嗣昭、振武節度使周德威、天德軍節度使宋瑤, 光謀攻易、定,諷動鎭人,欲爲河朔元帥。莊宗乃與鎭州節度使王鎔、易定節度使王處直、 深、冀,王鎔乞師於守光,孫鶴勸守光出援軍以圖霸業,守光不從。 臣竊料所宜,不如陛下與臣河 宋瑶,原本作「守瑶」,今從通鑑改 及莊宗有柏鄉之捷,守

令將佐曰·「「今三方協贊,予難重違,擇日而帝矣。 從我者賞,橫議者誅。」 孫鶴對曰:「滄州 者。公等促具帝者之儀,予且爲河朔天子。」 燕之將吏竊議,以爲不可。 守光置斧鑕於庭, 帶甲三十萬,東有魚鹽之饒,北有塞馬之利,我南面稱帝,誰如我何!今爲尙父,孰當帝 矯制於岐陽,皆因茅土之封,自假帝王之制,然兵虚力寡, 疆埸多虞。我大燕地方二千里, 破敗,僕乃罪人,大王寬容,乃至今日,不敢阿旨,以悞家國,苟聽臣言,死且無悔。」守光大 曰:「方今天下鼎沸,英雄角逐,朱公創號於夷門,楊渭假名於淮海,王建自尊於巴蜀,茂貞 「此儀注中何無郊天改元之事?」梁使曰:「尙父雖尊,猶是人臣。」守光怒,投於地,謂將吏 六月,梁使至,守光令所司定尚父採訪使儀注,所司取唐朝册太尉禮以示之。守光曰:

口,寸斬之,有識爲之嗟惋。乃悉召部內官吏,敎習朝儀,邊人旣非素習,舉措失容,相顧 推之伏鑕,令軍士割其肉生噉之。鶴大呼曰:「百日之外,必有急兵矣!」守光命窒其

爲 少尹李承勳往使。承勳至,守光怒不稱臣,械之於獄 老氏所謂『將欲取之,必先與之』,今守光狂蹶,請遣使省問,以觀其釁。」十月,莊宗令太原 御史大夫。爲册之日,契丹陷平州。莊宗聞之大笑,監軍張承業曰:「惡不積不足以滅身, 八月十三日,守光僭號大燕皇帝,改年曰應天。以梁使王瞳、判官齊涉爲宰相,史彥璋

保全。 城呼曰:「予俟晉王至卽出城。」十一月,<u>莊</u>宗親征。二十三日,至幽州,單騎臨城,召<u>守</u>光 堅保幽州,求援於梁,北誘契丹,救終不至。十年十月,守光遣使持幣馬見德威乞降,又乘 繼方、繼祚等來獻。 曰:「丈夫成敗,須決所向,公將何如。」守光曰:「某俎上肉耳!」莊宗愍之,折弓爲盟,許其 而數騎執仁恭幷其孥來獻,檀州遊奕將李彥暉於燕樂縣獲守光,幷妻李氏、祝氏,男繼珣、 至燕樂縣, 十二月,莊宗遣周德威出飛狐,會鎭、定之師以討之。德威攻圍歷年,屬郡皆下。 守光辭以佗日,莊宗乃令諸軍攻之。二十四日,四面畢攻,莊宗登燕太子墓觀之。俄 匿於坑谷, 初,守光城破後,攜其妻子將走關南依劉守奇。沿路寒瘡足踵,經日不 令妻祝氏乞食於田父張師造家, 張師造, 原本作「師迨」,今從通鑑改 守光

僭偽列

正。《影庫本粘籤》怪婦人異狀,詰之,遂俱擒焉。莊宗方宴府第二,引仁恭、守光至席,父子號 泣 |謝罪,莊宗慰撫之曰:「往事不復言,人誰無過,改之爲貴。」乃歸之傳舍。 是月己卯,晉人

執守光及仁恭、露布表其罪、驅以班師。

降。 是! 先斬之。守光慟哭曰:「王將定天下,臣精於騎,何不且留指使。」二妻讓之曰:「皇帝,事 光以爲愛將。 畢,守光與李小喜、鄭藏斐、劉延卿及其二妻皆伏誅。李小喜者,本晉之小校,先奔於燕,守 所在聚觀,呼守光爲「劉黑子」,略無愧色。莊宗以仁恭、守光徇於都城,卽告南宮七廟,禮 此,生不 小喜至,令證辯。小喜瞋目叱守光曰:「囚父殺兄,烝淫骨肉,亦我教耶! 三里龍山下。令副使盧汝弼、李存霸拘送仁恭至代州,於武皇陵前刺心血以祭,誅於 」守光俯首不 守光將死,大呼曰:「臣之悞計,小喜熒惑故也,若罪人不死,臣必訴於地下。」莊宗 自仁恭乾寧二年春入幽州,至天祐十年,父子相承,十九年而滅。 十一年正月,至晉陽,仁恭父子荷校於露布之下,父母唾面駡守光曰:「逆賊,破家如 守光雖凶淫出於天性,然而稔惡侈毒,抑亦小喜贊成。 卽 顧。 延頸就戮。守光猶哀訴不已。旣誅,命判官司馬揆備 自范陽范陽,原本作「樊陽」,今從歐陽史改正。(影庫本粘籤)至晉陽,涉千餘里, 守光將敗,前一日來 !」莊宗怒小喜失禮, 轉櫝祭輟,瘞於城 永樂大典卷九千九百九。 % 應門山 急召

妻以 (非其類,堅止之,宙日:「此人非常流也, 劉 陟 唐 厄威通 ,即劉龑,初名陟。 中,宰相韋宙出鎭 其先彭城人,祖仁安,仕唐爲潮州 南海,謙時爲牙校,職級甚卑,然氣貌殊常,宙以猶女妻之。 他 日我子孫或可依之。」謙後果以軍 長史,因家嶺表。 父謙,素有 功拜封州

刺

史兼

賀水鎭使,

賀水,原本作「架水」,今從十國春秋改正。(影庫本粘籤)

甚有稱譽。

前職。 **藤**火互有詳略。 其才,署爲右都校,復領賀水鎭,俄奏兼封州 遷檢校太尉、兼侍中,封大彭郡王。 及梁祖爲元帥,隱遣使持重賂以求保薦,梁祖 行及江陵,聞戲表多盜,懼隱違詔,遲留不進,會遠復入相,乃詔 知柔石門扈蹕功,授淸海軍節度使。 都護,充清海、靜海兩軍節度使,進封南海王。 女所生也,幼而奇特。 謙之長子日隱, 彥若在鎭二年,臨薨,手表奏隱爲兩使留後,昭宗未之許,命宰相崔遠爲節 考五代會要, 案 及謙卒,賀水諸將有無賴者,幸變作亂,隱定計誅之。 劉隱進封南海王在開平四年。 梁開平初, 封大彭郡王。 梁祖 詔下,有府之牙將盧琚、譚玘謀不稟朝命,隱舉部 郊깯 刺史, 梁祖 ,禮畢,加檢校太師、 即表其事,遂降旄 開平四年三月卒。 案:東都專略不載隱封南海王,宋史不載隱封大彭郡王、 郊 用法清肅, 進封南海王〔三〕。(舊五代史考異) 唐昭宗命宰相徐彦若代 威望頗振。 節。 以隱爲留後, 兼中書令,又命棄領 梁開平 唐昭宗 初, 連帥 然久未即 恩寵 以嗣 度使。 劉崇龜聞 知柔復署 即韋氏 殊厚, 安南 兵誅 薛王 遠 與

遣僞 庸於陟 海珠璣,西通黔、蜀,得其珍玩,窮奢極侈,娛僭一方,與嶺北諸藩歲時交聘。 州,國號大漢,偽改元爲乾亨。 伐之,執承美以獻, 陟自是盡有嶺表之地。 皇帝」,莊宗召見於鄴宮,問 先是,邕州葉廣 聞莊宗兵威 曰:「中原多故,誰爲眞主,安能萬里梯航 《宮苑使宮苑,原本作「宮萱」,今從六國春秋改正。(影庫本粘籤) 陟),隱之弟 又,交州土豪曲承美亦專據其地,送款於梁,因正授旄鉞。 甚盛,故令何詞 也 、略、容州 了隱卒,代據其位。 廳巨源,或自擅兵賦,數侵廣之西鄙,陟舉兵討之,邕、傛皆敗,因 南海 來視虛實,時朝政已紊,莊宗亦不能以道制御遠方, 明年,僭行郊禮,赦其境內,及改名嚴。 事狀,且言本國已發使臣,大陳物貢, 及梁末帝嗣位,務行姑息之政,乃盡以隱之官爵授陟 丽 及聞 事 ,偽庭乎!」梁貞明三年八月,陟乃僭 錢璆 洲封 何詞 吳越王, 來聘,稱「大漢 陟 陟不平之,遣將李 期今秋郎 恥 陟僭位之後, 廣聚南 稱南海之號 國主致書上大唐 及聞莊宗平梁, 南海貢亦不 至 號 杒, 於廣 乃 知 附 嘆 順

謂 也。 陟 陟 不 白龍四年春,又改大有元年。 ,性雖聰辯,然好行苛虐,至有炮烙、刳剔、截舌、灌鼻之刑,一方之民, 若據爐炭。 利名龔,他 同光三年冬, 年 慮 白 有 龍 此 見於 姓敗事,陟又改名龑。 南海,改僞乾亨元年爲白龍 是歲,陟僭行籍田之禮。 襲讀爲嚴,古文無此 元年,陟 陟之季年,有梵僧善占算之術 叉 改名龔, 学,蓋 一安撰 以符龍之瑞 惟

至,自是與中國遂絕。

厚自奉養,廣務華靡,末年起玉堂珠殿,飾以金碧翠羽,嶺北行商,或至其國,皆召而示之, 誇其壯麗 大,皆此類 也。晉天福七年夏四月,陟以疾卒,凡僭號二十六年,年五十四。 每對北人自言家本咸秦,恥爲蠻夷之主。又呼中國帝王爲洛州刺史,其妄自尊 偽諡爲天皇大

帝,廟號高祖,陵日康陵。子盼嗣。

泳樂大典卷九千九百九。

大恣荒淫。尋爲其弟晟所弒,在位一年,僞諡爲殤帝。 **场**,陟長子也。初封賓王,又封秦王。 **陟卒,**遂襲位,僞號光天。 玢性庸昧, 永樂大典卷九千九百九。 僭位之後,

不備焉。人有小過,咸被其苦。及湖南馬氏昆弟尋戈,晟因其釁,遣兵攻桂林管內諸郡及 僞越王昌等同謀弒盼,自立爲帝,改元爲應乾,又改爲乾和。 晟率性荒暴,得志之後,專以 威刑御下,多誅滅舊臣及其昆仲,數年之間,宗族殆盡。又造生地獄,凡湯鑊、鐵床之類,無 六月望夜宴於甘泉宮,是夕月有蝕之,測在牛女之度(日),晟自覽占書,既而投之於地,曰: 顯德五年秋八月,晟以疾卒,僞諡曰文武光聖明孝皇帝,廟號中宗,陵曰昭陵。是歲,晟以 晟, 陟第二子也。 原本脫「連」字,今據歐陽史增入。(影庫本粘籤)悟、賀等州,皆克之,自此全有南越之地。

自自 古誰能不死乎 !」縱長夜之飮,至是而卒。 永樂大典卷九千九百九。

位,時年 至皇朝開寶四年,凡五十五年而亡。 上赦而不誅,仍賜爵爲恩赦侯,其後 師壓廣州,镊盡焚其府庫,將赴火而死。 一級之寢室屢爲雷震,證者知其必亡。 傳云蕭梁時西域僧眞諦之所手植,蓋四百餘年矣。 職官、理外事者,由是綱紀大壞。 十七,改元爲大寶。 晟長子也。 偽 封 衞 王。 长庸懦,不能治其國,政事威委於閹官,復有宮人具冠帶、預 衛王,原本作「偽王」,今從十國春秋改正。(影庫本粘籤)是一本, 先是,廣州法性寺有菩提樹一株,高一百四十尺,大十 事具皇家日曆。 冰樂大典卷九千九百九 皇朝開寶三年夏,王師始議南征。 旣而不能引決,尋爲王師所擒,舉族遷於京師 皇朝乾德五年夏,爲大風所拔。 陟始自梁貞明三年僭號,歷三世四主, 四 年二月 五 是歲秋, 乃襲僞 日 圍

中,遷號州 步 漢祖起義於河東,以崇爲特進、檢校太尉、行太原尹。 軍都指揮使兼三城巡檢使, 劉崇,太原人,漢高祖之從弟也。 軍校。漢祖鎭丼、汾,奏爲河東步軍都指揮使。 三城,原本作「三成」, 少無賴, 好陸博意錢之戲。 今從通鑑改正。(影庫本粘籤) 是歲五月,漢祖南行,以崇爲北京留 逾年,授麟州 弱冠隸河東軍。 刺史, 遙領泗州 復爲 防禦使。 河東 唐 長 興

斂一方, 略無虛日, 人甚苦之。三年十一月, 隱帝遇害, 朝廷議立崇之子徐州節度使**聲**爲 |帝以幼年在位,政在大臣,|崇亦招募亡命,繕完兵甲,爲自全之計,朝廷命令,多不稟行, 守,尋加同平章事。 主,會周太祖爲軍衆所推,降封贇爲湘陰公。 以優辭答之。 隱帝嗣位,加檢校太師、兼侍中。 崇乃遣牙將李譽奉書求遵歸藩,會變已死,唯 乾祐二年九月,加兼中書令。 時漢隱

寇,契丹遣將楊衮合勢大舉,來迫路州 岢嵐軍爲德展所取。 德展,原本作「德戾」,今從歐陽史改正。(影庫本粘籤) 聞周師至,遂焚營而遁。是歲,晉、絳大雪,崇駐軍六十餘日,邊民走險自固,兵無所掠, 於契丹,仍稱侄以事之,契丹僞册崇爲英武皇帝。 有饑色,比至太原,十亡三四。二年二月,崇遣兵三千餘衆寇府州,爲折德扆所破,其所部 五千騎助之,合兵以攻平陽,又分兵寇昭義。周太祖遣樞密使王峻等率大軍以援晉、絳,崇 承鈞率兵攻晉、隰二州,不克而退。 親軍都指揮使、太原尹,以判官鄭拱、趙華爲宰相,副使李驤、代州刺史張暉爲腹心。 周廣順元年正月,崇僭號於河東,稱漢,改名旻,仍以乾祐爲年號,署其子承鈞爲侍衞 九月,崇自領兵由陰地關寇晉州,乞師於契丹,契丹以 及周世宗嗣位,崇復乞師於契丹,以圖入 崇自僭稱之後,以重幣求援 尋遣

顯德元年三月,周世宗親征,與崇戰於高平,大敗之。 列 第 校 記 崇與親騎十數人踰山而遁,中夜

黄而去。 去,乃易名號,被毛褐、張樺笠而行。至沁州,與從者三五騎止於郊舍,寒餒尤甚,潛令告僞 迷懵,不知所適, 封村民使爲鄉導, 誤趨

晉州路, 行百餘里方覺。 迎之而入。 刺史李廷誨,廷誨饋盤飡、解衣裘而與之。 崇年老力憊,伏於馬上,日夜奔竄,僅能支持。 及 周師臨城下,崇氣懾,自固閉壘不出。 每至屬邑,縣吏奉食,匕箸未舉,聞周師至,卽蒼 月餘,世宗乃旋軍。 距太原一舍,其子承鈞夜以兵百人 崇怒,殺鄉導者,得佗路而

顯德二年十一月,崇以病死,其子承鈞襲僞位。 鈞之事跡,具皇家日曆。 永樂大典卷九千

也。 也。 不亡何待! 劉晟據 劉崇以亡國之餘,竊偽王之號,多見其不知量也。 史臣曰:守光逆天反道,從古所無, 永樂大典卷九千九百九。 南極以稱雄,屬中原之多事,洎乎奕世,遇我昌朝,力憊而亡,不泯其嗣,亦其幸 迨至臨刑, 尚求冤死, 非唯惡之極也, 抑亦愚之甚 今元惡雖斃,遺孽尙存,勢蹙民殘,

校勘記

侵我疆場 「場」原作「場」,據殿本、盧本改。 本卷下文「疆埸多虞」句中「場」原亦作「塲」,據殿 記

本、劉本改。

(三) 莊宗方宴府第 「宴」原作「晏」,據殿本、劉本改。本卷下文「宴於甘泉宮」句中「宴」字同。

(三) 進封南海王 五字原無,據殿本考證、劉本考證補。

(1) 在牛女之度 「之」下原係空格、據殿本補「度」字。 影庫本批校云:「『度』字補而未塡。」劉本、澎

本「度」作「域」。

八八三

售五代史卷一百三十六

僭偽列傳第三

內。 將,領衆攻襄、鄧,宗權遣小校鹿晏弘從監軍楊復光率師攻之,建亦預行。是歲,復光入搜 州 京師,明年破賊收京城。初,復光以忠武軍八千人立爲八都,晏弘與建各一都校也。 元龜卷數,以資考核焉。 棄城而去,晏弘因自爲留後,以建等爲屬郡刺史口,不令之任。俄而晏弘正授節旄, 死,晏弘率八都迎扈行在,至山南,乃攻剽金、商諸郡縣,得兵數萬,進逼興元,節度使牛叢 難 下謀己,多行忍虐,繇是部衆離心。建與別將韓建友善,晏弘益猜二建,僞待之厚,引入臥 無日矣,早宜擇利而行。」韓曰:「善。」因率三千人趨行在,僖宗嘉之,賜與互萬。 懸重賞以募之,建始自行間得補軍候。 二建懼,夜登城慰守陴者,因月下共謀所向,謂韓建曰:「僕射甘言厚德,是疑我也,禍 王建傳、永樂大典關佚。 謹附識于此。(影庫本粘籤) 今考册府元龜僭僞門所引藍史,於王建事蹟頗具首尾,今次第連綴,仍標明册府 陳州項城人。唐末,隸名於忠武軍。 廣明中,黃巢陷長安,僖宗幸蜀。 時梁祖 秦宗權 分其兵 據蔡 恐部 復光 爲巢

僭

五 及 都,仍以 僖宗還宮,建等分典神策軍 舊校主 一之,即晉暉、李師泰、張造與二建也,因號日隨駕五都,田令孜皆錄爲假 - ,皆遙領刺 史。

橋杌作 令孜 飛書招 郡,所 領 居人 敬 得 郡, 人下,若爲將 分貨幣 王八, 輕 因 一兵至 之下,公 大 所厚 光 利州 招 至 郡, 建。 吾子 啓 軍 殺 合 防 一成都, 建, 食以 初, 校,亦非 **多**禦使, 復恭 是所 掠 |溪洞 也 建大喜, 從 如 今之劇 了被無 守亮 給之,故 辽 懼不 僖宗 與薛史異。 願 豪猾,有 公之利。」通鑑亦作李义 敬瑄讓之曰:「若何爲者, 將 也。」卽之梓州 不能 遺使 再幸 校 賊 他腸,作賊山 附已,乃出 過之, 建不 制。 衆八千, 鴟 天子 謂彥朗 興元,令孜 視 侵梓、 東川 是養 還京, 狠 顧, 五將 見彦 日:「監 寇閬州 南,實進退 遂。 節 Ξ 虎 專謀 復恭以楊 度使 為郡 懼 自 期, 逼 西川 |貽其 人國 軍 敬瑄 守,以 一,求爲 留家寄 顧彥期, 陷之,復攻利州 阿父遣信 而犯吾疆理?」 節度使陳敬 患 邑, 一無歸故 懼,乃遣 守亮鎮 也。 西川 建 東川 黛其 爲 初於關 壁州 見招, 也。 監 案蜀檮杌: 興元, 即至,公以 人 選精 軍,楊復恭代爲觀軍容使。 瑄 、止建, 刺 吾馳咫尺之書, 輔 憂其膠固, 尤畏建侵己, 僕欲詣 甲三 史。 建軍 破 刺 李义曰:「建今之姦 賊 遽 史王 案通鑑: 何 千 脩 時 吏報曰:「閬州 成都 之成 等處之? 與 城 守。 謀 建 省 楊復恭出建爲 都。 於監 相 可以 城 屢召之。 प्रम 建 聞, 雄、狼 m 父, 彼 行 怒, 軍 坐 去。 每 建 次 田 司徒比寄東 置 因 顧 遂 雄 遣人勞問 鹿 令 利州刺 久 麾 建等素質 依 建 建 據 矣, 頭 孜, 下。」即 播 陳 不 漢 必 ·安其 或 剽 終 太 史。蜀 州 不 師

楊 年。 天 出 朝 建 臣 淮 歸 守亮 [劍門, 子付以兵柄 相 朝 廷 謂 爲 逼 建 姑 居狹 蜀 厚, 覲 昭 月 建 徐 州 餘 度 帥 息 討 重 僭 與主 建 啓 日。门 ·勢日 之, , 移 , 百 旬 不 師 昭 建 卽 建 · 暇,與其勞師以事 時昭 敬瑄 上 道 久以 嚴 度 攻 相 盛,復攻 西川 日:「 盡 太 攻之,敬瑄出兵來援, 畫之。」昭 兵 公興 師孤 知 守門,不納 度 他鎮,乃詔 取 東川 议 管 蓋 聞 數萬之衆,討 有 內八 建為牙內 成都,敬瑄 絕朝廷故也。 軍 度持 之衆,設梯 土 何 州 乏食,以至 字豆 東 嫌 ·蠻方, 疑未 恨, 師 . 都校, 章昭度鎭蜀,以 患之,顧彥朗亦懼 所 賊 決。 如 不 衝 苟太師悉心改圖 是 至 未 建 攻 於是耳 董其 如 響應 効, 困 解圍,縱兵大掠,十一州皆罹其毒,民不 從 成都,三日 日, 我 而 部 餉 之 赦之, 兵。 遂急攻 建 甚 運 一交不相屬。 陰令軍 代 耶 昭 按鑑戒錄一 敬瑄 侵己。 且. 不 度 成都, 以兵 克而退,復保漢州。 大懼,遂 建 何福 士於行府門外 目:「 云 昭宗 威 敬 田令 如之!」又曰:「吾欲與八哥 近聞 瑄 靖中原,是國 昭度以部兵置行府。 軍容 留符節 不受代,天子怒,命 即位,彥朗 孜登 遷洛以 父子 一城謂 與建, 擒 之恩 來 昭 之本 月餘, 建 〔至〕, 表請 度 一, 心 日:「老夫 卽 親 及王 也。 聊 日 雪建, 吏, 藩 何 大剽燭土,

東

還

纔

臠

而

食

相

公

盍

師

無

功,

鎭

相

噬,

顧彦朗

III

急,而

軍容太師使者繼召,今復拒絕,

何也?

司徒不惜改轅

而東,

來北省太師

反寫

拒

絕,

慮

梓

州

復

相

嫌間,謂

我

何心故也。

使我

,來報,且欲寄食漢州,公勿復疑。」時光啓三

敢忘,

但

軍

(與八

行, 內 建 太 云:敬瑄廢 觀 乃 相 建 自 款 令 《處置 如 稱 處 心 人殺之於路, 留後, 何 太過,致有今日 雲南 ,以其子爲刺史。 」曰:「父子之義, 表 八國 陳 其事 令孜仍舊監 招 撫等使,時龍紀元年也。移敬宣於雅州 相戾,既此 明 年 何嫌也。」是夜, 春,制授檢校太傅、成都尹、 軍 事。 推心,一 數月, 切 如舊。」翌日,敬宣 或告令孜 令孜攜圖帥符印入建軍授建 通 鳳翔書問,下獄 西川川 安置,仍以其子 節 啓關迎建, 度副大使 餓死 餓 以 知 爲 蜀 節 建 刺 度事 泣 帥 史。 讈 謝 旣 {机

全海 吏之間 建 絕, 解。 且 建 所有, 朝 乘 許之。 堅 虚 卒 劫 自 建 是 壁 遷 奄 雄 與 自置守將。 秦、 猜 勿 車 襲 雅州 景 蜀 辞州 駕 和 福 Ш 人 ||暉代爲||梓 機 在 許 得 中, 交 略, 鳳翔,梁祖 擄彦 失。 以 惡者累年。 山南 出 意 及茂貞 輝,置 大順 嘗 師 帥,交情 之師 難 赴 既行,建造殺於三江,令孜仍監其軍,復以 攻 末, 垂翅,天子遷離陽,建復攻茂貞之秦、隴等州 援 測,既有蜀 於 寇 後建 圍 建 成 東川, 稍 因 歷 都 出師 怠。 分命 大 年。 ", 遂 /起蜀 彦 攻梓州 李茂 土,復欲 諸 暉 建 兼 軍 外脩好 求 有 軍,敗岐、 貞 攻 兩川 援 ,彦暉求援 乘其有間,密構 取 窺 於建,建 興元。 何東川 於汴, 、牌之兵 自 此 出兵 指 軍 比 於 5 茂貞 及 鋒 於利州 又以彥朗婚 鳳 令致陰附鳳翔,下獄 赴之, 梁祖 益 翔, 彥 (罪狀 熾。 暉, 李茂貞 解 彦 大敗興元 天復 因 重 又 暉 與 姻 陰 茂貞 懼, ,茂貞削弱 之舊, 出 茂貞 初 與茂貞 (4), 師 之衆。 乞和 Ш 援 連 南 未 之, 盟, 間 李 請 果行。 諸 使往 不 茂 洎 關 州 與 建 · 能守。 貞 軍 皆爲 岐 刨 征 旋 會 重

謔,取笑而 潘 日 皆死冠 城山、駐於上清宮。 建卒,衍襲僞位,改元乾德。 改元通正。 及 興朱公力爭不足,守境有餘。 或勸建因取鳳翔,建曰:「此言失策,吾所得已多,不俟復增岐下。茂貞雖常才,然名望宿素, 鹵耳。」及梁祖將謀強禪,建與諸藩同謀興復,乃令其將康晏率兵三萬會於鳳翔,數與汴將 梁祖 在迎 一重師 至 暮 術, 戰,不利而還。 ,繼之以 而退,則其髻髽然。 開國,蜀人請建行劉備故事,建自帝於成都, 在迎, <u>天</u>行傳,永樂大典闕全篇,其散見各韻者惟存兩條,今排比前後,以存其舊。(影庫本粘籤)建之幼子也。 罷。 是年冬,改元天漢,又改元光天。 原本作「在凝」,今從九國志改正。(影庫本粘籤) 燭。 自是忠正之臣結舌矣。 **偽嘉王宗壽侍宴**,因以 時宮人皆衣道服,頂 趙匡凝之失荆、襄也,弟匡明以其帑奔蜀,建因得變、峽、忠、萬等州。 又構怡神亭,以佞臣韓昭等爲狎客,雜以婦人, 六年十二月,改明年爲咸康。秋九月,府奉其母、徐妃同遊於青 韓生所謂入爲扞蔽,出爲席藉是也。適宜援而固之,爲吾盾 泳樂大典卷三千一百九十三。 金蓮花冠,衣畫雲霞,望之若神仙, 社稷國 在位十二年,年七十二。子附嗣。 政 等並奏衍云:「嘉王好酒悲。」 爲言,言發涕流,至於再三。 **姗府元龜卷二百二十三。 改元永平。** 以恣荒宴,或自 及侍宴,酒酣, 册府元龜卷二 因 同宴佞 翻 五年, 恣諧

僭

臣

之, 財,不 募 爲 利 利 度 光 國 使 嗣 水 主 則 樞 而 大兵 宋 等聞 密 致 肼 淮 軍 不 卹 H 使 出 中 承 書 取 五 民 則 否 葆 千 嚴 國 + 臨 事 進 總內任。 獻 辯 衍 多故,衍 才,君 · 否 則退 自 計 望 對, 旣 唐皇帝」, 江 則 於衍云:「唐國 臣 沖騃,軍國之政,咸委於人。 風 下峽; 、畏而 保 上下, 據 瓦 洎 得以 硤 散 解。」莊宗深然之,遂蒐兵括 奇之。 嚴至圖,光嗣等曲宴,因言 口 關 詞理稍抗,莊宗不能容,遣客省使李嚴報聘,且市宮中珍玩,蜀 自安。 臣以 唯務窮奢。 以固 又選三蜀 東師出 及嚴使還,奏莊宗曰:「王衍騃童耳,宗弼 吾 兵強,不早爲謀, 唐莊宗平梁,遣使告捷於蜀,蜀人恟懼, 室 事 聽壯三 襄、鄧,水 其舊勳故老,棄而不任,蠻蜑之人,痛深 縱 不 萬, 捷, 有王宗 陸 急攻 亦攻 後將 馬, 俱進,東北 中 岐、 敵 國 丽 焉教。 有平蜀之志。 近 者,爲六 人之心矣。」衍 雅,東 事, 沿邊,嚴兵 請於嘉州沿江 嚴 據 亦引 軍使, 河、潼, 唐師未起時, 近事折之,語 不 總外任 據 等總其兵柄, 致禮 北 險。 招 造 流精病。 復命,稱「大蜀 契丹, 戦 南 宋光嗣 艦 師 僞 在 出 五 東川 陷以美 以 但益家 嚴 江 臣. 節 料

行 熒惑,臣各已處斬,今送納首級。」案蜀檮杌 云:「比 ·營都 唐 與 招 同 將 討。 校 謀 年 其 歸 月 九 月 國 + 八 + 僞 日 日 樞 莊宗 密使 魏 王 宋 統 下 光嗣 制 闕 伐 下 諸 蜀, 景潤 .皇太子開崇賢府,募兵以 軍 命 發 澄, 興 洛 聖 陽。 南 宮使 北 院宣 十 一 魏 Ĩ 月二 徽 拒唐師。 繼岌爲 使 + 李周 都 是日 日, 輅 統 歐 魏王 彻 陽 樞 密使 晃 至 等 表 德 郭 日:「臣衍 几 陽, 人 崇韜爲 異 衍 謀 報

翰林

學

士最

承恩顧,

侍臣或諫其禮過,建曰:「蓋汝輩未之見也。

何處得此好膏藥來。」賓佐皆失色,而涓晏然。

且吾在神策軍時,

主內門魚鑰,

見唐朝諸帝待翰

林

學

王建之僭號

也,

肌肉

渾同。 冀萬家之臣妾,皆沐皇恩。 惶誠恐,伏惟皇帝陛下,嗣堯、舜之業,陳陽、武之師,廓定寰區,削平 逆,遂乃從權,勉徇衆情,止王三蜀,固非獲已,未有所歸。 先人建,久在坤維,受先朝寵澤, | 術乘行,輿至,素衣白馬,牽羊,草索係首,面 之仁,別示哀矜,以安反側。 王師入成都。 縛,及燔其櫬,衍率僞百官東北舞蹈謝恩。 十一月日(3),臣王衍上表。」其月二十七日, 臣方議改圖,便期納款,遽聞王師致討,實抱驚危。 自起師至入蜀城,凡七十五 必當輿櫬乞降,負荆請命。 **儻墳塋而獲祀,實存沒以知歸,臣無任望恩虔禱之至。** 開土宇, 將四十年。 日。 禮 縛 魏王至成都北五里昇仙 畢,拜, **衛壁**, 興 觀 永樂大典六千八百四十九。 魏王、崇韜、李嚴皆答拜。二十八 伏惟皇帝陛下,迴照臨之造,施覆幬 頃以梁孽興災, 而後。 今則將千里之封疆 臣 | 輒紹螆: 魏王卜馬受其塵,崇韜釋其 ·凶逆, 基,且安生聚。 橋, 順 洪圖 按:以下原本殘闕。 偽百官班於橋下, Œ 梯航 公, 板 ,盡爲王 以諸 蕩, 垂 集, 侯葬 不 乙酉年 臣 वि 文軌 衍 日 / / | | | | | | | | | 誠 助

陽史云:同光四年,衍行至秦川驛,莊宗用伶人景進計,遣宦者向延嗣誅其族。 .如是耶!」涓知其詐,乃撫背而嘆曰:「大奇,當時 王建 以吾曾遭徒刑,有之乎?」涓對曰:「有之。」建恃無杖痕,且對衆,因袒背以示涓曰:「請足下 在許下時,尤不逞,嘗坐事遭徒,但無 杖痕爾。 及據蜀,得馬涓爲從事, 天成二年,封衍 涓好詆訐, 建恐為 試看 所 有遭 杖責而 問 日 惟

據蜀, 第。 古, 以主張之。 士,雖交友不若也。 臣愚思之, 恐未合 時長安有潘 待之愈厚, 非 應 駕 光庭不 聖旨。 回 尊師者,道術甚高,僖宗所重,光庭素所希慕,數遊其門。 ,詔潘尊師使於兩街, 又號爲天師。 今我恩顧,比當時才有百分之一爾,何謂之過當耶!」論者多之。 可。 臣於科場中識九經杜光庭, 僖宗召而問之, 光庭嘗以道德二 求其可 者, 見大悅, 經注 其 尊師奏 人性簡 者雖多, **遂令披戴**, 7日:「臣 而氣淸, 皆未能演暢其旨, 觀兩街之衆, 仍賜 量寬而 紫衣, 當僖宗之幸蜀也, 識遠, 道聽 號 因著廣成義八十卷, 日廣成先生, 塗說, 且困於風塵, 杜光庭,長安人。 觀蜀 時之俊卽有之,至於掌教之 卽 恩欲脫 中道門牢落, 日 馳 驛遣之。 他 屣名利久矣, 術稱 應九經舉不 是 思得名士 及王 識 者 建 以

珊府元龜卷二百一十九。天成中,安重海專權用事,以知祥莊宗舊識,方據 兵伐圖,遂使康、西兩川俱至破滅,川中之人,其怨已深。 欲圖之。 使,從父遷,位至澤路節度使。 也。」案: 庶效方略,以制知祥,朝廷可之。 孟 知群, 此句疑有舛誤。 是時,客省使李嚴以嘗使於蜀, 字保裔, 即置人拽下階,斬於階前。 邢州龍岡人也。 知祥在後唐莊宗同光三年,授西川節度副大使, 及嚴至圖,知祥延接甚至,徐謂嚴曰:「都監前因奉使, 祖察, 洞知其利病,因獻謀於重誨,請以己爲 **父道,世爲郡校。** 案歐陽史云·李遊至境上, 遺人持書候知祥, 今既復來,人情大駭,固奉爲不暇 伯父方立,終於邢洺 大藩,慮久而 西川 知節 難 知祚盛兵 監 制 度

來?」鑑誡錄云:李嚴於天成初復來臨護,孟祖加之禮分, 璋覺之,乃與知祥通好,結爲婚家,以固輔車之勢。 會朝廷以夏魯奇鎭遂州,李仁矩鎭閬州,皆領兵數千人赴鎭,復授以密旨,令制禦兩川。 南牧守,皆令提兵而往,或千或百,分守郡城。 見之,冀嚴懼而不來,嚴聞之白若。 使(た)、蜀王稱帝於蜀,改元明德。七月本,年六十一。 又破董璋,乃自領東、西兩川節度使。 長興元年多,唐軍伐蜀,至劍門。二年,以遂、閬旣陷,又糧運不接, 可支吾,遂與璋協謀,令璋以本部軍先取閬州,知祥遣大將軍李仁罕、趙廷隱率軍圍遂州。 **永樂大典原闕,今采册府元龜僭僞部以存梗概。** 天成二年正月,嚴至成都,知祥置酒召嚴,因責嚴曰:「今諸方鎮已罷監軍,公何得 册府元龜卷二百二十七。 從容數其五罪,命劍斬之。與薛史異。其後朝廷每除劍 時董璋作鎭東川已數年矣,亦有雄據之意。 知祥慮唐軍驟至,與遂、閬兵合,則勢不 册府元龜卷二百一十九。 應順元年,以劍南東西川節度 乃班師。 按薛史孟知祥傳, 三年, 董

云…「法雲寺裹中元節,又是官家降誕辰。」是昶以七月十五爲生辰也,與薛史異。及知祥鎭蜀,昶與其母從知祥 嬪 妻瓊華長公主同入於閩。 (御(10),以賜知祥。唐天祐十六年,歲在己卯,十一月十四日,生昶於太原。 昶,知祥之第三子也。按宋朝事實云: 昶,初名仁贊。 知祥僭號,偽册爲皇太子。 揮麈餘話云: 昶,字保元。 知祥卒,遂襲其僞位,時年十六,尚稱 母李氏,本莊宗之 按花蕊夫人宮詞

那! |璋(二) **董璋**敗。 之。 曆。 盛之,知祥問曰:「汝力能勝幾袋?」 五代史補 第於京師,迨其臣下賜賚甚厚,尋册封楚王。 明德元年。 璋素勇悍,聞知祥之來也,以爲送死。諸將兩端,李鎬爲知祥判官,深憂之。 鎬 自 曰:「其『董』字『艸』下施『重』,今大王去『艸』書『重』, 無何,舉 知祥同光二年丙戌歲入蜀,父子相繼 …孟知祥之入蜀也,視其險固,陰有割據之志。 號爲睿文英武仁聖明孝皇帝 及僞 筆輒誤書「董」爲「重」字,不悅久之。 明德四年多,偽韶改明年爲廣政元年,是歲卽晉天福三年也。 推者 日:「極力不過兩袋。」 [6]在側大喜,且引諸將賀於馬前,知祥不測,曰:「事未可測 泊抵成都, 值晚, 皇朝乾德三年春,王師 一、凡四十年而亡。 是歲秋,卒於東京,時年四十七。 是『董』已無頭,此必勝之兆也。」於是三軍欣然, 知祥惡之, 且憇於郊外。 後果兩代而亡。 及將戰,知祥 永樂大典卷一萬三千一百六十 平蜀,詔昶舉 有推 亦 欲示閑 車子 知祥與董璋有 過者, 暇,自寫 族 偽廣政 事 其物皆 赴 具皇家 隙, 闕, 書以 舉兵討 以 賜甲 戰而 何賀 遊童 布 日

從化。 猶昏 坤維之地,遇亂代則閉之而不通,逢興運則取之如俯拾。然唐氏之入蜀也,兵力雖勝, 了,故數年間得之復失。 及皇上之平圖也,敗之以堯日,和之以舜風,故比戶之民, 史臣 且夫王衍之遭季世也,則赤族於秦川,孟昶之遇明代也,則受封於楚甸。 日:昔張孟陽爲劍閣銘云:「惟蜀之門,作固作鎮,世濁則逆,道淸斯順。」是知 雖 俱爲亡 悅 帝 自 道

校勘記

- 以建等爲屬郡刺史 「爲」字原無,冊所卷二二三同。據殿本、劉本補。
- (三)李义 劉本、彭本同。 案影明本歷代小史卷三一蜀檮杌作李又,通鑑卷二五七作李义。
- 3 比寄東川 「比」原作「北」,據殿本、劉本、冊府卷二二三改。
- (四) 來北省太師 殿本同。劉本作「來此省太師」,彭校作「但北省太師」。
- (至) 遷洛以來 劉本同。殿本作「洛陽以來」,冊府卷二二三同。彭校作「洛陽以東」。
- [K] 西川 原作「西州」,據殿本改。
- (七) 天復 元年,見通鑑卷二六二。「天福」係晉高祖年號。 原作「天福」,冊府卷二二三同。據劉本改。 按李茂貞、韓全誨却唐昭宗至鳳翔事在天復
- (元) 乙酉 原作「巳酉」,按二十史朔閏表,後唐同光三年爲乙酉年,據改。
- 劍南東西川 原作「劍東南西川」,冊府卷二一九同。據劉本改。 殿本作「劍南東兩川」。
- (10) 莊宗之嬪御 「嬪」原作「殯」,據殿本、劉本改。
- (11) 自寫一書 原作「自書一字」,據五代史補卷二改。

僭

僞

列傳

第三

校勘

記

售五代史卷 一百三十七

外國列傳第一

契丹者,古匈奴之種也。 代居遼澤之中,潢水南岸,南距楡關一千一 百里,榆關南距幽

州 七百里,本鮮卑之舊地也。 其風土人物,世代君長,前史載之詳矣。

寇鈔。 路以求之,自是十餘年不能犯塞。 之,部族就席,伏甲起,擒舍利王子入城。 困之,馬多飢死,卽以良馬賂仁恭,以市牧地。仁恭季年荒恣,出居大安山,契丹背盟,數來 鎭幽州,素知契丹軍情僞,選將練兵,乘秋深入,踰簡星嶺討之,霜降秋暮,卽燔塞下野草以 多故,北邊無備,遂蠶食諸郡,達靼、溪、室韋之屬,咸被驅役,族帳寖盛,有時入寇。 唐咸通末,其王日習爾之口,疆土稍大,累來朝貢。光啓中,其王欽德者行力, 時劉守光戍平州,契丹舍利王子率萬騎攻之行,守光僞與之和,張惺幕於城外以享 部族聚哭,請納馬五千以贖之,不許,欽德乞盟納 乘中原 劉仁 热

及欽德政義,有別部長耶律阿保機,最推雄勁,族帳漸盛,遂代欽德爲主。先是,契丹之

其名以 先 元大賀氏 代之。 有勝 英 及阿保機爲主,乃怙強恃勇,不受諸族之代,遂自 .四萬,分爲八部,每部皆號大人,內推一人爲主, 稱 建旗鼓以尊之,每三年第 國 王

彼寇讎 求封 耶 中,約爲兄弟,謂之曰:「唐室爲賊所篡,吾欲今冬大舉,弟可以精騎二萬, 機許之,賜與甚厚,留馬三千匹以答貺。左右咸勸武皇可乘間擄之,武皇曰:「逆賊 失信於部落,自亡之道也。」乃盡禮遣之。 ·我興先王爲兄弟,兒卽吾兒也, 許 册 站 與爾 出 梁祖 四年,大寇雲中,後唐武皇遣使連和,因與之面會於雲中東城, 師, 便行 會潞 與之書曰:「朕今天下皆平,唯有太原未伏,卿能長驅 ·封册。」<u>莊宗初嗣世,亦遣使告哀,路以金繒,求騎</u> 平 而 止 **案** 契丹國志作吾定兒也, 及梁祖建號,阿保機 與薛史異。(舊五代史考異) 《亦遣使送名馬、女樂、貂 軍 精甲,徑至 以 救潞州,答其使曰: 大具享禮,延 同收汴、洛。」 寧有父不助子 新莊 未殄,不 爲我翦 阿保 皮等 入

引其衆陷新州 盡 迫,殺新州 振 武 劉 長 守光末 驅 團 雲、朔,北邊大擾。 士,敎之文法 |練使 年苛慘, 周德威率兵三萬以討之,敵騎援新州,德威爲敵所敗,殺傷殆盡,契丹乘勝 李存矩 軍士亡叛皆入契丹。 於祁 (日),由是漸 馮關,返攻新、武。 莊宗赴援於代,敵衆方退。 盛 十三年八月,阿保機率諸 泊周德威攻圍 周德威以衆擊之,文進 + [][] 幽州, 年, 燕之軍民多為 新州 部 號 大將 稱 不 利 白 萬 ,乃奔於契丹 盧文進爲 寇所 自麟、 衆所 勝陷

攻幽州。 是時,或言契丹三十萬,或言五十萬, 幽薊之北, 所在敵騎皆滿。 莊宗遣明宗與

李存審 閻寶將兵救幽州 ,遂解其圍,語在莊宗紀中。

州行營, |宗日 舉事,自有天道,契丹其如我何! 長驅 及,莊宗挺馬奮躍,出入數四,酣戰不解。 德明廝養小人,阿保機生長邊地,豈有退避之理,吾何面 運,而欲移都避寇哉!』文皇雄武,不數年俘二突厥爲衞士。 塞 是夜,莊宗次定州,翌日出戰,遇溪長禿餒五千騎,莊宗親軍千騎與之關,爲 諸部愕然緩退,莊宗分二廣以 破敵。」莊宗親御鐵騎五千,至新城北,遇契丹前鋒萬騎,莊宗精甲自桑林突出, 軍 陷 使王郁復引 時契丹値大雪,野無所掠,馬無芻草,凍死者相望於路,阿保機召盧文進,以手指天謂 十八年十月,鎭州大將張文禮弑其帥王鎔,莊宗討之,時定州王處直與文禮合謀, 『獫狁孔熾,自古有之,未聞遷移都邑。 涿郡,執刺史李嗣弼。 聞前 ·鋒報日「敵渡沙河」,軍中咸恐,議者請權釋鎭州之圍以避之。 契丹爲援。十二月,阿保機傾塞入寇,攻圍幽州, 進攻易、定,至新樂,渡沙河,王都遣使告急任司。 乘之,敵騎散退。 國初,突厥 李嗣昭聞其急也,灑泣而往,攻破敵陣,掖莊宗 入寇,至于渭北,高祖欲棄長安,遷都樊、鄧,太 霍去病,漢廷將帥,猶且志滅匈奴,況帝王 時沙河微冰,其馬多陷, 視蒼生哉! 今吾以數萬之衆安集山東,王 李紹宏以兵城守。 爾曹但駕馬同行,看吾 阿保機退保望都。 敵所圍,外救不 莊宗 時莊宗在 光明 照日 遣威 契丹 而 應 |鎭

之日:「天未令 州,發二百騎偵之,皆爲契丹所獲,莊宗乃還 地,方而環之,雖 我 去,無 到 此。」乃引 一莖亂者,莊宗 衆北 去。 謂左右曰:「蕃人法令 莊宗率精兵騎躡其後,每經阿保機野宿之所,布秸 如是,豈中國所及 」莊宗 至幽

光中, 別作 爲 城郭宮室之制于漠北,距幽州 一城,以實漢人,名曰漢城,城中 天祐末,阿保機乃自稱皇帝,署中國官號。 阿保機深著闢地之志,欲收兵大舉,慮渤海踵其後。 三千 有佛寺三,僧尼千人。 里,名其邑 日 其俗舊隨畜牧,素無 西樓 邑, 三年, 屋門皆東向,如車 其國 人號阿保機爲 舉其衆討渤海之遼東, 邑屋, 得燕 一帳之法。 天皇王 人所 教, 城 日

邑,屬阿保機在渤海,又徑至愼州,崎 子吾兒也。 社 公,比為魏州 各有一天子,信乎?」坤曰:「河南天子,今年四月一日洛 尺,被錦袍, 禿餒、盧文進據營、平等州,擾我 稷,今已順 明宗初纂嗣,遣供奉官姚坤 近聞漢地兵亂,點得甲馬五萬騎,比欲自往洛陽救助我兒,又緣渤海未下,我兒 大帶垂後, 人望登帝位矣。」阿保 軍亂,先帝詔令除討,旣聞 與妻對楊引見坤。 燕薊 案:通鑑考異引莊宗實錄作苗坤。(舊五代史考異) 機號 嶇 咷,聲淚 內難,軍 萬 里。 坤未致命, 旣至,謁見阿保機,延入穹廬,阿保機 一俱發,曰:「我與河東先 衆離心,及京 阿保機先問曰:「聞爾漢 陽 軍 城 變,今凶 無主,上下堅册令公, 問至矣。 世約爲兄弟,河 奉書告哀, 河北總 河南、 身 至 請 河 長 西

便能 耶! 果致 牽牛蹊田之說以折坤,坤曰:「應天順人,不同匹夫之義,祗如天皇王初領國事,豈是強取之 此。」坤曰:「非不急切,地遠阻隔不及也。」又曰:「我兒旣殂,當合取我商量,安得自立!」坤 從何 問:「漢收得 千人,非公宴未嘗妄舉。 **覆,一月前已有人來報,知我兒有事,我便舉家斷酒,解放鷹犬,休罷樂官。我亦有諸部家樂** 千人,終日放鷹走狗,躭酒嗜色,不惜人民,任使不肖,致得天下皆怒。我自聞如斯,常憂傾 生,非不知稟天皇王意旨,無奈人心何。」其子突欲在側,謂坤曰:「漢使勿多談。」因引左氏 兒與我雖父子,亦會彼此讎敵,俱有惡心,與爾今天子無惡,足得歡好。 曰:「吾皇將兵二十年,位至大總管,所部精兵三十萬,衆口一心,堅相推戴,違之則立見禍 金帛無 過 去得, 騎 」阿保機因曰:「理當如此,我漢國兒子致有此難,我知之矣。聞此兒有宮婢二千,樂官 如此,冤哉!」泣下不能已。 又謂坤曰:「今漢土天子,初聞洛陽有難,不急救,致令及 得? 至 幽、鎭以 視劍閣 算。 」坤曰:「川路雖 西川,信不。」坤曰"「去年九月出兵,十一 皇帝初 南,與爾家天子面爲盟約,我要幽州,令漢兒把捉,更不復侵入漢界。」又 如平地耳。」阿保機善漢語,謂坤曰:「吾解漢語,歷口不敢言, 即位,未辦送來,續當遣使至矣。」阿保機忻然曰:「聞西 我若所爲似我兒,亦應不能持久矣,從此願以爲戒。」又曰:「漢國 險,然先朝收復河南,有精兵四十萬,良馬十萬騎,但 月十六日收下東、西川, 爾先復命,我續將 有劍閣,兵馬 得兵馬二十 通 懼部人效 人行處,

既而 保機於木葉山,僞諡曰「大聖皇帝」。 城,時天成元年七月二十七日也。 我,令兵士怯 述律氏立其次子德光爲渠帥,以總國事,尋遣使告哀,明宗爲之輟朝。 弱故也。」坤至止三日,阿保機病傷寒。 其妻述律氏自率衆護其喪歸西樓,坤亦從行,得報 夕,大星殞于其帳前,俄而卒于扶餘 明年正月,葬 而還。 30

令德 其母 幼 明宗 亦常 [安端少君。 光 阿保機凡三子,皆雄偉。 權 許之, 主 鍾愛,故因而立之。 一牙帳,令少子安端少君往渤海國代突欲。 賜與甚厚,幷賜其母 德光本名耀屈之〔k〕,後慕中華文字,遂改焉。 明宗時, 長日人皇王突欲,即東丹王也,次日元帥太子,即德光 瓔珞錦綵。 德光遣 使梅老等三十餘人來修好, 自是山 北安靜,蕃漢 突欲將立,而德光素爲部 唐天 不 成 相侵擾 初, 又遣使爲 阿保 族 機 所 父求碑 服 其 也 又 日:

本粘籤) 妼 及 禿餒 求援 餘 州 衆,斬之。 趙 德光偽改爲天顯元 德鈞 走保賊城。 於契丹,德光遂陷 以 生兵接于 自是契丹大挫 其 年七月, 要路, **平**州 年。 生擒 又遣惕隱率七千 ,遣禿餒以 是歲,定州 數 车 惕隱等首 木 敢 騎 窺 王都 五千援都 邊 領 作亂, 騎救定州 五 嘗 十餘人, 遣使捺括梅 於中山行,招討使王 王都 獻于闕 王 ,原本作「王郁」,今從通 一晏球 里 下。 來 逆 求 戰於唐 明 禿餒 年,王 晏 骸 河 鑑改正。(影 球 骨, 北 都 破 平, 明宗 Ź 大 擒 破 於 庫

怒其

斬之。

長興二年,東丹王突欲在闕下,

其母繼發使申報,朝廷亦優容之。

光戲謂光遠等日:「汝輩大是惡漢兒,不用鹽酪,食却一萬匹戰馬。」光遠等大慚。晉高祖南 使指帳前一石曰:「我已許石郎爲父子之盟,石爛可改矣。」楊光遠等殺張敬達降於契丹,德 爲大晉皇帝,約爲父子之國,割幽州管內及新、武、雲、應、朔州之地以略之,仍每歲許輸帛 意,必須赴之。」德光乃自率五萬騎由雁門至晉陽,即日大破敬達之衆於城下。 石郎發使到國,今果至矣,案:契丹國志作太宗夢見真武,使之救晉,與薛史微異。(舊五代史考異) 事符天 旭 其母氏徽號,齎鹵簿、儀仗、法服、車輅於本國行禮。德光大悅,尋遣使奉晉高祖爲英武明 入洛,尋遣宰相趙瑩致謝于契丹。天福三年,又遣宰臣馮道、左僕射劉昫等持節册德光及 行,德光自送至路州。時趙德鈞、趙延壽自路州出降于契丹,德光鎖之,令隨牙帳。 三十萬。時幽州趙德鈞屯兵于團柏谷,遣使至幕帳,求立己爲帝,以石氏世襲太原,德光對 爲張敬達等攻圍甚急,遣指揮使何福齎表乞師,願爲臣子。 長 興末,契丹迫雲州,明宗命晉高祖爲河東節度使兼北面蕃漢總管。 德光白其母曰:「兒昨夢太原 清泰三年,晉高 尋册晉高 晉高祖 祖

南京留守。 (金帛以謝之。|晉祖奉|契丹甚至,歲時問遺,慶弔之禮,必令優厚。 是歲,契丹改天顯十一年爲會同元年,以趙延壽爲樞密使,升幽州爲南京,以趙思温爲 既而德光請晉高祖不稱臣,不上表,來往緘題止用家人禮,但云「兒皇帝」。晉祖 每敵使至,即於別殿

義皇帝

致 每 有 邀請, 小小不 如 意, 則來譴責,晉祖每屈己以奉之,終晉祖世,略 無釁隙

卑辭 失律 磨劍 被苦 河, 則 廷知 廣 南 我 謂 少帝 會 勃漢 形于 其不 亦不 榮日:「先朝是契丹所立 及 青州 幾 自 横磨 過 少帝嗣 責 無 幸 兒爭 大 惜 可 , 首領 (譲, 楊 澶 寧 劍,原本作 使迴 通 光遠 得 州 日 乃 好 朝 位 以禦之。 已下各杖數 旷 「, 遺使入契丹, 德光以少帝 廷使去, 也 德 短,遭 向 晉 「磨横劍」,今從通鑑改正。(影庫本粘籤) 光 相 臥 時 桑維 耶 報 契丹 使搆之。 其年三月,德光敗 曰:「但使桑 卽 百 翰 自 、諸部 加譴 一,嗣 勸少帝 一,唯趙 古及今惟聞 君乃中 頻 辱。 明年多,德光 年 延壽免焉。 求和 維 出 會 ·國 自 翰 征, 契丹迴圖使喬榮北 於契丹,以 、景延廣 於陽城 漢來和 不先承稟, 蕃 册, 率諸 國 是時,契丹連歲入寇, 稱 ||君臣 要戦 蕃, ,棄其車帳,乘 自來,丼 孫 部南 紓 可矣, 稍 不聞 擅即尊位, 所齎文字, 國難, 即來。」榮至 下。 厭 兵 割 蕃去 稱臣未 歸云, 開運 革, 鎭、定與 少帝許之, 和 徳光 元年春,陷 漢, 侍衞親軍都指 槖 一本國,具言其事, 可。 我, 施奔 晉氏疲於奔命, 待 母 中國 乃遣 伊漢 嘗 則 至 謂 口 略去 自 妼 見的 使奉 那 蕃 通 有 州 漢 和 揮使景 + 「臣禮, 當 表 臣 也 徳光 直 萬 因 僚 迴心, 稱 怒其 抵 口 朝 民 横 延

率兵經略。 三年 十一月,蕃將高牟翰敗晉師於瀛州之北, 監 軍 Ŧ 巒 繼 有 密 奏, 苦 言瀛、鄭 11 取 之狀。 梁漢璋死之。 十月, 少帝遣 契丹主聞晉既出兵, 杜 重 威 、李守貞 自

陽史改 使,以 焉。 |國為 復爲 **德光復自** 路 延 而 ~寶 北 奉降 大遼 宣 是 部 + 十 正。(影 馮 武 日 命 几 由 道爲太傅,以左僕射 1赤崗 易 國 張 月十日 軍 入 表 日 庫本粘籤) 宮, 彥 於 自鎭 定抵鎮州 澤領一 以 契丹,並傳國 入居於大內, 至昏復出,次於 口, 杜 趙 孙 延 二月朔日 一千騎 南行, 重 壽爲大丞相,兼政 威 杜 率諸軍 先趨 中渡 重 實 分命使 威 和 , 徳光 ___ 赤崗。 等自 凝 東京, 降軍所釋甲仗百 紐至 降於契丹,語 及 服 瀛 北 臣 一牙帳 遺重 漢法服 於京 州 來 五 事 翰 日 西趨常山,至 令, 威 林 城及往 , 明年 僞 部轄降 在 學士承旨 充樞密使兼 坐崇元殿受蕃漢 制降晉少帝 萬 晉 春 諸 計,並令於 少 正 兵取 /帝紀 道 中渡 月朔 張礪 括借錢 那、 中。 中京留守。 日 橋 爲 爲 鎭 , 負義侯, 相 宰 帛 徳 光 敵 路 州 朝賀, 相 已至矣, 收貯 前 日, 僞 至汴 進 命以 於黃 張礪 降 僞 徳光 戦馬 北, 東京 制 晉 李崧 原本作 兩 龍 入鎮 大 少帝遣子 文武 軍 府安置。 爲 數萬 赦 隔滹 防禦州 爲 「章礪」,今從歐 州 天 百官迎於 下 西 ĮΓ 大犒 廳 水 七日 延煦、 改晉 長 個 而 將 砦

德光 盗 日,德光北 賊 坐 所 一崇元殿, 在 五 之 日 還。 起, , 漢 行入 文数 高 初離 祖 州 東京,宿于赤崗,有大聲如雷,起于牙帳之下。 閣之禮 建 那,斷 號 于晉陽, 澶州 **覩漢家儀法之盛,** 徳光聞 浮梁。 之,削 契丹大恐,沿 奪 大悅。 漢 祖 河諸 官 以 鹤。 蕃 藩鎭 大將 是月 並 蕭翰為汴州 /,晉州 以腹心鎭之。 契丹自黎陽 潞州 節 並 i 度 使。 濟河, 三月 歸 泂 東。 朔 十七七

外

三月, 子勒所 唾,連 陰縣界,有一崗,土人謂之愁死崗。 良 萬、陷 脯, 使 謂 矣。」時賊 肉爲樂,自及漢地,每每不快,我若得歸本土,死亦無恨。」 爋 馬 者,東丹王 契丹人破其屍,摘 四十 、歸藩,三失也。」十六日,次于欒城縣殺胡林之側,時德光已得寒熱疾數日矣,命胡人齎酒 蕃 四匹, 禱于 漢臣 世宗親征,與崇戰于潞州高平縣之南原,崇軍大敗,契丹衆葉甲而遁。 邢州之內丘縣 部兵誅 远。 呼 一之長子, 太祖 曰:「劉知遠滅,劉知遠滅!」是月二十一日卒,時年四十六,主契丹凡二十二年。 得疾之地。 其月,太祖 l僚曰:「我有三失:殺上國兵士,打草穀,一失也;天下括錢,二失也;不尋遣節度 (帥)梁暉據相州,德光親率諸部以攻之。 案 太寧王 復遺尙書 以 以其月二十一日領 下原 ,深州之饒陽縣 自立,稱應曆 义命左金吾將軍 去腸胃,以鹽沃之, 本闕佚。 左丞田敏、供奉官蔣光遂 十八 日晡時,有大星落于穹廬之前,若迸火而散。 據五代會要云: 元 (元)。 年 部族歸國, 姚 ,號天順 溪漢英、 周廣順 左神 德光憩于其上,謂宣徽使高勳曰:「我在上國,以打圍食 皇 載而 改會同 帝。 元年正 銜 四月十八日,德光卒於欒城。 命往 武 顯德 將軍 北去,漢人目之爲「帝羓」焉。 月,太祖。 膊。 十年爲天祿元年, 華光 元年 其年四月, 春, 裔 四月四日,屠其城而去。德光聞河陽軍 命左千牛衛將軍 往 太原 使。 田 其年九 劉崇將圖 | 敏等迴 二年三月,命許州節度使王彥超等築壘於李 自稱天授皇帝。 退而謂人曰: 五月, 宣遺制, 月, 永康王 朱憲往修和好,永康王 南 永康王 寇, 契丹將 遺使獻碧玉金鍍銀裹鞍轡,幷 爲 漢乾祐三 **陪下太寧王 德光見之,西望而** 以永康王襲位。 永樂大典卷 四千五百五 楊衮 其語偷, (率騎萬 年十一月, 一亦遣 所 餘 弑 使報 殆將死 以 永康王 | 德光之 助之。 率騎 命、獻 數

校勘記

習爾之 原作「薩勒札」,注云:「舊作習爾之,今改正。」按此係輯錄舊五代史時據遼史索倫國語

解所改,今恢復原文。

 Ξ 欽德 原作「沁丹」,注云:「舊作」欽德, 今改正。」按此係輯錄舊五代史時據遼史索倫國語解所

改,今恢復原文。

 \subseteq 舍利 原作「錫利」, 注云:「舊作舍利, 今改正。」按此係輯錄舊五代史時據遼史索倫國語解所

改,今恢復原文。

(量) 教之文法 「敎」原作「歸」,據殿本及冊府卷一〇〇〇改。

至 王都遣使告急 「王都」原作「王郁」,據盧本及冊府卷九八七改。 按通鑑卷二七一,王處直養子

名都、孽子名郁、時處直遣郁召契丹犯塞、都級處直、自爲留後。 契丹攻定州, 王都告急于晉。

耀屈之 原作「耀獨芝」,注云:「舊作耀屈之,今改正。」按此係輯錄舊五代史時據遼史索倫國語

解所改,今恢復原文。殿本作耀庫濟。

(七) 遣禿餒以騎五千援都 外 國 列 傳 第 校 勘 記 「遣」字原無,據冊府卷九八七補。

(公) 迴圖使 丹以爲回圖使。」注云:「凡外國與中國貿易者,置回圖務,猶今之回易場也。」 原作「迴國使」,據劉本、彭校改。通鑑卷二八三:「河陽牙將喬榮從趙延壽入契丹,契

(九) 饒陽縣 「饒」原作「就」,據殿本、劉本改。

舊五代史卷 一百三十八

外國列傳第二

城。 國人號其主爲贊普,置大論、小論以理國事。其俗隨畜牧無常居,然亦有城郭,都城號邏些 不知節候,以麥熟爲歲首。 吐蕃,本漢西羌之地,或云南凉禿髮利鹿孤之後,其子孫以禿髮爲國號,語訛爲吐蕃。

沙等州 其人皆天寶中陷吐蕃者子孫,其語言小訛,而衣服未改 監,牧馬三十萬,又置都護以控制之。 吐蕃乘虛取河西、隴右,華人百萬皆陷于吐蕃。 唐時屢爲邊患。 城邑如故,陷吐蕃之人見唐使者旌節, 初,唐分天下爲十道,河西、隴右三十三州,凉州最爲大鎮。 安祿山之亂, 夾道迎呼涕泣曰:「皇帝獨念陷蕃生靈否?」 開成時, 肅宗在靈武,悉召河西戍卒收復兩京, 朝廷嘗遣使至西域,見甘、凉、瓜、 天寶置八

能撫有,惟甘、凉、瓜、沙四州常自通於中國。 至 五代時,吐蕃已微弱,回鶻、党項諸羌夷分侵其地,而不 甘州爲回鶻牙帳, ·有其 案 : 八人民。 原本脫「帳」字, 値中 國衰亂,不 今據歐陽史增

外國列傳第一

將, 師 立 陽 應 來 刺 天 後 後 兼 募者 年, 請 厚 妃 史。 福 李 孫 領 舊 與 溜其子 谷首 州 文 超 帥 七 河 猛 峻 嘉施 以 年。 謙 遣 西 至 乃奏 峻 相 漢 控 領 節 來 大 卽 友善, 遣 而 隱 請 將 度, 扼 沈念般等, 明 (異 起 建 帝 逃 諸羌,用 拓 年,晉高 命 師 言,凉州 而 市 而 後 時 拔承 厚爲 觀 馬京 凉 峻 , 後數年,凉州 涼州 察世 涼州 謙 貴,師厚弊衣蓬 瓜 及 左 其 祖 師 深入 及 留後折 中 衞 遣 遂 〈僧道士 沙 庸、 涇州 絕 將 國 是時 、夷狄, 留 威 於 軍 州 逋嘉 人逐出 等州 中 入子 押牙 刺 將 樞 已而 一耆老楊 國 史。 中國未嘗 密使 吏猶 孫 首, 施 陳 然 拜 文謙 然凉 延 獨 王 來 稱唐官, 王 通 雖有 日 河 請 暉 廷 峻 瓜 信 西 候 州 翰、 命 命, 齎 , 用 沙 節 峻 等 其 靈武 吏, 詔書 夷夏雜 事 至京 温 出 名, 度 漢 數 `, 崇樂、 使。 州, 請 來請命。 安撫 馮 卽 馬 峻 而 帥 師 以 暉 終五 前 故 凉 處 師厚 募 為節 遣牙將 涼州 明宗 劉少英爲將 人 州 訴 師厚 府 代 申 自 以 쬭 至 度使。 自 立 常 飢 師 拜 小人, 凉 供 涼州 梁 吳 一守將 孫 寒 厚 來 州 奉 繼 太 者 超 , 官能 , 峻 祖 嘉 興 不能 吏,又 奏薦 節 未 、共规 少 代 施 時, 度 唐 往者 有 文謙 起 使。 押 長 撫 常 自 土 以 留 盜 興 有 衙 豪 以 安 賊 爲 延 清 JU 副 鰄 或 也 暉 留 年 泰 使 至世宗時 鎭 武 爲 丽 後, 月 崔 元 嘉施 | 兗州 節 至涼州 立. 凉 周 餘 虎 是 州 廣 以爲 度 使 時 留 鸰 牙 留 無 順

後

首義

州

梁開平

中

有

節

度

使

(張奉,

自

號

金

Ш

白

.衣

、天子」。

至

唐

莊

宗

時

口

鶻

來

朝,

沙

州

歸義

軍

節度使、

瓜

沙等州

觀察處置

一等使

晉

,

金亦遣使附回鶻以來,莊宗拜養金爲

元忠爲 福 五 一年,義金卒,子元德立。 歸義 軍節度使,元恭爲瓜州團練使。 至七年, 沙州曹元忠、瓜州曹元深皆遣使來。 其所貢 (碙砂、 羚羊角、波斯錦、 周世宗時, 安西白氎、金星 叉以

礬、大鵬

後遂不 國。 之誤也。 張,皆披以 明宗嘗御端 而 ·復至', 吐蕃 今無可復考,姑仍其舊。 不見於梁世。 ,拜,委身宛轉,落其氊帽,髮亂如蓬,明宗及左右皆大笑。至<u>漢隱帝時,</u>猶來朝, 史亦失其君 明殿見其使者,問 世 唐天成三年,回鶻王仁喻來朝, 云。 永樂大典卷四千二百五十七。 其牙帳所居,曰:「西去涇州二千里。」 吐蕃 **案**: 此傳多與歐陽史同,疑永樂大典傳寫 亦遣使附以來, 明宗賜以 自此數至 虎皮,人 中

復爲 昌初,其國爲點戛斯 通中國,世以中國 改爲 幽州節度使張仲武所攻,餘衆西 口 天寶 鶻, 口 其先. 鶻 (中,安祿 義取 匈奴之種 .[爲舅,朝廷每賜書詔,亦常以甥呼之。 迴旋 山 所侵,部族擾亂, 犯闕,有 搏擊, 也。 後魏時、號爲鐵勒,亦名回紇。 助 如鶻 國討賊之功,累朝尙主,自 泛迅 奔,歸于 乃移帳至天德、振武間。 捷 也。 吐蕃, 本牙在天德 吐蕃處之甘州, 號「天驕」, 西北婆陵水上,距京 唐元和四年,本國 時爲 由是族帳微 石雄、劉沔所襲, 大爲 唐朝之患。 弱。 可汗遣使上 師 其後時 八千餘 破之, 會

山 衞 口 並爲 鶻 大 還 將 梁乾 右千 蕃 軍 使, 同正 化 衞 將軍 元 年十 案五代會要,以易言爲右監門衞大將軍同正,弟略麥之、石論思並爲左千牛衞 , 以石壽兒、石論思並爲右千牛衞 同正 月, 仍以左監門 造都督 衞上將軍 又賜其 周易言等入 楊沼 爲左驍衞上 、朝進貢 將軍 一將軍 太祖御朝元 同 李思、 Ē **充押領** , 仍以 回 間還番 左監門衞將 殿 籛 等紫衣 引 使(三)。 對, 將軍 以易言為 同 軍楊沼充 通 Œ, 事 李屋珠、 舍人 右 仇 押 監 安鹽 玄

涌

爲

判官,

厚

賜

繒

帛,放今歸

國

入

朝

僧

凝盧

宜

宜

延

清泰 復遣 差。 共 晢 都 鄭 司 使、 年 績 支, 督 都 其 二月 安千 後 將 密錄都督 遣令還 年七 督 、年三月,命 唐 作 李未 等來 人來 同光二 少 月 監 蕃 權 朝貢 等三十 貢 陳福海 遭 何 知 年 方物, 使 П 延 都 長 四 督 嗣 汗 興 册)狄銀卒, 人來朝, 月, 仁裕 仁裕遣 陳 持 可懷化郎將 元 **井獻善馬** 福海 年 節 其本 十 爲 册 仁美 順 已 ___ 都 進 案 國 下 月, 督 白 化 九 權 李阿 為英 七十八 鶻 , ~陽 山 匹。 副 遣 知可汗 {史 汗 使達 使 聯 山等 義 同光 案: 翟 人 可 四 奚相 明宗 仁美遣都 未 刀 汗。 年, 军, 進 思 史作貢玉、馬。 百二十人入貢 温 馬 召 狄銀卒。 三十餘 叉 至其 對 印 三 遣 懷 於 督 百 都 年十一 李. 化司 廣 六 人, 督 阳 + 壽 莊宗召 引 掣撥 咄欲立, 進 階 殿, 釋 匹 月,仁美 馬 迦、 明宗 等五 玉 八 厚 監 對於文明殿, + 副 加 亦 使屈密錄阿撥 召 人 匹 + 使 錫 遣 卒, 來 對 **| 鐵林、** 團 賚, 使來貢 玉 於 朝 其弟 宗崇元 八 仍 都 授 惠 狄銀 月 命 名馬 乃 掣撥 監楊 殿, 四 解 印 敕 命 年 嗣 放 歸 賜 福 等 旦 司 其鶻 立, 七 德 天成 安等 鶻 物 農 懐 月, 朝 卿 司

戈,判官安均可懷化司戈。

化可汗。 將軍。 晉天福三年十月,遣使都督李萬全等朝貢,以萬全爲歸義大將軍,監使雷福德爲順化 五年正月,遣都督石海金等來貢良馬百駟,幷白玉團、白玉鞍轡等,謝其封册 四年三月,又遣都督拽里敦來朝,兼貢方物。其月,命衞尉卿邢德昭持節就册爲奉 案歐陽史: 晉高祖時, 又加册命, 阿咄欲不知其爲狄銀親疏, 亦不知其立卒, 而仁裕訖五代常來朝貢, 史亦失

大將軍,副使安鐵山、監使末相温爲歸德將軍,判官翟毛哥爲懷化將軍。 漢乾祐元年五月,遣使李屋等入朝貢馬井白玉、藥物等。七月,以入朝使李屋爲歸德

是,周太祖命除去舊法,每回鶻來者,聽私下交易,官中不得禁詰,由是玉之價直十損七八。 漢已來,回鶻每至京師,禁民以私市易(三),其所有寶貨皆鬻之入官,民間市易者罪之。 至 寶,無益國用,故因而却之。 泳樂沃典卷二萬一千一百九十九。 顯德六年二月,又遣使朝貢,獻玉幷碙砂等物,皆不納,所入馬量給價錢。 周廣順元年二月,遣使幷摩尼貢玉團七十有七,白氎、貂皮、氂牛尾、藥物等。先是,晉、 時世宗以玉雖稱

即漢樂浪郡之故地,在京師東四千餘里。東渡海至于新羅,西北渡遼水至于營州,南渡海 高麗, 高麗傳, 泳樂大典原本有闕佚, 今姑存其舊。(影庫本粘籤) 本扶餘之別種。 其國都平 壤城,

薩一人,比都督;小城置道使一人,比刺史;其下各有僚佐,分曹掌事。 泳樂大典卷八千五百三十。 天成中,累遣使朝貢。 拔其城,分其地爲郡縣。 白皮小帶,咸以金飾。 事,三年一代,若稱職者不拘年限; 至于百濟,北至靺鞨,東西三千一百里,南北二千里。其官大者號大對盧,比一品, 唐貞觀末,太宗伐之,不能下。 泳樂大典卷四千四百四十一。 及唐之末年,中原多事,其國遂自立君長,前王姓高氏。 對盧已下官總十二級。 周顯德六年, 高麗遣使貢紫白水晶二千顆。 至總章初,高宗命李勣率軍征之,遂 外置州縣六十餘(四),大城置傉 其王以白羅爲冠, 唐同光、 總 知國

大氏爲酋長。永樂大典卷二萬五十四 面 [呼聖,牋奏呼基下。父曰老王,母曰太妃,妻曰貴妃,長子曰副王,諸子曰王子。 渤海靺鞨, 渤海靺鞨諸傳, 原本殘闕,今無可采補,姑仍其舊。(影庫本粘籤) 其俗呼其王爲可毒夫,

對

黑水靺鞨,其俗皆編髮。 性凶悍,無憂戚,貴壯而賤老。 俗無文字,兵器有角弓梏矢。

泳樂大典卷二萬一千一百二十七。

新羅,其國俗重九日相慶賀,每以是月拜日月之神。 婦人以髮繞頭,用綵及珠爲飾,髮

甚鬓美。泳樂大典卷六千二百一十。

往來館給,道路倍費。其每至京師,明宗爲御殿見之,勞以酒食,旣醉,連袂歌呼,道其土風 以爲樂,去又厚以賜資,歲耗百萬計。唐大臣皆患之,數以爲言,乃詔吏就邊場售馬給直, 事 那、埋摩,侍御乞埋、鬼悉逋等族。殺數千人,獲其牛羊鉅萬計及其所級外國寶玉等,悉以賜 等出兵討之,福等擊破阿埋、韋悉、褒勒、強賴、埋廝骨尾及其大首領連香、李八薩王,都統悉 中國,道其部落,輒邀扨之,執其使者,賣之他族以易牛馬。明宗遣靈武康福、邠州藥彥稠 諸夷皆入市中國,有回鶻、党項馬最多。明宗招懷遠人,馬來無駑壯皆集,而所售過常直, 止 ,生業,好爲盜賊。党項自同光以後,大姓之強者各自來朝貢。明宗時,詔沿邊置場市馬, 其來朝,而党項利其所得,來不可止。其在靈、慶之間者,數犯邊爲盜。自河西回鶻朝貢 党項,其俗皆土著,居有棟宇,織毛罽以覆之。尚武,其人多壽,至百五十、六十歲,不 由 泳樂大典卷一萬八千二百八十五。 是党項之患稍息。 其他諸族,散處沿邊界上甚衆,然皆無國邑君長,故莫得而紀

昆明部落,其俗椎髻跣足。 酋長披虎皮,下者披氊。

于闐,其俗好事妖神。泳樂大典卷八千五百二十。

昆明、占城、样阿蠻傳、永樂大典全篇已佚,僅存數

語,今姑仍其舊。(影庫本粘籤)

占城,本地鳥之大者有孔雀。泳樂大典卷八千四百三十九。

校勘記

- (1) 請帥募府率供奉官能往者 殿本同。 劉本作「請募率府率供奉官能往者」,歐陽史卷七四同。
- (三) 充押領回鶻還番使 「仇玄通」連讀,據删。本條注文前正文原有「通事舍人」四字,今移置注文後。 句下原有「通事舍人」四字,按繪要卷二八,「通事舍人」四字當與其下文
- [三] 禁民以私市易 「禁民」下原有「衷」字,據殿本刪
- (四) 置州縣六十餘 「十」字原無,據會要卷三〇、舊唐書卷一九九高麗傳補。

舊五代史卷一百三十九

志

天文志

案::薛史天文志序,永樂大典原闕,然其日食、星變諸門,事蹟具存,較歐陽史司天考爲詳備。 今考五代會要

所載星變、物異諸門,與司天考互有詳略。 蓋五代典章散佚,各記所聞,未能畫一也。 多考諸書,

當以薛史

爲得其實焉。

日食

正殿,百官各守本司。 月丙戌朔,日有蝕之。時言事諸臣,多引漢高祖末年日蝕於歲首,太祖甚惡之,於是素服避 梁太祖乾化元年,元年,原本作「五年」,考乾化無五年,通鑑、歐陽史俱作「元年」,今改正。(影庫本粘籤)正 是日,有司奏:「雲初陰晦,事同不蝕。」百僚奉表稱賀。

一八四七

志

天文志

末帝龍德三年,十月辛未朔,日有蝕之。

唐莊宗同光三年,四月癸亥朔,時有司奏:「日蝕在卯,主歲大旱。」

明宗天成元年,八月乙酉朔,日有蝕之。

二年,八月己卯朔,日有蝕之。

三年,二月丁丑朔,日食。其日陰雲不見,百官稱賀。

長興元年,六月癸巳朔,日食。 其日陰冥不見,至夕大雨。

二年,十一月甲申朔,先是,司天奏:「朔日合蝕二分,伏緣所蝕微少,太陽光影相鑠,伏

恐不辨虧闕,請其日不入閤,百官守司。」從之。

門,蓋藏兵器,半月不宜用軍。」是日太陽虧,十分內食三分,在尾宿十七度。 晉高祖|天福二年,正月乙卯,先是,司天奏:「正月二日,太陽虧蝕, 宜避正殿, 日出東方,以 開諸營

帶蝕三分,漸生,至卯時復滿。

三年,正月戊申朔,司天先奏,其日日蝕。

至是日不蝕,內外稱賀。

救 (日於社, 陳五兵、五鼓、五麾, 東戟西矛, 南弩 四年,七月庚子朔,時中書門下奏:「謹按舊禮:日有變,天子素服避正殿,太史以 南弩,原本作「西弩」,今據五代會要改正。(影庫本粘 所司

北楯,中央置鼓,服從其位,百職廢務,素服守司,重列于庭,每等異位,向日而立,明復

而止。今所司法物,咸不能具,去歲正旦日蝕,唯謹藏兵仗,皇帝避正殿素食,百官守司。今

且欲依近禮施行。」從之。

七年,四月甲寅朔,「甲寅朔」下原本疑有脫文,今無別本可考,姑仍其舊。(影庫本粘籤) 是日百官守

司,太陽不蝕,上表稱賀。

八年,四月戊申朔(1),日有蝕之。

少帝開運元年,九月庚午朔,日有蝕之。

二年,八月甲子朔,日有蝕之。

三年,二月壬戌朔至,日有蝕之。

漢隱帝乾祐三年,十一月甲子朔,日有蝕之。

周太祖廣順二年,四月丙戌朔,日有蝕之。

月食

總大軍北伐,追之不及。至五年正月二日,果爲後唐莊宗大敗於怕鄉。 梁太祖開平四年,十二月十四日夜,先是,司天奏:「是日月食,不宜用兵。」時王景仁方

唐莊宗同光三年,三月戊申,月食。 九月甲辰,月食。

志一 天文志

明宗天成三年,十二月乙卯,月食。

四年,六月癸丑望,月食。十二月庚戌,月食。

晉高祖天福二年,七月丙寅,月食。

五年,十一月丁丑,月食鶉首之分。

少帝開運元年,三月戊子,月食。九月丙戌,月食〔三〕。

漢高祖天福十二年,十二月乙未,月食。

五年,十一月辛未,月食。 周世宗顯德三年,正月戊申,月食。

月暈

唐明宗天成元年,十一月,月暈匝火、木。

彗字

梁太祖乾化二年,四月甲戌夜,彗見於靈臺之西。

唐明宗天成三年,十月庚午夜,西南有字,長丈餘,東南指,在牛宿五度〔8〕。

|木帝清泰三年,九月己丑(三,彗出虚、危,長尺餘,形細微,經天壘、哭星。

晉高祖|天福六年,九月,有彗星長丈餘。

八年,十月庚戌夜,有彗見於東方,西指,尾長一丈,在角九度。

周太祖顯德三年,正月壬戌夜,有星孛於參角,其芒指於東南。

五星凌犯

梁太祖開平二年,正月乙亥,歲星犯月。

|乾化二年,五月壬戌云, 熒惑犯心大星,去心四度, 順行。占曰:「心爲帝王之星。」其

年六月五日,帝尉。案歐陽史:正月丙申,熒惑犯房第二星。與蔣史異,五代會要與蔣史同。 唐莊宗同光二年,八月戊子,熒惑犯星。

三年,三月丙申,熒惑犯上相。四月甲申,熒惑犯左執法。六月丙寅,歲犯右執法。九

月己亥,熒惑在江東犯第一星。案歐陽史:九月丙辰,太白、歲相犯。薛史不載,疑有闕文。

己卯,熒惑犯左執法。十月戊子,熒惑犯上相。十二月,熒惑犯氐。 <u>明宗</u>|天成元年,八月癸卯,太白犯心大星。辛亥,熒惑犯上將。九月庚午,熒惑犯右執

二年,正月甲戌,熒惑、歲相犯。二月辛卯,熒惑犯鍵閉。 三月,熒惑犯上相。 六月辛

志

天文志

丑,熒惑犯房。 九月壬子,歲犯房。

法。 寅、熒惑犯房、太白、歲相犯於斗。 庚午,太白犯左執法。 九月庚辰,鎭、歲合於箕。 辛巳,太白、熒惑合於軫。 十二月壬 三年,正月壬申,太白、熒惑合於奎。 閏八月癸卯(+),熒惑犯上將。乙卯,熒惑犯右執

四年,三月壬辰,歲犯牛。 九月丙子,熒惑入哭星。

長興元年,六月乙卯,太白犯天罇。十一月壬戌,熒惑犯氐。十二月丙辰, 熒惑犯

天江。

太白犯鍵閉(引。 二年,正月乙亥,太白犯羽林。 四月甲寅,熒惑犯羽林。 八月, 辰犯端門。十一月丙戌,

三年,四月庚辰,熒惑犯積尸。九月庚寅,太白犯哭星。十一月己亥,太白犯壁壘。

四年,八月己未,五鼓三籌,熒惑近天高星,歲星近司怪,太白近軒轅大星。 案歐陽史:九

月辛巳,太白犯右執法。 薛史不載。

末帝清泰元年,六月甲戌,太白犯右執法。

晉天福元年,三月壬子,熒惑犯積尸。

四年,四月辛巳,太白犯東井北轅。甲申,太白犯五諸侯。 五月丁未,太白犯興鬼中

六年,八月辛卯,太白犯軒轅。 九月己卯,熒惑犯上將。

八年,八月丙子,熒惑犯右掖。 十月丙辰,熒惑犯進賢。

開運元年,二月壬戌,太白犯昴。己巳,熒惑犯天鑰。四月丁巳,太白犯五諸侯。 七月

甲申,太白犯東井。 二月,太白犯辰。 八月甲辰,熒惑入南斗。十月壬戌,熒惑犯哭星。案:此條歐陽史不載。

二年,八月甲戌, 歲犯東井。九月甲寅, 太白犯南斗魁。 十一月甲午朔, 太白犯哭

星

漢天福十二年,十月己丑,太白犯亢距星。

乾祐元年,八月己丑,鎭星入太微西垣。戊戌,歲犯右執法。 十月丁丑,歲犯左執法。

出太微之左掖門。 二年,九月壬寅,太白犯右執法。 自元年八月己丑,鎭星入太微垣,犯上將、左右執法、內屏、謁者,勾己 庚戌,太白犯鎭。 丁卯,太白犯歲。十一 月,鎭星始

案:原本作「旬已」,今從歐陽史改正。 往來,凡四 百四十三日方出左掖。

白犯心大星。 三年,六月乙卯,鎭犯左掖。 十月辛酉,太白犯歲。 七月甲申,熒惑犯司怪。 八月癸卯,太白犯房。 庚戌,太

志一 天文志

周廣順元年,二月丁巳,歲犯咸池。己未,熒惑犯五諸侯。 三月甲子, 歲守心。己卯,

熒惑犯鬼。 壬午,熒惑犯天尸。四月甲午,歲犯鈎鈴。

二年七月,熒惑犯井鉞。八月乙未,熒惑犯天罇。 九月辛酉,熒惑犯鬼。 庚辰(元), 熒

惑掩右執法。十月壬辰,太白犯進賢。

三年,四月乙丑,熒惑犯靈臺。 五月辛巳(10),熒惑犯上將。

顯德六年,六月庚子,熒惑與心大星合度,光芒相射。 先是,熒惑勾己于房、心間,凡數

月,至是與心大星合度,是夜順行。案:此條歐陽吹不載。

星畫見

唐同光三年,六月己巳,太白晝見。

天成元年,七月庚申,太白晝見。

長興二年,五月己亥二,歲星書見。 案:歐陽史作癸亥,太白晝見。 閏五月己巳 🟐,歲星晝

見。八月戊子〇三,太白晝見。

三年,十月壬申,太白晝見。

四年,五月癸卯,太白晝見。

清泰元年,五月己未,太白晝見。

漢天福十二年,四月丙子,太白晝見。

乾祐二年,四月壬午,太白晝見。

周廣順二年,二月庚寅,太白經天。

流星

梁乾化元年,十一月甲辰,東方有流星如數升器,出畢宿口,曳光三丈餘,有聲如雷。

有流星,狀如半升器,初小後大,速流如奎滅。 唐長興二年,九月丙戌夜,二鼓初,東北方有小流星入北斗魁滅。 尾迹凝天,屈曲似雲而散,光明燭地。 至五鼓初,西北方次 又

東北 有流星如大桃,出下台星,西北速流,至斗柄第三星旁滅。 五鼓後至明,中天及四方有

小流星百餘,流注交橫。

北

應順 元年春,案:原本訛「廣順」,今據歐陽史改正。(舊五代史考異)一月辛未夜,有大星如五升器,

流於東北,有聲如雷。

盤屈 清泰 如龍形,蹙縮 元年,九月辛丑夜,五鼓初,有大星如五斗器而南流,尾迹長數丈,亦赤色,移時 如二鏵,相鬭而散。 又一星稍小,東流,有尾迹,凝成白氣,食頃方散

志一 天文志

晉天福三年,三月壬申夜,四鼓後,東方有大流星,狀如三升器,其色白,長尺餘,屈曲

流出河鼓星東三尺,流丈餘滅。

驚,以爲曉鼓,乃齊伐鼓以應之,至曙方知之。三月,高平之役,戰之前夕,有大流星如日, 周顯德元年,正月庚寅,子夜後,東北有大星墜,有聲如雷,牛馬震駭,六街鼓人方寐而

雲氣

流行數丈,墜於賊營之所。

梁開平二年,三月丁丑夜,月有蒼白暈,又有白氣如人形十餘,皆東向,出於暈內。

月乙酉,平旦,西方有氣如人形甚衆,皆若俯伏之狀,經刻乃散。

唐同光二年,日有背氣,凡十二。

辰行度 歲,日有背氣,凡十三。是月,司天監奏:「自七月三日陰雲大雨,至九月十八日後方晴,三 三年,九月丁未夜日間,遍天陰雲,北方有聲如雷,四面雞雉皆雊,俗謂之「天狗落」。 行度,原本作「在度」,今從五代會要改正。(影庫本粘籤)、災祥,數日不見。」閏十二月庚午〇三,日 足

天成二年,十二月壬辰,西南有赤氣,如火燄燄,約二千里。占者云:「不出二年,其下當

有黑氣,似日,交相錯磨,測在室十度。

有大兵。」

長興三年,六月,司天監奏:「自月初至月終,每夜陰雲蔽天,不辨星月。」

應順元年,四月九日,白虹貫日,是時閔帝遇害。

晉天福初,高祖將建義於太原,日傍多有五色雲,如蓮芰之狀。

餘,狀如火光。赤氣內見紫微宮共北斗諸星,其氣乍明乍暗。至三點後,後有白氣數條,相 二年,正月丙辰,一鼓初,北方有赤氣,向西至戌亥地,東北至丑地已來向北,闊三丈

次西行,直至三鼓後散。

漢乾祐二年,十二月,日暈三重,上有背氣。

周顯德三年,十二月庚午,白虹貫日,氣暈勾環。 泳樂大典卷三千二百七。

校勘記

(1) 八年四月戊申朔 「年四」二字原無,據會要卷一〇、文獻通考卷二八三補。按二十史朔閏表

晉天福七年八月爲壬子朔,八年四月爲戊申朔。

(11) 二月壬戌朔 按二十史朔閨表,開運三年二月爲壬戌朔,三月爲壬辰朔。 「二月」原作「三月」,據會要卷一〇、文獻通考卷二八三、本書卷八四晉少帝紀改。

志

開運元年三月戊子月食九月丙戌月食 開運二年,三月丁酉朔,無戊子;九月甲午朔,無丙戌。開運元年,三月癸酉朔,戊子爲十六 「元年」原作「二年」,據會要卷一〇改。按二十史朔閏

日;九月庚午朔,丙戌爲十七日。

- 在牛宿 影 庫 本 五度 ·粘籤云:「在宿五度,『宿』字上當有闕字,今無別本可考,姑仍其舊,附識于此。」 「牛」字原無, 據會要卷一○、文獻通考卷二八六補。 殿本、劉本作「在牛五度」。
- に 九月己 丁 亥朔,無 1: 乙丑 「己丑」原作「乙丑」,據會要卷一〇、文獻通考卷二八六改。 按二十史朔閏表,九月
- 五月壬戌 會要卷一一、文獻通考卷二八九同。 按二十史朔閏表,五月己卯朔,無壬戌。
- (1) 閨 八月癸卯 月爲癸卯朔。 「閏」字原無,據文獻通考卷二八九補。 按二十史朔閏表, 八月癸酉朔, 無癸卯。
- **3** 太 白 犯 鍵 閉 閉 」字原無,據文獻通考卷二八九補。

閨

八

- (元) 庚 辰 原作「庚戌」,據文獻通考卷二八九改。 按二十史朔閏表,廣順二年九月甲 ·寅朔,無 漢成。
- 8 五月辛 原作「五 一年」,據殿本及歐陽史卷五 九司天考第二改。 按廣順無五年,文獻通考卷二
- 八 九亦作「五 月。
- 五月已亥 殿本、 劉本同。 按二十史朔閨表, 五月戊午朔, 無己亥。 歐陽史卷五九司天考第

二作「癸亥」。

(三) 閏五月己巳 殿本、劉本同。 按二十史朔閨表,閏五月戊子朔,無己巳。 歐陽史卷五九司天考

第二作「乙巳」。

(III) 八月戊子 殿本、劉本同。按二十史朔閏表,八月丙辰朔,無戊子。 歐陽史卷五九司天考第二

作「九月戊子」。

(15) 丁未夜 「夜」字原無,據殿本及會要卷一一補。本書卷三三唐莊宗紀作「丁未夕」。

G 割十二月庚午 殿本、劉本同。按二十史朔閨表,閏十二月已丑朔,無庚午。

舊五代史卷 一百四十

志二

曆志

案:五代修曆法,如晉馬重續調元曆、周王朴欽天曆,五代會要所載甚略,蓋因知曆者稀,莫能是正也。 萨史

載欽天曆用數爲歐陽史所本,其字句異同,彼此可互證云。

其正朔,然後能允釐下土,欽若上天。故虞舜之紹唐堯,先齊七政, 古先哲王,受命而帝天下者,必先觀象以垂法,治曆以明時,使萬物服其化風,四海同 武王之得箕子,首敍九

皇極由是而允興,人時以之而不忒。歷代已降,何莫由斯。

用戊午曆,夏用丙寅曆,商用甲寅曆,周用丁巳曆,魯用庚子曆,秦用乙卯曆。 粤自 一軒黄 肇正天統,歲躔辛卯,曆法時成。 故黃帝始用辛卯曆,顓頊次用乙卯曆, 漢用太初曆

志二 曆志

業曆,凡四本。 昌曆,凡三本。 近光曆、正元曆,案:玉海作正統,五代會要作正元。(舊五代史考異) 四分曆、三統曆,凡三本。 元曆、景福崇玄曆,凡九本。 宋用大明曆、元嘉曆,凡二本。 後周用天和曆、丙寅曆、明玄曆,凡三本。隋用甲子曆、開皇曆、皇極曆、大 唐用戊寅曆、麟德曆、神龍曆、大衍曆、元和觀象曆、長慶宣明曆、寶應曆、正 魏用黃初曆、景初曆,凡二本。 齊用天保曆、同章曆、正象曆,凡三本。後魏用興和曆 凡三本。梁用大同曆、乾象曆、永 晉用元始曆、合元萬分曆,凡二

猶用宣明、崇玄二法,參而成之。 泪梁氏之應運也,乘唐室陵遲之後,黃巢離亂之餘,衆職未修,三辰孰驗。故當時歲曆,

<u>"</u>崇玄星緯,二曆相參,方得符合。自古諸曆,皆以天正十一月爲歲首,歲首,原本闕「首」字,今據 五曆甚正,疑當作「五緯」。考近代會要與薛史同,今姑仍其舊。(影庫本粘籤)而年差一日。今以宣明氣朔 邦之命,爰資曆以立章程。長慶宣明,雖氣朔不渝,卽星躔罕驗;景福崇玄,縱五曆甚正 二卷,取唐天寶十四載乙未,立爲近元二,以雨水正月朔爲歲首。 部二十一卷,案:玉海引崇文總具作二十卷。(舊五代史考異)七章上下經二卷,算草八卷,立成十 及晉祖肇位,司天監馬重績始造新曆,奉表上之,云:「臣聞爲國者,正一氣之元,宣萬 謹詣閣門上進。」晉高祖

唐建中時,曹士為始變古法,以顯慶五年爲上元,雨水爲歲首。世謂之小曆。(舊五代史考異)仍命翰林學士承旨 宣明、崇玄考覈得失,俾有司奉而行之,因賜號調元曆, 命司天少監趙仁錡、張文皓,秋官正徐皓,天文參謀趙延乂、杜昇、杜崇龜等, 案玉海: 調元曆,蓋攸曹士萬小曆之舊。 以新曆與

和凝撰序。

其後數載,法度寖差。至周顯德二年,世宗以端明殿學士、左散騎常侍王朴明於曆算,

乃命|朴考而正之。|朴奉韶歲餘,撰成欽天曆十五卷,上之。表云:

爲要道。是以聖人受命,必治曆數。故得五紀有常度,庶徵有常應,正朔行之於天下 必從其日月:日月,原本脫「月」字,今從五代會要增入。(影庫本粘籤) 六籍宗之爲大典,百王執之 其歲;禮動樂舉,必正其朔;三農百工,必授其時;五刑九伐,必順其氣;庶務有爲, 則當以數知之。數之爲用也,聖人以之觀天道焉。歲月日時,由斯而成;陰陽寒暑, 由斯而節;四方之政,由斯而行。夫爲國家者,履端立極,必體其元;布政考績,必因 臣聞聖人之作也,在乎識天人之變者也。人情之動,則可以言知之;天道之動,

古道,寅畏上天,咨詢庶官至,振舉墜典。以臣薄游曲藝,嘗涉舊史,遂降述作之命, 自唐而下,凡歷數朝,亂日失天,垂將百載,天之曆數,汨陳而已矣。今陛下順考 也。

而交蝕詳焉。

候氣,審朓朒以定朔,明九道以步月,校遲疾以推星,考黃道之斜正,辨天勢之昇降, 俾宪推測之要(三),雖非能者,敢不奉詔。乃包萬象以立法,齊七政以立元,測圭箭以

宿,當盈縮先後之中,所謂七政齊矣。 百,以通法進統法,當云得七十二萬。氣朔之下,收分必盡,謂之全率。以通法進全率,得七千 率,得大率七千二百萬,則此云七千二百萬者,乃大率之數,以言全率,蓋傳寫之訛。據統法七千二百,通法一 所不通,所謂包萬象矣。故以七十二爲經法,經者常也,常用之法也。百者數之節 謂之五行之數。五之得朞之數至,過者謂之氣盈,不及謂之朔虛。至於應變分用,無 奇偶相命,兩陽三陰,同得七十二,同則陰陽之數合。七十二者,化成之數也,化成則 元入經,先用此法,統曆之諸法也。以通法進統法,得七千二百萬,案:下文以通法進全 也至,隨法進退,不失舊位,故謂之通法。以通法進經法,得七千二百,謂之統法。自 二百萬,謂之大率,而元紀生焉。 元者,歲月日時皆甲子(k),日月五星,合在子正之 夫立天之道,日陰與陽,陰陽各有數,合則化成矣。陽之策三十六,陰之策二十四,

使天下候影,南距林邑國,北距橫野軍,中得浚儀之岳臺,應南北弦,居地之中。皇家 古之植圭於陽城者,以其近洛故也,蓋尚慊其中,乃在洛之東偏。開元十二年,遣

建國,定都於梁。 今樹圭置箭,測岳臺唇漏,以爲中數,唇漏正,則日之所至,氣之所應

得之矣。

也。 曆,則疏遠而多失。今以月離朓朒,隨曆較定,日躔朓朒,臨用加減,所得者入離定日 率皆平行之數,入曆旣有前次,而又衰稍不倫。 一日之中,分爲九限,逐限損益,衰稍有倫。朓朒之法,所謂審矣。 日月皆有盈縮。 日盈月縮,則後中而朔;月盈日縮,則先中而朔。自古朓朒之法, 皇極舊述(も),則迂迴而難用,降及諸

道一周,分爲八節,一節之中,分用九道,盡七十二道而復,使日月之軌,無所隱其斜正 滅之數。 自古雖有九道之說,蓋亦知而未詳,空有祖述之文,全無推步之用。 今以黃 直。若正交、中交在二至之宿,則其勢差斜。故較去二至、二分遠近,以考斜正,乃得加 之宿,春分之宿,原本作「之分」,今據五代會要改正。(影庫本粘籤)中交在秋分之宿,則比黃道反 黃道謂之中交。 若正交在秋分之宿,中交在春分之宿,則比黃道益斜。 若正交在春分 則其勢直。當斜則日行宜遲,當直則日行宜速。故二分前後加其度,二至前後減其度。 九道者,月軌也,其半在黃道內,半在黃道外,去黃道極遠六度。出黃道謂之正交,入 赤道內,半在赤道外,去赤道極遠二十四度。當與赤道交〔五〕,則其勢斜,當去赤道遠, 赤道者,天之紘帶也(云),其勢圓而平,紀宿度之常數焉。 黃道者,日軌也,其半在

之勢焉。九道之法,所謂明矣。

之遲疾,可得而知之矣。 非本理,遂至乖戾。今校定逐日行分,積逐日行分以爲變段。於是自疾漸而遲,勢盡 無准,今日行分尙多,次日便留,自留而退,唯用平行,仍以入段行度爲入曆之數,皆 而留,自留而行,亦積微而後多。別立諸段變曆,以推變差,俾諸段變差際會相合,星 星之行也,近日而疾,遠日而遲,去日極遠,勢盡而留。自古諸曆,分段失實,隆降

度仰視旁視之分數,則交虧得其實矣。 射,其理有異焉。 自 [古相傳,皆謂去交十五度以下,則日月有蝕,殊不知日月之相掩,與闇虛之所 今以日月徑度之大小,校去交之遠近,以黃道之斜正,天勢之升降,

爲之下篇,都四篇,爲曆經一卷,曆十一卷,草三卷,顯德三年七政細行曆一卷。 下篇」者,言爲步發斂之下篇。 乃以一篇步日,一篇步月,一篇步星,案:以下脱「一篇步發斂」五字。下云「以卦候沒滅,爲之 歐陽史約其文,稱「謹以步日、步月、步星、步發斂爲四篇」,是也。以卦候沒滅,

數,後學者不能詳知,便言曆有九曜,以爲注曆之恆式,今並削而去之。 天卜祝 臣 小術,不能舉其大體,遂爲等接之法。 檢討先代圖籍,今古曆書,皆無蝕神首尾之文,蓋天竺胡僧之祆說也。 蓋從假用以求徑捷,於是乎交有逆行之 只自司

昔在唐堯,欽若昊天。陛下親降聖謨,考曆象日月星辰,唐堯之道也,其曆謹以

「顯德欽天」爲名。天道玄遠,非微臣之所盡知,但竭兩端,以奉明詔。 疏略乖謬,甘俟

罪戾。

世宗覽之,親爲製序,仍付司天監行用,以來年正旦爲始,自前諸曆並廢。 案玉海: 敛天于

經一卷,今聊紀於後,以備太史氏之周覽焉。 朔分之下,立小分謂之杪。 說者謂前代謂曆朔餘未有杪者。 若可用妙,何待求日法以齊朔分也。(舊五代史考異) 泳樂大典卷二萬八百一十七。 其曆

顯德欽天曆經

演紀上元甲子, 距今顯德三年丙辰, 積七千二百六十九萬八千四百五十二。

欽天統法:'七千二百

欽天經法:七十二

欽天通法:一百

欽天步日躔術

歲率"二百六十二萬九千七百六十四十

執率"二百六十二萬九千八百四十四八十

志二 曆志

朔率:二十一萬二千六百二十二十八

歲策:三百六十五 千七百六十 四十

軌策"三百六十五

歲中:一百八十三

千八百四十四八十

軌中:一百八十二

四千四百八十二十

四千五百二十二四十

朔策:二十九

三千八百二十 二十八

氣策:一十五

象策:七

千五百七十三 三十五

周紀:六十

一千七百五十五七

歲差:八十四 四十

辰則:六百 八刻二十四分

, 史云:「舊史亡其步發斂一篇,而在者三篇,簡略不完。」然則薛史原文固已闕矣。 案:以上題稱步日躔術及後步月離術、步五星術,合爲曆經四篇者之三,又皆僅列用數而不及推步。

據歐陽

欽天步月離術

離率:一十九萬八千三百九十三 ヵ

交率:一十九萬五千九百三十七九十七 五十六

離策:一十七 三千九百九十三九

案:歐陽史作雕策二十七(10),此云一十七,當是傳寫之訛。 以統法除離率,得二十七日及餘分

交策:二十七 一千五百二十七九十七 五十六

望策:一十四 五千五百一十一十四

交中:一十三 四千四百六十三九十八

七十八

案:四千四百,歐陽史作四千三百,據交策半之爲交中,當從歐陽史。

離朔:一 七千二十七一十九

二千二百九十二三十二 四十四

中准:一千七百三十六

交朔:二

中限"四千七百八十

平離:九百六十三

程節:八百

欽天步五星術

歲星

志 = 曆 志

一人六九

周率:二百八十七萬一千九百七十六六

變率:二十四萬二千二百一十五六十六

曆率"二百六十二萬九千七百六十一七十八

案:七百六十一,歐陽史訛作九百六十六,非也。據曆率半之爲曆中。 彼此互訂,此條足正歐陽史之訛。

周策"三百九十八 六千三百七十六六

曆中:一百八十二 四千四百八十九十六

案:歐陽史小分作八十九,此云九十六,非也。據曆中倍之爲曆率,倍九十六,適得大分一,小分七十八。

晨見 順疾 後留 退疾 退遲 順遲 變段公司 九十 變日 二十七 二十五 二十六三十二 一十四 一十七 四三十八 二九 三三十七 <u>-</u> + = 變度 十六六十三 空二十八 變曆 _ 二十九 二二十四 三十七 -i---+=

順疾

九十

十六六十三

空二十八

三十七

一二十九

周策:七百七十九 曆率:二百六十二萬九千七百六十 變率:二百九十八萬五千六百六十一七十一 周率:五百六十一萬五千四百二十二一十二 六千六百二十二 -+1

四千四百八十 變度 五十三六十八

變

層

五十一 四十六六十九 四十八 四

五十

五十八

Ξ

順疾

志 _

曆 志 晨見

十三

日

十三

變段

曆中:百八十二

十四一十七二言

一八七一

六十二

、六十九

四

一十九二十九 十五三十三

一十八二十

五十八

空

四十四

四十

<u>一</u>十

七 七 四十六

四十六

五十八

空 四十

四十四八回

後留

八 六十九

退遲

退疾

= + -

+

<u>-</u>+

退疾

退遲

前留

順

遲

次

遲

十五三十三 十九二十九

四十二五十八

一十八二十

四

十六六十九

四十

四一十七

四

次疾

次遲

七

+

順遲

六十二

十一

五

十三六十八三 四十

八

=

五 十五十八

五

鎭 星

周率:二百七十二萬二千一百七十六九十

變率:九萬二千四百一十六 五十

曆率:二百六十二萬九千七百五十九八十

周策:三百七十八 曆中:一百八十二

> 五 百七十六九十

四千四百七十九

九十

變度

變日

二七

六三十八

空 六十三

三五十一

空三十五

空四十三

=曆 志

志

六十三

空

空三十五

一八七三

一 十 四 變曆 空 一十四

空 空 六十 六十

二三十五

退遲

退疾

退遲

退疾

一三一三三一三一六 十十十十十十十九七六三三六七九五 三

空四十三

二三十五

前留

順遲

順疾

晨見

變段

一十四

順疾

夕伏

一十 十 九

六 三十八

二七

三五十一

一一十四

太白

周率:四百二十萬四千一百四十三九十六

變率:四百二十萬四千一百四十三九十六

曆率:二百六十二萬九千七百五十五十六

周策:五百八十三

六千五百四十三九十六

案:原本作周策五百八十三萬,考周率滿統法得周策五百八十三日及餘分二己,「萬」字係衍文,歐陽史亦無

「萬」字,今删去。

曆中:一百八十二

四千四百七十五二十八

案:原本作曆中一百八十二萬,考曆率半之滿統法得曆中一百八十二日及餘分,「萬」字係衍文,歐陽史亦無

「萬」字、今删去。

變日

變度

變曆

五十三四十

干

五十一一十七

九十六

四十二

順疾

夕見

變段

一百二十一五十七 一百一十六三十九

六 六十九 六六十九 三十二三 七十三 三十三 二十四 二十四 兀 П 六七七

四

四十

三六十五

一 二 士 二

三十四一六十 八十三十七 一百二十一五十七

三十二四十 一百一十六三十九 七十七一云

三六十五

三十四一

二十二四十 二十二四十 二十四

一十一六十一

八十三十七

七十七一二萬

四

四十

一十一二十四

一八七五

四

五十三四十

周率:八十三萬四千三百三十五 五十二

變率:八十三萬四千三百三十五 五十二

周策:一百一十五 曆率:二百六十二萬九千七百六十四十四 六千三百三十五 五十二

四千四百八十二十二

曆中:一百八十二

變日

一十七

+

三十四一 變度

一十一四十三 一十八二十四

四

一十六

大 六

ース七六

五十一一十七

變曆

二十九 五十四

前留

二六十八

+

+

一十六

夕伏

順遲

順疾

夕見

順遲

ー 十 ナ

> 一 十 一

四十三

一 十 二 十

順疾

晨伏

- 一 十 十 七 一

三十四一

十八二十四

二十九五十四一十六四

校勘記

(1) 立爲近元 「近元」,殿本、劉本作「上元」。 影庫本批校云:「立爲近元,應作『上元』。」

(三) 庶官 原作「度官」,據殿本、劉本及會要卷一〇改。

呈 推測 劉本同。殿本及會要卷一○作「迎推」。 影庫本批校云:「案會要,『推測』應作『迎推』。」

五之得春之數 批校云:「案會要,『五之』應作『五行』。」舊五代史考異云:「案:原本『五行』訛『五之』,今據五代 殿本作「五行得期之數」,歐陽史卷五八司天秀第一作「五行之得朞數」。影庫本

百者數之節也 浅異云:「案:原本『法』訛『百』,今據五代會要改正。」殿本考證略同。 查沈校本會要卷一〇作 「法」,抄本、殿本會要作「百」,歐陽史卷五八司天秀第一亦作「百」。作「百」是。 劉本同、殿本「百」作「法」。影庫本批校云:「案會要,『百』應作『法』。」舊五代史

<u>중</u> 歲月日時 「日」字原無,據會要卷一〇、歐陽史卷五八司天秀第一補。 殿本作「歲日月時」。

一八七七

- 争) 皇極舊述 殿本、劉本同。會要卷一〇、歐陽史卷五八司天秀第一「述」作「術」。
- (元) 天之紘帶也 「紘」原作「弦」,據會要卷一〇、歐陽史卷五八司天秀第一改。
- (元) 當與 、赤道交 殿本、劉本同。 會要卷一①、歐陽史卷五八司天考第一「夜」作「近」。
- 8 離策 原作「策離」,據劉本及歐陽史卷五八司天考第一改。
- CID二千二百九十二三十 殿本、劉本同。影庫本粘籤云:「小數『三十』,歐陽史作『三十二』,以統

法推之,當作『三十』,今仍薛史之舊。」

- \exists 欽天步五星術所載歲星表的變段及其變日、變度和變曆數據的順序,各本同。 據歐陽史卷五八 司天考第一載此表變段順序爲:晨見、順疾、順遲、前留、退遲、退疾、退疾、退遲、後留、順遲、順
- 四十四一十七 變段下有關數據順序亦與之相對應。 「一十七」原作「一十六」,據殿本及歐陽史卷五八司天秀第一改。 據術,歐陽史記載比較準

空四十四 「四十四」原作「四十」,據殿本及歐陽史卷五八司天考第一改 影庫本批校云:「『空』

下小注應作『四十四』。」

- (A) 五十三六十八 「六十八」原作「六十六」,據殿本改。
- CIA 周策 原作「周率」,據上文及殿本考證改。
- Clti 七十七一 殿本、劉本同。永樂大典卷七八五六作「七十七三」,歐陽史卷五八司天秀第一作「七

[记 七十七三]。 殿本、劉本同。永樂大典卷七八五六作「七十七三」,歐陽史卷五八词天秀第一作十七三」

舊五代史卷一百四十

志三

五行志

際。 房之舊說,劉向之緒言,則前史敍之詳矣,此不復引以爲證焉。 禍消而福至,此大略也。 今故按五代之簡編,記五行之災沴,追爲此志,以示將來。 故後之修史者,咸有其說焉。蓋欲使後代帝王見災變而自省,責躬修德,崇仁補過,則 昔武王克商,以箕子歸,作洪範。 其九疇之序,一日五行,所以紀休咎之徵,窮天人之 其於京

水淹風雨

梁開平四年十月,梁、宋、輝、亳水,韶令本州開倉賑貸。 十一月,大風,下詔曰:「自朔

至今,異風未息,宜命祈禱。」

雨盗 一漫,流入鄆州界。 唐 同光二年七月,汴州雍丘縣大雨風,拔樹傷稼。 鄆州,原本作「陳州」,今從五代會要改正。(影庫本粘籤) 曹州大水,平地三尺。八月,江南大 十一月,中書門下奏:「今

年秋,天下州府多有水災,百姓所納秋稅,請特放加耗。」從之。

壞倉厫。 **巖舟爲渡,覆沒者日有之。** 三年六月至九月,大雨,江河崩決,壞民田。 八月,勅:「如聞天津橋未通往來,百官以舟檝濟渡,因茲傾覆,兼踣泥塗。 趨朝,宰臣卽每日中書視事。」 鄴都奏,御河漲於石灰窯口,開故河道以分水勢。 七月,洛水泛漲,壞天津橋,漂近 鞏縣 河廬舍, 河 自今文 堤破,

武百官,三日一

移人戶,夏秋兩稅及諸折科,委諸處長吏切加點檢,並與放免,仍一年內不得雜差遣。 今月三日後行了,避正殿,滅常膳,徹樂省費,以答天譴。 京及諸縣,有停貯斛斗,並令減價出糶,以濟公私,如不遵守,仰具聞奏。」 四年正月,勅:「自京以來〔〕,案:此句疑有脫誤。 幅圜千里,水潦爲沴,流亡漸多。 應去年經水災處鄉村, 有 不給 應在 及 宜 逃 自

長興元年夏,鄜州上言,大水入城,居人溺 死

一年六月壬戌,汴州上言,大雨,雷震文宣王廟講堂。 十一月壬子,鄆州上言,黃河暴

漲,漂溺四千餘戶(三)。

三年四月回,棣州上言,水壞其城。 是月己巳至,剛州上言,黃河水溢岸,陽三十里,

谷內居民三十六人。 夔州亦甲山崩,案"原本訛「求甲」,今據五代會要改正。(舊五代史浅異)大水漂潺 均州郛郭,水深三丈,居民登山避水,仍畫圖以進。是月甲子(云),洛水溢,壞民廬舍。三年 七月,諸州大水,宋、亳、潁尤甚。宰臣奏曰:「今秋宋州管界,水災最盛,人戶流亡,粟價暴 臣等商量,請於本州倉出斛斗,依時出糶,以救貧民。」從之。是月,秦州大水,溺死窯 五月丁亥,申州大水,平地深七尺。是月戊申,襄州上言,漢水入城,壞民廬舍,又壞

Ш 告宗廟社稷。 |清泰元年九月,連雨害稼。 詔曰:「久雨不止,禮有所禳,榮都城門,三日不止,乃祈山 宜令太子賓客李延範等祭諸城門,太常卿李懌等告宗廟社稷。」

晉天福初,高祖將建義於太原,城中數處井泉暴溢。

六年九月,河決於滑州,一概東流,居民登丘塚,爲水所隔。 四年七月, 西京大水,伊、洛、瀍、澗皆溢,壞天津橋。八月,河決博平,甘陵大水。 韶所在發舟檝以救之。

兗

將軍田峻於滑、濮、澶、鄆四州,檢河水所害쮾,并撫問遭水百姓。 州 七十里,至七年三月,命宋州節度使安彦威率丁夫塞之。 濮州界皆爲水所漂溺,命鴻臚少卿魏玭、將作少監郭廷讓、右金吾衞將軍安濬、右號衞 開運元年六月,黃河、洛河泛盗堤堰,鄭州原武、榮澤縣界河決。 河平,建碑立廟於河決之所。 **兗州又奏,河水東流** 居

志三 五行志

周 廣順二年七月,暴風雨,京師水深二尺,壞牆屋不可勝計。 諸州皆奏大雨,所在河渠

泛溢害稼。

甚衆。

三年六月,諸州大水,襄州漢江漲溢入城,城內水深一丈五尺(も),倉庫漂盡,居人溺者

地震

唐同光二年十一月,鎭州地震。 鎮州,原本作「眞州」,今從五代會要改正。(影庫本粘籤)

三年十一月二十五日夜、魏、博、徐、宿地大震。

天成三年七月,鄭州地震(云)。

長興二年六月,太原地震,自二十五日子時至二十七日申時,二十餘度。 左補闕李詳

上疏日:

宗時,晉州地震,上謂羣臣曰:「豈朕政敎之不明,使晉州地震耶?」侍中張行成奏曰: 「天陽也,地陰也,天陽君象,地陰臣象,君宜轉動,臣宜安靜。今晉州地震,彌旬不休, 輒驚,罔不寅畏上玄,思答天譴。 臣聞北京地震,日數稍多。 臣聞天地之道,以簡易示人;鬼神之情,以禍福爲務。王者祥瑞至而不喜,災異 臣曾覽國書,伏見高

以杜未萌。」又,開元中,秦州地震,尋差官宣慰,兼降使致祭山川,所損之家,委量事安 將恐女謁任事,臣下陰謀。且晉州是陛下本封,今地震焉,尤彰其應。 伏願深思遠慮,

置奏聞。

前朝得喪之本,採歷代聖哲之規,崇不諱之風,罷不急之務。 望特委親信,兼選勳賢,且往北京慰安,密令巡問黎民之疾苦,嚴山川之祭祀,然後鑒 六年,歲稔時康,人安俗阜。臣慮天意恐陛下忘創業艱難之時,有功成矜滿之意。伏 伏惟陛下中興唐祚,起自晉陽,地數震於帝鄉,理合思於天誠。 況聖明御宇,于今

明宗深嘉之,錫以三品章服。十一月,雄武軍上言,洛陽地震。

三年八月,秦州地震。

漢乾肺二年四月丁丑,幽、定、滄、營、深、貝深、貝深、貝,原本作「清具」,今從文獻通考改正。(影庫本粘

籤)等州地震,幽、定尤甚。

周廣順三年十月,魏、邢、洛邢、洛师、洛师、洛,原本作「邢洛」,今從文獻通考改正。(影庫本粘籤)等州地震數

日,凡十餘度,魏州尤甚。

蟲魚禽獸

梁龍德末,許州進綠毛龜,宮中造室以畜之,命之曰「龜堂」。識者以爲不祥之言。 唐 天祐十八年二月,張文禮叛於鎭州,時野水變,其色如血,游魚多死,浮於水上,識者

知其必敗。

推之,上失其道,不安於位之兆也。」果爲其子都所廢。 巢於樹,固其所也;今止平地,失其所也(云)。 巢,處直以爲己德所感。 其狀乃黃么蜥蜴也。處直以爲神異,造龍牀以安之。又,城東麥田中,有羣鵲數百,平地爲 十九年, 定州王處直卒。先是, 處直自爲德政碑, 建樓於衙城內, 言有龍見。或覩之, 識者竊論曰:「蟲蛇陰物,比藏山澤,今據屋室,人不得而有也。 南方爲火,火主禮,禮之壞則羽蟲失性,以文

應順元年閏正月丙寅辰時,唐閔帝幸至德宮,初出興教門,有飛鳶自空而落,死於御

前。是日,大風晦冥。

清泰 元年十月辛未巳時,有雉金色,自南飛入中書,止於政事堂之上,吏驅之不去,良

久又北飛。是日,民家得之。

一年,鄴 西李固 鎭,有大鼠與蛇鬭於橋下,鬭及日之申(10),蛇不勝而死。

搏人。 年三月戊午, 又一熊自老君廟南走向城,會車駕幸近郊,從官射之而斃。 有蛇鼠鬬於洛陽師子門外, 而鼠殺蛇。 夏四月戊子,熊入市,形如人,

漢乾祐三年正月,有狐出明德樓,獲之,比常狐毛長,腹別有二足。

枝皆折。 周 ·<u>廣順三年六月,河北諸州旬日內無烏,旣而聚澤、潞之間山谷中,集於林木,</u> 是年,人疾疫死者甚衆。 至顯德元年, 河東劉崇爲周師所敗,伏尸流血,故先萌 壓樹

顯德元年三月,潞州高平縣有鵲巢於縣郭之南平地,巢中七八雛。

其兆。

蝗

梁開平元年六月,許、陳、汝、蔡、潁五州蝝生,有野禽羣飛蔽空,食之皆盡。

唐同光三年九月,鎭州奏,飛蝗害稼。

草木葉皆盡。詔州縣長吏捕蝗。 晉天福七年四月,山東、河南、關西諸郡蝗害稼,至八年四月,天下諸州飛蝗害田, 華州節度使楊彥詢、 案:原本作「彥珣」,今從列傳改正。(舊五代史考 饑者 食

幾 盈路, 雍州節度使趙瑩命百姓捕蝗一斗,以祿栗一斗償之(三)。 關西餓殍尤甚,死者十七八。朝廷以軍食不充,分命使臣諸道括栗麥,晉祚自茲衰 時蝗旱相繼,人民流移,

矣。

漢乾祐 元年七月,青、鄭、兗、齊、濮(三)、沂、密、邢、曹皆言蝝生。開封府奏,陽武、雍丘

志

一八八八

襄邑等縣蝗,開封尹侯益遣人以酒肴致祭, 尋爲鸜鵒食之皆盡。 勅禁羅弋鸜鵒, 以其有吞

蝗之異也。

二年五月,博州奏,有蝝生,化爲蝶飛去。 宋州奏,蝗一夕抱草而死,差官祭之。

火

唐天成四年十一月,汝州火,燒羽林軍營五百餘間。 先是,司天奏, 熒惑入羽林,

師爲火備,至是果應。

長興二年四月辛丑,汴州封禪寺門扉上歘然火起,延燒近舍。 是月, **衞州奏**, 黎陽大

火。先是,下詔於諸道,令爲火備,至是驗之。

臣曰:「火妖乎?」侍臣曰:「恐妖人造作,宜審詰之。」 三年十二月壬戌,懷州軍營內,三處火光自起, 人至卽滅, 並不焚燒舍宇。 明宗謂侍

晉天福三年十一月,襄州奏,火燒居民千餘家。

九年春,左龍武統軍皇甫遇從少帝禦契丹於鄆州北,將戰之夕,有火光熒熒然,生於牙

竿之上。

周 顯德五年四月,吳越王錢俶奏,十日夜,杭州火,焚燒府署殆盡。 世宗命中使費詔

草木石冰

豫,薛史晉高祖紀亦作「庶」,今改正。(影庫本粘籤)村人因伐樹倒,自分爲兩片,內有六字,皆如左書, 則『丙』字也;『四』字去中間兩畫加『十』字,則『申』字也。晉祖卽位之年,乃丙申也。」 人以爲雖有圖姓,計其甲子則二十有九年矣。識者曰:「『天』字取『四』字中兩畫加之於傍, 曰「天十四載石進」,乃圖其狀以進。 梁祖異之,命示百官,莫有詳其義者。 及晉高祖卽位, 梁開平三年春正月,路州軍前李思安奏,壺關縣庶穣鄉 庶磯,原本作「康穣」,考五代會娶作庶

復於舊坎,其家駭異,倉皇散走。議者以漢昭帝時,上林仆木起生枝,時蟲蠧成文而宣帝 唐天祐五年,長柳巷田家有殭桃樹,經年舊坎猶在,其仆木一朝屹然而起,行數十步,

興。今木理成文,仆而重起,乃莊宗中興之兆也。

士上言,玄元皇帝殿前枯檜 再 生一枝,畫圖以進。 同光元年多十二月辛卯,亳州 亳州,原本作「濠州」,今從五代會要改正。(影庫本粘籤)太清宮道

清泰末年,末帝先人墳側古佛刹中石像,忽然搖動不已,觀者咸訝焉。

晉開運元年七月一日,少帝御明德門,宣赦改元。 是日,遇大雷雨,門內有井亭,亭有

石盆,有走水槽,槽有龍首,其夕悉飄行數十步,而龍首斷焉。 識者曰:「石,國姓也,此兆非

祥,石氏其遷乎!其絕乎!」

宛若圖畫,傾都觀之。 識者云:「唐景福中, 二年正月,汴州封丘門外,壕水東北隅水上有文,若大樹花葉芬敷之狀,相連數十株, 盧彥威浮陽壕水有樹文亦如此,時有高尼辭郡

人曰:『此地當有兵難。』至光化中,其郡果爲燕帥劉仁恭所陷。」 三年九月,大水,太原葭蘆茂盛,最上一葉如旗狀,皆南指。 十二月己丑,雨木冰。 是

月戊戌,霜霧大降,草木皆如冰。

漢乾祐元年八月,李守貞飯于河中,境內蘆葉皆若旗旒之狀〇三。

日:「昔後唐長興中,安重誨授河中,其節亦有聲,斯亦木之妖也。」泳樂大典卷八千六百十九。(孔 周廣順三年春,樞密使王峻遙鎭青州,有司制旄節以備迎授。 前夕, 其節有聲。 主者

校勘記

本

(1) 自京以來 殿本、劉本同。 會要卷一一作「自京以東」。

(11) 今月三日 「月」原作「年」,據殿本及會要卷一一改。

二年六月壬戌汴州上言大雨雷震文宣王廟講堂……漂溺四千餘戶 補。 按此段殿本、劉本繫在下文「是月甲子、洛水溢、壞民廬舍」後、無「二年」二字。 「雷」字原無,據殿本、劉本

(图) 三年四月 「三年」,殿本、劉本作「二年」。

(語) 是月己巳 「月」原作「日」,據殿本、劉本改。

公 是月甲子 殿本、劉本同。 按二十史朔閨表,長興三年五月壬午朔,無甲子。 長興二年五月戊

午朔,甲子爲七日。

一丈五尺 原作「五尺」,據本書卷一一三周太祖紀、會要卷一一改。

(云)鄭州地震 「州」字原無,據劉本補。

(元) 鵲巢於樹固其所也今止平地失其所也 十六字原無,據冊府卷九五一補。

(10) 日之申 「申」原作「中」,據本書卷七五晉高祖紀改。

祿栗一斗 會要卷一一同。 五代史記補考卷二引會要作「橡栗二斗」。

 \cong 青鄆兗齊濮 「濮」原作「漢」,據殿本、劉本及會要卷一一、五代史記補考卷二改。 又,五代史記

補考「兗」作「襄」。

音 漢乾祐元年……之狀 二十四字原無,據殿本、 劉本補。 影庫本批校云:原本尚有『漢乾祐元

年』一條、今脫去。」

志三

校

勘

記

舊五代史卷一百四十一

志四

禮志上

案:禮志序,永樂大典原闕。

梁開平元年夏四月,太祖初受禪,乃立四廟於西京,從近古之制也。

陽, 北都先置宗廟,不宜並設。 正言等奏議曰:「伏以都邑之制,宗廟爲先。今卜洛居尊,開基御宇,事當師古,神必依人。 却復本朝宗廟。 唐同光二年六月,太常禮院奏:「國家興建之初,已於北都置廟,今克復天下,遷都洛 按禮無二廟之文,其北都宗廟請廢。」 況每年朝享,禮有常規,時日旣同,神何所據。 乃下尚書省集議。禮部尚書王 竊聞近例,亦有

志

四

禮志上

從權 豈宜遠宮闕之居,**建祖宗之廟**。 本作「封藤」,今從漢書改正。(影庫本粘籤) 事無所法。 況本朝故事,禮院具明,洛邑舊都,嵩丘正 無明文,古者師行,亦無遷於廟主。 如神主已修,迎之藏於夾室;若廟宇已崇,虛之以爲恆制。 事非可久, 理在從長。 昔天后之崇鞏、洛,禮謂非宜,漢皇之戀豐、滕,豐、滕,原 其北都宗廟, 若齊桓公之廟二主, 請准太常禮院申奏停

廢。」從之。

載,聖概所存,將達蘋藻之誠,宜有粢稅之制。臣等集議,其追尊位號及建廟都邑,乞特降 皆別追奪親廟。 漢光武皇帝立先四代於南陽,其後桓帝已下,亦皆上考前修, 制命,依馬縞所議。」 乞依兩漢故事,別立親廟。」詔下尙書省,集百官定議。 天成元年,中書舍人馬編奏曰:「伏見漢、晉已來, 諸侯王宗室承襲帝統, 除七廟之外, 禮部尙書蕭頃等議曰:「伏見方册所 追崇先代。

皇帝爲例〔〕,請付太常卿定諡。 尊其祖河間孝王日孝穆皇帝、父蠡吾侯 案:原本訛「蠡愚」,今據後漢書改正。〈舊五代史考異〉日孝崇 尊名,改置園陵,仍增兵衞。」遂詔太常禮院定其儀制焉。太常博士王丕等引漢桓帝入嗣 於諸王故事,孝德皇、孝仁皇、孝元皇是也。 天成二年,中書門下又奏:「伏以兩漢以諸侯王入繼帝統,則必易名上諡,廣孝稱皇,載 刑部侍郎、權判太常卿馬編復議曰:「伏准兩漢故事,以諸 伏乞聖慈,俯從人願,許取皇而薦號,兼上諡以

志四 禮志上

或殊。馬縞所奏,禮有按據,乞下制命,令馬縞虔依典册,以述尊名。」 述尊名,請詔百官集議。」時右僕射李琪等議曰:「伏覩歷代已來,宗廟成制,繼襲無異,沿革 本紀,又不見『帝』字。 自烏程侯繼嗣,追封父和爲文皇帝,事出非常,不堪垂訓。今據禮院狀,漢安帝以下,若據 自安帝入嗣,遂有皇太后令,別崇諡法,追曰某皇,所謂孝德、孝穆之類是也。 侯王宗室入承帝統,則必追尊父祖,修樹園陵,西漢宣帝、東漢光武,孝饗之道,故事具存。 。伏以諡法『德象天地日帝』。伏緣禮院已曾奏聞,難將兩漢故事,便 前代惟孫皓

議,何表孝誠。可委宰臣與百官詳定,集兩班於中書,逐班各陳所見。」唯字與等請於祖 不可言皇。爰自秦朝,便兼二號。至若玄元皇帝,事隔千祀,宗追一源,猶顯册於鴻名,豈 旣有減增之字,合陳褒貶之辭。大約二名俱爲尊稱,若三皇之代故不可加帝, 襲,五帝不相沿,隨代創規,於禮無爽。矧或情關祖禰,事繫烝嘗。且追諡追尊,稱皇與帝, 聖朝追尊之日,卽引漢氏舊儀,在漢氏封崇之時,復依何代故事?理關凝滯,未叶聖謨,道 須遵於漢典。況朕居九五之位,爲億兆之尊,不可總二名於眇躬,惜一字於先代,苟隨執 合變通,方爲民則。且王者功成治定,制禮作樂,正朔服色,尙有改更,尊祖奉先,何妨沿 一室先加「帝」字。宰臣合衆議奏曰:「恭以朝廷之重,宗廟爲先,事繫承祧,義符致美。 時明宗意欲兼加「帝」字,乃下詔曰:「朕聞開國承家(三),得以制禮作樂,故三皇不相 五帝之代 且 爾

唐之所 革 依 中 追 御 札 尊 謂七廟者,以沙陀之獻祖國昌、太祖克用、莊宗存勗而上繼唐之高祖、太宗、懿宗、昭宗。 阜 應 並 陶 |加皇帝之號,兼請於洛京立廟。」勅:「宜於應州舊宅立廟,餘依所奏。」案文獻通考: 州 爲德明皇帝,凉武昭王爲興聖皇帝,皆立廟於京都。臣等商量所 應州 ,原本作「慮州」,今從五代會要改正。(影庫本粘籤) 必立別廟,即地遠上都 此所謂四廟者,又明宗代 議 追 尊四 今據開 廟, 元 望 後

奏議, 其年八月,太常禮院奏:「莊宗神主以此月十日祔廟,七室之內, 合有祧遷。」 中書門下 請祧 懿祖 室。 後下 百僚集議,禮部尚書蕭頃等奏,請從中書所奏,從之。

北之高、

祖、父也

懿宗、 等議 可也,不必祖神堯而宗太宗。 事 立之君,所以 廟,追三祖於先遠,復四 ↑禮之文。」從之。 H 疏 應順 曰:「臣等以親盡從祧,垂於舊典,疑 昭宗、獻祖 於故實,此 元年正 先 遷其室。 、太祖、莊宗,大行升祔,禮合祧遷獻祖,請下尚書省集議。」太子少傅盧質 月,中書門下奏:「太常以大行山陵畢祔廟。 時須稟於新規(三)。 時議以懿祖 室於本朝,式 光武滅新之後,始有 若依漢光武, 賜姓於懿宗, 遇祧遷,旋成沿革。 將 事 來升祔先廟,次合桃遷獻祖,旣協隨 無質,素有明文。 則宜於代州立獻祖 以支庶繫大宗 追 尊之儀,此祇 及莊宗升祔,以懿祖從祧,蓋非嗣 例,宜以懿祖爲 在於南陽,元不 今太廟見饗七室,高祖、太宗 頃莊宗皇帝再造寰區,復隆宗 而下親廟, 其唐廟依舊禮行 始祖 時之義,又符 歸於太廟, (图),次昭宗

戀

唐懿宗而祧之,今又及獻祖 子俱「懿」,於理 也,而 議諡者忘 可 乎 | 咸通 ! 將朱耶 咸通,原本作「感通」,今據新唐書改正。(影庫本粘籤) 三世與唐室 以禮論之,始祧昭宗,次祧獻祖 四 廟連敍昭穆,非禮之甚 可也, 也。 而懿祖 之懿宗, 議祕者不知受氏於 如 又稱懿祖 唐景皇帝 父

晉 天福二年正月,中書門下奏:「皇帝到京, 未立宗廟, 望令所司速具制度典禮以聞

從之。二月,太常博士段顒議曰:

可跳乎?

七廟。 廟。 詳議廟制,遂立七廟,至開元十一年後,創立九廟。 祖 立六廟,齊朝亦立六廟。隋文帝受命,初立親廟四,至大業元年,煬帝欲遵周法, 初立親廟四,後重議依周法立七廟。 於文祖。」此是澆之廟也,猶未載其數。又按郊祀錄曰: 之所自出,以其祖配之,而立四廟。」鄭玄注云:高祖以下至禰四世,卽親盡也,更立 漢初立祖宗廟於郡國,共計一百六十七所。後漢光武中興後,別立六廟。 大宗廟之制,歷代爲難,須考禮經,以求故事。 次屬傳禪於唐,武德元年六月四日,始立四廟於長安,至貞觀九年至, 晉武帝受禪,初立六廟,後復立七廟。 謹按倘書舜典曰:「正 又按禮記喪服小記曰:「王者禘 夏立五廟,商立六廟, 月上日, 宋武 命有 周 魏 議 立 受終 帝 明 初

立始祖 始祖 世之廟,可以觀德。」又按疑義云:天子立七廟,或四廟,蓋有其義也。如四廟者,從禰 四 拾」,今據新唐書禮志改正。(舊五代史考異) 廟,欲後代子孫觀其功德,故尙書云「七世之廟,可以觀德」矣。又按周捨 至高祖已上親盡云,故有四廟之理。又立七廟者,緣自古聖王,祖有功,宗有德,更封 今臣等參詳,唯立七廟,即並通其理。 七廟,諸侯五廟,大夫三廟,士一廟。此是降殺以兩之義。又按尚書咸有一德曰:「七 「廟二件之文,俱得其宜,他所論者,並皆勿取。 爲不遷之廟,共五 即於四親廟之外,或祖功宗德,不拘定數,所以有五廟(tì、六廟,或七廟、九 一廟也。 又按禮記祭法及汪制、孔子家語、春秋穀梁傳並云:天子 論云"「自江左已來,晉、宋、齊、梁相承,多立七廟。」 伏緣宗廟事大,不敢執以一理定之,故檢七廟、 伏請下三省集百官詳議 案原本訛「周

勅旨宜依。左僕射<u>劉</u>昫等議日:

化,以達萬方,克致平和,必先宗廟。故禮記王制云:「天子七廟,諸侯五 及湯與二昭、二穆。 多不過七。」又云:「天子七廟,皆據周也。 有其人則七,無其人則五。 若諸侯廟制,雖 疏云:「周制之七者,太祖廟及文王、武王之祧,與親廟四。 太祖,后稷也。 臣等今月八日,伏奉勅命於尙書省集議太常博士段顒所議宗廟事。 夏則五廟,無太祖(云),禹與二昭、二穆而已。自夏及周,少不減 廟,大夫三廟。」 伏以將敷至 商六廟,

及唐初,多立六廟或四廟, 有其人,則不過五。此則天子、諸侯七、五之異明矣。」至於三代已後,魏、晉、宋、齊、隋 蓋於建國之始, 不盈七廟之數也。 今欲請立自高祖已下四

親廟,其始祖一廟,未敢輕議,伏俟聖裁。

御史中丞張昭遠奏議曰:

門下牒,再令百官於都省議定聞奏者。 臣前月中預都省集議宗廟事,伏見議狀於親廟之外,請別立始祖一廟,近奉中書

也。 高祖父太上皇執嘉無社稷功,不立廟號,高帝自爲高祖。 以有功者爲太祖,無追崇始祖之例。具引今古,卽恐詞繁,事要證明,須陳梗槪。 也。 據文改正。(影庫本粘籤) 封於魏,故爲太祖。 |稷、||契爲||太祖,夏后無太祖,亦無追諡之廟。 自商、周以來,時更十代,皆於親廟之中, 稷、契爲太祖。禮記曰:「天子七廟,三昭、三穆,與太祖之廟而七。」鄭玄注:「此周制 七者,太祖后稷及文王、武王與四親廟。」又曰:「商人六廟,契及成湯與二昭、二穆 夏后氏立五廟,不立太祖,唯禹與二昭、二穆而已。」據王制鄭玄所釋,即商、周以 臣讀十四代史書,見二千年故事,觀諸家宗廟, 故爲太祖。 晉以宣王輔魏有功,立爲高祖,以景帝始封晉, 宋氏先世,官閥卑微,雖追崇帝號, 都無始祖之稱,唯商、周二代,以 魏以曹公相漢,垂三十年,始 劉裕自爲高祖。 始封,原本作「始討」,今 漢以 南

忠行之 位,以 齊高 封 卽 佑 唐公,故爲太祖 齊室, 位 立太祖,朱公自爲太祖 一,亦追爲太祖 帝之父,位至 武 輔周室有大 対侯, 帝 功,梁室 位 至 右 贈侍中,封義 功,始封 領 將 唐末梁室朱氏 周閔帝以 軍、 軍 十,生無 0 丹陽 於隋, 此 則 父泰相 尹, 封爵,不得爲太祖 前代追 興 故爲太祖 雖不 公, 有帝位,亦立四 西 受封 .魏,經營王業,始封於周,故爲太祖 義與原本作「漾與」,今從陳書改正。(影庫本粘籤) 册太祖,不出 . 0 於梁, 唐高 ,高帝自爲太祖 廟,朱公先世無名位, 亦爲 祖 親 神堯 廟之成 太祖 祖父虎爲周 例 陳武 也 帝父文讚 梁武帝父順之, 八 柱國, 雖 追 隋文 册 隋代 及 生無 D 武 帝 追 父 名

今亦 作「劉 以楊震爲始祖; 齊、梁皆 始 有 稱李陵之後,不以陵爲始祖 加 大 里」,今據漢書改正。(舊五代史考異) 粗 功 王 言往 者 晉稱趙將 於唐、虞之際,故追 祖 蕭何 有功 例,以取證明。 之後,不以蕭 唐稱阜陶、老子之後,不以阜陶、 司馬卬之後,不以卬爲始祖 而宗有德, 尊爲太祖。 秦稱造父之後,不以造父爲始祖 漢、 後周 何 爲始祖 魏之制,非有 之後,不以堯、累爲 稱 神農之後, 自秦、漢之後,其禮 ; 陳稱太丘 功 宋稱漢楚元王之後,不以元王 德不 不以 老子爲始祖。 長陳寔之後,不以寔爲 得立爲 始祖 神農爲 不 然, ; 旭 始 魏稱曹參之後,不 宗,商、 漢稱唐堯、 祖 雖 唯唐高宗則天武后 祖 隋 有 周受命,以稷、 稱楊震 功, 劉 始 累 仍 爲 祖 之後, 須 始 以 案: 親 多為 元塊 加 原本 臨

物,未有 達禮儀,制度憲章,必有師法。 立姬廟,乖越已甚,曲臺之人,到今嗤誚。臣遠觀秦、漢,下至周、隋,禮樂衣冠,聲明文 朝,革唐稱周,又立七廟,仍追册周文王姬昌爲始祖,此蓋當時附麗之徒,不諳故實,武 如唐室之盛。武德議廟之初,英才間出,如温、魏、顏、虞通今古,封、蕭、薛、杜

爲太祖 四世而已。故自東漢以來,有國之初,多崇四廟,從周制也。 公以天子之禮。」又曰:「郊祀后稷以配天。」據此言之,周武雖祀七世,追爲王號者,但 緒,一戎衣而有天下,尊爲天子,宗廟饗之。 無勞博訪之文,宜約已成之制。請依隋、唐有國之初,創立四廟,推四世之中名位高者 夫追崇先王、先母之儀, 起於周代, 據史記及禮經云:「武王纘太王、王季、文王之 謹議以 聞 周公成文、武之德,追王太王、王季,祀先 況商因夏禮, 漢習秦儀,

勅 宜令尚書省集百官,將前議狀與張昭遠所陳,速定奪聞奏(10)。 左僕射劉昫等再奏議

崇之典,以申配饗之儀。 並皆勿取。 臣等今月十三日,再於尙書省集百官詳議。 七廟者,按禮記王制曰:「天子七廟,三昭、三穆與太祖之廟而七。」鄭玄注 切詳太常禮院議狀,唯立七廟四廟, 夫王者祖武宗文, 郊天祀地, 故有追 卽 並 通其理, 其他所論,

無別 立四廟外,別引始祖,取裁未爲定議。續准勅據御史中丞張昭遠奏,請創立四廟之外, 業之君,追諡不過四世,約周制也。 尊爲太祖。 按周本紀及禮記大傳皆曰"「武王卽位,追王太王、王季、文王。 祖宣皇帝、懿祖光皇帝、 云:「此周 (對始祖之文。況國家禮樂刑名,皆依唐典,宗廟之制,須約舊章,請依唐朝追尊獻 制也。」 此即周武王初有天下追尊四廟之明文也。故自漢、魏已降,迄於周、隋, 詳其禮經,卽是周家七廟之定數。 案:原本作「義祖」,今從新唐書改正。(舊五代史考異) 此禮行之已久,事在不疑。 四廟者, 謂高、曾、祖、禰 今參詳都省前議狀,請 以后稷爲堯稷官,故追 太祖景皇帝、代 四 世也 創

元皇帝故事,追尊四廟爲定。

從之

以高旭神主并舊四室祔廟。 袝,按會要"唐武德元年,立四廟於長安,貞觀 七年七月,太常禮院奏:「國朝見饗四廟:靖祖、肅祖、睿祖、憲祖。今大行皇帝將行升 今先帝神主,請同唐高祖升祔。」從之。 九年,高祖神堯皇帝崩,命有司詳議廟制,議

宗廟之制,歷代爲難,須按禮經,旁求故實,又緣禮貴隨時,損益不定。 漢 天福十二年閏七月,時漢高祖已卽位,尙仍天福之號,太常博士段顒奏議曰:「伏以 今參詳歷代故事,立

從之。 代 請下百官集議。」太子太傅和凝等議:「請據禮官議,立四親廟。」 廟云。 外,必求所謂始祖而祖之。張昭之言,議正而詞偉矣。至漢初,則段顯、靈貞固之徒,曲爲詔附,乃至上祖高、光,以爲六 親 以廢啓洪圖,惟新黃屋。 子可以事六代之義也。』今欲請立高祖已下四親廟。 膩 符往例, 高、曾、祖、禰四廟,更上追遠祖光武皇帝爲始祖百代不遷之廟,居東向之位, 七廟之文; 七 . 多立六廟或四廟,蓋建國之始,未盈七廟之數。 以廟之外,祖功宗德,不拘定數。 ,后稷也。』又云:『天子七廟,皆據周也。 廟,諸侯五廟,大夫三廟。』疏云: 『周制之七廟者, 太祖及文王、武王之祧, 與親廟四。 周 . 案文獻通考:莊宗、明宗旣捨其祖而祖唐之祖矣,及敬瑭、 廣 [順元年正月,中書門下奏:「太常禮院議,合立太廟室數。 又合禮經。」詔尚書省集百官議。 若創業開基,則隋、唐有四廟之議。 左宗廟而右社稷,率由舊章;崇祖禰而辨奪卑,載於前史。 今除四親廟外,更請上追高皇帝、光武皇帝,共立六廟。」 吏部尚書竇貞固等議云:「按禮記汪制云:『天子 有其人則七,無其人則五。』至於光武中興及歷 聖朝請依近禮,追 又按郊祀錄王肅云:『德厚者流澤廣,天 知遠崛起而登帝位, 又自古聖王,祖有功,宗有德,卽於四 一從之。 雖質文互變,義趣各殊,或觀損益之 諡四廟。 若守文繼體,則魏、晉有 **俱欲以華胄自詭,故於四親之** 案五代會要:和凝議日:「恭 伏恐所 共爲 五廟, 議 未同, 庶

志四 禮志上

規,或緊與隆之始。 陛下體元立極, 本義祖仁,開變家成國之基,遵奉先思孝之道, 合據禮官議, 立四 一親廟, 以 小叶前

册。」從之。 **搢珪捧授,册使跪受,轉授舁册官,其進寶授寶儀如册案。臣等參詳,至時請皇帝降階授** 儀,服衮冕卽座(11),太尉引册案入,皇帝降座,引立於御座前南向,中書令奉册案進, 其年四月,中書門下奏:「太常禮院申,七月一日,皇帝御崇元殿,命使奉册四廟。 皇帝 准舊

三年九月,將有事於南郊,議於東京別建太廟。時太常禮院言:「准洛京廟室一十五間,

城野 禮,左宗廟,右社稷,在國城內,請下所司修奉。」從之。 事 分爲四室,東西有夾室,四神門,每方屋一間,各三門,戟二十四(三),別有齋宮神廚屋宇。准 儀 司 一十月, 徒竇 :仗出城掌次(IB),於西御莊東北設神主行廟幄幕,面南。 ,元無禮例,伏請召三省官集議。」勅:「宜令尙書省四品已上、中書門下五品已上同參議。」 其月, 次, 貞固、司空蘇禹珪等議:「按吳主孫休卽位,迎祖父神主於吳郡,入祔太廟,前一 禮儀使 明 太常禮院奏:「迎太廟社稷神主到京,其日未審皇帝親出郊外迎奉否。 日常服奉迎,此其例也。」遂署狀言車駕出城奉迎爲是,請下禮儀使草定儀注。 禮儀使,原本作「禮俊使」,今從近代會要改正。(影庫本粘籤)奏:「太祖神主將至,前一日 其日放朝, 羣臣早出西門, 皇帝 檢討故 日出

俱拜。 卿請 常服出城詣行宮,羣臣起居畢,就次。 班,俟皇帝至起居。 帝謁神主。 下。」從之。 室奠饗,逐室皇帝再拜,羣臣俱拜。 皇帝再拜,羣臣俱拜。 皇帝還幄,羣臣就次,宮闈令安神主於本室訖, 旣至,羣臣再拜,皇帝進酒畢再拜,羣臣俱拜。 俟神主至,羣臣班於廟門外,皇帝立於班前,太常卿請皇帝再 神主就行廟幄幕座,設常饌,羣臣 四室耐饗畢, 神主將至,羣臣班定, 皇帝還宮。 羣臣班於廟庭。 皇帝還幄,羣臣先赴太廟門外立 皇帝立於班前。 班於神幄前。 前件儀注,望付中書門下宣 太常卿請皇帝 侍中就次, 神主至, 拜, 太常 於四 、請皇 羣 臣

卽 修,不唯重勞,兼恐未便。 禮記云"廟成則於中屋刲羊 添間數,即便將夾室重安排六室位次。 及堂殿正面檐栿階道,亦須東省牲立班位四,直至齋宮,漸近迫窄。 合重添修。 司業兼太常博士聶崇義奏議曰:「奉勅,爲大行皇帝山陵有期, 恐雨水猶多,難於陳設。 顯德六年七月,詔以大行皇帝山陵有期, 今詣 爾中相度,若是添修廟殿一 竊見廟殿見虛東西二夾室,況未有祕遷之主,欲請不拆廟殿,更 伏請權於太廟**齋宮內奉安神主**,至修奉畢日,庶爲宜稱。又,按 **封羊,原本作「刈羊」,今據經文改正。(影庫本粘籤)** 所有動移神主,若准舊禮, 間至兩間,並須移動諸神門及角樓宮牆仗舍, 神主將耐太廟, 其廟殿室宇合添修否?國子 神主祔廟, 於殿庭權設行廟幕殿, 。今重拆廟殿,續更添 以釁之,夾室則用雞。 恐殿室間數少,

志

一九〇·

沿今,庶合通禮。 又,大戴禮及通典亦有夾室,祭文觀義,乃是備廟之制。況新主祔廟,諸經有遷易之文,考古 伏請遞遷諸室奉安大行皇帝神主,以符禮意。」 財依典禮。 泳樂大典卷一萬七

校勘記

千五十二。

- (1) 父蠡吾侯 「父」字原無,據後漢書卷七孝桓帝紀、會要卷二補。
- Ξ 段 閉 開 國 承 家 「聞」字原無,據會要卷二、冊府卷五九三補
- 須稟於新規 「新」原作「所」,據會要卷二、冊府卷五九四改。
- 以支庶繫大宗例宜以懿祖爲始祖 「大宗」原作「太宗」,據劉本及會要卷二改。「懿祖」原無「祖」

字,據會要卷二、冊府卷五九四補。

- 二〇世 貞觀九年 「九」原作「元」,據殿本及會要卷二、冊府卷五九四改。
- (公)已上親盡 「上」原作「下」,據會要卷二、冊府卷五九四改。
- (4) 五廟 「廟」字原無,據會要卷二、冊府卷五九四補。
- 無太祖 「無」字原無,據冊府卷五九四、禮記卷一二王制鄭注補。
- (f) 隋文帝父忠 「父忠」二字原無,據册府卷五九四補。

8 速定奪聞奏 「速」原作「連」,據彭校及冊府卷五九四改。

(11) 服衮冕卽座 「衮」原作「兖」,據殿本、劉本及會要卷三改。

 $\stackrel{\frown}{\exists}$ 每方屋一間各三門戟二十四 殿本、劉本同。、會要卷三作「每門屋三間,每門哉二十四」。冊府

卷五九四作「每門屋三間,每間一門,戟二十四」。

口三 儀仗 殿本、劉本同。會要卷三作「禮儀健」。

(四) 亦須東省性立班位 殿本、劉本同、倉要卷三「須」下有「近」字。

舊五代史卷一百四十三

志五

禮志下

宗廟,今太廟見饗高祖、太宗、懿宗、昭宗、獻祖、太祖、莊宗七廟,太祖景皇帝在祧廟之數, 代祖元皇帝、高祖、太宗已下,列聖子孫,各序昭穆,南北相向,合食于前。聖朝中興,重修 年定禮,奉景皇帝爲始封之祖〔〕。旣廟號太祖,百代不遷,每遇禘祫,位居東向之尊,自 以孟冬,五年一給以孟夏。已毁未毁之主,並合食于太祖之廟,逐廟功臣,配饗于太廟之 不列廟饗。將來禘禮,若奉高祖居東向之尊,則禘饗不及于太祖、代祖;若以祧廟太祖居 庭〔1〕。本朝寶應案:原本訛「寶寧」。考新唐書,寶應係代宗年號,無所謂「寶寧」者,今改正。(舊五代史考異)一元 東向之位,則又違于禮意。今所司修奉祧廟神主,及諸色法物已備,合預請參詳,事須具狀 後唐長興元年九月,太常禮院奏:「來年四月孟夏, 禘饗于太廟。 謹按禮經,三年一禘

志五

禮志下

其禮。 庫本粘籤)自元皇帝以下,敍列昭穆。」從之。一萬五。(凡本) 議請奉獻祖居東向之位,景皇帝暫居昭穆之列,考之於貞元,則以爲誤,行之於今日,正得 守,歷代無虧。 命羣臣,同議可否。 興國祚,再議宗祊,以太祖景皇帝在祧廟之數,不列祖宗,欲尊太祖之位,將行東向之儀,爰 爲始封之君,百代不遷,長居廟食,自貞觀至于天祐,無所改更,聖祖 申奏。」動下尙書省集百官詳議。 今欲請每遇禘 於歲,暫奉景皇帝居東向之尊, 今既行定禮之規戶了,又以祧太祖之室。昔德宗朝,將行禘給之禮,顏眞 伏詳本朝列聖之舊典,明皇定禮之新規,開元十年,特立九廟,子孫遵 戶部尚書韓彥惲等奏議曰:「伏以本朝尊受命之祖景皇帝 東向,原本作「東白」,今從五代會要改正。(影 神孫,左昭右穆。 自中 卿

宗朝,博士陸淳議,准禮用祝版,祭已燔之,可其議。貞元六年親祭,又用竹册,當 禮,並用祝 魏、晉郊 周廣順三年多十月,禮儀使奏:「郊廟祝文,禮例云: 古者文字皆書于册,而有長短之 版。 廟祝文書于册。唐初悉用祝版,惟陵廟用玉册,玄宗親祭郊廟,用玉爲册。德 梁朝依禮行之,至明宗郊天,又用竹册。 今詳酌禮例,祝版爲宜。」從之。 司准開元

祇 以黄琮,祀五帝以珪璋琥璜琮,其玉各依本方正色,祀日月以珪璋,祀神州以兩珪有邸。 周 廣順三年九月,南郊,禮儀使奏〔四〕:「郊祀所用珪璧制度,准禮,祀上帝以蒼璧,祀地

琥爲 今郊 帝各從本方之色,皆長一丈八尺。 有邸,原本作「有郗」,今從經文改正。(影庫本粘籤)其用幣,天以蒼色,地以黃色,配帝以白色,日月五 也至。 祀 廟所修珪 虎形,半璧日璜,其珪璧琮璜皆長一尺二寸四。 神以玉,取其精潔,比來用珉,不可行也。 日月星辰以珪璧五寸,前件珪璧雖有圖樣,而長短之說或殊。 | 壁,量玉大小,不必皆從古制,伏請下所司修制。 」從之。 其珪璧之狀, 璧圓而琮八方, 珪上銳而下方, 半珪曰璋, 如或以玉難辦,寧小其制度,以取其眞。』 珪有邸, 邸, 本也, 按唐開元中,玄宗韶 珪著于壁而整肅

本粘籤) 內圓 九寸, 尺寸之數。 諸書所說,云:「**壓皆外圓內方。」又云:「璜琮所以祀地,其長十寸**, 恩三禮義宗云:「蒼璧所以祀天,其長十有二寸,蓋法天之十二時。」又引江都集、白虎通等 九 厚一寸。 月月 周禮玉人職又有 八 謂之璧,好倍肉謂之瑗,肉好若一謂之環。」郭璞注云:「好,孔 寸, 德 角 四年夏四月, 而 則其璧九寸明矣。 崇義又引冬官玉人云「璧好三寸」,爾雅云「肉倍好謂之璧」, 有好。」 按周禮疏及阮氏圖並無好。」又引冬官玉人云於:「琮八角而無好。」崇義又 國子博士聶從義以爲璧內外皆圓,其徑九寸。 九寸之壁。 禮官博士等准 崇義又云:「璜琮八方以象地, 及引 韶,議祭器、祭玉制度以聞。 爾雅云:「肉倍好 倍好, 每角各剡出一寸六分, 原本作「部好」,今從經文改正。(影庫 以法地之數。 時國子祭酒尹拙引崔靈 又按阮氏、鄭玄圖皆云 也; 兩邊 肉,邊也。」而不 肉 各三寸,通 其踪外方 共長八 載

志

文,其理稍優,請從之。其諸祭器制度,亦多以崇義所議爲定。 則璜琮八角而無好明矣。」太常卿田敏以下議,以爲尹拙所說雖有所據,而崇義援周禮正 云:「琮璜珪璧, 俱是祀天地之器, 而爾雅唯言璧環瑗三者有好, 其餘璜琮諸器, 並不言之,

牢,恐未爲便。以臣愚見,其南北郊、宗廟社稷、朝日夕月等大祠,如皇帝親行事,備三牲, 細,籩豆之方圓,苟血祀長保于宗祧,而牲俎何須于繭栗。但以國之大事,儒者久行,易以佗 之德則然,於奉先之儀太劣。蓋禮主于信,孝本因心,黍稷非馨,鬼神饗德,不必牲牢之巨 經朝代,無所改更。臣聞古者燔黍捭豚,尙多質略,近則梁武麪牲竹脯,不可宗師,雖好生 祭,多用太牢,念其耕稼之勞,更備犧牲之用,比諸豢養,特可愍傷,令臣等討故事,可以佗 如有司攝行事,則用少牢已下。雖非舊典,貴減牲牛。」是時太常卿田敏又奏云: 顯德二年秋八月,兵部尚書張昭上言:「今月十二日,伏蒙宸慈召對,面奉聖旨,每年祀 臣仰禀綸言,退尋禮籍,其三牲八簋之制,五禮六樂之文,著在典彝,迭相沿襲,累

武德九年十月詔:「祭祀之意,本以爲民,窮民事神,有乖正直,殺牛不如礿祭,明德即 特牲代。時和年豐,然後克修常禮。」又按會要天寶六載正月十三日赦文:「祭祀之典, 是馨香,望古推今,民神一揆。,其祭圜丘、方澤、宗廟已外,並可止用少牢,用少牢者用 臣奉聖旨爲祠祭用犢事〔+〕。今太僕寺供犢,一年四季都用犢二十二頭。 唐會要 志五 禮志下

行事,則依常式。」

餘祭則不養滌宮。若臨時買牛,恐非典故。 孳課之事。 乞今後太僕寺養孳課牛, 其犢遇祭昊天前三月養之滌宮, 取其蕩滌淸潔, 則過其大半。案會要,太僕寺有牧監,牧監,原本作「特監」,今從五代會要改正。(影庫本粘籤)掌 天上帝、太廟,又無方澤,則九頭矣。今國家用牛,比開元、天寶則不多,比武德、上元 郊祀爲先,貴其至誠,不美多品。黍稷雖設,獨或非馨,牲牢空多,未爲能饗。 頭;據武德九年,每年用犢十頭,圜丘四〔4〕,方澤一,宗廟五;據上元二年起請祇昊 上帝、太廟各太牢一,餘祭並隨事市供。」若據天寶六載,自二百一十二頭減用三十九 方澤,任依恆式,宗廟諸祠,臨時獻熟,用懷明德之馨,庶合西鄰之祭。 頭公,止用三十九頭,餘祠饗並停用犢。」至上元二年九月二十一日赦文:「國之大事, 減其數, **犧牲所備,將有達於虔誠,蓋不資於廣殺。** 仍永爲恆式。其年起請以舊料每年用犢二百一十二頭,今請減一百七十三 自今後每大祭祀,應用騂犢,宜令所司量 其年起請昊天 圜丘、

數,具載典經。前代以來,或有增損,宜採酌中之禮,且從貴少之文。起今後祭圜丘、方澤、 社稷,並依舊用犢;其太廟及諸祠,宜准上元二年九月二十一日制,並不用犢。如皇帝親 奉敕:「祭祀尙誠,祝史貴信,非誠與信,何以事神! 的祭重於殺牛,黍稷輕於明德,犧牲之

唐書改正。(影庫本粘籤) 爲舊規,慮成闕禮。 事。」從之。 吏部 後唐 申奏,請差中書門下攝太尉行事,其太廟及諸郊壇,並吏部差三品已上攝太尉 同光二年三月十日,祠部奏"「本朝舊儀,太微宮每年五薦獻, 至其年七月,中書門下奏:「據尙書祠部狀,每年太微宮 太微,原本作「太衞」,今從新 五薦獻,南郊壇四祠祭,並宰相攝太尉行事,惟太廟時祭,獨遣庶僚, 臣等商量,今後太廟祠祭,亦望差宰臣行事。」從之。 其南 郊壇每 年四祠

制也。 簡 園 太后 [陵已畢,祥 三年十一月,禮儀使奏:「伏准禮經,喪三年不祭,惟祭天地社稷爲越紼行事(10), 升祔禮畢,應宗廟伎樂及羣祀二,並准舊施行。」從之。 爰自 1漢文, 練旣除,宗廟不可以乏享,神祇不可以廢祀,宜遵禮意,式展孝思。 益尊神器,務狗公絕私之義,行以日易月之制,事久相沿,禮從順變。 伏請自貞 此古

則 委 太祝 成 四年 、奉禮。 九月, 今後凡 太常寺奏:「伏見 小洞 (III),請差五品官行事。」從之。 大祠 、則差宰臣行事(11D),中祠則差諸寺卿監行事,小祠

以 奉 其 年 :事,精; 十月,中書門下 誠齋宿,儻徧 奏:「太微宮、太廟、 見于朝官,涉不虔於祠祭公邑。 南郊壇,宰臣行 事宿齋,百官皆預人事日內。 今後宰臣行事,文武兩班,望令 伏

並

不得到宿齋處者。」奉勅宜依

應行事官受誓戒,並不赴行香,並不奏覆刑殺公事。及大祠致齋內,請不開宴。」從之。 其年十二月,中書門下奏"「今後宰臣致齋內,請不押班,不知印,不起居。 或遇國忌,

不視朝。 長興二年五月,尚書左丞崔居儉奏:「大祠、中祠差官行事公,皇帝雖不預祭,其日亦 伏見車駕其日或出,于理不便。今後請每遇大祠、中祠 (lt),車駕不出。」從之。

便行事,今後請依舊以卯時。」從之。 正。(簷五代史考異)幘子。又,臣檢禮閣新儀,太微宮使卯時行事。近年依諸郊廟例,五更初 今後中祠已上,公卿請具祭服,執事升壇人並着履〔云,具緋衣案:原本作「絳衣」,今據江代會要改 宮具祭服,五郊迎氣、日月諸祠、並祇常服行事,兼本司執事人等,皆著隨事衣裝,狼藉鞋履, 便隨公卿升降于壇墠。按祠部令,中祠以上,應齋郎等升壇行事者,並給潔服,事畢收納。 四年二月,太常博士路航奏:「比來小祠已上,公卿皆著祭服行事。 近日唯郊廟、太微

忌日屬私,齋日請比大朝會宣召例,差李愚行事。」從之。永樂大典卷一萬七千五十二。(孔本) 事煩,請冤祀事。今與禮官參酌,諸私忌日,遇大朝會,入閣宣召,尚赴朝參。今祔饗事大, 廟,太尉合差宰臣攝行。緣馮道在假;字愚十八日私忌,在致齋內,今劉昫又奏見判三司 清泰元年五月,中書門下奏:「據太常禮院申,明宗聖德和武欽孝皇帝今月二十日祔

闕, 留司 開 吏部 運 三年六月,西京留司監祭使奏:「以祠祭所定行事官, 郎中一人主判,有闕便依次第定名,庶無闕事。」從之。 臨日 或遇疾病, 永樂大典卷一萬七千五 或 奉韶赴

二。(孔本)

座前, 景宗皇帝,頃負沈冤,歲月深遠,園陵已修, 禮經,臣不誄君, 依禮院所 皇帝廟于園所, 臣已成,晉之惠、懷、愍,俱負艱難,皆不列廟食, 申冤,追尊定諡,重新帝號,須撰禮儀。 集三省官詳 天成三年十一月,太常定唐少帝爲昭宣光烈孝皇帝,廟號景宗。 並在七月之內,諡册入陵。 議施行。」右散騎常侍 奉勅:宜令本州城內選地起 命使奉册書寶綬,上諡 一稱天 、以諡之,是以 蕭 本朝故事, 若追尊定諡, 希甫 于 又,禮云:君 廟,便奉太牢祀之,其四時委守奉薦。 廟。 希甫,原本作「希溥」,今從歐陽史改正。(影庫本粘籤) 不耐 命太尉率百僚奉諡册告天于圜 乃于曹州 于廟, 止 命太尉讀諡册于太廟,藏 祀於園寢。 不逾年不入宗廟。 則景宗皇帝親在七廟之外。今聖朝 立 廟 臣等切詳故實, 博士呂朋龜奏:「謹按 且漢之殤、沖、質,君 册 于本廟。 丘, 欲請· 請下 迴讀于 立景宗 尙 等議 書省 伏

生曾爲帝,饗乃承祧,既號景宗,合入宗廟,如不入宗廟, 几 年 五月, 中書 門下 奏:「先據太常 寺定少帝諡 昭宣 光烈孝 難以言宗。 皇帝,號景宗 於理而論, 者。 祧一遠廟, 伏以景宗

皇帝。 安少帝神主于太廟,即昭穆序而宗祀正。 著而可遵 聖之諱,今改『基』爲『宗』字。」從之。案五代會要:風俗通陳孔璋云:尊卑有敍,喪祭哀敬,各有攸終,欲令言 ,事施而不犯。 爺册文內有『基』字,是<u>玄宗</u>廟諱,雖尋常詔勅皆不迴避,少帝是繼世之孫,不欲斥列 禮云:「卒哭之後,宰執木鐸狗于宮,曰捨故而諱新。」故,謂毀廟之主也,恩遠屬絕,名不可諱。 今或且居別廟,即請不言景宗,但云昭宣光烈孝

今昭宣

上去玄宗十四世,奏改册文,非典故也

是志 嬰,光武竟無追宗之典。設如自我作古,酌于人情,則謂之爲「景宣光烈」,深不稱也。 閔、懷,但尊稱而無廟號;前代亡國者周赧、漢獻、魏陳留,亦不稱宗; 前導,入都亭驛江西,翌日,登車赴曹州。 既奏,下尙書省集議,雖有智者,依違不言。至是,旣立爲景宗,陵號温陵,乃於曹州置廟, 宗皇帝以隔代承運,皇綱復振故也。今輝王亡國墜業,謂之「宣景」,得無謬 周景、漢景、周宣、漢宣,皆中興再造之主。 賊臣,君父銜寃,母后塗炭,遭罹放逐,鼎祚覆亡,追諡易名,當循故實。 定諡册廟月日俱不符。(舊五代史考異) 夫言宗者,功業纂于祖禰,德澤被于生民,發號申令可也。 八月戊申,明宗服衮冕,御文明殿,追册昭宣光烈孝皇帝。 禮畢,册使兵部尚書盧質押册出應天門登車,鹵 時議者以追尊則可,立之爲宗,不入太廟,深爲失 至如國朝,太祖日景皇帝, 案: 歐陽史作四年五月乙酉追諡,與 且輝王纂嗣之日,國命出于 以受命而 中興之追諡者孺子 如漢之沖、質,晉之 乎 有唐室, 先是,太常 簿鼓 古之 吹

臣

知

其非,乃奏去廟號。

曹州, 原本作「趙州」,今據五代會要改正。(影庫本粘籤) 以時告享, 仍以本州刺史以下爲三獻官。

者必 明宗 莊宗 明宗、 垂光大之業,逮乎閔帝,實繼本枝,然則丕緒洪源,皆尊唐室。 晉 天 |福四年十一月,太常禮院奏: 閔帝三廟,庶合前規。 韶曰:「德莫盛于繼絕,禮莫重于奉先。莊宗立興復之功, 議立唐廟,引武德年故事,祀隋三帝。 繼周 者須崇后稷,嗣漢 今請立近朝

督之。 皇帝 石 「爲埳, 奉高皇 其月,太常禮院 羊一豕,如其中祠,幣帛牲牢之類,光祿主之。 凡六主气, 莊宗 五 中容二主。 一帝五 別宗 一,將啓嚴祠,當崇茂典。 后,凡十主,未遷者六, 二后及魯 在清化里之寢宮,祭前二 廟之南一屋三門,門戟二 又奏:「唐廟制度,請以至德宮正殿隔爲五 或 孔夫人神主四座, 宜立 未立 唐高祖、太宗及莊宗、明宗、 一者四, 日 十有四; 請修制祔廟, 以殿 未諡者三。 中 祠祝之文,不進不 繖 東西一 扇 三 十, 及三后請定諡法。」從之。 高祖 |室,三分之, 南去地 屋 迎置 Ciel 太宗 門,門無棨戟。 閔帝五廟。」 署, 新 廟 神廚之具, 與其后暨莊宗 以 享 祀 四尺, 四 仲之 鴻臚 |閔

萬七千五十二。(孔本)

院、祭服、祭器、饌料,皆依中祠例〔三〕,用少牢,光祿等寺給,其讀文太祝及奉禮郎,太常寺 今漢七廟,未審總移,爲復祇移五廟。勅宜准前勅, 每仲饗,以漢宗子爲三獻。」從之。 周廣順元年二月,太常禮院上言:「准勅,遷漢廟入昇平宮。其唐、晉兩朝,皆止五廟遷 永樂大典卷一萬七千五十二。(孔本) 並移于昇平宮。 其法物、神廚、齋

校勘記

- (二)太廟 原作「本朝」,據彭校及冊府卷五九三改。 殿本、劉本及會要卷三作「本廟」。
- (三) 奉景皇帝爲始封之祖 「景皇帝」下原有「高祖太宗」四字,據彭校及會要卷三、 删府卷五九三

- (三) 今旣行定禮之規 殿本、劉本同。會要卷三、冊府卷五九三「定禮」作「七廟」。
- 禮儀使奏 「奏」原作「奉」,據殿本、劉本及會要卷三、冊府卷五九四改。
- ご送し 珪著于壁而整肅也 「叉」原作「人」,據殿本、劉本及愈要卷三、冊府卷五九四改。 殿本、劉本同。彭校及會要卷三、冊府卷五九四「整肅」作「四出」。
- (十) 爲而祭用犢事 「祠」字原無,據會要卷三、冊府卷五九四補。

£

叉引冬官玉人云

3 一百七十三頭 原作「一百六十三頭」,據殿本、劉本及會要卷三改。

五 校 勘 記

虚

(先) 圜丘 四 「四」字原無,據會要卷三補。

음 惟祭天地社稷 「惟祭」二字原無,據冊府卷五九三補。

宗廟伎樂 「伎」原作「使」,據繪要卷四改。 殿本、劉本作「儀」。

 $\stackrel{\sim}{=}$ 大祠 原作「大祀」,據殿本及會要卷四、冊府卷五九三改。

小祠 原作「小事」,據殿本及食要卷四、殘宋本冊府卷五九三改。

吕

皆預人事 彭本、盧本同。殿本、劉本作「皆入白事」。

呈 涉不虔於祠祭 「虔」原作「處」,據殿本、劉本及冊府卷五九三改。

습 崔居儉奏大祠中祠差官行事 「居」「中祠」三字原無,據會要卷四補。

글 大祠 中祠 原作「大祀、中祀」,據殿本及會要卷四改。

증 執事 升壇人並着履 「履」字原無,據全要卷四、殘宋本冊府卷五九三補。

完整 都亭驛 「亭」原作「停」,據殿本、本書卷七九晉高祖紀 改。

(9) 高 祖 原作「高宗」,據殿本及會要卷三、冊府卷五九四改。

 \equiv 凡六 主 原作「凡主」,據會要卷三、冊府卷五 九四補「六」字。 殿本作「其主」。

以享 禮。 祀 影庫本批校云:「享禮之『禮』字,當是『祀』字之訛。」 殿 本同。 彭本、 劉本作「以享禮」, 冊府 卷五 九四作「以行饗禮」, 會要卷三作「以行享

原作「中神」,據殿本、劉本及抄本會要卷三改。按影庫本粘籤云:「中神,原本作『平神』,

(言) 中祠

今據五代會要改正。」今查沈校本、殿本會要作「中祀」,抄本會要作「中祠」。 粘籤所云,疑有誤。

一九二

舊五代史卷 一百四十四

志六

樂志上

制作。 奄登大寶,思迪前規,爰詔有司,重興二舞。旋屬烽火爲亂,明法罔修口, 漢祚幾何, 施,而宮商孰辨?遂使磬襄、鼗武,入河、漢而不歸;楊濩、舜韶,混陵谷而俱失。 部鄭聲而已,先王雅樂,殆將泯絕。 季之亂,咸、鎬爲墟;梁運雖興,英、莖掃地。莊宗起於朔野,經始霸圖,其所存者,不過邊 事竇嚴參詳其制,又命樞密使王朴考正其聲。 奏,見鐘磬之類,有設而不擊者,訊於工師,皆不能對。 古之王者,理定制禮,功成作樂,所以昭事天地,統和人神,歷代已來,舊章斯在。 周顯德五年冬,將立歲仗,有司以崇牙樹羽,宿設於殿庭。 當同光、天成之際,或有事淸廟,或祈祀泰壇,雖奠篪猶 朴乃用古累黍之法,以審其度,造成律準,其 世宗惻然,乃命翰林學士、判太常寺 世宗因親臨樂歷,試其聲 泊晉高 洎唐 無暇 加

志六

亦備紀於後,以志五代雅樂沿革之由焉。

狀如琴而巨,凡設十三弦以定六律、六呂旋相爲宮之義。 世宗善之,中命百官議而行之。今

梁開平初,太祖受禪,始建宗廟,凡四室,每室有登歌、酌獻之舞:

肅祖宣元皇帝室日大合之舞。

敬祖光憲皇帝室日象功之舞。

憲祖昭武皇帝室日來儀之舞。

烈祖文穆皇帝室日昭德之舞台。 昭德,原本作「曉往」,今據五代會要改正。(影庫本粘籤)

登歌樂章各一首。案五代會要云:太常少卿楊煥撰。(舊五代吹考異)

二年春,梁祖將議郊禮,有司撰進樂名、舞名:

樂日慶和之樂。

舞日崇德之舞。 崇德,原本作「崇釋」,今據五代會要改正。(影庫本粘籤)

皇帝行奏慶順。

奠玉帛登歌奏慶平。

迎俎奏慶肅。

的獻奏慶熙。

飲福酒奏慶隆。

送文舞迎武舞奏慶融。

亞獻奏慶和。

終獻奏慶休。

樂章各一首。

太廟迎神,舞名開平。

皇帝行、盥手、登歌、飮福酒、徹豆、送神,皆奏樂。 奏樂, 原本脫「奏」字,今從文獻通考增入。(影庫本

粘籤)

樂章各一首。

唐莊宗光聖神閔孝皇帝廟室酌獻,舞武成之舞。 原本脫「成」字,今據近代會要增入。(舊五代史考異)

明宗聖德和武欽孝皇帝廟室酌獻,舞雅熙之舞。

登歌樂章一首。 案近代會要云:尚書兵部侍郎崔君儉撰。(舊五代史考異)

登歌樂章一首。 案五代會要云:太常卿盧文紀撰。(舊五代史考異)

志六 樂志上

晉高祖聖文章武明德孝皇帝廟室酌獻,舞咸和之舞。

登歌樂章一首。 案五代會要云:太子賓客、判太常寺事趙光輔撰。(舊五代史考異)

漢文祖明元皇帝廟室酌獻,舞靈長之舞。

德祖恭僖皇帝廟室酌獻,舞積善之舞。

翼祖昭獻皇帝廟室酌獻,舞顯仁之舞。

顯祖章聖皇帝廟室酌獻,舞章慶之舞。

登歌樂章各一首。 案五代會要云:太常卿張昭撰。(舊五代史考異)

高祖睿文聖武昭肅孝皇帝廟室酌獻, 酌獻,原本脫「戲」字,今從五代會要增入。(影庫本粘籤) 舞觀德

之舞。

登歌樂章一首。

周信祖睿和皇帝廟室酌獻,舞肅雍之舞。

僖祖明憲皇帝廟室酌獻(三),舞章德之舞。

義祖翼順皇帝廟室酌獻,舞善慶之舞。

慶祖章肅皇帝廟室酌獻,舞觀成之舞

登歌樂章各一首。

太祖聖神恭肅文武孝皇帝廟室酌獻, 舞明德之舞。 明德,原本脫「明」字,今從五代會要增入。(影庫本

粘籤)

世宗睿武孝文皇帝廟室酌獻,舞定功之舞。

登歌樂章各一首。 案五代會要云:太祖廟室樂章,太常卿田敏撰。 世宗廟室樂章,翰林學士、 判太常寺事

寶儼撰。(舊五代史考異)

樂章詞多不錄。

右樂章

晉天福四年十二月,禮官奏:「來歲正旦,王公上壽,皇帝舉酒,請奏玄同之樂,再舉

酒,奏文同之樂。」從之。

五年,始議重興二舞,詔曰:「正多二節,朝會舊儀,廢於離亂之時,興自和平之代。 將

期備 常卿崔 部 其年秋,悦等具述制度上奏云: 侍 物,全繫用心; 郞 張允與太常寺官一一 . 稅、御史中丞竇貞固、刑部侍郎呂琦、 須議 擇人, 一詳定。 同爲定制。 禮從新意,道在舊章,庶知治世之和,漸見移風之善。」 其正多朝會禮節、樂章、二舞行列等事宜, 呂琦,原本作「呂嶇」,今從歐陽史改正。(影庫本粘籤)

容。 蹈 「安上治人,莫善於禮; | 厲以見其意,聲容和合〔B〕,則大樂備矣。 聲應乎耳,可以聽 按禮云:「天子以德爲車,以樂爲御。」「大樂與天地同和,大禮與天地同節。」又曰: 知; 移 風易俗,莫善於樂。」故樂書議舞云:夫樂 容藏於心, 難以 貌 覩。 故聖人假干戚羽旄以表其容, 在耳日 聲, 在 目

梁置鼓 鼓吹。 享會則設於懸外。 叉 吹清商令二人。 崔豹古今注云:因張騫使西域,得摩訶兜勒 此乃是設二舞及鼓吹十二按之由 唐又有堈鼓、金鉦、大鼓、長鳴、歌簫、笳、笛,合爲鼓吹十二按, 曲, 也。 李延年增之, 分爲二十八曲。

一章籥, 今議 伊耆氏之樂也。」周禮有「籥師教國子」。 從令式,排列教習。 歷代已來,文舞所用,凡用籥六十有四。 文舞郞六十四人,分爲八佾,每佾八人。 爾雅曰:籥如笛,三孔 右手執翟,周禮所謂羽舞也。 而 左手執籥。 短 大者七

志

<u>伏會要改正。(影庫本粘籤)一,歌二人,簫二人,笳二人。十二桉,樂工百有八人,舞郞一百</u> 今請制大牀十二,牀容九人,振作歌樂,其牀爲熊羆貙豹騰倚之狀以承之,象百獸率舞 皮履,白練襤襠,白布襪。 三十有二人,取年十五已上,弱冠已下,容止端正者。 之意。分置於建鼓之外,各三桉,每桉羽葆鼓一,大鼓一,金錞 殿庭仍加鼓吹十二按。義鏡云:常設氊按白,以氊爲床也。 其歌曲名號、 金錞,原本作「金卸」一今從五 樂章詞句, 中書條

避役之人,又無老師良工教習。 壽,天子舉爵, 戚,執旌引者二人。 八佾六十有四人,服平巾幘,緋絲布大袖繡襠,甲金飾,白練葢 舞郎八佾六十有四人,冠進賢,黄紗袍,白中單,白練襠襠,白布大口袴,革帶履;左執籥,右秉翟, 史中丞寶貞固、刑部侍郎呂琦、禮部侍郎張允等草定之。其年冬至,高祖會朝崇元殿,廷設宮懸,二舞在北,登歌在上。文 從之。案歐陽史崔稅傳:高祖韶太常復文武二舞,詳定正冬朝會禮及樂章。 奏,差官修撰。 然禮樂廢久,而制作簡穩,又繼以龜茲部霓裳法曲, 奏玄同;二舉,登歌奏文同;舉食,文舞昭德,武舞成功之曲。 開運二年,太常少卿陶穀奏廢二舞。 加鼓吹十二桉,負以熊豹,以象百獸率舞。 明年正旦,復奏于廷,而登歌發聲,悲離煩慝,如薤露、虞殯之音,舞者行列進退, 桉設羽葆鼓一,大鼓一,金錞一, 參亂雅音。 ,錦騰蛇起梁帶,豹文大口袴, 自唐末之亂,禮樂制度亡失已久,悅與御 其樂工舞郞, 禮畢,高祖大悅, 多教坊伶人、百 歌簫、笳各二人。 賜悅 執纛引者二人。 鳥皮靴, 金帛, 左執干, I 羣臣 一商賈、 王公上 武舞 皆不應 左右 州縣 右執 郎 覩

節,聞者皆悲憤。

漢高祖受命之年,秋九月,權太常卿張昭上疏,奏改一代樂名,其略曰:

(武也。 舞,請改爲振德之舞。貞觀中二舞名,文舞功成慶善樂品,前朝名九功舞,請改爲觀 **注樂二舞,樂府又用爲二舞,是舞有四焉。前朝行用年深,不可遽廢,俟國家偃伯靈** 時,祖孝孫改隋文舞爲治康之舞,武舞爲凱安之舞。貞觀中,有秦王破陣樂、功成慶 舞,請依舊郊廟行用,以文舞降神,武舞送神。其觀象、講功二舞,請依舊宴會行用。 之舞,治康,原本作「治廣」,今從五代會要改正。(影庫本粘籤) 請改爲治安之舞,武舞日凱安之 臺口門,即別召工師,更其節奏,今改其名,具書如左:祖孝孫所定二舞名,文舞日治康 舞:文舞,韶也;武舞,武也。漢時改爲文始、五行之舞,歷代因而不改。」真觀作樂之 線之舞;武舞秦王破陣樂 Go,前朝名爲七德舞,請改爲講功之舞。其治安、振德二 昔周公相成王,制禮作樂,殿庭徧奏六代舞,所謂雲門、大威、大韶、大夏、大濩、大 周室旣衰,王綱不振,諸樂多廢,唯大韶、大武二曲存焉。秦、漢以來,名爲二

又請改十二和樂云:

夏、皇夏等是也。梁武帝善音樂,改九夏爲十二雅,前朝祖孝孫改雅爲和。示不相沿 昔周朝奏六代之樂,卽今二舞之類是也。其賓祭常用Cto,別有九夏之樂,卽肆

樂志上

(種)(成) 也。 享、酌獻、讀祝文及飮福、受胙奏壽和,請改爲壽成。 正。(影庫本粘籤) 王公出入奏舒和,請改爲弼成,皇帝食舉及飮宴奏休和,請改爲德成 奏肅和,請改爲肅成,皇帝臨軒奏太和,請改爲政成,政成,原本作「征成」,今從文獻通秀改 日、冬至皇帝禮會,登歌奏昭和,請改爲慶成;郊廟俎入奏獲和,請改爲縣成;皇帝祭 皇帝受朝、皇后入宫奏正和,請改爲扆成;皇太子軒懸出入奏承和,請改爲胤成; 臣今改和爲成,取韶樂九成之義也。 祭地祇奏順和,請改爲順成,祭宗廟奏永和,請改爲裕成,祭天地、宗廟,登歌 十二成樂曲名:祭天神奏豫和之樂,請改爲

和行為,請廢,同用順成。 故,梁置十二雅,蓋取十二天之成數,契八音十二律之變,輒益三和,有乖稽古。 祠祭所用,不可盡去,臣取其一焉,祭孔宣父、齊太公廟降神奏宣和, 祖孝孫元定十二和曲,開元朝又奏三和,遂有十五和之名。 三公升殿、會訖下階履行奏滅和,請廢, 同用弼成; 享先農、 凡制作禮法。動依典 請改為師雅之 耕籍田奏豐 又緣

已上四舞、十二成、雅樂等曲,今具錄合用處所及樂章首數,一一條列在下。

其歌詞文多不錄。

(1) 明法罔修 「明」上原有「聲」字,據殿本、劉本刪。

3 烈祖 文穆皇帝 「文穆」原作「文祖」,據殿本及會要卷七、冊府卷五七〇改。

3 僖祖 原作「僖宗」,據殿本及會要卷七、冊府卷五七〇改。

[1] 聲容和合 「容」字原無,據殿本及會要卷六補。

至 服 黄 紗袍白紗中單 「袍白紗」三字原無,據繪要卷六、冊府卷五七〇補。

干楯也 「也」字原無,據會要卷六、冊府卷五七〇補。

(子) 取其武象 「其」字原無,據繪要卷六、冊府卷五七○補。

元 戚斧也 「戚」字原無,據會要卷六、冊府卷五七〇補。

へたし 若椎 原作「若權」,據劉本、抄本會要卷六、冊府卷五七〇改。 沈校本會要作「若確頭」。

(10) 以止 鼓 「止」原作「上」,據殿本、劉本及會要卷六、冊府卷五七〇改。

 $\stackrel{\triangle}{=}$ 大二 常設氊核 尺圍 「常」原作「帝」,據會要卷六改。 殿本、劉本同。 會要卷六、冊府卷五七○無「尺」字。

二三 白 練 獈 歐陽史卷五 五崔梲傳、舊五代史考異同。 殿本、劉本及本卷正文「饚」下有「襠」字。

偃伯 靈 臺 原作「偃武於靈臺」,據殿本、殘宋本冊府卷五七〇改。 明本冊府作「偃息靈臺」。 影

杰

大

校

勘

記

庫本批校云:「偃武于靈臺句,原本作『偃伯靈臺』,是;誤改作『偃武』,非。」

물 文舞功成慶善樂 「舞」原作「武」,據殿本及會要卷七、冊府卷五七〇改。

武舞秦王破陣樂 「武舞」二字原無,據冊府卷五七〇補。

CHU 其賓祭常用 「賓」原作「兵」,據殿本、劉本及會要卷七、殘宋本冊府卷五七〇改。

문 請改爲師雅之樂 「改」字原無,據會要卷七、冊府卷五七〇補。

GD 享先農耕籍田 「田」字原無,據會要卷七補。

舊五代史卷一百四十五

志七

樂志下

請改為康順之樂;皇帝受朝、皇后入宮奏扆成,請改為雍順之樂;皇太子軒懸出入奏胤 帝臨軒奏政成,請改爲治順之樂;王公出入奏弼成,請改爲忠順之樂;皇帝食舉奏德成, 樂,祭宗廟奏裕成,請改爲肅順之樂,祭天地、宗廟,登歌奏肅成,今請改爲感順之樂,皇 改爲順。十二順樂曲名:祭天神奏禋成,請改爲昭順之樂,祭地祇奏順成,請改爲寧順之 . 崇德之舞,講功爲象成之舞。 像城,原本作「相成」,今據五代會要改正。(影庫本粘籤)又議改十二成,今 德爲善勝之舞。前朝改貞觀中二舞名,文舞日觀象之舞,武舞日講功之舞,今請改觀象爲 改祖孝孫所定二舞名口,文舞日治安之舞,武舞日振德之舞,今請改治安爲政和之舞,振 周廣順元年,太祖初卽大位,惟新庶政,時太常卿邊蔚上疏請改舞名,其略云:「前朝

志七

樂志下

一九三五

(成) 請 {/成 舊管四十人,亦量 十二順之曲。 讀祝及飲 十人,內三十八人宜抽教坊貼部樂官兼充〔四〕,餘二十二人宜令本寺照名充塡。 詞文多不 履行同用 |管旋宮之義,祖孝孫改爲十二和。開元中,乃益三和,前朝去二和,改一雅。 請 改爲腫順之樂; 政爲温順之樂,元日、冬至皇帝禮會,登歌奏慶成,請改爲禮順之樂,郊廟俎入奏騤 載 弼成(三), 福、受胙奏壽成, 添請。 案五代會要: 祭孔宣父、 請同用忠順之樂; 邊蔚請添召樂師, 齊太公廟降神奏師雅, 請改爲福順之樂。 令在寺習樂。 享先農及 梁武帝改九夏爲十二雅, 籍田 勅太常寺見管兩京雅樂節級樂工共四十人外,更添六 請同用禮順之樂,三公升殿、 同用順成, 仍令三司定支春冬衣糧,月報聞奏。 請同用寧順之樂〔三〕。」 以協 皇帝祭享、酌獻、 陽律、陰呂、十 今去雅,只用 會訖 下階 曲 其

顯德元 年 即位,有司上太祖 廟室 酌獻,奏明德之舞

聖朝, 無 源,其一曰:「請依唐會要所分門類,上自五帝,迄于 有 闕 依文教習,務在齊肅。」 詔曰:「竇儼所上封章, 五 凡樂章沿革 漏,名之日 年六月,命中書舍 大周 ,總次編 通禮,俾禮院掌之。」其二曰至:「伏請命博通之士, 人竇嚴參詳太常雅樂。 録,繫於歷代樂錄之後, 永爲 聖朝, 備陳政要,舉當今之急務,疾近世之因 月,翰林學士竇嚴上 定式, 凡所施爲, 名之日大周 悉命 編 疏 上 正 次, 論 自 禮樂刑 五. 凡 俾樂 關 禮樂, 迄於 寺

於內外職官前資前名中,選擇文學之士,同共編集,具名以聞。委圖總領其事。所須紙筆, 循,器識可嘉,辭理甚當,故能立事,無愧蒞官。所請編集大周通禮、大周正樂,宜依。

六年春正月,樞密使王朴奉詔詳定雅樂十二律旋相爲宮之法, 幷造律準, 上之。 其奏

疏略曰:

下有司供給。」

故也。 之器,方無啞者。安、史之亂,京都爲墟,器之與工,十不存一,所用歌奏,漸多紕繆。逮 文獻通考改正。(舊五代史秀異) 興之〔七〕,人亡而音息〔5〕,無嗣續之者。 漢至隋垂十代,凡數 率由斯道,自秦而下,旋宮聲廢。 洎東漢雖有大予丞鮑鄴 案:原本訛「鮑節」,今據五狀會要及 曰十二律。旋迭爲均,均有七調,合八十四調,播之於八音,著之於歌頌。宗周而上, 聲也。三分其一以損益之,相生之聲也。十二變而復黃鍾,聲之總數也(云)。乃命之 者,成數也,是以黃帝吹九寸之管,得黃鍾之聲,爲樂之端也。半之,清聲也。倍之,緩 乎|黃巢之餘,工器都盡,購募不獲,文記亦亡,集官詳酌,終不知其制度。 百年,所存者黃鍾之宮一調而已。十二律中,唯用七聲,其餘五律,謂之啞鐘,蓋不用 夫樂作於人心,成聲於物,聲氣旣和,反感於人心者也。所假之物,大小有數。 九 唐太宗復古道,乃用祖孝孫、張文收考正雅樂,而旋宮八十四調復見於時,在懸 時有太常博

志

是乎泯絕,樂之缺壞,無甚於今。 磬徒懸 享國不遠,未暇及於禮樂。以至於十二鎛鍾(10),不問聲律宮商,但循環而擊,編鍾、編 磬,今之在懸者是也。 一般盈 而已。 (元),按周官考工記之文,鑄鎛鍾十二,編鍾二百四十。 絲、竹、匏、土,僅有七聲,作黃鍾之宮一調,亦不和備,其餘八十三調,於 雖有樂器之狀,殊無相應之和。遠乎朱梁、後唐,歷晉與漢,皆 處土蕭承訓校定石

管。 心 絃七尺五寸一分,設柱爲夾鍾,第十一絃五尺一分,設柱爲無射, 原本作「第八絃」,今據五代會要、文獻通考改正。 七 南呂; **第八絃六尺,設柱爲林鍾,第三絃八尺,設柱爲太簇,第十絃五尺三寸四分,設柱爲** 寸,虛徑三分,爲黃鍾之管,與見在黃鍾之聲相應。以上下相生之法推之,得十二律 宣示古今樂錄,令臣討論,臣雖不敏,敢不奉詔。遂依周法曰,以秬黍校定尺度,長九 '絃六尺三寸三分,設柱爲麩賓;第二絃八尺四寸四分,設柱爲大呂;第 以爲衆管互吹,用聲不便,乃作律準,十三絃宣聲,長九尺張絃,各如黃鍾之聲。以 乃命中書舍人竇嚴參詳太常樂事,不踰月調品八音,粗加和會。以臣嘗學律曆, 陛下天縱文武,奄宅中區,思復三代之風,臨視樂懸,親自考聽,知其亡失,深動上 第五 一絃七尺一寸三分,設柱爲姑洗,第十二絃四尺七寸五分,設柱 (影庫本粘籤) 五尺六寸三分, 第六絃六尺六寸八 設柱 爲 九絃 夷 爲應鍾 則; 第九絃, 第四

志七 樂志下

均,爲均之主者,宮也,徵、商、羽、角、變宮、變徵次焉。發其均主之聲,歸乎本音之律, 分公司,設柱爲中呂,第十三絃四尺五寸,設柱爲黃鍾之淸聲。十二律中,旋用七聲爲 七聲迭應而不亂,乃成其調。均有七調,聲有十二均,合八十四調,歌奏之曲,田之出

道,定其義理。於何月行何禮,合用何調何曲,聲數長短,幾變幾成,議定而制曲,方可 敢用唐爲則,臣又懵學獨力,未能備究古今,亦望集多聞知禮文者,上本古曲,下順常 六曲,錯雜諸調,蓋傳習之誤也。唐初雖有旋宮之樂,至於用曲,多與禮文相違。 其音數,內三曲數內三曲,原本作「一曲」,今據近代會要改正。(影庫本粘籤)即是黃鍾宮聲,其餘 得失,然後依調制曲。八十四調,曲有數百,見存者九曲而已,皆謂之黃鍾之宮。今詳 久長行用。 所補雅樂旋宮八十四調,丼所定尺、所吹黃鍾管、所作律準,謹同上進。 伏以旋宮之聲久絕,一日而補,出臣獨見,恐未詳悉,望集百官及內外知音者較其

世宗善之,詔尚書省集百官詳議。兵部尚書張昭等議曰:

算,宮商正和之音。 之清濁不可以筆授口的,聲之善否不可以口傳,故鳧氏鑄金,伶倫截竹,爲律呂相生之 **昔帝鴻氏之制樂也,將以範圍天地,協和人神,侯八節之風聲,測四時之正氣。 氣** 乃播之於管絃,宣之於鐘石,然後覆載之情訢合,陰陽之氣和同,

所均七音八十四調,方得絲管並施,鍾石俱奏,七始之音復振,四廂之韻皆調 樂九部,迄於革命,未能改更。唐太宗爰命舊工祖孝孫江也、張文收整比鄭譯、萬寶常 雅樂,令儒官集議。博士何妥駁奏,其鄭、萬所奏八十四調並廢。隋氏郊廟所奏,唯黃 安、史亂離,咸秦盪覆。 克諧、旋相爲宮,復爲八十四調。工人萬寶常又減其絲數,稍令古淡云。隋高祖不重 樂,羣黨沮議,歷載不成。而沛公鄭譯,因龜茲琵琶七音,以應月律,五正、二變,七調 旋相爲宮,得八十四調,與律準所調,音同數異。侯景之亂,其音又絕。隋朝初定雅 案:原本訛「知氏」,今據漢書改正。(舊五代史考異)惟存鼓舞,旋宮十二均更用之法,世莫得聞。漢 鍾一均,與五郊迎氣,雜用裝賓,但七調而已;其餘五鍾,懸而不作。三朝宴樂,用縵 法,寂寥不傳。 音淪缺,京房準法,屢有言者,事終不成。錢樂空記其名(豆,沈重但條其說,六十律 成六十調。 元帝時,京房善易、別音,探求古議,以周官均法,每月更用五音,乃立準調,旋相爲宮, 無 八 虧 風 從律而 觀 然月律有還宮之法,備於太師之職。經秦滅學,雅道凌夷。漢初制氏所調, 又以日法析爲三百六十,傳於樂府,而編懸復舊,律呂無差。遭漢中微,惟 |不奸,五聲成文而不亂(回)。 梁武帝素精音律,自造四通十二笛,以鼓八音。又引古五正、二變之音, 崇牙樹羽之器,掃地無餘; 戛擊搏拊之工,窮年不嗣。 空桑、孤竹之韻,足以禮神; 雲門、大夏之容, 郊廟所

世亂則樂崩,若不深知禮樂之情,安能明制作之本。 聲韻不協,請下太常寺檢詳校試。 常卿邊蔚奉勅定前件祠祭朝會舞名、樂曲、歌詞,寺司合有簿籍,伏恐所定與新法曲調 地、宗廟、社稷、三朝大禮,合用十二管諸調,並載唐史、開元禮,近代常行。 音律和諧,不相凌越。 **)** 足冷簫韶。 **積黍累以審其度,聽聲詩以測其情,依權衡嘉量之前文,得備數和聲之大旨,施於鐘** 考鄭譯、實常 思復九奏之音,爱命廷臣,重調鍾律。 耀武之功,已光鴻業;尊祖禮神之致,尤軫皇情。乃睠奉常,痛淪樂職,親閱四懸之器, 者誦習,永爲一代之法,以光六樂之書回。 臣 .[等竊以音之所起,出自人心,變、曠不能長存,人事不能常泰 fla,人亡則音息, 實常,原本作「寶富」,今據五代會要改正。(影庫本粘籤)之七均,校孝孫、文收之九變, 臣等今月十九日於太常寺集,命太樂令賈峻奏王朴新法黃鍾調七均, 其餘十一管諸調,望依新法教習,以備禮寺施用三。 如或乖舛,請本寺依新法聲調,別撰樂章舞曲,令歌 樞密使王朴言以,採京房之準法,練梁武之通音, 陛下心苞萬化,學富三雍。 廣順中,太 其五郊天

志 七 樂 志 下 校 勘 記

遂使擊拊之音,空留梗概; 旋相之法,莫究指歸。

官守之因循。

世宗覽奏,善之。乃下詔曰:「禮樂之重,國家所先,近朝以來,雅音廢墜,雖時運之多故,亦

樞密使王朴,博識古今,懸

宜依張昭等議狀行。仍令有司依調制曲,其間或有疑滯,更委王朴裁酌施行。」自是雅樂 通律呂,討尋舊典CED,撰集新聲,定六代之正音,成一朝之盛事。其王朴所奏旋宮之法,

右雅樂制作 泳樂大典卷二萬一千六百七十八。

之音,稍克諧矣。

校勘記

所定二舞名 原作「所更定十二成之名」,據冊府卷五七〇改。殿本作「所定十二和之名」,劉本

[11] 會訖 二字原無,據會要卷七、冊府卷五七〇補。

作「所更定十二和之名」,會要卷七作「所定二舞」。

享先農及籍田同用順成請同用寧順之樂 「先農及」「順成」「請同用」八字原無,據冊府卷五

七○補。繪要卷七「請」作「今」,餘同冊府。

兼充 「充」原作「先」,據殿本、劉本改。影庫本批校云:「兼充,『充』訛『先』,應改正。」

(至) 其二曰 「二」原作「三」,據冊府卷五七〇改。

聲之總數也 「聲」字原無,據會要卷七、冊府卷五 七〇補。

(4) 大予丞 原作「太子丞」,據會要卷七、通鑑卷二九四注改。

- (云) 人亡而音息 「晉」原作「政」,據會要卷七、通鑑卷二九四注改。
- 殷盈 孫 「殷」原作「商」,係避宋太祖父弘殷諱,據會要卷七、通鑑卷二九四改。 影庫本粘籤云:

「商盈孫,原本作『文盈縣』,今據五代會要改正。」查沈校本、殿本、抄本會要均作「殷盈孫」,冊府

卷五 |七〇作「商盈孫」,粘籤所云,疑有誤。

60 鎛鍾 原作「鍾鎛」,據殿本、彭本、劉本及會要卷七、冊府卷五七〇、本卷上文改。影庫本批校

『鍾鎛』。」舊五代史考異云:「案原本訛『鐘鎛』,考隋書樂志,宮懸各設十二鎛

鍾於其辰位,則知『鍾鎛』之爲『鎛鍾』耳,今改正。」

云:「『鎛鐘』

訛作

「依」原作「以」,據全要卷七、冊府卷五七〇、通鑑卷二九四注改。

遂依

周法

 $\stackrel{\frown}{=}$ 六尺六寸八分 「八分」會要卷七作「六分」。

氣之清濁

五聲 原作「五色」,據全要卷七、冊府卷五七〇、通鑑卷二九四注改。

「氣」原作「器」,據會要卷七、冊府卷五七〇、通鑑卷二九四注改。

金色 錢樂 原作「錢褒」,據會要卷七、冊府卷五七〇、通鑑卷二九四注改。

按,

錢樂即錢樂之,

因與

公古 稍令古淡 「令」原作「全」,據會要卷七、冊府卷五七〇、通鑑卷二九 一四注 改。

下句

沈

重對偶,故省稱錢樂。

全 爱命舊工 「爱」原作「受」,據全要卷七、冊府卷五七〇、通鑑卷二九四注 改。

志

七

校

勘

記

- 중 四廂 原作「四廟」,據全要卷七、冊府卷五七〇、通鑑卷二九四注改。
- 云 夔曠不能長存人事不能常泰 「不能長存人事」六字原無,據全要卷七、 冊府卷五七○、通鑑

卷二九四注補。

8 樞密使王朴 <u>會要卷七、冊府卷五七○、通鑑卷二九四注「樞密使」上有「臣等據」三字,「王朴」</u>

下有「條奏」二字。

- 以備禮寺施用 「施」原作「視」,據會要卷七、冊府卷五七〇、通鑑卷二九四注改。
- $\stackrel{\triangle}{=}$ 以光六樂之書 「光」原作「先」,據殿本、劉本及冊府卷五七〇改。影庫本批校云:「以先六樂之

書,『先』應作『光』。」

討尋舊典 「舊」原作「書」,據殿本及無府卷五七〇改。影庫本批校云:「討尋舊典,『舊』訛

舊五代史卷一百四十六

志八

食貨志

按

闞也。今無可采補,姑存其舊。

爲租 賦, 四年,以致 於輦運,亦未至流亡,其義無他,蓋賦斂輕而丘 士雖苦戰,民則樂輸,二紀之間,俄成霸業。 .庸使,峻法以剝下,厚斂以奉上,民產雖竭,軍食尙虧。 梁祖之開國也,屬黃巢大亂之後,以夷門一鎭,外嚴烽候,內辟汙萊,厲以耕桑,薄以租 顚 隕,其義無他,蓋賦役重而寰區失望故也。按:以上見容齋三筆所引蔣史,繹其文義,當係 園可戀故也。 及末帝與莊宗對壘於河上,河南之民,雖 加之以兵革,因之以饑饉,不三 及莊宗平定梁室,任吏人孔謙 困

志

八

食

貨志

食貨志序,今錄於卷首

僞 吏部尚書字琪上言:「請賦稅不以折納爲事,一切以本色輸官,又不以紐配爲名,止以正稅 於見輸稅絲上〔1〕,每兩作三等,酌量納錢,收市軍裝衣賜,其絲仍與除放。」其年閏十二月, 輸納,不得改更,若合有移改,即須具事由奏聞。」 不施爲。 加 納。」 唐同光三年二月,勅:「魏府小菉豆稅,每畝減放三升。城內店宅園囿,比來無稅,頃因 勅曰:「本朝徵科,唯配有兩稅,至於折納,折納,原本作「折約」,今據文改正。(影庫本粘籤)當 宜依李琪所論,應逐稅合納錢物斛斗鹽錢等,宜令租庸司指揮至了,並准元徵本色 今據緊慢去處,

起徵 如人戶隱欺,許令陳告,其田倍令幷徵。」 多少,五家爲保,委無隱漏,攢連手狀送於本州〔三〕,本州具狀送省,州縣不得迭差人檢括, ()各視: 四年五月,戶部奏:「三京、鄴都、諸道州府,逐年所徵夏秋稅租,兼鹽麴折徵,諸般錢穀 |天成元年四月,勅:「應納夏秋稅,先有省耗,每斗一升,今後止納正稅數,不量省耗。」 其地節候早晚,分立期限。」其月勅:「百姓今年夏苗,委人戶自通供手狀,具頃畝

長 興二年六月,勅:「委諸道觀察使,屬縣于每村定有力人戶充村長。 與村人議,有力

人戶出剩田苗,補貧下不迨,肯者卽具狀徵收,有辭者卽排段檢括。 自今年起爲定額。 有

經災沴及逐年逋處,不在此限。」

支贍外,請依時折納綾羅絹帛。」從之。 三年十二月,三司奏請:「諸道上供稅物,充兵士衣賜不足。 其天下所納斛斗及錢, 除

會要改正。(殿本) 租,委人戶自量自槩。」 晉天福四年正月, 勅:「應諸道節度刺史,不得擅加賦役及於縣邑別立監徵。所納田 自量,原本作「自凉」,今從五代會要改正。(影庫本粘籤) 槩,原本訛「築」,今據<u>五</u>代

周顯德三年十月,宣三司指揮諸道州府,今後夏稅,以六月一日起徵,秋稅至十月一日

起徵,永爲定制。

周顯德六年春,諸道使臣回,總計檢到戶二百三十萬九千八百一十二。 五年七月,賜諸道均田圖。 十月,命左散騎常侍艾穎等三十四人,下諸州檢定民租。

唐 同光二年,度支奏請牓示府州縣鎭四,軍民商旅,凡有買賣,並須使八十陌錢。

轄,勿令商 散 通 下州 唐 府, 同 藏 光二年二月, 則 常 般 士農困,故西漢興改幣之制,立告緡之條,所以權蓄 須 載 《檢察,不得令富室分外收貯見錢,又工人銷鑄爲 出境。」 詔 曰:「錢者,古之泉布,蓋取其流行天下, 賈 銅器, 布 而 散 防 人間, 兼沿 大 姦 邊州 也。 無 積 滯則 鎭 宜 設 令 法 交易 所 司

實爲蠹 帛, 江 江 州 湖之外, 內 縣, 三月, 有錫 每 盗 鑞 須 知唐州 有舟船到岸, 鑄 小錢,揀得 有 條流 尤多,市 唐州, 宜令京城、 ·肆之間,公行無畏, 不少,皆是江 原本作「康州」, 嚴 加覺察, 諸道, 不許將雜鉛錫惡錢往 南 今從文獻通考改正。(影庫本粘籤) 綱 於坊· 商挾帶 因 市 是 綱 行 而 使錢 商挾 來。」詔 帶, 內 來換易好錢, 點 曰:「帛布之幣, 舟 檢 檝 雑 往 晏騑安奏:「市 惡 來,換易好 鉛 錫錢, 如 有 雜 錢,藏貯 私 並 以 載, 宜 肆間點 鉛 禁 錫 斷 並 富 荇 檢錢 惟 室, 收 沿 是

邀 物 厚 利。」 斤 清泰二年十二月,詔御史臺曉告中外,禁用鉛錢, 天成 價 定二 元年 八月, 百文,熟銅 詔曰:「宜令遍 中書門下 器 物 行曉告, 每 奏:「訪聞 斤 四 百文, 如元 近 日諸道州府所 舊係銅器 如違 省價,買賣之人,依盜 及 如違犯,准條流處分。 碎 賣銅器 銅 卽 許 置價貴 鑄 至, 造 鑄錚年文科斷 器 物 多是銷 (子) 鎔 仍 見錢 生 銅 以

天福二年,詔:「禁一切銅器,其銅鏡今後官鑄造,於東京置場 置場,原本作「置常」, 今據

五代會要改正。(影庫本粘籤) 貨賣,許人收買,於諸處興販去。」

色卽不得瀉破爲銅器貨賣〔云〕,如有犯者,有人糾告捉獲,所犯人不計多少斤兩,並處死。其 寸,重三銖六參。」有周通元寶錢,顯德中所鑄也,字孝美云:「徑寸,重五銖。」(舊五代史考異) 一任興販,所在一 錢文,餘俱從略。據泉志:"有天成元寶錢,洪遵云:「徑九分,重三銖六參。」有漢通元寶錢,乾祐中所鑄也,洪遵云:「徑 代史考異) 地分所由節級,決脊杖十七放,鄰保人決臀杖十七放,其告事人給與賞錢一百貫文。」 江南因唐舊制, 周廣順元年三月(+),勅:「銅法,今後官中更不禁斷, 饒州置永平監,歲鑄錢;池州永寧監、建州永豐監,並歲鑄錢; 案馬令南唐書:元宗鑄唐國錢,其文曰「唐國通寶」。又鑄大唐通寶錢,與唐國錢通用。(舊五 案:五代錢文,薛史惟於晉本紀載天福元寶 杭州置保興監鑄

而 民庶流離,旣場務以隳殘,致程課之虧失。重茲葺理,須仗規模「む」,將立事以 說便。宜令河中節度使冀王李繼麟兼充制置度支安邑(10)、解縣兩池権鹽使,便可制一一 唐同光二年二月,詔曰:「會計之重,鹹鹺居先,矧彼兩池,實有豐利。 頃自兵 戈擾攘, 成 功,在從長

斤 專 行 賣 奪 散 有 本 賣 鹽 鹽 條 並 榷 處 人 有 入 榨 州 鏠 貫(11)。 物 各杖 糶 煎 各 糶 府 榷 次 場 錬 徒 餞 糶 課 省司 依夏 冷 支 驢 八十; 院 場 利 委 颐 與 畜 鹽 本 員 數 年 欲 等 稅 各 優 X僚節級· 一,准 如 州 指 給 置 並 二十千; 腿 每 按 \equiv 五 違 臨 揮 條 來內 榷 納 斗 狂. 納 斤已上至十斤,買 斤以上至五 時 犯 此 ·與減五 科 糶 錢。 如 狄 人力、 斷 者, 後 入 斷 · · · 會 要 · 外 知 折 官。 訖 犯 禁 情 長興 五 博 _--報 煎鹽池 十斤 .場 + 或有 兩已 法, 不 所 省。 兩 院。 告 四 ; 同 斤 卽 有 已 上至 已上至 年 欒鹽 光三 已 質 與 未 上至 元 如 客竈 $\dot{ar{\pi}}$ 應 曾 賣鹽 本 是 賣 賣 違 月七日,諸道 是 與 年二月, 家 概 門 斤,買 戶 犯 入各 人各 鄕 減三十。」 業莊 斤,買 條 人同 司 、般鹽船 术 百 村 流。 關 徒 斤, 徒二年; 賣 至 罪。 並 田 津 勅 賣 入 支賞 死 應 通 口 年; 如 人 各 天 綱 其 刑 刮 私 鹽 鋪 魏 是 各杖六十; 成 鐵轉 商 鹹 餞三十千; 犯 杖六十; 府 押 + 經 全 五 煎 興 鹽 元 捉 網軍 斷 每 家 斤已上,不 斤已上,買賣人各決 販。 運 年 人 鹽 獲 後 年所徵隨絲鹽錢, 逃 一,不 經 使 四 私 將 公然 走 奏: 月, 所 鹽, 過 衙官梢 者, 計 處, 有 斤已上至三斤, 不 多少 斤已上至二 勅 計 折 諸 百斤已上, 卽 卽 懼 諸 地 博 依下 多 道 行 工 條 斤 分 井毎 炒 州 艦 等, 流 兩 門 納 州 , 府 項 再 並 買賣 具 司 府 脊 、等第, 年 鹽 斤 每兩與減放五文; 犯 支賞錢 知 校二十 人戶蠶 百 處 法 175 廂 者, 人各決定 買賣 姓 鹽 條 買賣 極 許 界 合散 法 不 法 流 支給 般 巡 五 人 鹽, 計 人各 載 元 如有 檢 十千。 處 兼 脊 各 末,一 蠶 斤 脚 節 死。 許 枚二十, 並 鹽, 杖七十; 兩 杖 半 戶 公然偷 級 七十; 四 不 賞錢 多 概定 今後 經 鄰 應 少 如 所 許 逐 過 食末 是 及諸色人 由 將 音 年 盗 奪 所 每 處 Ξ 收 井 店 帶 俵 官 護 主 犯 年 到 鹽 諸 死 斤 斤 1鹽,或 賣蠶 井 人 Ė 祇 地 色 斤 鹹 具 以 脚 所 並 等 界 關 土 上至三 Ł 如 斤以 月 下 將貨 處 陳 鹽 連 有 兩 後 州 極 人 犯 水 入 人 $\mathcal{T}_{\mathbf{L}}$ 食鹽、大 上 等, 法。 府 力 鹽 應 斤, 斤,買 至 等第 卽 縣 等 人隨 食顆 废 其 其 鎭 + 不 買 偿 俵 委 糾

例指揮。 買賣人及窩盤主人知情不告,並依前項刮鹹例,五斤已上處死。 條流施行。」 管內口吾,多北京末鹽入界,捉獲並依洛京條流科斷。 兩,並處極法,所有隨行物色,除鹽外,一半納官,一半與捉事人充賞。 顆、末、靑、白等鹽, 「一應諸道,今後若捉獲犯私鹽麴人, 元不許界分參雜。 其顆鹽先許通商之時指揮, 罪犯分明, 欲指揮此後但是顆、末、青、白諸色鹽侵界參雜, 其諸色關連人等,並合支賞錢,即准洛京、邢、鎭條流事 正該條法, 其餘鹽色,未有畫一條流。 便仰斷遣訖奏。 不得將帶入末鹽地界。 若稍涉疑誤, 其洛京幷鎭、定、邢州 如有違犯, 捉獲並准洛京 祇須申奏取 斤

裁二古。」

驟改其法,奏請重制鹽場稅,蓋欲絕其興販,歸利於官也口己。 且仍舊。俄而鹽貨頓賤,去出鹽遠處州縣,每斤不過二十文,近處不過一十文,掌事者又難 至二百,爲五等配之,然後任人逐便興販公司,旣不虧官,又益百姓。朝廷行之,諸處場務亦 貫有餘。 晉天福中,河南、河北諸州,除俵散蠶鹽徵錢外,每年末鹽界分場務,約糶錢一十七萬 言事者稱,雖得此錢,百姓多犯鹽法,請將上件食鹽錢於諸道州府計戶,每戶一貫

今民甚苦之。 諸道州府,應有屬州鹽務,並令省司差人勾當。既而糶鹽雖多,而人戶鹽錢又不放免,至 七年十二月,宣旨下三司:應有往來鹽貨悉稅之,過稅每斤七文,住稅每斤十文。 按五代會要:晉天福元年十一月,赦節文:「洛京管內逐年所配人戶食鹽,起來年每斗減放十文。」

法不計斤兩多少,並處極刑,至是始革之。

周 廣順 元年九月,詔改鹽法,凡犯五斤已上者處死,煎鹹鹽犯一斤已上者處死。先是漢

與人。 斷。 斗。 要"周廣順二年九月十八日,勅"「條流禁私鹽麴法如後"一、諸色犯鹽麴,所犯一斤已下至一兩,杖八十, 盤定罪。 下一斤以上,徒三年,配役;五斤以上,並決重杖一頓,處死。一、應所犯鹽麴, 官場務內買,若衷私投託興販,其買賣人並同諸色犯鹽麴例科斷〔三〕。 將本地分鹽侵越疆界,同諸色犯 八百文足陌、鹽一斗;白鹽一石,抽稅錢五百文、鹽五升。 更不得別有邀求。 一石,依舊抽稅錢八百文,以八十五爲陌,鹽一斗; 所犯 一、刮鹹煎鍊私鹽,所犯一斤已下,徒三年,配役;一斤以上,並決重杖一 訪問更改已來,不便商販,蕃人漢戶, 如違 三年三月,詔曰:「靑白池務,素有定規,祇自近年,頗乖循守。 私 逐處 鹽,捉事、告事人各支賞錢,以係省錢充。 並 (凡有鹻鹵之地,所在官吏節級所由,常須巡檢,村坊鄰保, 同 諸色犯 訪聞邊上鎭鋪,於蕃漢戶市易糶糴,私有抽稅,今後一 鹽例科斷。 鹽例 若是 科斷。 所請蠶鹽,道路津濟須 一、鄕村 至死刑者賞錢五十千,不及死刑 人戶,所 求利 請蠶鹽,祇得 經過 艱難,宜與優饒, 白鹽一石, 州 府縣 遞相覺察, 、諸官場官務,如有羨餘出剩鹽麴,並許盡底報 :將歸零躉供食(110), 鎭 頓,處死。 其後靑鹽一石,抽 ,委三司 關津門司、 抽 者三十千。 若有所犯 税錢 明行指揮。 犯 庶令存濟。 比來青鹽一石,抽稅錢 私 廂巡門保, 鹽若捉到 五 處彰露〔九〕, 不 百, 切 得別 一、凡 止 顆末鹽各有界 娜 %將博 鹽 如有 錢一 絕。 水 買鹽麴, 今後每 五. 配役; 易貨賣 祇 透漏 升。 並 干 煎成鹽,秤 按 行 }五 五. 並 勘 並 (分, 若 此外 青 頥 代會 一須於 投託 行 斤以 鹽 勘

科斷。 坐,勿令一處分給供使。」 賬,部領 官。 請鹽者, 所 犯 如衷私貨賣者, 若是他人同犯,並同罪斷。 私鹽麴,有同情共犯者,若是骨肉卑幼奴婢同犯,祇罪家長主首。 人戶請拔口回,勒本處官吏及所在場務,同點檢入城。 若是州府, 並於城內請給, 買賣人並同諸色犯鹽麴例科斷CIII。 三年十二月,勅:「諸州府丼外縣鎭城內,其居人屋稅鹽,今後不俵,其鹽錢亦不徵納。 若與他 若是外縣鎭郭下人戶, 人同犯,據逐人脚下所犯斤兩,依輕重斷遣。 亦許將鹽歸家供食。 若鹽鋪酒店戶及諸色人與場院衷私貨賣者, 若縣鎭郭下人戶, 如家長主首不知情 城外別有莊 仰本縣預取逐戶合請鹽數目 一、州城縣鎭 田, 亦仰本縣 祇罪造意者, (郭下人戶, 並同罪科斷。 預先分擘開 係屋稅。 餘減等 所有 攢 定文 鄕 合

村人戶合請蠶鹽,所在州

.城縣鎭嚴切檢校,不得放入城門。」

內偷盗口召,夾帶官鹽,兼於壕籬外煎造鹽貨,便仰收捉,及許諸色人陳告。 其經歷地分及門司節級人員,並當量罪勘斷。 鹽貨處,幷煎鹽場竈及應是賺地,並須四面脩置牆塹。 分割十餘州,令食顆鹽,不唯輦運省力,兼且少人犯禁。」自是曹、宋已西十餘州,皆盡食顆 地,易爲刮鹹煎造,豈唯違我権法,兼又汚我好鹽。 賞錢三十千;一十斤已上,賞錢五十千。一、應有不係官中煎鹽處賺地, 按五代會要:顯德二年八月二十四日,宣頭節文:「改立鹽法如後:一、贍國軍堂場務(三)、邢洺州鹽務,應有見垛貯 |顯德元年十二月,|世宗謂侍臣曰:「朕覽食末鹽州郡,犯私鹽多於顆鹽界分,蓋卑濕之 所有捉事、告事人賞錢,一兩以上至一斤,賞錢二十千〇三;一斤已上至 如是地 里遙遠, 況末鹽煎鍊,般運費用,倍於顆鹽。今宜 難爲修置牆塹, 所犯不計多少斤兩, 並須標識, 卽作壕籬爲規隔。 委本州府差公幹職員與巡 並決 (重杖一 如是人於壞雞 衈, 處死。

賣,如 賞 安邑 犯 斤 犯 鹽 事、告事 斤已上至 家 鐮 兩 鹽 人,賞絹 鹽 ~; 其 並 節級 鹽 覤 射 兩 人 人 地 解 有 鹽 决 並 隨 急、 主 分擘 縣 准 犯 沒 慮 重 准 其 行 者, 十匹; 賞錢十千。 元 兩 納 有 杖 元勅 + 不 餘 鵬 鹽 勅 池 入官。 别 村 ·斤,徒 畜 切 依 池 條 頓,處 榷 界 保 條流 半 資財 檢 諸 地 鹽院, 獲二人 分鹽 並 丼 校, 分居住 色 地 所 處分, 處 鹽 死。 主、 犯 年半 貨遞 經 徒 諸 河 並 極 鹽 ⁽)賞絹 歷 與 府 鄰人, 法。 並 二年, 應有 其刮 例 一一 ·, 令 州 相 地 捉 餰 納 科斷。 分節 府 侵 事 其 衆 度 入 二十匹; 鐮 並 犯,及 隨行錢物 人 令 犯 使 官。 人充賞。」 同 處 戶 級 衆 月 在棘 共巡 鹽 棄 地 所 人員 判之 ?,捉事、 (將鹽 人 分 欲 請蠶 月。 如 檢。 圍 應 并 獲三人已上, 並 ,並納入官 有 有 時 並 裹 入 且 、告 鹽 刮 人於河 若諸 面, 申 城 鐩 行 慶州 依 鹻 物 ボ 事 勘 到 舊 更不 諸 人住 顆 色人偷 並 斷。 畫 得 人賞錢七千 青白 色 東 酶 於 **斗**己上至三斗 其捉事人依下 犯 別 與 處 界 地 不 事 鄉 榷 捉 有 鹽 巡 將 分界內 村衷 計 刮 件 兩 稅院, 檢、 差 事 鹽 人,令下三司, 鹵 人 條 至 遣 Ă 過 私貨 數, 地 流 節 8 一、祇 充 來, 等 元 斤 級、 賞 賞絹 便仰 有 有 į 准 賣, 決 令 枚七十, 者 項定支優給。 所 透 及自家界 十斤已 人 巡 、臀杖十 (E) 勅 及信 稅 刮 由 收 五 護 牒 捉, + 條 鐮 鹽 依下 村 團 竝 煎 上,不 兩 流 池 保 三斗已上至 捌 頭、 五 及許 内 鍊 池 等, 項 以 ,令衆半 刮 有 鹽 所 所 如 脚 條 若是巡: 計 兩 貨, 人 各 蘇 人陳告。 有 此 出 戶 流 多 池 往 徒二 煎 後 鹽 隨 科 禁棘 少 所 鹽 彼 行 縣 户, 有 斷 檢、 五. 年 興 人幷 舊 艫 犯 徒二 人 司 峻 斗 华, 若勘 ·
弓射、 販 並 日 畜 捉 其 偷 阻 徒 鹽 畅 若 事 犯 依 知 請 盜 年, 令 一不不 貨 情 色, 前 迻 無 鹽 官 鹽 衆 年, 告事 不 池場 人, 文 節 配 人 法。 通 鹽 榜 所 虚 發 隨 級 人 月 門子, 42 人賞 所 五 犯 行 **=** 運 行 斤 가 捉 潪 依 支 所 犯 務 物 與 錢 今 事 四 已 舊 不 並 曲 役 兩 自不專 捉 面 如 H 處 等 $\mathcal{F}_{\mathbf{L}}$ 緣 勾 計 À 出 千; 各 擅 處 事 尅 改 當 每 斬 多 年, 池 置 將 死 折 少 與 價 獲 人 其 場 充 切 其 捉 斤 刮 糶 本 膏

司准 府檢條流科斷訖申奏,別報省司。其屬省院捉到犯鹽之人,干死刑者,即勘情罪申上,候省司指揮。 至一百斤,支賞錢三十千;一百斤已上,支賞錢五十千。前項所定奪到鹽法條流, 官鹽之人,亦依犯鹽人一例處斷。 巡察,致有透漏到棘圍外,被別人捉獲,及有糾告,兼同行反告,官中更不坐罪,陳告人亦依捉事人支賞。 一十斤已下〔丢〕,徒一年半。一十斤已上至二十斤,支賞錢一十千;二十斤已上至五十斤,支賞錢二十千;五十斤已上 條流決放訖申報。」從之。 其不知情關連人,臨時酌情定罪。 所有透漏地分弓射及池場門子(豆),如是透漏出 其應屬州府捉獲抵犯之人,便委本**州** 不至極刑者,便委務 應有知情偷盜 鹽

其鄉村並許鹽貨通商。逐處有鹹鹵之地,一任人戶煎鍊,興販則不得踰越潭河,入不通商 地界〔三〕。」按文獻通考:五年,旣取江北諸州,唐主奉表入貢,因白帝以江南無鹵田,願得海陵鹽監南屬以贍軍。帝 曰:「海陵在江北,難以交居,當別有處分。」乃詔歲支鹽三十萬斛以給江南,士卒稍稍歸之。 三年十月,勅:「漳河已北州府管界〔言〕,元是官場糶鹽,今後除城郭草市內,仍舊禁法.

倉廩所納新物(完),尙除省耗,況水路所般,豈無損折,起今後每石宜與耗一斗。」 周顯德二年正月,世宗謂侍臣曰:「轉輸之物,向來皆給斗耗,自晉、漢已來,不與支破。

後唐天成三年七月,詔曰:「應三京、鄴都、諸道州府鄉村人戶,自今年七月後,於是秋

依中 納。 年 諸 此 田 議 終 道 苗 等酒 州 榷 上,每畝 恩,以 年 府 酒 逐 戶 戶 縣鎭坊界內,應逐年買官麴酒戶, 納 外 爲 戶 納麴錢五文足陌,一任百姓自造私 愛其 計算都買麴錢數內, ,其餘諸色人亦許私 榷 其坊村 人,便於國, 一任沽賣, 故行之。 造 十分只納二分,以充権酒錢, 不 酒 麴供家,即 在 納権 便許· 之限。」 麴,醖 自 不 造 ·得衷私賣酒, 麴, 酒供家,其錢隨夏秋 時孔循以 醖 酒 貨 賣。 麴法 便從今年七 如有 仍 殺 故 取 違, 徴 天成 家於洛陽 納。 月 便 二年 後, 卽 其京 糾 管 Œ 數徵 或 都 月 及 勒 至

文 只徵三文。」 長興 元年二月,赦書節文:「諸道州 府人戶,每秋苗一 畝上,元徵麴錢 五文, 今後特放

舊價 辭夕 便勤 以滋 傷。 而 傷 夜 稼 民 彰。 況 一年,詔曰:「酒 半,於在城撲斷貨賣 之嫌 穡,各務耕 欲 則 爱行 致 甚 **心豐財**, 蓋以 改革之文,庶息煩苛之政,各隨苗 應 在京諸道 必除 田 ...醴所 鑿井,孰能枕麴藉糟, 時 病,有 重,麴蘗是須,緣賣價太高,禁條 苗 久,貧下戶多,纔遇 · (III) ° 畝 上 利 所徴 之事,方切 除在城居人不得私造外,鄉村人戶或要供家,一 麴錢 旣 等,便從今年夏並 施 隨 縄遇. 行 例以均攤,遂 畝,量定稅錢。 ,無名之求,尤宜 原本作「纔過」,今據文改 頗峻,士庶因 抱虚 放。 訪聞 而 其麴 一廢罷, 數 輸 納, 年 正。(影庫本粘籤) 官官 斯 已來,雖 但 中 漸 而 得 抵 成 自 日新 犯,刑 造 彫 一,委逐 犯法 敞 任私造。」 之 名 深 理, 昇平, 者 미 曲 州 稀 憫 減 是 何

勅下之日,人甚悅之。 永樂大典卷四千六百八十一。

都務,候勅到日,並仰停罷。 人戶將到價錢,據數給麴,不得賒賣抑配與人。 周顯德四年七月(21),詔曰:「諸道州府麴務,今後一依往例, 據見在麴數,准備貨賣買,兼據年計合,使麴數依時蹋造,候 永樂大典卷一萬四千九百八十。 官中禁法賣麴, 逐處先置

校勘記

見輸稅絲 「輸」原作「輪」,據劉本及會要卷二五改。

(三) 宜令租庸司指揮 「司」原作「同」,據殿本、劉本及冊府卷四八八、抄本會要卷二五改。 影庫本

批校云:「租庸司指揮,『司』訛『同』。」

奏請 「奏」原作「造」,據殿本改。 攢連手狀送於本州

「手」「送於本州」五字原無、據冊府卷四九五補。

至 銅器 「銅」字原無,據會要卷二七、冊府卷五〇一補。

중 如元舊 字原無,據會要卷二七、冊府卷五〇一 係銅器及碎銅卽許鑄造器物 補。 會要卷二七、冊府卷五〇一「係」字作「破損」二字。「物」 殿本無「器物」二字。

(4) 周廣 順 元年 「周」字原無、據殿本補。

八 校 勘 記

志

[K] 貨賣 「貨」原作「貸」,據殿本、劉本、會要卷二七改。

(九) 須仗規模 「仗」原作「伏」,據殿本、劉本及冊府卷四九四改。

8 制置度支 「支」字原無、據冊府卷四九四補。殿本、劉本無「度支」二字。

便可制一一條貫 删府卷四九四「制」下有「置」字。 殿本、劉本作「仍委便制,一一條貫」。

 $\stackrel{\frown}{=}$ 每年祇二月內 「祇」原作「抵」,據劉本及會要卷二六改。

CIE 支給一半賞錢 「支給」二字原無,據會要卷二六補。

一斤以上至十斤 殿本作「十斤已上至五十斤」,會要卷二六作「一十斤以上至五十斤」。

三 邢州 原作「行州」,據殿本、劉本、舊五代史考異、會要卷二六改。

습 一應諸道……祇須申奏取裁 此條文字見會要卷二七周廣順二年九月十八日敕。

(1七) 然後任人逐便興販 「後」原作「徒」,據會要卷二六改。

(IK) 歸利於官 「官」上原有「小」字,據會要卷二六冊。

二 若有 所犯處彰露 殿本、彭本、劉本及會要卷二七、舊五代史考異同。冊府卷四九四「處」上有

「他」字。

零臺 劉本、舊五代史考異同。殿本及會要卷二七、冊府卷四九四作「裛繭」。

 \cong 並同諸色犯鹽麴例科斷 「科斷」二字原無,會要卷二七同。據冊府卷四九四補。

並同諸色犯鹽麴例科斷 「例」字原無,會要卷二七同。據舊五代史考異、冊府卷四九四補。

哥 如家長主首不知情 「如家長主首」五字原無、據會要卷二七、冊府卷四九四補。

三 請 拔 殿本、劉本、舊五代史考異、冊府卷四九四同。 會要卷二七、文獻通考卷一五作「請給」。

呈 場務 原作「陽務」,據殿本、劉本及會要卷二七改。

丟 如是人於壕籬內偷盜 「如是人於壕籬」六字原無,會要卷二七同。據冊府卷四九四補。

呈 一兩以上至一斤賞錢二十千 「一兩以上至一斤賞錢」九字原無,愈要卷二七同。 據冊府卷四

九四 補

急 巡鹽節級 「鹽」原作「監」,據會要卷二七、冊府卷四九四改。 殿本作「檢」。

CIE 今緣改價賣鹽 「今」原作「令」,據殿本、劉本及會要卷二七、冊府卷四九 四改。

号 捉事告事人 「告事」二字原無,據舊五代史考異、會要卷二七、冊府卷四九四補。

一牛支與捉事人充賞 「捉」原作「决」,據殿本、舊五代史考異、會要卷二六改。 殿本、劉本「若」作「苦」。

會要卷二六、舊五代史考異同。

鲁

舊日岩無文榜

與捉事人充賞 「人」字原無,據會要卷二六補。

量 鹽池 地分 「地」字原無,據會要卷二六補。

量

志

八

校 勘 池場門子

此下原有「自不專切……及池場門子」八十九字,與上文重出。據殿本及會要卷二六 記

刪

물 如是透漏出鹽一十斤已下 劉本同,殿本及會要卷二六「一十斤」作「二十斤」。

号 州府管界 「管」字原無,據會要卷二六、文獻通考卷一五補。

三 入不通商地界 「商」原作「高」,據殿本、劉本及會要卷二六、文獻通考卷一五改。

[記 倉廩 「倉」原作「食」,據<u>會要</u>卷二七、冊府卷四九八改。

或獻此議 原作「或獻此意」,殿本作「或獻此」。 據本書卷三九明宗紀、冊府卷五〇四改。

回〕撲斷貨賣 「賣」原作「買」,據會要卷二六、冊府卷五〇四改。

周顯德 四年 「周」字原無,據殿本及會要卷二六、冊府卷五〇四補。

Q\\\\) 准備貨賣 「賣」原作「買」,據會要卷二六改。

舊五代史卷一百四十七

志九

刑法志

案:刑法志序,永樂大典原闕。

梁太祖開平三年十一月, 詔太常卿李燕、御史蕭頃、中書舍人張衮、戶部侍郎崔沂、大

理卿王鄯、刑部郎中崔誥,共删定律令格式。

倂目錄一十三卷,律疏三十卷,凡五部一十帙,共一百三卷。 勅中書舍人李仁儉詣閣門奉 進,伏請目爲大梁新定格式律令,仍頒下施行。」從之。原註:是時,大理卿李保殷進所撰刑律總要十 四年十二月,宰臣薛貽矩奏:「太常卿李燕等重刊定律令三十卷,式二十卷,格一十卷,

二卷。

志

書具在,請勅定州節度使速寫副本進納,庶刑法令式,並合本朝舊制。」從之。 條,或重貨財,輕入人命,或自狥枉過,濫加刑罰。 兼僞廷先下諸道追取本朝法書焚毁,或經兵火所遺,皆無舊本節目。 唐莊宗同光元年十二月,御史臺奏:「當司刑部、大理寺本朝法書,自朱温僭逆,删改事 今見在三司收貯刑書,並是僞廷删改者! 只定州 勅庫有本朝法 未幾,定州

晉、漢及國初事關刑法勅條,凡二十六件,分爲二卷,附於編勅,目爲大周續編勅, **、大名、元城改為赤縣,又定東京諸門黨風等爲京城門,明德等爲皇城門,啓運等爲宮城門,昇龍等爲宮門,崇元等爲殿** 外曹匪躬、大理正段濤同加議定舊本,以京兆府改同五府, 勅, 都進納唐朝格式律令,凡二百八十六卷。 行用焉。 案:原本訛「統數」,今據文獻通考改正。(舊五代史考異) 凡改點畫及義理之悞字凡二百一 百四十八卷。 周太祖廣順元年六月,勅侍御史盧億、刑部員外郎曹匪躬、大理正段濤同議定重寫法 二年二月,刑部尚書盧價奏行,纂集同光刑律統類凡一十三卷,上之。 案宗史:盧億,周初爲侍御史,漢末兵亂,法書亡失,至是大理奏重寫律令格式、統類編勅, 先是,漢隱帝末,因兵亂法書亡失,至是大理奏重寫律令格式、 開封、大名府改同河南府, 長安、 萬年改爲次 乃詔 、赤縣, 億與刑 十四,以 命省、寺 統類編 開封、浚 部員

門,廟諱書不成字,凡改點畫及義理等之誤字二百一十有四。又以晉、漢及周初事關刑法勅條者,分爲二卷,附編勅, 目

爲大周續編勅。詔行之。(舊五代史考異)

犯,准格律處分。 計贓絹滿三匹已上者,並集衆決殺,其絹以本處上估價爲定,不滿三匹者,等第決斷。 郡,未得審詳,宜更申明,免至差誤。其盜賊,若是強盜,並准自來格條斷遣,其犯竊盜者, 晉天福元年已前條制施行。諸處犯罪人等,除反逆罪外,其餘罪並不籍沒家產、誅及骨肉, 天福中勅,凡和姦者,男子婦人並處極法,至是始改從律文焉。 夫婦人被強姦者,男子決殺,婦人不坐,其犯和姦者,並准律科斷,罪不至死。其餘姦私罪 依格令處分者。請再下明勅,頒示天下。」乃下詔曰:「赦書節文,明有釐革,切慮邊城遠 二年二月,中書門下奏:「准元年正月五日赦書節文,今後應犯竊盜贓及和姦者,並依 應諸色罪人,除謀反大逆外,其餘並不得誅殺骨肉、籍沒家產。」先是,晉

明罰 廢之於國,雖善、舜淳古之代,亦不能捨此而致理矣。 無前: 世宗 勅法之意也。 意後刺格,互換重疊,亦難詳定。 伏以刑 顯德四年五月,中書門下奏:「准宣,法書行用多時,文意古質,條目繁細,使人難 法者御人之銜勒,救弊之斧斤,故鞭扑不可一日弛之於家,刑法 竊以律令之書,政理之本,經聖賢之損益,爲古今之章程,歷代以來,謂 宜令中書門下並重删定,務從節要,所貴天下易爲 今奉制旨删定律令,有以見聖君欽恤 不可 一 日

志

釋; 十卷、 **贊、大理正蘇曉、太子中允王伸等一** 知雜 明之運,宜伸畫一 之彝典。 臺、尙書省四品以上及兩省 部」,今據新唐書百官志改正。(舊五代史考異) 勅三十二卷及 古而 **勅則條目繁多,檢閱者或有疑誤。** 自是提等於都省集議删定,仍令大官供 格勒之有繁雜者,隨事删除。 不便於今,矛盾相違,可於此 事 張湜、 院成,原本作「開武」,今從文獻通考改正。(影庫本粘籤) 今朝廷之所行用者律一十二卷〔三〕、律疏三十卷、式二十卷、令三十卷、 太子右庶子劇可 皇朝制勅等。 之規,所冀民不陷刑,更知所守。 折獄 五 久、殿中侍御史率汀、職方郎中 品以上官參詳可否, 送中書門下議定, 定刑,無出 mi 加之邊遠之地, 止要諧理省文, 十人,編集新格,勒 不 王瑩、 可於彼,盡宜改 膳 、司封員 於此。 《外郞賈玭、太常博士趙礪、 貪猾之徒,緣此爲姦,寖以 兼 大中統類一十二卷、 律令則文辭古質,看覽者 臣等商量, 且直 Ī. 成部 , 無或牽 書 易會。 帙。 鄧守中、倉部郎 望 拘。 准聖旨施行, 律令之有難 其中 奏取進止。」 候編 後唐 有 輕 集 成弊。 中 以來 難 國子博 解者, 畢 重 以 詳 仍差: 日, 未 案.原 開成格 至 當, 韶從之。 就 方屬 委 漢 士: 侍 明; 本 李光 大編 御史 便 文 訛 御 於 一藏 盛 史 格

律爲主 書張 船等一 五 年 辭旨之有難解者,釋以疏意; 七月,中書門下奏:「侍御 十人,參詳旨要,更加 損 史知 益 義理之有易了者,略其疏文。式令之有附近者次之, 雜事張湜等九 臣質、 臣溥據文 人,奉韶 評 議, 編集刑 備見精 書,悉有條 審 其 所 編 貫,兵部 集者,用 尙

開成格、編勅等,採掇旣盡,不在法司行使之限,自來有宣命指揮公事及三司臨時條法,州 門下詳議聞奏。」勅宜依,仍頒行天下。乃賜侍御史知雜事張湜等九人各銀器二十兩,雜綵 格勅之有廢置者又次之。事有不便於今、該說未盡者〔〕,別立新條於本條之下;其有文 所冀發函展卷,綱目無遺,究本討源,刑政咸在。其所編集,勒成一部,別有目錄,凡二十一 理深古、慮人疑惑者,別以朱字訓釋。 縣見今施行,不在編集之數。 三十匹,賞删定刑統之勞也。案:以下疑原本有關佚。 刑名之要,盡統於茲,目之爲大周刑統,欲請頒行天下,與律疏令式通行。其刑法統類、 應該京百司公事,逐司各有見行條件,望令本司删集,送中書 至於朝廷之禁令,州縣之常科,各以類分,悉令編附。

滯。」 决」,今從册府元龜改正。(影庫本粘籤) 輕 . 重 一,限 唐同光二年六月己已,勅:「應御史臺河南府行臺馬步司左右軍巡院,見禁囚徒, 十日內並須決遣申奏。 不得淹停,兼恐內外形勢官員私事寄禁,切要止絕,俾無冤 仍委四京、諸道州府,見禁囚徒,速宜 一疏決, 疏決,原本作「速

六月甲寅,勅(至):「刑以秋冬,雖關惻隱,罪多連累,翻盧滯淹。 三年五月己未,勅〔四〕:「在京及諸道州府,所禁罪人,如無大過,速令疏決 若或十人之中,止爲一夫抵 不得淹滯。」

一九六五

死,豈可以輕附重,禁錮逾時。 司,據罪詳斷申奏,輕者卽時疏理,重者候過立春,至秋分然後行法。 言念哀矜,又難全廢。其諸司囚徒,罪無輕重,並宜各委本 如是事繫軍機,須行

嚴令,或謀惡逆,或畜奸邪,或行劫殺人,難於留滯,並不在此限。」

斷, 不得傍追證對,經過食宿之地,除當死刑外,並仰釋放,兼不許懲治。」 天成元年十一月庚申,勅:「應天下州使繫囚,除大辟罪以上,委所在長吏,速推勘決

正。(影庫本粘籤) 二年春,左拾遺李同上言:「天下繫囚,請委長吏逐旬 親自引問,質其罪狀眞虛,然後論之以法,庶無枉濫。」從之。 逐旬, 原本作「逐均」, 今據册府元龜改

六月,大理少卿王鬱上言:「凡決極刑,合三覆奏,近年以來,全不守此。 伏乞今後前一

日令各一覆奏公。」奉勅宜依。

極刑, 奏,其諸道 八月,西京奏:「奉近勅,在京犯極刑者,令決前一日各一覆奏。 不審准條疏覆奏。」 已降旨命,准舊例施行。 奉勅旨:「昨六月二十日 今詳西京所奏,尚未明近勅, 所降勅文,祇爲應在洛京有犯極 **兼**慮諸道有此疑惑, 緣當府地遠,此後凡有 刑 者覆 故令

善推疑獄及曾雪寃濫兼有異政者,當具姓名聞奏,別加甄獎。! + 月 辛 丑,德音:「爲政之要,切在無私; 聽訟之方,唯期不濫。 天下諸州府官員,如有 曉渝。」

獄活人生命者,許非時選,仍加階超資注官,與轉服色,已著緋者與轉兼官。 長 |興元年二月,制曰:「欲通和氣,必在伸寃,將設公方,實資獎善。 州縣官僚能雪寃

裁。 八月 其逐處觀察使、刺史,別議朝典。宜令諸道州府,各依此處分,所管屬郡,委本道嚴切指揮。」 各委長吏,專切推窮,不得有滯淹。」 弊,漸失紀綱。 則誅剝貨財,市恩出拔。 百姓,或諸多違犯,或小 **成紊亂**; 丁卯, 如敢苟縱依違,遂成枉濫,或經臺訴屈,或投匭申冤,勘問不虚,其元推官典並當責罰, 二年二月辛亥,勅:「朕猥以眇躬,薦承鴻業,念彼疲瘵, 勞於寐興。 或慮官不得人,因 或盧刑非其罪,遂至怨嗟。 勅 自今後切委逐處官吏州牧縣宰等,深體余懷,各舉爾職。 「三京、諸道州府刑獄, 可鬭爭。 外憑公道,內循私情,無理者轉務遷 官吏曲縱胥徒,巧求瑕釁。 王化所興,獄訟爲本,苟無訓勵,必有滯淹。 近日訪問, 依前禁繫人, 延,有理者却思退縮。 初則滋張節目,作法拘囚 多不旋決, 凡闕推究,速與剸 諸道宜令所在 近日諸道 積 成就

刑,仰天 囚 哉』之旨,禮摽『侀也』之文,因彰善於泣辜,更推恩於扇暍。 恐不依法拷掠,或不勝苦致斃,翻以病聞,請置病囚院, 四月,前濮州錄事參軍崔琮上言: 無恨;無病致斃,沒地銜寃。 燃死 案:原本作「崔瑽」,今據册府元龜改正。(舊五代史考異) 灰而必在 至仁,照覆盆 **兼加醫藥。**」 所請置病囚院(公),望依,仍委 |而須資異鑑(せ),書著『欽 中書覆云:「有 「諸道獄 罪當

志

九

刑

法志

隨處 致 病 長 囚 `負屈身亡,本處官吏,並加嚴斷。 吏,專切經心。 或有病囚,當時遭醫人診候,治療後, 兼每及夏至(式),五日一 據所犯 度,差人洗刷枷 輕 重決斷。 如敢 匣 故

奏取 裁,不 應 順 元年三月戊午,詔:「應三京、諸道州府繫囚,據罪輕重,疾速斷遣。 便區分,故爲留滯。 今後凡有刑獄,據理斷遣。 如有勅推按, 理合奏聞, 比來停滯, 不在此

限。

誠 清泰 知負 元年 罪,特軫 五月丁 予 懐。 丑,詔:「在京諸獄及天下州府見繫罪人,正當暑毒之時, 恐法吏生情,滯於決斷。 韶至, 所在長吏親自慮問, 據輕重疾速 未免拘囚之

斷遣,無淹滯。」

晉 天福二年八月,勅下刑部大理寺御史臺及三京、諸道州府:「今後或有繫囚染疾者,並

令逐 處軍 一醫看 候,於公廨錢 內量支藥價,或事 輕者,仍許家人看候。」

賊 人,從來籍沒 几 年九 月, 相州 財產,云 案 是鄴都 原本訛「松州」, 舊 例, 今據通鑑改正。(舊五代史考異)節度使桑維翰奏:「管內所獲 格律未見明文。」刺"「今後凡有賊人, 准格定罪, 不得

沒納家貲。天下諸州,准此處分。」

三月庚午台。 詳定院奏:「前守洪洞縣主簿盧燦進策云:"伏以刑獄至重, 朝廷所難,

款,一一盡理,子細檢律令格勅,其間或有疑者,准令文讞,大理寺亦疑,申尚書省,省寺明 尚書省分職六司,天下謂之會府,且諸道決獄(ll),若關人命,即刑部不合不知。 古今所重,但關人命,實動天心,或有寃魂,則傷和氣。應諸道州府,凡有囚徒,據推勘到案 天下遵守法律,不敢輕易刑書,非唯免有銜寃,抑亦勸其立政者。』 參軍、法直官、馬步司判官名銜申聞,所貴或有案內情曲不圓(三),刑部可行覆勘。 府凡斷大辟罪人訖,逐季具有無申報刑部,仍俱錄案款事節,并本判官、馬步都虞候、司法 有指歸,州府然後決遣。」 重,國法須精,雖載舊章,更宜條理,誠爲允當,望賜施行。」從之。五月,詔曰:「刑獄之難, 臣等參詳,伏以人命至 欲請州 如 此則

明。 今後據其所陳,與爲勘斷,剺耳之罪,准律別科。」 五年三月丙子,詔曰:「自大中六年已來,剺耳稱冤〔〕,決杖流配,訴雖有理,不在申

速決遣,每務公當,勿使滯淹。」 弘欽恤,以致和平。應三京、鄴都及諸道州府,見禁諸色人等,宜令逐處長吏,常切提撕,疾 六年秋七月庚辰,詔曰:「政教所切,獄訟惟先,推窮須察於事情,斷遣必遵於條法,用

狴牢之內,或多枉撓之人,屬此炎蒸,倍宜軫憫,冀絕滯淹之歎,用資欽恤之仁。應三京、 |天福八年四月壬申,勅:「朕自臨寰宇,思致和平,將以四海爲家,慮有一物失所。 每念

嚴 鄴都及諸 切指揮本 道州府 見、禁罪人等,宜令逐處 推 司及委本所判官,疾速結絕斷遣,不得淹延,及致寃濫,仍付所司。」 逐處,原本作「鹿處」,今從冊府元龜改正。(影庫本粘籤)

苦,奸吏苟窮於枝蔓,平人用費於貨財,由茲滯淹,兼致 中,莫能自理。 黎元,行寬大之令。 請 濫,勿得淹留,庶免虚禁平人,妨奪農力,冀召和氣,以慶明時。」 刺曰:「囹圄之中,縲絏之 官吏因循,寖成斯弊。 應 事 方殷,是雷風長養之時,乃動植蕃蕪之際。宜順時令,以弘至仁。竊以諸道州府都郡 長吏躬親,冤獄官抑逼,深爲允當,宜 見禁罪人,或有 開運二年五月壬戌,殿中丞桑簡能上封事曰:「伏以天地育萬物,廣博厚之恩, 苟一人拘繫,則數人營財,物用旣殫,工業亦罷。 久在囹圄,稍滯區分,胥吏侮文,枝蔓乃衆。捶楚之下,或陷無辜; 是知恤刑緩獄,乃爲政之先,布德行惠,實愛民之本。今盛夏之月,農 伏乞降韶旨,令所在刑獄,委長吏親自錄問,量罪疾速斷遣,務絕寃 再頒行。 宜依。」 风压塞。 桑簡能體茲軫憫,專有數陳, 若此之類,實繁有徒,切恐 帝王 縲絏之 牧

州郡尤多,若不再具舉明,伏恐漸成奸弊。 玄,運膺下 子之常規。 月甲子,祕書省著作郎邊肝上封事 武,旰食宵衣而軫念,好生惡殺以推仁,幾措典刑 蓋欲表 大國之任人,致萬 . 邦之無事,前文備載,可舉而 日:「臣聞從諫 臣竊見諸道刑獄,前朝曾降勅文,凡是禁繫罪 如流,人君之令範;極言無隱,臣 固,固 行。伏以皇帝陛下,德合上 無寃柱。然以照 臨之內,

志九 刑法志

施

不可濫 本 近陟周行 妄要追 人,五日 粘籤) 度,當 領 舉。 俾令四海 面同共錄問,所冀處法者無恨,銜寃者獲伸。 一度錄問。 ,俄陳讜議,更彰欽恤,宜 證明。 雖一 成之典,務在公平;而三覆其詞,所宜詳審。 慮 九州,咸歌聖德;五風 有涉於淫刑,即恐傷於和氣。 但以年月稍遠,漸致因循。 允申明。 十雨,永致昌期。」 或長吏事煩,不暇躬親點檢, 伏乞特降韶勅,自今後諸道並委長吏五 獲伸,原本作「穫倍」,今從册府元龜改正。(影庫 勅曰:「人之命無以復生,國之刑 凡居法吏,合究獄情。 或胥徒啓倖, 日

法日, 象, 也。 罰須當 傷。 以 頭 長 頸 本欲生之,義期 釘貫簽人手足,或以 異處,大辟之目,不出兩端,淫刑所 竊以蚩尤爲五虐之科,尚行 將宏守位之仁,在峻惟行之令台馬,欲乞特下明勅, 三年十一 宜 有罪宜從於正法,去邪漸契於古風。 不舉樂,減常膳;又刑部式,決重杖一頓處死, 月丁未,左拾遺竇嚴 止殺,絞斬之坐,皆刑之極也。 短 刀臠割 "鞭扑; 上疏 人肌 漢祖 膚, 興,近聞 曰:「臣伏覩名例律疏云:死刑者,古先哲王,則天垂 乃至累朝半 約三章之法, 竇嚴所貢奏章,實裨理道, F數等。 又准|天成三年閏八月二十三日 以代 盏 生半死,俾寃聲而 嚴 緣 止有 加 外地,不守通 極法, 禁斷者。」刺 死 刑。 斯皆人君哀矜不捨之道 絞者筋骨相 宜依所奏, 日:「文物 規, 上達,致 肆率情性, 和 1勅,行 · 連,斬· 方 准律令 氣以 興, 刑 有 或 者 極

改候,四序履端,履端,原本作「屢端」,今據文改正。(影庫本粘籤)將冀和平, 都、諸道州府見繫罪人,委逐處長吏躬親慮問,其於決斷,務在公平,但見其情, 漢乾祐二年正月,勅:「政貴寬易,刑尙哀矜,慮滋蔓之生奸,寔軫傷而是念。 無 如獄訟。 應三京、鄴 即爲具獄, 今屬三元

勿令率引,遂致淹停,無縱舞文,有傷和氣。」

之候,累行條貫,俾速施行,靡不丁寧,未曾奏報,再頒告諭,無或因循。 所司疾速斷遣,無致淹滯枉濫。」 就勘窮,薄罰者畫時 四月甲午,勅曰:「月戒正陽,侯當小暑,乃挺重出輕之日,是恤刑議獄之辰,有罪者速 五. 月辛未,勅:「政化所先,獄訟攸切,不唯枉撓,兼慮滯淹。 ·疏決,用符時令,勿縱滯淹。 三京、鄰都、諸道州府在獄見緊罪人,宜令 適當長養之時,正屬熇蒸 應三京、鄴都、諸道

州府,詔至,宜具疏放已行未行申奏,無致逗留。」

慮 自召,法不可移;非理受苦者,爲上不明,安得無慮。 其 非所,案鞫淹 周廣順三年四月乙亥, 勅:「朕以時當化育,氣屬炎蒸,乃思縲絏之人,是軫哀矜之念, 延,或枉濫窮屈而未得伸宣,或饑渴疾病 欽恤之道,夙宵靡寧。 而無所控告。 以罪當刑者,唯彼 應諸道州府見

分

決者。 股每 枉撓,明具聞奏,量興甄獎。」 念此, 顯 德 其中有徒黨反告者,劫主 元年十一月,帝謂 彌 切 茨懷。 此後宜條貫所在藩郡,令選明幹僚吏,當其訴訟。 侍 臣曰:「天下所奏獄訟,多 陳訴者及妄遭牽引者,慮 追 獄 引證,甚致淹延,有及 吏作倖遲留, 致 如獄不滯留,人無 生 人 百 休 餘 廢活業, 日 而 未

睠委於茲,

興寐無已。

餘從勅命處分。」

顯德 使判官,准從七品官例; 諸道推巡及軍事判官,准從八品官例; 諸軍將校內諸司使、使副 諸道 前職員云、內外雜任鎭將等,並請准律,不得上請當贖。 等,並請同 供奉、殿直,臨時奏聽勅旨。」由是內外品官當贖之法,始有定制焉。永樂大典卷八千二百九十。 品官者(云),亦請同流外職。准律,杖罪以下,依決罰例(云),徒罪以上,仍依當贖法。」至周 應內外文武官,有品官者自從品官法,無品官有散試官者,應內外帶職廷臣賓從、有功將校 刑 部 員外郞李象請:「今後凡是散官,不計高低,若犯罪不得當贖,亦不得上請詳定院 |兩使判官、防禦團練副使,准從六品官例 (10) ;節度掌書記、團判官 (三) 、兩蕃營田等 五年七月,新定刑統:「今後定罪,諸道行軍司馬、節度副使、副留守,准從五品官例; 外官當贖之法,梁、唐皆無定制,多示優容,或因時分輕重。 請同,原本作「請周」,今據文改正。(影庫本粘籤) 九品官例。 其巡司馬步司判官公司,雖有會歷 其京都運巡使及諸道州府衙 晉天福六年五月, 覆奏。 尙書

校勘記

- 殿本、劉本同。 彭校及會要卷九、冊府卷六一三作「盧質」。
- 三 律一十二卷 「律」字原無,據會要卷九補
- 3 事有不便於今該說未盡者 「今」字原無,據彭梭及冊府卷六一三補。 殿本全句作「事有不便與

該 說未盡者」。

- (四) 三年五月己未勅
- (至) 六月甲寅勅 殿本、劉本、冊府卷一五一同。冊府卷六一三作「二年六月詔」,會要卷一〇同光 「勅」字原無、據殿本、劉本補。

三年六月二十一日大理寺奏後有此詔。 。按二十史朔閏表,同光二年六月戊辰朔,三年六月壬戌

朔,均無甲寅。 三年六月二十一日爲壬午,二十三日爲甲申。「甲寅」疑係「甲申」之誤。

(K) 前一日令各一覆奏 殿本、劉本、冊府卷一五一同。 會要卷一〇、冊府卷六一三載本文較詳,此

處作「令決前、決日各一覆奏」。

- (+) 覆盆 原作「露盆」,據冊府卷四二改。
- (六) 所請置病囚院 「請」原作「謂」,據冊府卷四二改。
- (北) 每及夏至 「夏」原作「官」,據冊府卷四二改。
- (10) 三月庚午 「三月」,殿本作「其月」。 會要卷一六作「天福三年三月」,冊府卷一五一亦繫在「晉

高祖天福三年」條後。

 $\stackrel{\triangle}{=}$ 所貴或有案內情曲不圓 且諸道決獄 「道」字原無,據殿本及冊府卷一五一、會要卷一六補。 「貴」原作「貴」,據殿本及冊府卷一五一改。影庫本批校云:「所責,原 劉本作「且請決獄」。

本係『所貴』,似較順。」

九

校 勘

12

剺耳 原作「釐爾」,據殿本及會要卷一〇、冊府卷一五一改,下同。 劉本此處作「剺耳」,下文作

幾措典刑 「幾」原作「凡」,據冊府卷一五一改。

「釐耳」。

三 在峻惟行之令 劉本及冊府卷一五一同。影庫本批校云:「在峻惟行之令,『惟』疑當作『推』。」殿

本作「推」。

公 運巡使 殿本、劉本同。 會要卷一〇、冊府卷六一三作「軍巡使」。

宝 其巡司馬步司判官 「司判官」三字原無,據會要卷一〇、冊府卷六一三補。

云 依決罰例 「依」字原無,據會要卷一〇、冊府卷六一三補。 「官」字原無,據會要卷一〇、冊府卷六一三補。

금

雖有曾歷品官者

准從六品官例 「例」字原無,據殿本、劉本及會要卷一〇補。

團判官 殿本同。 劉本及會要卷一〇作「防團判官」。舊五代史考異云:「案:疑作『團練判官』,

考五代會要亦作『團判官』,蓋當時案牘之文,官名各從簡省,今姑仍其舊。」

舊五代史卷一百四十八

志十

選舉志

採其事,備紀於後,以志五代審官取士之方也。 之,所以覈文行而第雋秀也。 按唐典,凡選授之制,天官卿掌之,所以正權衡而進賢能也;凡貢舉之政,春官卿掌 洎梁氏以降,皆奉而行之,縱或小有釐革,亦不出其軌轍。

解」,考五代會要、文獻通考俱作「拔解」,今改正。(影庫本粘籤)今後宜止絕。」 梁開平元年七月,勅:「近年舉人,當秋薦之時,不親試者號爲『拔解』, 拔解, 原本作 「 献

也。 今在朝公卿親屬(三)、將相子孫,有文行可取者,請許所在州府薦送(三),以廣疏材之 四月〔1〕,兵部尚書、權知貢舉姚洎奏:「近代設交科、選胄子,所以綱維名教,崇樹邦本

志十

路。」從之。 案文獻通考: 唐時知貢舉皆用禮部侍郎,梁開平中,始命兵部侍郎楊渉權知貢舉。 此事薛史不載。

唐同光二年十月,中書奏,請停舉選一年。 勅··「舉、選二門,國朝之重事,但要精確,難

議權停,宜准常例處分。」

天成元年八月, 勅:「應三京、諸道, 今年貢舉人, 可依常年取解, 仍令隨處量事,

赴闕。」

選數年滿日,許令就中書陳狀,于都堂前各試本業詩賦判文。其中才藝灼然可取者,便與 正。(舊五代映秀異)登第後恥于赴選。宜絕躁求之路,別開獎勸之門。其進士科已及第者,計 除官,如或事業不甚精者,自許准添選。」 五年二月九日,勅:「近年文士,輕視格條,就試時疏于帖經,案:原本作「帖括」,今據近代會要改

得路。 省循,但言屈塞,互相朋扇,各出言詞,或云主司不公,或云試官受略,實慮上達聖聽,微臣 衡,實憂庸懦之材,不副搜羅之旨,敢不揣摩頑鈍,杜絕阿私,上則顯陛下求賢,次則使平人 晉天福三年三月,翰林學士承旨、兵部侍郎、權知貢舉崔棁奏:「臣謬蒙眷渥,叨掌文 但以今年就舉,比常歲倍多,科目之中,兇豪甚衆。每駮牓出後,則時有喧張,不自

屈 請所試,與疏義對證,兼令其日一甲同共校量,若獨委試官回,恐未息詞理。 無以自明,晝省夜思,臨深履薄。 ",則所司固難逭憲章; 儻蒙聖造允俞,伏乞降勅處分。」從之。 如其妄有陳論,則舉人乞痛加懲斷。冀此際免虛遭謗議,亦將來 今臣欲請令舉人落第之後,或不甘心,任自投狀披陳,却 **儻是實負抑**

部 引人過堂之日,幕次酒食會客,悉宜廢之。」 五年三月,詔:「及第舉人與主司選勝筵宴,及中書舍人靸鞋接見舉人,兼兵部、禮

可久遠施行。

其明經 啓,諸 及 當就試, 闕」,今據文改正。(影庫本粘籤) 名第豈 而 一千有餘,舉人如是繁多,試官豈能精當。 不廢,搢 科,始以明經,俾昇高第。 74 科 月,禮部侍郎張允奏曰:「明君側席,雖切旁求;貢士觀光,豈宜濫進。 可妄與。 止在 並存,明經者悉包於九經、五經之中,無出於三禮、三傳之內,若無釐革,恐未便宜, 科, 神之士,亦緘默而無言,以至相承,未能改作。 伏請 念書,背經則雖似精詳,對卷則不能讀誦。 且常年登科者不少,相次赴選者甚多,州縣之間,必無遺闕, 停廢。」又奏:「國家懸科待士,貴務搜揚,責實求才, **輦**轂之下,須有稽留,怨嗟自 自有九經、五經之後,及三禮、三傳已來,孝康之科,遂因循 況此等多不究義, 唯攻帖書, 文理 此 而 及名成貢部, 每歲明經一科,少至五 興,謗讟因茲而 身返故鄉, 須除訛濫。 起。 竊窺前代,未 遺闕,原本作「貢 但今廣場大 既不甚通, 百以上,多 但尅日以 童子每

萃、明算、道舉、百篇等科並停。

取官,更無心而習業,濫蠲徭役,虛占官名,其童子一科,亦請停廢。」勅明經、童子、宏詞、拔

策條並不施行,所試策下,元進策條內有施行者,其本官並仰量與恩賜發遣。若或所試策 試策上者,委銓司超壹資注擬,其試策中者,委銓司依資注擬。如是所試策或上或中,元進 今後應進策條,中書奏覆,勅下,其進策人委門下省試策三道,仍定上、中、下三等。 下,所進策條並不施行,便仰曉示發遣,不得再有投進。餘並准前後勅文處分。」 進策內,有施行者,其所試策或上或中者,委門下省給與減選,或出身優牒合格。參選日,其 天福七年五月,勅:「應諸色進策人等,皆抱材能,方來投獻,宜加明試, 俾盡臧謀。 如是元

·廢,損益之機未見,牢籠之義全虧。 將闡斯文,宜依舊貫, 庶臻至理,用廣旁求。 開運元年八月,詔曰:「明經、童子之科,前代所設,蓋期取士,良謂通規。 爰自近年,暫

經、童子二科,今後復置。」

試。 (異 下,原本脫「下」字,今據五代會要增入。(影庫本粘籤) 「進士考試雜文及與諸科舉人入策,歷代已來,皆以三條燭盡爲限,長興二年,改令書 伏以懸科取士,有國常規,沿革之道雖殊,公共之情難失。 十一月,工部尚書、權知貢舉竇貞固奏。案宋史簽貞固傳云:貞固擇士平允,時人稱之。〈舊五代史考 揮毫短景之中,視晷刻而惟畏稽遲,演詞藻而難 若使就試兩廓之下,

志 + 選 舉 志 一九八一

舊例以三條燭爲限。其進士幷諸色舉貢人等,有懷藏書册入院者,舊例扶出,不令就試,近 年以來,雖見懷藏,多是容縱。今欲振舉弛紊,明辨臧否,冀在必行,庶爲定式。」 求妍麗,未見觀光之美,但同款答之由,旣非師古之規,恐失取人之道。今欲考試之時, 准

從之。其間條奏未盡處,下貢院錄天福五年四月二十七日勅文,告諭天下,依元勅條件施 行,如有固違,其隨處考試官員,當准勅條處分。 解者,並須精加考校,事業精研,即得解送,不得濫有舉送,冀塞濫進之門,開與能之路。」刺 二千、三千,旣事業不精,卽人文何取。 請勅三京、鄴都、諸道州府長官,合發諸色貢舉 漢乾祐二年,刑部侍郎邊歸讜上言:「臣竊見每年貢舉人數甚衆,動引五舉、六舉,多至 人文

義」,今從冊府元龜改正。(舊五代史秀異)其口義五十道,改試墨義十道〔至〕。」從之。 周廣順二年二月,禮部侍郎趙上交奏:「貢院諸科,今欲不試汎義, 案: 原本作「不汎試口

上交傳:廣順初,拜禮部侍郎,會將試貢士〔六〕,上交申明條制,頗爲精密。始復餬名考校,擢扈載甲科,及取梁周翰、董 首,帖經二十帖,對義五通,今欲罷帖經、對義,別試雜文二首、試策一道。」從之。案深思題 三年正月,趙上交 趙上交,原本脫「趙」字,今據五代會要增入。(影庫本粘籤)奏:「進士元試詩賦各

淳之流,時稱得士。(舊五代史考異)

其 年八月, 刑部侍郎、權知貢舉徐台符奏:「請別試雜文外,其帖經、墨義,仍依元格。」

舉者,許人言告,送本處色役,永不進仕。」 首罪,勒停見任,舉送長官,奏聞取裁。 顯德二年三月,禮部侍郎竇儀奏:「請諸科舉人,若合解不解、不合解而解者,監試官爲

作「王欋」,考文獻通考作「王松」,薛史章說傳亦作「松」,今仍其舊。(舊五代史考異) 皆是攝官,誅剝生靈,漸不存濟。比者郭崇韜在中書日,未詳本朝故事,妄被閑人獻疑,點 制置,不自於宸衷,此日焦勞,特强於睿澤。望以中書條件及王松等所論事節, 名,盡被焚毁棄逐,或斃踣於旅店,或號哭於道途。以至二年已來,選人不敢赴集,銓曹無 誤,數任皆不勘詳。其年選人及行事官一千二百五十餘員,得官者才及數十,皆以渝濫爲 人可注,中書無人可除,去年闕近二千,授官不及六十。 伏請特降勅文,宣布遐邇, 檢選曹,曲生異議,或告赤欠少,一事闕違〔キ〕,保內一人不來,五保卽須並廢,文書一紙有 唐同光四年三月,中書門下奏議:「左拾遺王松、吏部員外郎李愼儀上疏,以諸道州縣, 監試官如受賂,及今後進士,如有倩人述作文字應 委銓司點檢,務在酌中,以 明往年 册府元龜

志 + 譔 舉 志

豆盧 爲定制。」從之。 同姓之家,隨賂改更,因亂昭穆,至有季父伯舅反拜姪甥者。 革、韋說僶俛贊成。 時議者以銓注之弊,非止一朝, 搢紳之家, 或有親舊訊其事端者,革、說曰:「此郭漢子之意也。」及崇韜誅,韋 自無甄別,或有伯叔告赤,鬻於 郭崇韜疾惡太深,奏請釐革,

說即教門人王松上疏奏論,故有此奏。識者非之。

齊、公事 勘,無違礙 務絕阿私, 選人,每年不過數百,何必以一司公事,作三處官方。 使,號爲南選外,其餘諸道及京百司諸色選人,每年動及數千,分爲三選,尙爲繁重 天成四年多十月丙申, 亦 後,即 無遲滯。」 宜新公共之規, 俾愼官常之要。 據格同商量注擬,連署申奏,仍不得踵前於私第注官,如此則人吏易可整 詔曰:「本朝一統之時,除嶺南、 其諸道選人, 宜令三銓官員, 況有格條,各依資考,兼又明行 黔中去京地遠,三年一降選補 都在省署子細磨 '勅命, 近代

紙數,仍具 印,都於後 將明本末,須示規程。 長興元年三月,勅:「凡是選人,皆有資考,每至赴調,必驗文書, 年月日,判成授某官。」蓋懼其分假於人故也 面粘紙, 粘紙,原本作「粮紙」,今據册府元龜改正。(影庫本粘籤) 其判成諸色選人,黃甲下後,將歷任文書告赤連粘,宜令南曹逐縫使 其前後歷任文書,都計多少 或不 -具全, 多稱失墜,

其年十月,中書奏:「吏部流內銓諸色選人(云),先條流試判兩節,並委本官優劣等第申

里名號,將來赴選者,並令改正,一一竪本貫屬鄉縣,兼無出身至了,一奏一除官等, 古今,不業文者但據公理判斷可否。不當,罪在有司。 加選限。」從之。 歷任之勞。其或於理道全疏者,以人戶少處州縣同類官中比擬, 文優者宜 超一資注擬,其次者宜依資,更次者以同類官注擬,所以勵援毫之作,亦不掩 **兼諸色選人,或有元通家狀,不實鄉** 仍准元勅,業文者任徵引 宜並不

州 下州錄事參軍,起今後更許入中下縣令、中州下州錄事參軍行言,一任三考者,於人戶多處 身遲滯,到老卑低,宜優未達之人,顯示惟新之澤。其經學出身,一任兩考,元勅入下縣令、 經學出身,請一任兩考,許入中下縣令、下州錄事參軍者。」詔曰:「參選之徒,艱辛不一,發 在任多不成三考印,第二選漸向蹉跎,有一生終不至令錄者,若無改革,何以發揚。 便受好官,或暮齒不離卑任。况孤貧舉士,或年四十,始得經學及第,八年合選,方受一官, 中州錄事參軍;兩任六考(11),許入上縣令及緊州錄事參軍。凡爲進取,皆有因依,或少年 一任三考,許入下縣令、下州錄事參軍,亦入中下州錄事參軍,兩任四考,許入中下縣令、 、縣注擬,如於近勅條內,資敍無相當者,卽準格循資考入官,其兩任四考者,準二任五考 應順元年閏正月丁卯(10),中書門下奏:「準天成二年十二月勅,長定格應經學出身人, 自此

例入官,餘準格條處分。」

志十 選舉志 校勘記

礙格 諸道,起今後文解差錯,過在發解州府官吏。」 恩,所有 .條,例是不知式樣。 式樣,原本作「設祿」,今據五代會要改正。(影庫本粘籤) 今則方求公器,宜被皇 晉天福三年正月,詔曰:「舉選之流,苦辛備歷,或則耽書歲久,或則守事年深,少有違 選人等,宜令所司,除元駮放及落下事由外,如無違礙,並與施行。 仍令所司遍下

今後諸 赴集。」從之。 書門下奏:「應諸出選門官丼歷任內曾升朝及兩使判官,今任却授令錄者,並依見任官選數 漢乾祐二年八月,右拾遺高守瓊上言:「仕宦年未三十,請不除授縣令。」因下詔曰:「起 色選人,年七十者宜注優散官,年少未歷資考者,不得注授令錄。」其年十二月,中

以爲勞,必公私之失緒。 或他事阻留,或染疾淹駐,始赴 是致新官參謝欲上,舊官考秩未終,待滿替移,動逾時月,凋殘一處,新舊二官,在 周 廣順 元年二月,詔曰:「自前朝廷除官,銓司選授,當其用闕,皆稟舊規。 今後應諸道州府錄事參軍、判司、縣令、主簿等,宜令本州府,以到 任者旣過月限, 後之官者遂失期程,以至 一相沿, 近聞所得官 漸 迎送 成 非

任月日,旋具申奏及報吏部,此後中書及銓司,以到任月日用闕,永爲定制。」

難得相當。況今年選人不多,宜令三銓公事,倂爲一處,委本司長官通判,同商量可否施 如文解差錯,不合式樣,罪在發解官吏。」永樂大典卷一萬六千七百八十三。 今當開泰之期,宜軫單平之衆,自今後合格選人,歷任無違礙者,並仰吏部南曹判成, 其年十月,詔曰:「選部公事,比置三銓,所有員闕選人,分在三處,每至注擬之際,資敍

校勘記

- 四月 殿本、劉本同。 |彭校作「四年」,會要卷二三作「四月十一日」,冊所卷六四一作「四年十二
- 月」。
- Ξ 今在 朝公卿親屬 「朝」字原無,據彭校及冊府卷六四一補。
- 請許 本 批 校 所 在 云:「請許取在州府薦送,『取』應作『所』。」 州 府薦送 「所」原作「取」,據殿本、劉本、彭校及會要卷二三、冊府卷六四一改。 影庫
- 獨委試官 「官」原作「言」、據殿本、劉本、冊府 卷六 、四二改。
- 金 其 口 義五 十道改試墨義十道 殿本、 劉本 同。 殘宋本冊府卷六四二作「口義共十五道, 改試墨
- 義共一十道」。明本無孫「一十道」作「十一道」。

- S 會將試貢士 「貢士」原作「進士」,據宋史卷二六二趙上交傳改。
- (4) 或告赤欠少一事闕違 殿本、劉本同。 **删府卷六三二載本文較本書爲詳,此兩句作「其選人凡**
- 關 事關違,並是有涉踰濫,或告赤欠少,或文字參差」。
- (**元**) 流內 銓 殿本、劉本及冊府卷六三三同。 會要卷二二作「流外銓」。
- (先) 或有元通家狀不實鄉里名號……一一竪本貫屬鄉縣兼無出身 實,候將來赴選,並令改正,一一依本屬鄉縣及有無出身」。 本「竪」作「堅」, 餘同。殘宋本冊府「狀」字下空一格。 會要卷二二作「或有元通家狀內鄉貫不 明本冊府卷六三三同。殿本、劉
- (9 関 正 月 丁 卯 申 朔 **,無丁卯;閨正月壬寅朔,丁卯爲二十六日。** 「閧」字原無,冊府卷六三三、會要卷二一作「閏正月」。 據補。 按二十史朔閨表,正月壬
- 兩任 六考 殿本、劉本及會要卷二一同。冊府卷六三三「兩」字上有「兩任五考,許入中縣令,上

州

錄

事

麥

軍」十五字。

- $\stackrel{\frown}{=}$ 在任 初 任之中」。 多不成三考 「在任」,殿本、劉本同。 會要卷二一作「於一任之中」。 冊府卷六三三作「於
- 音 元勅: 令、下州錄 入下縣令下州錄事參軍起今後更許入中下縣令中州下州錄事 事 ·參軍, 起今後更許入下縣令、下州錄事參軍」,殿本作「元勅入下縣令、下州錄事 \$參軍 原作 元 勅入中下縣

志

+

校

勘

記

参軍,起今後更許入中下縣令、下州錄事參軍」,劉本作「元勅入中下縣令、下州錄事參軍,起今 後更許入中下縣令、下州錄事參軍」。冊府卷六三三作「元勅入中下縣令、下州錄事參軍,起今後

更許入下縣令、中州下州錄事參軍」。各本文字互有出入,今據會要卷二一改。

舊五代史卷一百四十九

志十一

職官志

後唐,所以別于六典也。 其中矣。故今之所撰,不敢相沿,祖述五代之命官,以踵百王之垂範,或釐革升降,則謹而 累朝之故事,考衆職之遐源,申命才臣,著成六典,其勳階之等級,品秩之重輕,則已備載于 期與世以作程。 志之,俾後之爲天官卿者,得以觀焉。 夫官非位無以分貴賤,位非品無以定高卑,是以歷代史官,咸有所紀,皆窮源而討本, 迨乎唐祚方隆,方隆,原本作「方降」,今據職官分紀改正。(影庫本粘籤) 案:薛史職官志,本唐六典而紀其釐革,故載同光、天成之改制,皆稱 玄宗在宥,採

梁開平三年三月,韶升尙書令爲正一品。 按唐六典,尚書令正二品二,是時以將授趙

州王鎔此官,故升之。

前列銜,久未改正。湖南節度使馬殷,先兼中書令之時,理宜齒于相位,今守太師、尚書令, 中書令,並列銜于勅牒後,側書『使』字。今兩浙節度使踐繆是元帥、尙父,與使相名殊,承 是南省官資,不合列署勅尾。今後每署將相勅牒,宜落下錢鏐、馬殷官位,仍永爲常式。」 梁開平二年四月,改左右丞爲左右司侍郎,避廟諱也。至後唐同光元年十月,復舊爲 後 (唐)天成四年八月,詔曰:「朝廷每有將相恩命,準往例,諸道節度使帶平章事、兼侍中、

品,與左丞並爲正四品。」 作「右撥」,今從伍代會要改正。(影庫本粘籤)不至相懸,以此比方,豈宜分別。 後唐長興元年九月,詔曰:「臺轄之司,官資並設,左右貂素來相類,左右揆 自此宜升尚書右丞官 左右揆,原本

右都省

不欲斥其家諱, 後 唐長興四年九月,勅:「馮贇有經邦之茂業,宜進位于公台,但緣平章事字犯其父名, 可改同平章事爲同中書門下二品。」後至周顯德中,樞密使吳廷祚亦加同

中書門下二品,避其諱也。

命,皆按故事起草進畫,旣下,則署而行之。其禁有四:一日漏洩,二日稽緩,三日違失,四 其翰林學士院公事,宜並歸中書舍人。」 古昔已來,典實斯在,爰從近代,別創新名。今運屬興王,事從師古,俾仍舊貫,以耀前規。 日忘誤,案:册府元龜作「失誤」,考五代會要、職官分紀俱作「忘」,今仍其舊。(舊五代史考異)所以重王命也。 晉天福五年九月,詔曰:「六典云:中書舍人掌侍奉進奏參議表章,凡詔旨制勅、璽書策

書令正三品,按會要,大曆二年十一月陞爲正二品;左右常侍從三品,按會要,廣德二年五 處分,仍添入令文,永爲定制。」又詔:「門下侍郎,班在常侍之下,俸祿同常侍。」 續會要,會昌二年十二月陞爲正四品,以備中書門下四品之闕〔〕;御史大夫從三品,會昌 月陞爲正三品,門下中書侍郞正四品,大曆二年十一月陞爲正三品,諫議大夫正五品,按 二年十二月陞爲正三品;御史中丞正五品,亦與大夫同時陞爲正四品。」 勅:「宜各準元勅 七年五月,中書門下上言:「有司檢尋長興四年八月二十一日勅: 準官品令, 侍中、中

陞爲 議大夫四員,正五品上,皆隸門下省,班在給事中之下。至會昌二年十一月,中書門下奏, 正四品下,仍分爲左右,以備兩省四品之闕,故其班亦陞在給事中之上。 周顯德五年六月,勅:「諫議大夫宜依舊正五品上,仍班位在給事中之下。」按唐典,諫 近朝自諫議

志

+

.職

大夫拜給事中者,官雖序遷,位則降等,至是以其遷次不倫〔三〕,故改正焉。

右兩省

之。及晉天福中,以李鱗爲司徒,周廣順初,以竇貞固爲司徒,蘇禹珪爲司空,遂以爲例,議 者。」道在相位時帶司空,及罷鎭,未命官,議者不練故事,率意行之。及制出,言議紛然,或 議者曰:「自隋、唐以來,三公無職事,自非親王不恆置,自非親王不恆置,據職官分紀云: 親王加三 者不復有云。 入就列,方入,宰臣退,踵後先退。 云便可綜中書門下事,或云須册拜開府。及就列,無故事,乃不就朝堂敍班,臺官兩省官 公三師,多兼官使。 後唐清泰二年十一月,制:「以前同州節度使、檢校太尉、同平章事馮道爲守司空。」時 是單置者,即親王亦不能得其寵任也。今附識于此。(影庫本粘籤)於字臣爲加官, 劉昫又以罷相爲僕射,出入就列,一與馮道同,議者非 無單置

右三公

後唐 ||天成元年夏六月,以李琪爲御史大夫,自後不復除。

其年多十一月丙子,諸道進奏官上言:「今月四日,中丞上事,臣等禮合至臺,比期不越

竟不相 吏諭 皆待整齊〔四〕,藩侯尙展于公參,即吏即吏,原本作「即員」,今考五代會要、册府元龜俱作「吏」,今改正。(影 語勞來,又堅令通出。臣等出身藩府,不會朝儀,拒命則恐有奏聞,遵禀則全隳則例,伏恐 前規,依舊傳語,忽蒙處分通出,尋則再取指揮,要明審的。又蒙問:大夫相公上事日如何? 役耳,安得慢吾法官。」乃下 將革命,本朝微弱,諸藩強據,人主大臣姑息邸吏,時中丞 何?」臺東喬德威等言:「朝廷在長安日, 進奏官見大夫中丞, 庫本粘籤)豈宜于抗禮。遽觀論列,可驗侮輕,但以喪亂孔多,紀綱隳紊,霜威掃地,風憲銷 此後到臺參賀,儀則不定者。」詔曰:「御史臺是大朝執憲之司,乃四海繩違之地,凡居中外, 臣等訴云:大夫曾爲宰相,進奏官伏事中書,事體之間,實爲舊吏。 不禀承,當行朝典。」時盧文紀初拜中丞,領事於御史府,諸道進奏官來賀,文紀曰:「事例如 今則景運惟新,皇圖重正,稍加提舉,漸止澆訛。宜令御史臺,凡關舊例,並須 以舊儀相見,據案端簡,通名贊拜。 明宗謂 見。 趙 自經兵亂,便以爲常。」 |鳳曰:「進奏官比外何官?」 |鳳對曰:「府縣發遞祗侯之流也。」 |明宗曰:「乃吏 此詔 以爲常,原本脫「爲」字,今從職官分紀增入。(影庫本粘籤) 邸吏輩旣出,怒不自勝,相率于**閤門求見,騰** |上事,邸吏雖至,皆於客次傳語, 如胥吏見長官之禮。 若以別官除授,合云傳 文紀令臺 舉行,如 及梁氏 口喧

晉天福 五 一年二月,以御史中丞爲淸望正四品。 按唐典,御史中丞正五品上,今始陞之。

侍御史知雜事劉皥爲河南少尹(云),自是無省郎知雜者 公廨雜事,次知西推、贓贖、三司受事,次知東推、理匭。」 勅宜依舊制。 三年三月壬戌〔至〕,御史臺奏:「按六典,侍御史掌糾舉百僚,推鞫獄訟,居上者判臺,知 遂以駕部員外郎兼

強幹者,兼侍御史知 罷,獨委年深御史知雜。 振舉之間,紀綱未峻,宜遵舊事,庶叶通規。 開運二年八月,勅:「御史臺準前朝故事,以郎中、員外郎一人兼侍御史知雜事,近年停 雑事 宜却于郎署中選淸愼

右御史臺

改爲直崇政院。 年廢。項安世家說:唐於政事堂後列五房,有樞密房,以主曹務。 人,自後改置副使一人。 以樞密歸之內侍〔七〕。 昔唐朝擇中官一人爲樞密使,以出納帝命。 案"原本作「直崇文院」,今從五代會要改正 至梁開平元年五月,改樞密院爲崇政院, 二年十一月,置崇政院直學士二員,選有政術文學者爲之,其後又 案職官分紀: 唐樞密使與兩軍中尉謂之「四貴」,天祐元 則樞密之任,宰相主之,未始他付, 始命敬翔爲院使, 其後寵任宦 仍置 判官 人,始

案:五代會要作亦置院使一人。石林燕語作改爲樞密院直學士(兄)。 後 唐同光元年 十月, 崇政院依舊爲樞密院, 命宰臣郭崇韜兼樞密使, 亦置直院一人。

委裁遣。 自是州縣供帳煩費,議者非之。又內勾之名,人以爲不祥之言。二年正月,勅鹽

志 +

職

官

志

桑維 翰 晉 兼 天福四年四月,以樞密副使張從恩爲宣徽使,權廢樞密院故也。 樞密使,懇求免職,只在中書,遂以宣徽使劉處讓代之,每有奏議,多不稱旨。 先是,晉祖以宰臣 其

後處讓 T 憂,乃以樞密印付中書門下,故有是釐改也。

開運元年六月, 勅依舊置樞密院,以宰臣桑維翰兼樞密使,從中書門下奏請也。

周顯德六年六月,命司徒平章事范質、禮部尚書平章事王溥並參知樞密院事

章事薛貽短兼延資庫使,判建昌宮事〔5〕。 事。 以東京太祖潛龍舊宅爲宮也。 稅、 魏王 年五月,以門下侍郎平章事一兢兼延資庫使,判建昌宮事。 部尚書李琪爲國計使。 判建昌宮事。 諸色課利, 按舊簿籍而主之。 梁開平元年四月,始置建昌院,以博王友文判院事,以太祖在藩時,四鎮所管兵車賦 至十月,以尙書兵部侍郞李皎爲建昌宮副使。 自後廢其名額不置。 。二年二月,以侍中 其年五月,中書門下奏請以判 至四年十二月,以李振爲建昌宮副使。 案 : 原本有闕文,據五代會要,以侍中韓建判建昌宮 其年六月,廢建昌宮,以河南尹 三年九月,以門下侍郎平 建昌院事爲建昌宮使,仍 乾化二

後 唐 同光元年十一月,以左監門衞將軍、判內侍省李紹宏兼內勾,凡天下錢穀簿書,悉

|朝故事 使以主 院, 竟以三司使爲名焉 授 延 泊 晏、第五琦 楊 掌泉貨 行 朗自 國忠 延 明宗 Ï 度支、 依 朝 部尚書,充三司使,班在宣徽使之下。 售 了,復置 許州 繼以聚貨之術,媚上受寵,然皆守戶部、 特進、行工部尙書,充諸道鹽鐵、轉運等使,兼判戶部、度支事,從舊制也。 嗣位,思革 調發,兵罷 ,鹽鐵時置使名,戶 爲 戶 亦 鹽 部 入再掌國計, 如舊 租 鐵 庸使,以 司, 戶 則停。 ·其弊,未及 制。 部、 凡 關錢物, 自 度支三司,委宰臣一人專 魏博故吏孔謙 後 梁時 白於 、部、度支則尙書省本司郞中、侍 亦 下車,乃韶削 乃置租 以宰臣各判 樞密使, 並 委租庸使管轄,踵梁之舊制也。 庸使, 專使務。 請置三司 除使名,但 一司,不 、專天下 三司 度支本官, 置使, 斂 判 名。 泉貨。 置 怨於下, 使額。 命 長 宣 自 重臣 興元年八月, 下 延 莊宗 郎判其事。天寶中,楊愼矜、王鉄、 別帶使額, 中 斷 朗始也。 乾符後,天下兵興,隨處置 書 喪王 人 中 議 判 興,秉政 其 天成元年四 一室者, 其事 事 以 唐朝已來,戶部、度支 亦無所改作。 ٥ 許州節度使張 , 宰臣以 者 日 實 示 判 租 [月,詔廢租 庸 閑 之 典故, 舊 明宗不 司 2弊故 制 下及劉 覆 至 延 踵 租 也。 是, 朗

敬翔 鸑 爲之。 梁開平三年正 今考五代會要作「巒」, 削 朝因 一金巒坡以爲門名,與翰林院相接,故爲學士者 月,改思政殿爲金鑾殿,至乾化元年五 與薛史同, 已於梁書敬翔傳加案聲明。(影庫本粘籤) 一月,置大學士一 梁氏因之以爲殿名, 稱「金巒」 員,始命 焉。 命 金 ·崇政 巒 通鑑作 院 使

也。 福五年,廢端明殿學士,開運元年,桑維翰爲樞密使,復奏置學士。 未當,宜行顯命,以正 宜令班在翰林學士上,今後如有轉改,仍只於翰林學士內選任。」初置端明殿學士,名目如 不曉文義,於是孔循獻議,始置端明殿學士之名,命道等爲之。二年正月,勅:「端明殿學士 鳳,俱以本官充端明殿學士,非舊號也。時明宗登位,每四方書奏,多令樞密使安重誨讀之, 所。(舊五代史考異) 三館之例,職在官下。趙鳳轉侍郎,遣人諷任圜移職在官上,至今爲例。 右長慶門東北,創小屋數十間爲三館,湫隘尤甚。又周廬徼道,咸出其間,衞士騶卒,朝夕喧雜,每受詔撰述, 「巒」爲「鑾」,從美名也。 立 (官,雖事分皆同,而行綴或異,誠由往日未有定規,議官位則上下不恆,論職次則後先 此名,非故事也。八月日日,賜翰林學士承旨、戶部尚書盧質論思匡佐功臣,亦非常例 後唐天成元年五月,勅翰林學士、尚書戶部侍郎、知制誥馮道,翰林學士、中書舍人趙 天成三年八月,勅:「掌綸之任,擢才以居,或自初命而升,或自顯秩而授,蓋重厥職,靡 同光元年四月, 近班。 置護鑾書制學士,以尙書倉部員外郎趙鳳爲之。時莊宗初建號,故 大學士與三館大學士同。 今後翰林學士入院,並以先後爲定,惟承旨一員,出自殷意,不 案青箱雜記:梁祖都汴, 庶事草創, 貞明中,始於今 案職官分紀(10): 皆移他

志十

職官志

九九七

計官資先後,在學士之上,仍編入翰林志。」其年十一月日記,勒:「新除翰林學士張昭遠,早 案宋史張昭傳:晉天福二年,宰相桑維翰薦昭爲翰林學士。內署故事,以先後入爲衣,不繫官序,特詔昭立位次承旨崔 踐綸闈,久司史筆,曾居憲府,累陟貳卿,今旣擢在禁林,所宜別宣班序,其立位宜次崔棁。」

稅。 據宋史則此勅當在晉天福中,薛史繫於唐天成三年後,疑原本有脫誤。(舊五代史考異) 晉開運元年六月,勅:「翰林學士與中書舍人,舊分爲兩制台,各置六員,偶自近年,權

停內署,況司詔命,必在深嚴,將使從宜,却仍舊貫,宜復置翰林學士院。」

宜殊。 與常參官五 周 顯德五年十一月,詔曰:「翰林學士職係禁庭,地居親近,與班行而旣異,在朝請以 起今後當直下直學士,並宜令逐日起居,其當直學士,仍赴晚朝。」舊制,翰林院學士 日一度起居,時世宗欲令朝夕謁見,訪以時事,故有是詔。

右內職

授柱 備有等差,宜自此時,重修舊制。 柱國,勳之極。 1國,歲月未深,便轉上柱國; 後唐天成三年五月,詔曰:「開府儀同三司,階之極,太師,官之極,封王,爵之極,上 勳之極,原本作「燾之極」,今據職官分紀改正。(影庫本粘籤)近代已來,文臣官階稍高 今後凡是加勳,先自武騎尉,經十二轉方授上柱國,永作 武資不計何人,初官便授上柱國。 官爵非無 次第, 階勳 门便

成規,不令踰越。」雖有是命,竟不革前例。

右勳格

輔憑何較考。 政在中書,左右僕射知政事,午前視禁中,午後視省中,三臺百職,無不統攝。以是論之,宰 議吏淸濁,用人按吏,頓爽前規。隋、唐已來,始著於令。漢代郡守,入爲三公,魏、晉之後, 郡守,五曹尚書綜庶績,法尤精察,吏有檢繩。漢末亂雜,舊章弛廢。魏武於軍中權制品第, **繪要考課,令書考第。」從之。時議者曰:「考績之法,唐堯、三代舊制。 西漢以刺史六條察** 自宰相百執事、外鎭節度使、刺史,應係公事官,逐年書考,較其優劣。遂檢尋唐書、六典、 知憑何督責。」程遜所上,亦未詳本源,其時所司雖有舉明,大都諸官亦無考較之事。 後唐淸泰二年秋九月庚申,尚書考功上言:「今年五月,翰林學士程遜所上封事內,請 自天寶末,權置使務已後,庶事因循,尚書諸司,漸致有名無實,廢墜已久,未

尉各一員。」二年十月,省諸道州府六曹掾屬,只留戶曹一員,通判六曹。 梁開平元年四月,詔:「開封府司錄參軍及六曹掾屬,宜各置一員,兩畿赤縣,置令、簿、

右較考

志

滿二十五箇月,並據資品却與除官。」從之。 兩員,其餘官屬並請權停。 史仍委御 人口声、補闕、拾遺,各置一半。 司郎中、員外郎,應有雙曹處,且署一員,左右散騎常侍、諫議大夫、給事中、起居郎、起 員。 後唐同光元年十一月,中書門下奏:「諸寺監各請只置大卿監、祭酒、司業各一 其王府及東宮官屬CEC、司天五官正、奉御之類,凡不急司存,並請未議除授。 :史中丞條理申奏, 卽 惟太常寺事關大禮,大理寺事關刑法,除太常博士外,許更置 日 各置一半,原本作「各貰一半」,今從五代會要改正。(影庫本粘籤) 停罷。 朝官仍各錄名氏,具罷任月日,留在中書,候見任官 三院侍 員,博士 居舍 其 御

曹判司內只置戶曹、法曹各一員,其餘及諸州支使、兩蕃判官並省。」 周 顯 德五年十二月,韶:「兩京五府少尹、司錄參軍,先各置 一兩員, 起今後只置一員,六

右增減

院使爲儀鸞院使。 梁開平元年五月,改御食使爲司膳使,小馬坊使爲天驥使,文思院使爲乾文院 其年又改城門郞爲門局郎,避廟諱也。 唐同光元年十一月,依舊爲城門 使, 同和

鄓。

後唐天成元年十一月,詔曰:「雄武軍節度使官銜內,宜兼押蕃落使。」 案職官分紀:長興元

年,分飛龍院爲左右院,以小馬均爲右飛龍院。 二年七月,詔曰:「頃因本朝親王遙領方鎭 云,其在鎭 者,遂云副大使知節度事,但年代已深,相沿未改。今天下侯伯並正節旄,惟東、西兩川未

落『副大使』字,宜令今後只言節度使。」

改爲殿直,密院承旨宜改爲承宣,御史臺、三司、閤門、客省所有承旨,並令別定其名。」 是以大朝會宰臣承旨,草制詔學士承旨,若無區別,何表等威。除翰林承旨外,殿前承旨宜 周廣順二年十二月,詔改左右威衞復爲屯衞,避御名也。 晉天福五年四月丙午,詔曰:「承旨者,承時君之旨,非近侍重臣,無以禀朕命、宣予言。

右改制

寧」,今據近代會要改正。(影庫本粘籤)古稱列餧,如非朝命,是廢國章。近日諸道多是各列官銜, 州已上者,每年許奏管內官三人;如管三州以下者,許奏管內官二人。仍須有課績尤異, 使每年只許奏一人,若無尤異,不得奏薦。刺史無奏薦之例,不得輒亂規程。」其年八月,中 方得上聞。 便指州縣,請朝廷之正授,樹藩鎭之私恩,頗亂規程,宜加條制。自今後大鎭節度使,管三 |後唐||同光二年三月,中書門下奏:「糾轄之任,時謂外臺,宰字之官,宰字之官,原本作「宰 若止於檢愼無瑕,科徵及限,是守常道,只得書考旌嘉,不得特有薦奏。 其防禦

志

員並 書奏:「僞庭之時,諸藩多佐,皆從除授。 諸州 軍 事 ,判官,各任本處奏辟 Ge,其軍事判官仍不在奏官之限。 所冀招延之禮,皆合 自今後諸道除節度副使、兩使判官除授外,其餘職

者,不拘年月之限。」 有殊常勤績者,別議優陞。 練推官、軍事判官等,並三年後與比擬。仍每遇除授,量與改轉官資,或階勳,或職 罷任後,宜一年外與比擬;書記、支使、防禦團練判官等,二年外與比擬口以; 于前規; 長興二年十一月,詔曰:「闕員有限,人數常多,須以高低,定其等級。 起今後兩使判官 簡辟之間,無聞於濫舉。」從之。 若有文學知術超邁羣倫,或爲衆所稱,或良知迥舉、察驗的實 推巡、防禦團 資。

官兼三院御史,卽除中下縣令;兼大夫、中丞、祕書少監、郞中、員外郞與淸資。初任陞朝 限印分無殿責,或曾任金吾將軍印之衛使、藩鎭刺史,特勅並不拘此例。 外,書記已下任自辟請。應朝官除外任,罷任後一年方許陳乞。 求官,舊例三任四任方入大將軍,今祇以三任爲限,三任大將軍方入上將軍,並須逐任滿 任方入少卿監,今後並祇三任,逐任須月限滿無殿責者,便入此官。 十五月,如衝替已經二十月,卽別任用。 清泰二年八月,中書門下上言:「前大卿監公。五品陞朝官、西班將軍,皆在任許滿二 少卿監,舊例三任四任方入大卿監, 諸道賓席未曾陞朝者, 西班將軍,罷 諸道除 五品三任四 任一 兩使判官 年許 月

志 職 官志

州辟請急,中書不更除授。 官,檢校官至尙書、常侍、祕書監、庶子,陞朝便與少卿監。 諸州別駕,不除令錄,仍守本官月限,得替後一年,許陳乞。長史、司馬,因攝奏正,未 應出選門官帶三院御史供奉裏行及省銜,罷任後周年, 諸州防禦、團練判、推官,並請本 許陳

有官者送名。」從之。

階; 赤令,取郎中、員外、補闕、拾遺、三丞、五博,少列宮僚,選擇擢任,一則俾藩方侯伯,別耀賓 次則致朝列人臣,備語時政。 三年五月乙未,詔曰:「近以內外臣僚,出入迭處,稍均勞逸,免滯轉遷,應兩司判官、畿 今後或有滿闕,便宜依此施行。」

試,朕亦親自披詳,斷其否臧,俾之陞黜,庶使人不謬舉,野無遺才。 無前官及無出身人,如有奇才異行,越衆超羣,亦許具名以聞, 爭遊捷徑; 多無出身、前官,或因權勢書題,或是衷私請託,旣難阻意,便授眞恩。 有白首窮經,方諧一第;半生守選,始遂一官。 周廣順 辛苦孤寒之士,盡泣窮途。 元年夏五月辛巳,詔:「朝廷設爵命官,求賢取士,或以資敍進,或以科級陞。 將期激濁揚淸,所宜循名責實。 是以國無幸民,士不濫進。近年州郡奏薦, 便可隨表赴闕, 遂使躁求僥倖之徒, 今後州府不得奏薦 當令有司考 至

今後並不得奏薦,其防禦團練、刺史州各置推官一員。」 顯德二年六月,詔:「兩京諸道州府留守判官公司、兩使判官、少尹、防禦團練軍事判官,

右釐革

榮,孝子無不逮之感,閨門交映,聖君覃慶賞之恩。噫!荷陛下孝治之風,受陛下榮親之 爲子爲臣,不失兩全之義。臣又聞司封令式,內外臣僚官階及五品已上者,卽與封妻廕子, 自然見前代之闕文,成我朝之盛典。況唐長興元年德音內一節,『應在朝中外臣僚,父母在, **豫者,靜而屈指,不過數人。陛下得以特議舉行,編爲令式,勸天下之爲善,令域中之望風, 敍進資品以及格式,或不任祿仕,即可授以致仕或同正官,所貴得以敍封妻室。** 封父無爵,名教不順,莫大於茲。臣伏乞自今後文武臣僚,父母在,其父母已有官爵者, 脫「封」字,今從五代會要增入。(影庫本粘籤)伏以父尊母卑,天地之道,尊無二上,國家同體。 則尊?若謂其父未合加恩,安得其母受賜;若謂以子便合貴,曷得其父不先封?先封,原本 父母便與追封贈,父母在卽未敍未封。以臣所見,誠爲不可。 並與加恩。司封不行明制,堅執前文,儻布新恩,兼合舊勅,庶使事君事父,恆遵一體之規; 加邑號,兼曰太君。遂令妻則旁若無夫,子則上若無父,豈有父則賤而母則貴,夫則卑而 人而錄故人,其榮有何?其理安在?又云,父母在,品秩及格者,卽以封其母,不加其父,便 晉天福三年十一月,起居郎殷鵬上言:「竊聞司封格式,內外文武臣僚纔陞朝籍者,無 此則輕生者而重死者,棄今 即父母俱 今授 卽 妻

志 十 職 官 志 二〇〇五 應諸官及五品已上者,即依舊制施行,應三署淸望官及六品已上,便與封廕。淸濁旣異,品 十年,不遂顯榮之願;彼則雜班兩任,便承封廕之恩。事不均平,理宜改革。伏乞自今後 下經綸之務,憲臺執陛下紀綱之司,首冠羣僚,總爲三署,當職尤重,責望非輕。此則淸列 天壤相懸矣。及其敍封,乃爲一貫,相沿至此,甚非。而況北省爲陛下侍從之臣,南宮掌陛 馬、中允、奉御等,亦是五品。 若論朝廷之委任,宰臣之擬論,出入之階資,中外之瞻望,則 固不分於淸濁,但祇言其品秩。且諫議大夫、給事中、中書舍人,並是五品,贊善大夫、洗

秩宜升,仍下所司,議爲恆式。」從之。

其品尙卑,未得廕妻,亦不合用子廕之限。」從之。 石」,今從五代會要改正。(影庫本粘籤)可以封妻,父在不合以其子加母『太』字。 載爲母加『太』字處。 存,即敍封進封內加『太』字,母歿追封,亦加『太』字,故云存歿並同。若是父在,據勅格 否?以聞。」尚書省奏議曰:「今詳前後勅條,凡母皆加『太』字,存歿並同。 此卽是父歿母 漢乾酤元年七月,詔:「尚書省集議,內外臣僚,父在,母承子廕,敘封追封,合加『太』字 若以近勅,因子貴與父命官,父自有官,卽妻從夫品, 若雖有因子之官, 夫品,原本作「夫 無

周 顯德六年多十二月壬辰,尚書兵部上言:「本司蔭補千牛、進馬,

案:原本作「進貝」,

直候 本官親子孫年貌合格,別無渝濫,方許施行。 軍、節度、防禦、團練、留後者,方得補廕。 兵部尚書、侍郎,舊例不許收補,宜許收補。 舉及第內,只許於本品內再補一人。太子進馬、太子千牛,不用收補。 及堂帖施行。 時相沿之陋習也,護附識于此。(影庫本粘籤)其祖、父曾授著皇朝官秩,方得收補。應合收補人,須是 凙,及改事新朝,謂之「皇廕」,今附識于此。(影庫本粘籤) 丞郎給舍已上, :轉品,方得更補,不得於本品內重疊收補。 伏緣前後不同,請別降勅命。」詔曰:「今後應蔭補子孫, 宜令逐品許補一人, 給舍,原本作「給含」,考職官分紀,唐人稱給事中爲「給舍」,今改正。(影庫本粘籤)金吾大將 皇廕人,案石林燕語,五代大臣有累事數朝者,其前朝所得廕 致仕官歷任中曾任在朝文班三品、武班二品及 餘從舊例處分。」 案:五代大臣有改事新朝,所得廕澤倘可推恩及下者,蓋 如是所補人有身故、除名、落藩、廢疾及應 詹事依祭酒例施行。

右封廕

管內刺 並 河朔十六年能抗拒朝命者,以奪刺史權與縣令職而自作威福耳。 宜 依河南 梁開平四年四月,勅"「諸州鎭使,官秩無高卑,並在縣令之下。」其年九月,詔曰"「魏博 史,比來州務,並委督郵,遂使曹官擅其威權,州牧同於開冗, 諸州例,刺史得以專達。」時議者曰:「唐朝憲宗時, 鳥 重胤爲滄州節 若二千石各得其柄,又有 俾循 通制, 度使, 宜蹇 展端, 嘗以

其心。 臺遍 壁」,今從册府元龜改正。(影庫本粘籤) 勞日拙。 王之法制 胤制置使然也。 進,其法直官,比禮直官任使。 法奉公,宰臣則提綱振領,必當彝倫攸敍。所謂至道不繁, 何必期年, 然後報政。 到,令自寫錄一本披尋。 各於其間錄出本局公事,互細 司 旋 加告論 後唐 申中書門下,當更參酌,奏覆施行。」其年八月,勅:「今後大理寺官員,宜同臺省官例升 且律令、格式、六典,凡關庶政,互有區分,久不舉行,遂至隳紊。 罔殊, 天垂萬象,星辰之分野靡差,地載羣倫,岳瀆之方隅不易。 長興二年閏五月台,詔曰:「要道纔行,則千岐共貫,宏綱一舉,則萬目畢張。 催促,限兩月內鈔錄及粉壁書寫須畢,其間或有未可便行,及曾釐革事件,委逐 百代之科條悉在,無煩改作,各有定規,守程式者心逸日休,率胸臆者心 則梁氏之更張,正合其事矣。」 或因顧問之時,應對須知次第,無容曠闕。每在執行,使庶 一一抄寫,不得漏落纖毫,集成卷軸,仍粉壁 書在公廳。 若未有廨署者,文書委官司主掌,仍每 **儻各司其局**,則皆盡 宜準舊制,令百司 粉壁,原本作「糊 有新授官 宜令御史 **旅僚則守** 前

並隸收管。

是後雖幽、鎭、魏三道,以河北舊風,自相傳襲,唯滄州一道,獨禀命受代,自重

史挾奸,豈能據一墉而叛哉!遂奏以所管德、棣、景三州,各還刺史職分,州兵

鎭兵,雖安、

應順元年春三月戊午,宗正上言:「故事,諸陵有令、丞各一員,近令、丞不俱置,便委本 志 職 官 志 校 勘 記 1004

縣令兼之。緣河南、洛陽是京邑,恐兼令、丞不便。」詔特置陵臺令、丞各一員。

右雜錄 泳樂大典卷三千七百九十五。

校勘記

- (1) 尚書令 「令」字原無,據劉本、唐六典卷一補。
- = 以備中書門下四品之闕 「備」原作「補」,據殿本改。 影庫本批校云:「以備中書門下四品之闕,

『備』訛『補』。」

- (三) 遷次不倫 「倫」原作「備」,據全要卷一三改。
- 皆待整齊 「待」原作「不」,殿本、劉本作「所」。 據永樂大典卷二六〇六改。
- (至) 三年 殿本、劉本同。 會要卷一七、冊府卷五一七作「四年」。
- 河南少尹 「少」字原無,據會要卷一七、冊府卷五一七、永樂大典卷二六〇六補。
- (4) 項安世……內侍 四十九字原無,據舊五代史考異補。
- (六) 石林燕語……直學士 十三字原無,據殿本考證補
- (九) 判建昌宮事 「事」字原無,據殿本及會要卷二四補。
- 職官分紀 「官」原作「宮」,據殿本、劉本、舊五代史考異改。

二二 八月 殿本、劉本同。 按此處承上文同光元年四月,似為元年八月,會要卷一三繫於二年七月

後

其年十一月 殿本、劉本同。會要卷一三本條亦作「其年十一月」,但繫在「天福二年四月」後。

按本書卷七六晉高祖紀: 天福二年十一月甲子,「以戶部侍郎張昭遠守本官,充翰林學士,仍知

制誥。」則「其年」當指天廳二年。

(III) 舊分爲兩制 「舊」字原無,據會要卷一三補。

□ 東宮官屬 「官」字原無、據會要卷二○補。

呈 起居 含人 「人」原作「久」,據殿本、劉本及會要卷二〇改。

公古 遙 領 方鎮 「領方」二字原無,據本書卷三八唐明宗紀、會要卷二四補。

[14] 奏辟 原作「奉辟」,據殿本、劉本改。

문 二年外與比擬 「與比擬」三字原無,據冊府卷六三三補。

云芒 大卿監 「卿」原作「御」,據會要卷一三、冊府卷六三三改。

8 以三任爲限三任大將軍方入上將軍並須逐任滿月限 二十二字原無,據全要卷一三補。

並請. 金吾將軍 本州辟請 「軍」字原無,據會要卷一三、冊府卷六三三補。 「辟請」原作「辟諸」,殿本作「奏辟」。據抄本全要卷一三改。

志

+

校

勘

記

二〇〇九

沈校本會要本句作

「並許本州辟請」,冊府卷六三三作「並請本州自辟請」。

(三) 諸道州府 「道」原作「州」,據殿本及會要卷二五改。

(in) 長興二年閏五月 「二年閏五月」原作「元年正月」,劉本同。 影庫本批校云:「長興元年,據原本

應作二年。」殿本作「二年正月」,冊府卷六六同。今據本書卷四二唐明宗紀、會要卷一〇、冊府

卷一五五改。

i.P.青.。

舊五代史卷一百五上

志十二

郡縣志

案:郡縣志序,永樂大典原闕。

隰		衍州		鄭州	
遼州	河東道	武州	關西道	汝州	河南道
沁 州	并州太原	良	雍州京兆	單 州	西京河南
解 州	府	府州	府	濟州	南府
勝州	潞州	雄州	同	濱 州	滑
河山	澤	警州	華 州	密州	許 州
中府	晉州	ווען	耀	瀬	陝 州
	新州		乾	濮州	青州
	武州		隴 州	蔡州	兗 州
	雲州		涇 州	וזען	宋州
	應州		原州		陳州
	絳州		脚州		曹
	慈州		威州		亳州

志

+ =

郡縣志

疑有	-			朗州			虔州			相		
	考醉史諸志之	嶺南道	隴右道	集 州	山南道	淮南道	蘇州	江南道	劍南道	泰州	河北道	;
	體	邕	秦州	[原]	裏州	安州	邵州	黔州	蜀州	雌州	魏州大名府	
,以存其蓝	,那縣志當是	恩州	成	唐州	鄧州	廬州	郴州	處州	漢 州	幽		
售。	是以開元十	溥 州	洮州	商州	唐州	楚州	建州	溫州	彭州	新城區	鎭州眞定府	
	十道圖爲本,	思唐州		隨 州	復	壽州	道州	婺州		縣	府 滄 州	
	惟載	潘州		合州	金 州	天長縣	鄂州州	御州		定州	州 景州	
	五代之改制	桂州		雄勝	忠州		潭州	秀州		博		
	,其仍唐舊制	案		軍	萬州			全 州		莫 州	德 州	
	舊制者則	以上			夔州			杭州		深 州	邢	
	製焉。	水樂大典			利			福州		瑞州	磁州	
	√樂大典#	卷一萬七			関			台州		靜安軍	澶州	
	者則闕焉。永樂大典載薛史原文,	見永樂大典卷一萬七千三百八十			果州			明州		14-	貝州	

丘、尉氏六縣,至是割滑州之酸棗、長垣,鄭州之中牟、陽武三,宋州之襄邑,曹州之戴邑, 梁開平元年,梁祖初開國,升汴州爲開封府,建名東京,元管開封、浚儀、陳留、雍丘、封

案歐陽史職方考:開平元年, 割曹州之考城, 更日戴邑,隸開封,此祇云曹州之戴邑,未見分晰。(舊五代史考異) 許

扶溝、 州之扶溝、 考城等四縣仍且隸汴州, 鄢陵, 陳州之太康九縣隸焉。 其餘五 縣却還本部。 後唐復降爲 [汴州, 以宣武軍爲額, 其陽武、長垣、 中, 復升爲東京, 復以前五

縣隸之,漢、 周並因之。 單州本單父縣, 梁爲輝州, 後唐同光二年, 復舊, 隸宋州, 周 廣順

載于後。 中, 割隸曹州。 以上二條見太平御覽, 其餘郡縣闕略不全。 今考薛史諸志多本五代會要, **謹**采五代會要附

遂以 道第四,劍南道第五,江南道第六,淮南道第七, 關內道爲上。 後唐長興三年四月,中書門下奏:「據十道圖,舊制以王者所都之地爲上,本朝都長安, 今宗廟宮闕皆在洛陽,請以河 南道爲上,關內道爲二,河東道第三, 山南道第八, 隴右道第九, 嶺南道第十。」 河北

河南道

滑州酸棗縣、長垣縣梁開平三年二月,割隸汴州。 晉天福三年十月,酸棗縣却割隸開封 府 後唐同光二年二月,酸棗縣却隸滑州, 長垣縣却改為匡城

鄭州中牟縣、陽武縣(四)梁開平三年二月,割隸汴州。縣(三)。晉天福三年十月,酸棗縣却割隸開封府。

志十

郡

縣

志

後唐同光二年二月,

物:「中牟縣却隸鄭州。」

晉天福

二〇一四

三年十月,中牟縣却割屬開封府。

宋州 襄 邑縣 梁開平三年二月、割隸汴州。 後唐同光二年,却隸宋州。 晉天福三年十月,復割隸開封 府

曹州 戴 邑 縣 梁開平三年二月,割隸汴州 (無)。 後唐同光二年二月,復爲考城 縣

許州 扶 溝 縣、 鄢 陵縣(公) 梁開平三年二月, 割隸汴州。 後唐 同光二年二月,鄢陵縣却隸許州。 天成元年九

月,扶溝縣却隸許州。晉天福三年十月,並割屬開封府。

陳州 太 康 縣 梁開平三年二月,割隸汴州。 後唐同光二年二月,復隸陳州。 晉天福三年十月,却屬開 封 府

單州 楚丘縣 梁開平四年四月、割隸宋州。 碭 山 縣 後唐同光二年二月,敕:「碭山縣,偽梁創為輝州 ()併單州

後,理所于輝州(4)。今宜却屬單州,其輝州依舊爲碭山縣。」

汝州葉縣、襄城縣後唐同光二年十二月,租庸使奏:「二縣原屬汝州,今隸許州,伏緣最鄰京畿, 戶 ,口全少,伏

乞却割隸汝州〔八〕。」從之。 臨汝縣 周顯德三年三月廢。

密州 輔唐縣 梁開平二年八月(九), 改爲安丘縣。 後唐同光元年十月,復爲輔唐縣。 晉天福七年 七月,改爲膠

西縣,避國諱也。

濟州 周 廣順二年九月,以鄆州鉅野升爲州。 其地望為上, 割兗州任城、中都, 單州 金鄉等縣 隸之。 至其年十二

月,又割鄆州鄆城縣隸之,中都縣却隸鄆州。

濱州 周顯德三年六月,制:「以膽國 軍 升爲州。 其地望爲上,直屬京,割棣州渤海、蒲臺兩縣隸之。」

關內道

京 水兆府奉 先縣 梁開平三年二月,割隸同州。 後唐同光三年二月, 却隸京兆 府。 武 功縣、 好時 縣 後唐

長興 元年五月,勅:「併臨等四鄉却隸京兆府〔10〕。」 渭南 縣 周顯德三年四 月, 割屬 華州。 同官

縣

梁開平三

月、割隸同州二二。 後唐同光三年七月,割隸耀州。 美 原縣 後唐同光三年七 月,割隸耀州

華州洛南縣 $\stackrel{\frown}{\exists}$ 後唐同光三年六月, 河中府奏:「韓城、 部陽、 澄城縣,偽梁割屬當府, 其澄城縣今請却屬同

州二三,韓城、郃陽縣且屬當府。」從之。 天成元年七月,勒:「韓城、郃陽二縣却割隸 同州。」

雕 州汧陽縣、 汧源縣 (國)、吳山縣 後唐長興元年五月,依舊割隸隴州

涇州 平涼縣 後唐清泰三年正月,涇州奏:「平凉縣,自吐蕃陷渭州, 權于平涼縣爲渭州理所, 逐龍平凉縣。 叉

有安國 唐清泰三年二月,原州刺史翟建奏:「本州自陷吐蕃, 、耀武兩鎮兼屬平涼,其賦租節目, 並無縣管。 權于 今却置平涼縣, 臨涇縣爲理所。 管安國、耀武兩鎭人戶口吾。」從之。 臨涇元屬涇州, 刺史只管捕盜, 其人戶卽涇州 臨涇 縣 後

管縣。旣無屬縣,刺舉何施,伏乞割臨涇屬當州二古。」從之。

鄜 州 鄜 城縣 梁開平三年四月, 改爲昭化縣。 後唐同光元年十月, 復爲鄜城縣。 咸寧縣 周顯德三年三月

十日廢。

威州 四年五月, 勅:「靈州方渠鎭宜升爲威州, 禁 麗 武 仍割寧州木波、 馬嶺二 鎭 類之。」 周廣順二年三

魯

月,改爲環州。 顯德四年九月,降爲通遠軍。

衍州 周顯德五年六月,廢爲定平鎮,隸邠州。

武州 周顯德五年六月,廢爲潘源縣,隸渭州。

河東道

絳州 梁開平四年四月,割屬晉州。 後唐同光二年六月,却割屬河中府。

慈州、隰州 後唐 同光二年六月,割隸晉州。

儀州 梁開平三年閏八月,勅:「兗州管內已有沂州,其儀州改爲遼州。」晉天福五年三月,并沁州割隸潞州, 六年

七月,并沁州却隸太原。

解州 漢乾祐元年九月,升解縣爲州,割河中府聞喜、安邑、解三縣爲屬邑。

河中府稷山縣 後唐同光二年正月,割隸絳州。

|慈||州 件城縣、呂 1香縣 周顯德三年三月降。

河 北道

鎭州 後唐同光元年四月,改爲北京,至十一月,却復爲成德縣。

後唐長與三年八月,改爲燕平縣。

滄州長蘆縣、乾符縣 幽州北平縣 周顯德三年十月, 併入清池縣。

無棣縣

周顯德五年,改爲保順軍。

弓高縣

周

顯德六年二月,併入東光縣。

博州武水縣 周顯德三年十月, 併入聊城。

深州 博野縣公司 周顯德四年五月、割隸定州。

澤州 梁開平元年六月,割隸河陽,四年二月二八,却隸潞州。

徳州 晉天福五年十一月,移就長河縣爲理所。

泰州 後唐天成三年三月,升奉化軍為泰州,以清苑縣爲理所二也, 至晉開運二 一年九月, 移就滿城縣。 至周廣順

年二月,廢州,其滿城割隸易州

雄州、 電州周顯德六年五月,以瓦橋關為雄州,割容城 [110]、 歸義二 縣隸之;益津關爲霸州,割文安、大成二 縣

隸之"地望並爲中州,時初平關南故也。

劍南道

蜀州 彭州 唐興縣 唐昌 縣 梁開平二年八月,改爲陶胡縣。 梁開平二年八月,改爲歸化縣。 後唐同光元年十月,復爲唐昌縣 後唐同光元年十月,復爲唐興縣。

志

+

郡

豲

志

二〇一七

二〇二八

江南道

杭州臨安縣梁開平二年正月,改爲安國縣。

福州閩淸縣 梁乾化元年十月,移就梅溪場置。

蘇州吳江縣 梁開平三年閏八月,兩浙奏,於吳松江置縣 [1]]。

明州望海縣梁開平三年閏八月,兩浙奏置。

處州松楊縣 梁開平四年五月,改爲長松縣。

秀州 晉天福三年十月,兩浙錢元瓘奏,以杭州嘉興縣置。 湘州 **=** 晉天福四年四月,湖南馬希範奏,以湘川縣

置州,仍置淸湘縣,并割灌陽縣隸之。

淮南道

壽州 周顯德 四年, 移于潁州下蔡縣, 仍以 下 蔡縣爲倚郭, 以舊壽州爲壽春縣。 盛 唐縣 梁開平二年八

月,改爲灊山縣。後唐同光元年十月,復爲盛唐。

山南道

梁乾化二年十 月,割隸荆南。 後唐天成二 年五月,却隸襄州。 晉天福五年七月,直屬京,并爲防禦。

後唐天成二年五 月,隸利州。

唐州 慈丘 縣 周顯德三年三月廢

鄧州 臨湍縣 漢乾祐 元年正 月,改爲臨瀬縣(三) 避廟諱也。 菊潭縣、 、向城縣 周顯德三年三月廢。

商州 乾元縣 漢乾祐二年六月,改爲乾祐縣,割隸京兆

呈

襄州 樂鄉 縣 周顯德六年二月,併入宜城。

隴 右 道

並 係鎭將。 秦州 今請以歸化、恕水(云)、五龍、 天水縣、 隴城 縣 後唐長興三年二月,秦州奏:「見管長道、成紀、清水三縣外二〇,有十一 黃土四鎮就歸化鎮復置舊隴城縣 (是), 赤砂、染坊、夕陽、南冶、 鐵務五鎮就赤 鎭(三七), 徴科

砂鎖 復置舊天水縣。 成 州 同谷縣、 其白石、大澤、良恭三鎭割屬長道縣。」從之。 栗亭縣 後唐清泰三年六月,秦州奏:「階州元管將利、福津兩縣

同谷縣 一鎭,其地 ,餘並 一是鎭,便係徵科。 東至泥陽鎭界二十五 今欲 里,北至黃竹路 取成州西南近便鎭分併入同谷縣,其東界四鎭,別 金砂鎭界五十里,南至 興州界三十里, 創 西至白石鎮界 縣者。州西南有府城 白 + 、長豐、魏 里 西南

(三),并無遷鎮(三),成州元管

至 舊階州界砂地嶺 四十五 里。 其三鎭 管界併入同谷縣 (三),廢其鎭額。 州東界有勝仙、泥陽 金砂、栗亭四鎭, 東至鳳州

志

姜瞻鎮界十五里,南至果州界二十里〔三〕,北至高橋三十五里,西至同谷界三十五里,北至秦州界六十七里,欲併其四鎮

地于栗亭縣。 其徵科委縣司,捕盜委鎭司。」從之。

嶺南道

潘 州茂名縣(圖 梁開平元年五月,改爲越裳縣。 至後唐同光元年十月,復爲茂名縣

桂州 純化縣 梁開平元年五月,改爲歸化縣。 後唐同光元年十月,復爲純化縣

邕州 量 **晉天福七年七月,改爲誠州,避廟諱**

溥州 晉開運三年三月,升桂州全義縣爲州,仍改全義縣爲德昌縣, 并割<u>桂州</u>臨川、廣明、義寧等三縣隸之,從湖

南馬希範奏也。

校勘記

(1)新城縣 「城」原作「成」,據殿本、劉本改。

 Ξ 陽武 原作「武陽」,據殿本、劉本改。下文「其陽武、長垣、扶溝、考城等」中一陽武」同。 舊五代

史考異云:「案原本『陽武』訛『武陽』,今據唐書地理志改正

医城縣 「匡」原作「巨」,據殿本、劉本及會應卷二〇、新唐書卷三八地理志改。

鄭州中牟縣陽武縣 「鄭州」原係小字,據會要卷二〇改成大字。「陽武」原作「武陽」,據殿本、劉

本及會要卷二〇改。 中牟、陽武屬鄭州,見新唐書卷三八地理志。

- 至 汴州 原作「曹州」,據殿本及會要卷二〇改。
- 公 鄢陵縣 三字原無,據殿本、劉本、本書卷四梁太祖紀、會要卷二〇補。
- \mathcal{Z} 汝州 原作「許州」,據殿本及會要卷二〇改。

影庫本粘籤云:「輝州,會要訛作『光州』,今從歐陽史職方考改正。」

(十)

輝州

- <u>ハ</u> た い 開平二年 「二」原作「三」,據會要卷二〇、通鑑卷二六四注改。
- $\frac{1}{100}$ 却隸京兆府 「却」字原無,據會要卷二〇補。
- 同州 原作「司州」,據殿本及會要卷二〇改。
- $\stackrel{\frown}{=}$ 華州洛南縣 城縣等大字,今無別本可校,姑仍其舊,附識于此。」 方考,洛南故屬商州,周割屬華州,此本當是脫去洛南沿革小注,又脫去同州郃陽縣、澄城縣、韓 舊五代史考異云:「案此下注文所載韓城、郃陽、澄城等縣,似不相屬,據歐陽史職
- 을 却屬同州 「屬」原作「立」,據殿本及會要卷二〇改。
- 汧 源 縣 影庫本粘籤云:「汧源,會要作『洪源』,今從歐陽史職方考改正。」
- 至 人戶 原作 「捌戶」,據殿本、劉本及會要卷二〇改。

志

+

校

勘

記

□ 6 臨涇 「臨」原作「深」,據殿本及會要卷二○改

呈 博野縣 影庫本粘籤云:「博野,會要作『溥野』,今從歐陽史職方考改正。」

[13] 四年 原作「四月」,據殿本、劉本及會要卷二〇改。

(15) 淸苑縣 「苑」原作「州」,據殿本、劉本及會要卷二○改。

(110) 容城 原作「咨城」,據殿本、劉本及會要卷二〇改。

 \equiv 於吳松江置縣 原作「與吳江、松江置縣」,據殿本及會要卷二改。

湘州 段與秀州下注接寫,文不相屬。 原係小字,據殿本、劉本改成大字。舊五代史考異云:「案湘州二字原本誤作小字,連注文 考唐開元十道圖,潭、鄂等州原隸江南道,應以湘州另爲 條

校,姑仍其舊,附識于此。」會要卷二〇作「全州」。按本書卷七八晉高祖紀天福四年四月亦謂 改 有脫誤。又馬希範奏以湘州改縣, 作大字,其天福四年四月馬希範奏云云作小注,今改正。」影庫本粘籤云:「以秀州置湘州 不應附見江南道末, 疑五代會要傳寫之訛也。 今無別本可 原本

湘州縣爲全州,從馬希範之請也」。

量 盛唐縣 影庫本粘籤云:「盛唐,會要作『成塘』,今從歐陽史職方考改正。」

(三) 臨瀨縣 「臨」字原無,據殿本及會要卷二〇補

量 乾元縣 「元」原作「化」,據會要卷二〇、新唐書卷三七地理志改。 記

清水 原作「天水」,據會要卷二〇改。按下文另有「就赤砂鎮復置舊天水縣」,此當作「淸水」。

(当) 十一鎮 會要卷二〇同,殿本、劉本作「十鎮」。按下文有以歸化等四鎮復置隴城縣, 以赤砂等

五鎭復置天水縣,以白石等三鎮割屬長道縣,共十二鎮。

会 恕水 殿本、劉本及沈校本會要卷二〇同。抄本、殿本會要作「怨水」。

会 隴城縣 「隴」原作「龍」、「縣」字原無,據會要卷二〇改補。

(iiiii) 福津 原作「福州」,據殿本、劉本及會要卷二〇改。

益田 並無遷鎮 殿本、劉本同,殿本會要卷二〇「遷」作「是」,沈校本會要作「巡」。

Cield 三鎭 原作「三嶺」,據殿本改。

Q=> 果州 原作「界州」,據殿本及會要卷二〇改。

(層) 茂名縣 「名」原作「明」,據本書卷三梁太祖紀、冊府卷一八九、新唐書卷四三地理志改。下注

文中「茂名縣」同。

影庫本粉籤云:「邕州,會要作『雍州』,今從歐陽史職方考改正。」

進舊五代史表

多羅質郡王臣永瑢等謹奏,爲舊五代史編次成書恭呈御覽事。

此逸文,寖成墜簡。閱沉淪之已久,信顯晦之有時。 異同足備夫參稽。故以楊大年之淹通,司馬光之精確,無不資其賅貫,據以編摩,求諸列朝 主之事,具有本末,可爲鑒觀。雖值一時風會之衰,體格尙沿於冗弱;而垂千古廢興之迹, 正史之間,實亦劉昫舊書之比。乃徵唐事者並傳天福之本,而考五代者惟行歐陽之書,致 臣等伏案薛居正等所修五代史,原由官撰,成自宋初,以一百五十卷之書,括八姓十三

文勘訂,彙諸家以蒐其放失,臚衆說以補其闕殘,復爲完書,可以繕寫。 總纂官右春坊右庶子臣陸錫熊、翰林院侍讀臣紀昀,纂修官編修臣邵晉涵等,按代分排,隨 帙,首尾略備,篇目可尋。經呵護以偶存,知表章之有待,非當聖世,曷闡成編。臣等謹率同 欽惟我皇上紹繹前聞,網羅羣典,發祕書而讎校,廣四庫之儲藏。欣覯遺篇,因哀散

嚴,相輔而行,偏廢不可。 竊惟五季雖屬閨朝,文獻足徵,治忽宜監。 幸遭逢乎盛際,得煥發其幽光,所裨實多,先睹爲快。臣等已將永 有薛史以綜事蹟之備,有歐史以昭筆削之

進舊五

代史

表

播 敬 於 請 人間 (典 刊 所 諸 祕 錄 殿, 儲乙夜之觀,冀稟折衷於睿鑒。 舊五 頒在學官。 代史, 依目 搜散佚於七百餘年, 編 輯, 勒 一百五十卷, 惟慚疏 廣體裁於二十三史。 謹分裝五 陋,伏侯指揮,謹奏。乾隆四十年七 十八册, 各加考證、粘籤進呈。 著名山之錄,允宜傳

月

經筵 經筵 都 經 筵 筵 部 **(講官刑部** 筵 筵 筵 講 尙 日講起居注官武英殿大學士臣舒赫 日 講 官協 書 講 部 羅 起居注官文華殿大學 和 院 官 辦 碩 官 尚書 仍兼 戶 大 額 右 吏 左 質 學 兵 駙 部 土 都 一等忠勇 錄自影庫本舊五代史) 部 更 左 侍 郡 部尚 御 部侍郎臣 尙 尙 尙 侍 書臣 書臣 公臣 土臣 史臣 王臣永 郞 郞 書臣 書臣 臣 臣 張若溎 宇 敏 英 .程 曹 金 嵇 蔡 王 福 際 秀 景 隆 華 伊 中 安 德 新

二〇二六

編定舊五代史凡例

於梁、唐、晉、漢、周斷代爲書,如陳壽三國志之體,故晁公武讀書志直稱爲詔修梁、唐、晉、 薛史原書體例不可得見。今考其諸臣列傳,多云事見某書,或云某書有傳,知其

漢、周書。 今仍按代分編,以還其舊。

七月, 本紀六十一卷,與玉海所載卷數符合。 割裂,已不可考。 詳核原文,有一年再紀元者,如上有同光元年春正月,下復書同光元年秋 一、薛史本紀沿舊唐書帝紀之體,除授沿革,鉅纖畢書。惟分卷限制爲永樂大典所 知當於七月以後別爲一卷。蓋其體亦仿舊唐書, 通鑑尚沿其例也。 今釐定編次爲

按其年月,條繫件附,釐爲七卷。 <u></u>
元龜諸書徵引薛史者,按條採掇,尚可薈萃。 一、薛史本紀俱全,惟梁太祖紀原帙已闕,其散見各韻者,僅得六十八條。今據册府 謹仿前人取魏澹書、高氏小史補北魏書之例,

唐、晉、漢、周臣傳,其兼涉數代者,則創立雜傳歸之,褒貶謹嚴,於史法最合。 一、五代諸臣,類多歷事數朝,首尾牽連,難於分析。 歐陽修新史以始終從一者入梁、 薛史僅分代

編

定舊五代

史凡例

端 立 傳, 因 而 篇 以專 有論贊, 事 總敍諸人,難以割裂更易,姑仍其舊,以備參考。得失所在,讀史者自能辨 朝及 更事數姓者參差錯列, 賢否混淆, 殊 乖 史體, 此 即其不 及歐史之一

后妃列傳,永樂大典中惟周后妃傳全帙具存,餘多殘闕。 今采五代會要、通鑑 [契

丹國 [志、北夢瑣]言諸 書以補其闕,用雙行分註,不使與本文相混也

列傳中偶 宗室列傳, 有闕文,亦仿此 泳樂大典所載頗多脫闕。 例 今並據册府元龜、 通鑑注諸書采補, 其諸臣

諸 臣 列 傳, 其 有史臣原論者,俱依論中次第排比; 若原論已佚,則考其人之事

以類分編。

見於通 經考異。 薛史標 目, 今悉依仿編 如李茂貞等稱世襲傳, 類,以 還其 舊 見於永樂大與原文, 其楊行密等稱僭偽 傳,

則

4 ?史 (諸志,永樂大典 內 偶 有 殘 闕。 今俱采太平御覽所引薛 史增補 仍節錄 Ŧi. 代會

要諸書分註於下,用備參考。

泳樂大典所載薛史原文, 凡 紀 傳 中 所 載 遼代 人名、 官名, 多有字句脫落 今悉從遼 史索倫 音義舛訛者。 語解改 正 今據前代徵引薛史之書,

爲辨證,詳加案語,以示折衷。 恭爲諸弟,非皆不知其父母名號。又,晉家人傳止書出帝立皇后馮氏,考薛史紀傳,馮氏未 學,故通鑑、歐陽史亦多所取。今並仿裴松之三國志注體例,附見于後。 進,

歐史删去賜名一事,故前後遂如兩人。其餘年月之先後,官爵之遷授,每多互異。今悉 <u>會要、通鑑並同薛史。又,歐史唐家人傳云:太祖有弟四人,曰克讓、克修、克恭、克寧,皆不</u> 續通鑑長編、五代春秋、九國志、十國春秋及宋人說部、文集與五代碑碣尚存者,詳爲考核 立之先,追册張氏爲皇后,而歐史不載。又,張萬進賜名守進,故薛史本紀先書萬進,後書守 知其父母名號。據薛史宗室傳,則克讓爲仲弟,克寧爲季弟,克修爲從父弟、父曰德成,克 各加案語,以資辨證。 <u>馆分紀、錦繡萬花谷、藝文類聚、記纂淵海之類,皆爲參互校訂,庶臻詳備。</u> 如通鑑考異、通鑑注、太平御覽、太平廣記、册府元龜、玉海、筆談、容齋五筆、靑緗雜記、職 一、史家所紀事蹟,流傳互異,彼此各有舛互。今據新舊唐書、東都事略、宋史、遼史、 一、薛史與歐史時有不合,如唐閔帝紀,薛史作明宗第三子,而歐史作第五子,考五代 歐史改修,原據薛史爲本,其間有改易薛史之文而涉筆偶誤者。 陶岳五代史補、王禹偁五代史闕文, 本以補薛史之闕, 雖事多瑣碎, 如章如愚山堂考 要爲有裨史

定舊五代史

凡

二〇二九

以爲十年之類是也。 具,紀載實異,至末年爲相,但書其罷,而了不知其所入歲月,唐明宗在位七年餘,而論贊 巾自廢不當云十餘年,羅紹威傳牙軍相繼不當云二百年之類是也。 有尙沿薛史之舊而未及刊改者。 如吳縝五代史纂誤譏歐史杜曉傳幅 今並各加辨訂於本文

之下, 庶二史異同得失之故, 讀者皆得以考見焉。

(錄自影庫本舊五代史)

發凡, 查諸 實爲此書之萬幸。 薛史遂漸就湮沒。 用之。 恭錄,幷奏摺同刊卷首,以符體式。 請照殿版各史例刊刻,頒行海內,荷蒙聖恩俞鑒,恭候欽定發下,卽交武英殿遵照辦理。 擬仍昔時之稱,標爲舊五代史,俾附二十三史之列,以垂久遠。 五代史之前,文筆雖不及歐之嚴謹,而敍事頗爲詳核,其是非亦不詭于正,司馬光通鑑多採 以便稽考。 [史前俱有原進表文,此書原表久佚,蓮另擬奏摺一通,隨書呈進,俟奉旨允准,即 謹 酌 一倂裝訂,恭呈御覽,伏候訓示。前經臣王際華面奏,此書列之史册,洵足嘉惠藝林, 當時稱爲舊五代史,與歐陽修之本並行,自金章宗泰和間,始專以歐史列之學官,而 一奏:伏查永樂大典散片內所有薛居正等五代史一書,宋開寶中奉詔撰述,在歐陽修 加案語, 但各史俱無 照各史例附考證于本卷之後, 至此紀載該備,足資參考,于讀史者尤有裨益,自宜與劉昫舊唐書並 茲者恭逢聖主,稽古右文,網羅遺佚,獲于零縑斷簡之中, 此例, 刊刻 時擬將各注悉行删 再現在繕本,因係採葺 合倂聲明。 去, 成書,于每段下附注原書卷目, 俾與諸史畫一。其有 謹奉奏。 謹將全書五十八本、校勘、 乾隆四十九年十月恭 蒐輯完備, 必 應 核 傳, 再

照

總纂官臣紀

昀

臣陸錫熊

臣孫士毅

(錄自文津閣本舊五代史) 總校官臣陸費墀

彭元瑞

句,不沒其實也。四庫全書本如此,後武英殿鐫本遂盡删之。曾屢爭之總裁,不見聽,於是 泳樂大典散篇緝成之書,以此爲最,以其注明大典卷數及採補書名、卷數,具知存闕章

舊五代史鈔本題跋

薛氏眞面目不可尋究矣。幸鈔存此本,不可廢也。庚戌春芸楣記。

(錄自彭校本舊五代史)

孔葒谷校薛居正五代史跋

章鈺

勘出孔葒谷手。以官本對勘,知稿本、官本大別有三:: 人口者也。壬子九月,羣碧樓收得邵氏本一帙,檢一百三十一卷、一百五十卷後,觀款知校 薛居正五代史從泳樂大典輯出,經武英殿刊行時改動, 已失邵二雲稿本面目, 此熟在

類,不可枚舉。其尤關考證者,「黑水靺鞨」下原作「俗皆辮髮,性凶悍」改爲「俗尙質樸,性 猛悍」,此皆館臣避忌太過,奮筆妄改使然。 麗」,一百三十七卷「種落賤類」改「生長邊地」、「亂華」改「闢地」、「殺胡林」改「殺虎林」之 丹」,九十八卷「虜母」改「國母」,一百七卷「契丹犯闕」改「去汴」,一百二十卷「東夷」改「高 一、正文經官本改易也。如十卷「犬羊猾夏」改「邊裔狡逞」,九十五卷「腥羶」改「契

贊,六十七卷趙鳳傳缺兩節,淳于晏傳全缺,七十三卷聶嶼傳缺一節,七十七卷卷尾缺七十 十八卷張礪傳缺三節並缺贊,一百二十八卷裴羽傳全缺,此必邵氏一人搜采未全,經館臣 七字,八十七卷晉宗室贇傳全缺,九十三卷尹玉羽傳缺兩節,九十六卷孔崇弼傳缺三節,九 一、正文之互有出入也。稿本無而官本有者,如二十一卷賀德倫傳全缺,六十三卷缺

此必邵氏一時有未照處,經館臣復檢大典改正也。 此,殊未畫一。又九十一卷安重威傳、九十二卷裴皡傳,稿本下半均同歐陽史,官本則否。 文、大典已燬、賴此而存,可謂至寶。 復檢大典補入。稿本有而官本無者,如九十二卷崔居儉傳、九十六卷鄭元素傳二篇,崔傳 官本不取。邵氏於大典所缺薛史,均采近鑢補入,例見第一卷梁太祖紀下。官本刊彼舍 係歐陽公五代史記本文,邵氏誤收,官本删去是也;鄭傳則係官本脫去,此爲薛史全篇佚 至九十八卷張礪傳,稿本復據册府元龜補八十二字,

除之未盡者。官本則於卷數及删府元龜卷數全行刊去。考證異同語,稿本隨文列入,官本 部、說部至七八十種之多,附注文下,以備參考。官本或采或删,不甚明其去取之故。 旣另編考證,僅收十之五六,其餘則出他手,非邵氏原文。邵氏略仿裴松之三國志例,收史 <u>楊文公談苑、儒林公議、石林燕語、厚德錄、張方平集、花蕊宮詞則全行删去,失邵氏本意。</u> 凝式及馬希範兩注則删去將萬字,若邵氏所采五代通錄、東都事略、文苑英華、古今事類、 二三頁至四頁諸條揣之,意邵氏初稿丼記[大典頁數,定本方删頁數而存卷數,此數條係删 一、卷數、考證及所采各書經官本删削也。以一百四十三卷注大典卷一萬七千五十

書時,尙非據邵二雲原稿,故第一卷校語云「按語有脫」,凡兩見;二十五卷注「案新考舊」 彭文勤注歐陽五代史記,蒐采富有,爲史注佳本,實邵氏之引其端也。惟孔戶部校此

二〇三六

先比將有遼海之游, 稿本此本外尚有傳鈔,恨未之見以資訂補也。 匹 字,顯有脫誤,孔校亦未校補。邵位西批四庫目云:「廠肆見鈔本,有讀易樓 瀕發又出宋本班、范書借江安傅沅叔、保山吳偶能與余分校, 竭兩月之力,對讀卒業,撮 陳大概 印記。」是邵氏 如 通懷樂 此。 孝

善,視流通古書之約,抑又過之。附志於後,用銘嘉貺。

(錄自章旣過錄孔校本舊五代史題記)

是年臘八,長洲章鈺

影庫本舊五代史熊跋

未繡梓,定本則闐其無聞焉。 末。聚珍鏤木,一再印造。後之席刻、陳刻、武昌局刻暨海上諸影印,靡不因此。傳鈔本迄 官,館臣取此本重加案語,籤附書眉,足成定本,交武英殿刊布。當事者輒將出處删去,因 旁摭他書緝補之,標明出處,間附考訂,分注當條之下,閣本、傳鈔本並如此。 而塗改正文,牽就聯屬,竄易字句,強作解事,又裁截分注,節鈔案語,通名考證,移置卷 薛居正等舊五代史,元、明來傳本久絕。乾隆中,四庫館從永樂大典錄出,其有闕佚, 嗣以列在學

孤存天壤,上下百餘歲,朔南數千里,風霜兵燹,歷扨幾何,流轉播棄,終歸完璧,非在在處 藏之。取勘衆本,屬在增删竄竊,并有明徵。一以參詳,愈覺大訓天球,莫名寶貴。惟此本 處有神物護持,胡能有濟。長此以往,浸假酒造俄空,樂經泯絕,心竊疚焉。 余囊於鄉曲獲見一本,朱絲黃帙,字畫謹嚴,粘籤甲乙,燦焉具備,審是武英舊物,亟購

是故子夏之易,更別於張弧;素問之篇,反多於太僕。今館臣定著之不傳,亦博士本經之 夫中書秘而古文興, 曲臺删而周官作, 金貨私行, 漆書賄合, 歧之中又有歧, 類如此矣。

之僅存,俾得有與於斯文之未喪,其於後死之義,或無愧焉。 奪,載在茲編,端緒棼如,即宋槧今存,仍艱董理,一誤再誤,何所持循。 矧乃禍亂有由,率 隨相續起而僞之乎?烏乎!五季晦盲否塞,其事迹縱無與經典之尊,徒以數十年爭民施 謹識於京師之豐城南館。 後耶!不揆綿薄,輒復掩卷旁皇,願書萬本,庶幾流布,無忘眞面。方聞君子,倘幸其史闕 起於是非之相質,十國紛更,誰司信讞,殷鑒不遠,來軫方遒,尤不能不核歸正塙,以懲前 亡失,空穴來風,如塗塗附,國師善僞,安必杜、劉、賈、馬之餘,更無有張霸、豐坊、蘇愉、枚 太歲辛酉夏四月,譯元熊羅宿 毖

錄自影庫本舊五代史附錄)

影印內鈔舊五代史緣起

之。曾屢爭之總裁,不見聽,於是薛氏眞面目不可尋究,後人引用多致誤矣。幸鈔存此本, 及採補書名、卷數,具知存闕章句,不沒其實也。四庫全書本如此,後武英殿鐫本遂盡删 彭文勤公知聖道齋讀書跋云:「永樂大典散篇輯成之書,以此爲最,以其注明大典卷數

不可廢也。」

倒竄易者,卷五梁太祖紀「已亥,以司門郎中羅廷規」云云改作「己亥,以羅周翰」云云,卷二 等下添入「率其屬」三字,卷六十七趙鳳傳「莊宗卽位,拜中書舍人」句下橫插「及入汴」云云 章」句上添凑「封鎭東軍神祠爲崇福侯」十字,卷三十八明宗紀「契丹遣使摩琳等來乞通和」 美傳「雖行行捶楚」删作「雖行捶楚」,卷九十六季郁傳後删去鄭玄素傳一篇,卷九十八張礪 八十字,卷七十三聶嶼傳「珏懼,俾俱成名」句下增入「漸爲拾遺」云云七十餘字是也。 (傳末删去册府元龜所引八十餘字是也。有憑臆增附者,卷三梁太祖紀「浙西奏,道門威儀鄭 下删去「而明宗已及汴」六字,「還洛陽遇弒」句上删去「至汴西不得入」六字,卷九十三李專 今按殿刊本變亂原書,所在皆是。有任意删削者,卷六十一西方鄴傳「鄴無如之何」句 有顚

影

傳「所殘 末帝紀 路羣羌」,卷六十四王晏球傳「晏球隔門窺兵亂」,「兵亂」字互倒,卷九十一安彥威傳「明宗 浙、福建、廣州、南安、邕容等道使,到發許任一月」,「任」改「住」,「南安」改「安南」,卷十梁 議唐少帝諡」是也。 將,所至以 信」改作「元信乃起謝」,安重霸傳「重霸出秦州,以金帛賂羣羌」改作「重霸出秦州金帛,以 六十李襲吉傳「盡反中年」,「反」改「及」,卷六十三張全義傳「而不溺枉道」,「枉」改「左」 「明」改「順」; 「任」改「在」,「列」改「例」,又「輪次轉對 愛之,及領 關一; 輸農器錢一 辺 李珽傳「珽其夕爲亂兵所傷」改作「珽爲亂兵所傷其夕」,卷六十一安元信傳「乃起謝元 卷二十七莊宗紀「遂入黎陽」,「入」改「攻」,卷三十一莊宗紀「卽具闕申送」,「闕」改 卷三十三莊宗紀「何怯由衷之說」,「怯」改「恡」,卷三十七明宗紀「旣任維 「以都點檢諸 者存審 謹 諸鎭節鉞,彥威常爲牙將,以謹厚見信」改作「明宗愛之,累歷藩鎭,彥威常爲衙 文五 厚見稱」,卷百四十三禮志「太常定唐少帝爲昭宣光烈孝皇帝」改作「太常寺定 卷三十九明宗紀「於秋苗上紁徵麴價」,「紁徵」改「徵納」, 耳」,「殘」改「存」; 分」,「文」改「錢」; 又如卷三梁太祖紀「貽矩日,殿下功德及人」,「殿」改「陛」;「自今後兩 司法物使」,「點檢」 卷五 卷五 + 奏事」 改 一十三季存信傳「公姑二矣」,「姑」改「始」; 五蓋寓傳「必佯佐其怒以責之」,「佯」改「倂」; 「檢點」; 改「輪次轉奏封事」,「盧文進 卷十 五韓建傳「路出南山」改「路出山 卷 率戶 四十二明宗紀 城之列」 口 李存賢 歸 明,

於殘闕之餘,仍見厄於校刊之謬,豈非恨事!用特舉所藏武英殿原鈔正本,購機影印,務在

殿大藩」,「殿」改「典」;卷六十七章說傳「接皇都弭難之初」,「接」改「藉」,「初」改「功」;卷 卷六十六康義誠傳「以弓馬事秦王以自結」改作「以弓馬事秦王,冀自保全」,宋令詢傳「連 所安,謂前文有誤,與夫戎王盡作契丹,編髮俱爲避易,武斷害理,未易更僕。 改「陷」;卷百廿九齊藏珍傳「不失再去矣」,「失」改「妨」;卷百卅三世襲傳「老父起自諸 改「握」;卷百十五周世宗紀「州府」改「府州」;卷百廿三高行周傳「以北邊隣契丹」,「隣」 (頸傳「遂與連騎以還」改「漢筠促騎以還」;卷九十八安重榮傳「聞昨奉宣頭」,「頭」改「諭」; <u>徐節傳「我爲廉察」,「爲」改「之」;陸思繹傳「隨衆來降」,「隨衆」改「以例」;卷九十四高漢</u> 下談者未有比」,「比」下添「類」字,卷八十九般鵬傳「所得除目」,「除」改「詞」,卷九十馬 八十一晉少帝紀「河南府奏、飛蝗大下」、「河南府」改「開封府」、卷八十八史匡翰傳「恐天 行得期之數」,「百者數之節也」,「百」改「法」,「蓋尙慊其中」,「慊」改「嫌」,「使日月之軌」, 都」改「父老起自諸都」;卷百四十曆志「欽若上天」,「天」改「穹」,又「五之得春之數」改「五 卷百二漢隱帝紀「以華州節度使郭從義奏」,「以」改「徙」,卷百八李崧傳「方權兵柄」,「權」 「之」改「一」,「便言曆有九曜」改「便言曆者有九道」。此外以傖父之見,改爾雅之詞,據習俗 竊以爲五季徵文,歐史旣不如薛史之眞,是新、舊兩行,自必以舊書爲正。 **佘何幸蒐集**

焉。

纖悉不差,嚴然法物,併將粘籤及批校各條,彙印附後,俾讀是書者得見文勤之所謂眞面目

(錄自影庫本舊五代史附錄)

